

အင်္ဂုတ္တိုရ်ပါဠိတော်

ပဉ္စကနိပါတ်


၃၁၂
၁၆

ပြည်ထောင်စု ဆိုရှယ်လစ်သမ္မတ မြန်မာနိုင်ငံတော်
ပြည်ထဲရေးနှင့် သာသနာရေးဝန်ကြီးဌာန
သာသနာရေးဦးစီးဌာနမှ ကျင်းပသော ပါဠိပဌမပြန် စာမေးပွဲ

တိတန်းအတွက် ဘာသာပြန်ကျမ်းစာ

ဥ ဝ င ဂ ဝ အဝိတ္တရပါဠိတော် တေတေ

မဇ္ဇိမနိပါတ်-ဆက္ကနိပါတ်



မရမရဌေ သာသနိကပုမ္မဋ္ဌာန
မုဒ္ဒိကယန္တရာယေ မုဒ္ဒိပိတာ

ရန်ကုန်မြို့ ကမ္ဘာအေး သာသနာရေးဦးစီးဌာန
ပုံနှိပ်ထုတ်ဝေမှုနှင့် ဒုတိယ ဆွန်ကြားရေးမှူး ဦးမြင့်မောင်
မှတ်ပုံတင်အမှတ် (၀၂၄၀၅/၀၂၂၇) က ပုံနှိပ်ထုတ်ဝေသည်။

မဇ္ဇိမနိပါတ်တော်

မာထိကာ

ပိဋက

၄-စတုတ္ထပဏ္ဏာသက

၁-ဥပါသကဝဂ္ဂ

၁-၃-သာရဇ္ဇသုတ္တာဒိ	၁၇၈-၉
၄-ဝေရသုတ္တ	၁၈၀
၅-စန္ဒာလသုတ္တ	၁၈၁
၆-ပိတိသုတ္တ	၁၈၂
၇-ဝဏိဇ္ဇာသုတ္တ	၁၈၃
၈-ရာဇာသုတ္တ	၁၈၃
၉-ဂိဟိသုတ္တ	၁၈၆
၁၀-ဂဝေသီသုတ္တ	၁၈၉

၂-အရညဝဂ္ဂ

၁-၁၀-အာရညိကသုတ္တာဒိ	၁၉၃-၅
---------------------	------	------	-------

၃-ဗြာဟ္မဏဝဂ္ဂ

၁-သောဏသုတ္တ	၁၉၅
၂-ဒေါဏဗြာဟ္မဏသုတ္တ	၁၉၆
၃-သင်္ဂါရဝသုတ္တ	၂၀၂
၄-ကာရဏပါလီသုတ္တ	၂၀၆
၅-ပိဂီယာနီသုတ္တ	၂၀၈
၆-မဟာသုပိနသုတ္တ	၂၀၉
၇-ဝဿသုတ္တ	၂၁၂
၈-ဝါစာသုတ္တ	၂၁၃
၉-ကုလသုတ္တ	၂၁၃
၁၀-နိဿာရဏီယသုတ္တ	၂၁၄

ဓာတ်က

ပိဋက

၄-ကိမ္ဗိလဝဂ္ဂ

၁-ကိမ္ဗိလသုတ္တ	၂၁၆
၂-၄-ဓမ္မဿဝနသုတ္တဘိ	၂၁၆-၇
၅-စေတောဒိလသုတ္တ	၂၁၇
၆-ဝိနိဗန္ဓသုတ္တ	၂၁၈
၇-ယာဂသုတ္တ	၂၁၈
၈-ဒန္တကဋ္ဌသုတ္တ	၂၁၉
၉-ဂီတဿရယုတ္တ	၂၁၉
၁၀-မုဋ္ဌဿတိသုတ္တ	၂၁၉

၅-အက္ခောသကဝဂ္ဂ

၁-၂-အက္ခောသကသုတ္တဘိ	၂၂၀
၃-သီလသုတ္တ	၂၂၁
၄-ဗဟုဘာဏိသုတ္တ	၂၂၂
၅-၆-အက္ခန္တိကသုတ္တဒ္ဓယ	၂၂၂
၇-၈-အပါသဒိကသုတ္တ	၂၂၃
၉-အဂ္ဂိသုတ္တ	၂၂၄
၁၀-မရရာသုတ္တ	၂၂၄

၆-ဒီဃစာရိကဝဂ္ဂ

၁-၂-ဒီဃစာရိကသုတ္တဒ္ဓယ	၂၂၄-၅
၃-၄-အတိနိဝါသသုတ္တဒ္ဓယ	၂၂၅
၅-၆-ကုလူပကသုတ္တဒ္ဓယ	၂၂၆
၇-ဘောဂသုတ္တ	၂၂၆
၈-ဥဿုရဘတ္တသုတ္တ	၂၂၇
၉-၁၀-ကဏ္ဍသပ္ပသုတ္တဒ္ဓယ	၂၂၇

မာတိကာ

ပိဋက

၇-အာဝါသိကဝဂ္ဂ

၁-အာဝါသိကသုတ္တ	၂၂၈
၂-၁၀-ပိယသုတ္တာဒိ	၂၂၉-၂၃၂

၈-ဒုစ္စရိတဝဂ္ဂ

၁-၈-ဒုစ္စရိတသုတ္တာနိ	၂၃၃-၄
၉-သိဝထိကသုတ္တ	၂၃၅
၁၀-ပုဂ္ဂလပ္ပသာဒသုတ္တ	၂၃၆

၉-ဥပသမ္ပဒါဝဂ္ဂ

၁-၃-ဥပသမ္ပာဒေတဗ္ဗသုတ္တာဒိ	၂၃၈
၄-၅-မစ္ဆရိယသုတ္တဒ္ဓယ	၂၃၈-၉
၆-၂၁-ပဌမဇ္ဈာနသုတ္တာဒိ	၂၃၉-၂၄၀

၁၀-သမ္ပုတိပေယျာလ

၁-၁၄-ဘတ္တုဒ္ဓေသကသုတ္တာဒိ	၂၄၀-၁
--------------------------	------	------	-------

၁၁-သိက္ခာပဒပေယျာလ

၁-၁၇-ဘိက္ခုသုတ္တာဒိ	၂၄၃-၄
---------------------	------	------	-------

၁၂-ရာဂပေယျာလ

ပဌမသုတ္တာဒိ	၂၄၄
-------------	------	------	-----

ပဉ္စကနိပါတ်ပါဠိမာတိကာ နိဋ္ဌိတာ။

ဆက္ကနိပါတ်ပါဠိ

မာတိကာ

ပိဋကံ

၁-ပဌမပဏ္ဏာသက

၁-အာဟုနေယျဝဂ္ဂ

၁-၂-အာဟုနေယျသုတ္တဒ္ဓယ	၂၄၇-၈
၃-၄-ဣန္ဒြိယဗလသုတ္တာနိ	၂၄၉
၅-၇-ပဌမအာဇာနိယသုတ္တာနိ	၂၅၀
၈-၉-အနုတ္တရိယသုတ္တာဒိ	၂၅၁
၁၀-မဟာနာမသုတ္တ	၂၅၁

၂-သာရဏီယဝဂ္ဂ

၁-၂-သာရဏီယသုတ္တဒ္ဓယ	၂၅၅
၃-နိဿာရဏီယသုတ္တ	၂၅၆-၇
၄-ဘဒ္ဒကသုတ္တ	၂၅၉
၅-အနုတပ္ပိယသုတ္တ	၂၆၀
၆-နကုလပိတုသုတ္တ	၂၆၁
၇-သောပ္ပသုတ္တ	၂၆၄
၈-မစ္ဆဗန္ဓသုတ္တ	၂၆၆
၉-၁၀-မရဏဿတိသုတ္တဒ္ဓယ	၂၆၈-၂၇၀

၃-အနုတ္တရိယဝဂ္ဂ

၁-သာမကသုတ္တ	၂၇၂
၂-၄-အပရိဟာနိယသုတ္တာဒိ	၂၇၄-၅
၅-အနုဿတိဋ္ဌာနသုတ္တ	၂၇၅
၆-မဟာကစ္စာနသုတ္တ	၂၇၇
၈-၇-သမယသုတ္တဒ္ဓယ	၂၇၉-၂၈၂

မာတိကာ			ပိဋက
၉-ဥဒါယိသုတ္တ	၂၈၄
၁၀-အနုတ္တရိယသုတ္တ	၂၈၆
၄-ဒေဝတာဝဂ္ဂ			
၁-သေခသုတ္တ	၂၉၀
၂-ဥ-အပရိဟာနသုတ္တဘိ	၂၉၀-၁
၄-၅-မဟာမောဂ္ဂလ္လာနသုတ္တဘိ	၂၉၁
၅-ဝိဇ္ဇာဘာဂိယသုတ္တ	၂၉၄
၆-ဝိဝါဒမူလသုတ္တ	၂၉၄
၇-ဆဋ္ဌင်္ဂဒါနသုတ္တ	၂၉၅
၈-အတ္တကာရီသုတ္တ	၂၉၆
၉-နိဒါနသုတ္တ	၂၉၇
၁၀-ကိမ္ဗိလသုတ္တ	၂၉၈
၁၁-ဒါရုက္ခန္ဓသုတ္တ	၂၉၉
၁၂-နာဂိတသုတ္တ	၂၉၉

(၁၈) ၃-ဥပါသကဝဂ္ဂ

၁-သာရဇ္ဇသုတ္တ

၁၇၁။ ဧဝံ မေ သုတံ—ဧကံ သမယံ ဘဂဝါ သာဝတ္ထိယံ ဝိဟရတိ
ဇေတဝနေ အနာထပိဏ္ဍိကဿ အာရာမေ။ တတြ ခေါ ဘဂဝါ ဘိက္ခု။
အာမန္တေသိ “ဘိက္ခုဝေါ”တိ။ “ဘဒန္တေ”တိ တေ ဘိက္ခု။ ဘဂဝတော
ပစ္စယောသုံ။ ဘဂဝါ ဧတဒဝေါစ—

ပဉ္စဟိ ဘိက္ခုဝေ ဓမ္မေဟိ သမန္ဓာဂတော ဥပါသကော သာရဇ္ဇံ ဩက္ကန္တော
ဟောတိ။ ကတမေဟိ ပဉ္စဟိ? ပါဏာတိပါတိ ဟောတိ၊ အဒိန္နာဒါယိ ဟောတိ၊
ကာမေသုမိစ္ဆာစာရီ ဟောတိ၊ မုသာဝါဒီ ဟောတိ၊ သုရာမေရယမဇ္ဇပမာဒဋ္ဌာယိ
ဟောတိ။ ဣမေဟိ ခေါ ဘိက္ခုဝေ ပဉ္စဟိ ဓမ္မေဟိ သမန္ဓာဂတော ဥပါသကော
သာရဇ္ဇံ ဩက္ကန္တော ဟောတိ။

ပဉ္စဟိ ဘိက္ခဝေ ဓမ္မေဟိ သမန္ဓာဂတော ဥပါသကော ဝိသာရဒေါ ဟောတိ။
ကတမေဟိ ပဉ္စဟိ? ပါဏာတိပါတာ ပဋိဝိရတော ဟောတိ။ အဒိန္နာဒါနာ
ပဋိဝိရတော ဟောတိ။ ကာမေသုမိစ္ဆာစာရာ ပဋိဝိရတော ဟောတိ။ မုသာဝါဒါ
ပဋိဝိရတော ဟောတိ။ သုရာမေရယမဇ္ဇပမာဒဋ္ဌာနာ ပဋိဝိရတော ဟောတိ။
ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော ဥပါသကော ဝိသာရဒေါ
ဟောတိတိ။ ။ပဌမံ။

၂-ဝိသာရဒသုတ္တ

၁၇၂။ ပဉ္စဟိ ဘိက္ခဝေ ဓမ္မေဟိ သမန္ဓာဂတော ဥပါသကော အဝိသာရဒေါ
အဂါရံ အဇ္ဈာဝသတိ။ ကတမေဟိ ပဉ္စဟိ? ပါဏာတိပါတီ ဟောတိ။ ပ။
သုရာမေရယမဇ္ဇပမာဒဋ္ဌာယီ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ
သမန္ဓာဂတော ဥပါသကော အဝိသာရဒေါ အဂါရံ အဇ္ဈာဝသတိ။

ပဉ္စဟိ ဘိက္ခဝေ ဓမ္မေဟိ သမန္ဓာဂတော ဥပါသကော ဝိသာရဒေါ အဂါရံ
အဇ္ဈာဝသတိ။ ကတမေဟိ ပဉ္စဟိ? ပါဏာတိပါတာ ပဋိဝိရတော ဟောတိ။ ပ။
သုရာမေရယမဇ္ဇပမာဒဋ္ဌာနာ ပဋိဝိရတော ဟောတိ။ ဣမေဟိ ခေါ
ဘိက္ခဝေ ပဉ္စဟိ ဓမ္မေဟိ သမန္ဓာဂတော ဥပါသကော ဝိသာရဒေါ အဂါရံ
အဇ္ဈာဝသတိတိ။ ။ဒုတိယံ။

၃-နိရယသုတ္တ

၁၇၃။ ပဉ္စဟိ ဘိက္ခဝေ ဓမ္မေဟိ သမန္ဓာဂတော ဥပါသကော ယထာဘတံ
နိက္ခိတ္တော ဧဝံ နိရယေ။ ကတမေဟိ ပဉ္စဟိ? ပါဏာတိပါတီ ဟောတိ။ ပ။
သုရာမေရယမဇ္ဇပမာဒဋ္ဌာယီ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ
သမန္ဓာဂတော ဥပါသကော ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္ဓာဂတော ဥပါသကော ယထာဘတံ
နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? ပါဏာတိပါတာ ပဋိဝိရတော
ဟောတိ။ ပ။ သုရာမေရယမဇ္ဇပမာဒဋ္ဌာနာ ပဋိဝိရတော ဟောတိ။ ဣမေဟိ
ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော ဥပါသကော ယထာဘတံ
နိက္ခိတ္တော ဧဝံ သဂ္ဂတိ။ ။တတိယံ။

၄-ဝေရသုတ္တ

၁၇၄။ အထ ခေါ် အနာထပိဏ္ဍိကော ဂဟပတိ ယေန ဘဂဝါ တေနုပ-
သင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိဿိဒိ၊ ဧကမန္တံ
နိဿိန္တံ ခေါ် အနာထပိဏ္ဍိကံ ဂဟပတိ ဘဂဝါ တေဒဝေါစ—

ပဉ္စ ဂဟပတိ ဘယာနိ ဝေရာနိ အပ္ပဟာယ “ဒုဿီလော”ဣတိ ဝုစ္စတိ၊
နိရယဉ္စ ဥပပဇ္ဇတိ။ ကတမာနိ ပဉ္စ? ပါဏာတိပါတံ အဒိန္နာဒါနံ ကာမေသု-
မိစ္ဆာစာရံ မုသာဝါဒံ သုရာမေရယမဇ္ဇပမာဒဋ္ဌာနံ။ ဣမာနိ ခေါ် ဂဟပတိ
ပဉ္စ ဘယာနိ ဝေရာနိ အပ္ပဟာယ “ဒုဿီလော”ဣတိ ဝုစ္စတိ၊ နိရယဉ္စ ဥပပဇ္ဇတိ။

ပဉ္စ ဂဟပတိ ဘယာနိ ဝေရာနိ ပဟာယ “သီလဝါ”ဣတိ ဝုစ္စတိ၊ သုဂတိဉ္စ
ဥပပဇ္ဇတိ။ ကတမာနိ ပဉ္စ? ပါဏာတိပါတံ အဒိန္နာဒါနံ ကာမေသုမိစ္ဆာစာရံ
မုသာဝါဒံ သုရာမေရယမဇ္ဇပမာဒဋ္ဌာနံ။ ဣမာနိ ခေါ် ဂဟပတိ ပဉ္စ ဘယာနိ
ဝေရာနိ ပဟာယ “သီလဝါ”ဣတိ ဝုစ္စတိ၊ သုဂတိဉ္စ ဥပပဇ္ဇတိ။

ယံ ဂဟပတိ ပါဏာတိပါတီ ပါဏာတိပါတပစ္စယာ ဒိဋ္ဌဓမ္မိကမ္ပိ ဘယံ
ဝေရံ ပသဝတိ၊ သမ္ပရာယိကမ္ပိ ဘယံ ဝေရံ ပသဝတိ၊ စေတသိကမ္ပိ ဒုက္ခံ
ဒေါမနဿံ ပဋိသံဝေဒေတိ။ ပါဏာတိပါတာ ပဋိဝိရတော နေဝ ဒိဋ္ဌဓမ္မိကံ
ဘယံ ဝေရံ ပသဝတိ၊ န သမ္ပရာယိကံ ဘယံ ဝေရံ ပသဝတိ၊ န စေတသိကံ
ဒုက္ခံ ဒေါမနဿံ ပဋိသံဝေဒေတိ။ ပါဏာတိပါတာ ပဋိဝိရတဿ ဧဝံ တံ
ဘယံ ဝေရံ ဝုပသန္တံ ဟောတိ။

ယံ ဂဟပတိ အဒိန္နာဒါယီ။ ပ။

ယံ ဂဟပတိ ကာမေသုမိစ္ဆာစာရီ။ ပ။

ယံ ဂဟပတိ မုသာဝါဒီ။ ပ။

ယံ ဂဟပတိ သုရာမေရယမဇ္ဇပမာဒဋ္ဌာယိ သုရာမေရယမဇ္ဇပမာဒဋ္ဌာန-
ပစ္စယာ ဒိဋ္ဌဓမ္မိကမ္ပိ ဘယံ ဝေရံ ပသဝတိ၊ သမ္ပရာယိကမ္ပိ ဘယံ ဝေရံ ပသဝတိ၊
စေတသိကမ္ပိ ဒုက္ခံ ဒေါမနဿံ ပဋိသံဝေဒေတိ။ သုရာမေရယမဇ္ဇပမာဒဋ္ဌာနာ
ပဋိဝိရတော နေဝ ဒိဋ္ဌဓမ္မိကံ ဘယံ ဝေရံ ပသဝတိ၊ န သမ္ပရာယိကံ ဘယံ
ဝေရံ ပသဝတိ၊ န စေတသိကံ ဒုက္ခံ ဒေါမနဿံ ပဋိသံဝေဒေတိ။ သုရာ-
မေရယမဇ္ဇပမာဒဋ္ဌာနာ ပဋိဝိရတဿ ဧဝံ တံ ဘယံ ဝေရံ ဝုပသန္တံ ဟောတိ။

ယော ပါဏမတိပါတေတိ၊ မုသာဝါဒဉ္စ ဘာသတိ။
လောကေ အဒိန္နံ အာဒိယတိ၊ ပရဒါရဉ္စ ဂစ္ဆတိ။
သုရာမေရယပါနဉ္စ၊ ယော နရော အနုယုဉ္စတိ။

အပ္ပဟာယ ပဉ္စ ဝေရာနိ၊ “ဒုဿီလော” ဣတိ ဝုစ္ဆတိ။
ကာယဿ ဘေဒါ ဒုပ္ပညော၊ နိရယံ သောပပဇ္ဇတိ။

ယော ပါဏံ နာတိပါတေတိ၊ မုသာဝါဒံ န ဘာသတိ။
လောကေ အဒိန္နံ နာဒိယတိ၊ ပရဒါရံ န ဂစ္ဆတိ။
သုရာမေရယပါနဉ္စ၊ ယော နရော နာနုယုဉ္စတိ။

ပဟာယ ပဉ္စ ဝေရာနိ၊ “သီလဝါ” ဣတိ ဝုစ္ဆတိ။
ကာယဿ ဘေဒါ သပ္ပညော၊ သုဂတိံ သောပပဇ္ဇတိ။

စတုတ္ထံ။

၅-စဏ္ဍာလသုတ္တ

၁၇၅။ ပဉ္စဟိ ဘိက္ခဝေ ဓမ္မေဟိ သမန္နာဂတော ဥပါသကော ဥပါသက-
စဏ္ဍာလော စ ဟောတိ ဥပါသကမလဉ္စ ဥပါသကပတိကုဋ္ဌော စ။
ကတမေဟိ ပဉ္စဟိ? အဿဒ္ဓေါ ဟောတိ၊ ဒုဿီလော ဟောတိ၊ ကောတူဟလ-
မင်္ဂလိကော ဟောတိ၊ မင်္ဂလံ ပစ္စေတိ နော ကမ္ပံ၊ ဣတော စ ဗဟိဒ္ဓါ
ဒက္ခိဏေယျံ ဂဝေသတိ၊ တတ္ထ စ ပုဗ္ဗကာရံ ကရေတိ။ ဣမေဟိ ခေါ
ဘိက္ခဝေ ပဉ္စဟိ ဓမ္မေဟိ သမန္နာဂတော ဥပါသကော ဥပါသကစဏ္ဍာလော
စ ဟောတိ ဥပါသကမလဉ္စ ဥပါသကပတိကုဋ္ဌော စ။

ပဉ္စဟိ ဘိက္ခဝေ ဓမ္မေဟိ သမန္နာဂတော ဥပါသကော ဥပါသကရတနဉ္စ
ဟောတိ ဥပါသကပဒုမဉ္စ ဥပါသကပုဏ္ဏရိကဉ္စ။ ကတမေဟိ ပဉ္စဟိ? သဒ္ဓေါ
ဟောတိ၊ သီလဝါ ဟောတိ၊ အကောတူဟလမင်္ဂလိကော ဟောတိ၊ ကမ္ပံ
ပစ္စေတိ နော မင်္ဂလံ၊ န ဣတော ဗဟိဒ္ဓါ ဒက္ခိဏေယျံ ဂဝေသတိ၊ ဣစ စ
ပုဗ္ဗကာရံ ကရေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော
ဥပါသကော ဥပါသကရတနဉ္စ ဟောတိ ဥပါသကပဒုမဉ္စ ဥပါသက-
ပုဏ္ဏရိကဉ္စတိ။ ။ပဉ္စမံ။

၆-ဝိတိသုတ္တ

၁၇၆။ အထ ခေါ် အနာထပိဏ္ဍိကော ဂဟပတိ ပဉ္စမတ္တေဟိ ဥပါသက-
သတေဟိ ပရိဝုတော ယေန ဘဂဝါ တေနုပသင်္ကမိ၊ ဥပသင်္ကမိတွာ
ဘဂဝန္တံ အဘိဝါဒေတွာ ဧကမန္တံ နိဿိဒိ။ ဧကမန္တံ နိဿိန္တံ ခေါ
အနာထပိဏ္ဍိကံ ဂဟပတိ ဘဂဝါ ဧတဒဝေါစ—

တုမှေ ခေါ် ဂဟပတိ ဘိက္ခုသံဃံ ပစ္စုပဋ္ဌိတာ စိဝရိပ္ပဏ္ဍပါတသေနာသန-
ဂိလာနပ္ပစ္စယဘောသဇ္ဇပရိက္ခာရေန။ န ခေါ် ဂဟပတိ တာဝတကေနေဝ
တုဋ္ဌိ ကရဏီယာ “မယံ ဘိက္ခုသံဃံ ပစ္စုပဋ္ဌိတာ စိဝရိပ္ပဏ္ဍပါတသေနာသန-
ဂိလာနပ္ပစ္စယဘောသဇ္ဇပရိက္ခာရေနာ”တိ။ တသ္မာတိဟ ဂဟပတိ ဧဝံ သိက္ခိတဗ္ဗံ
“ကိန္တိ မယံ ကာလေန ကာလံ ပဝိဝေကံ ဝီတိ” ဥပသမ္ပဇ္ဇ ဝိဟရေယျာမာ”တိ။
ဧဝံ ဟိ ဝေါ ဂဟပတိ သိက္ခိတဗ္ဗန္တိ။

ဧဝံ ဝုတ္တေ အာယသ္မာ သာရိပုတ္တော ဘဂဝန္တံ ဧတဒဝေါစ—အတ္ထရိယံ
ဘန္တေ၊ အတ္တုတံ ဘန္တေ၊ ယာဝ သုဘာသိတံ စိဒ္ဓံ ဘန္တေ ဘဂဝတာ “တုမှေ
ခေါ် ဂဟပတိ ဘိက္ခုသံဃံ ပစ္စုပဋ္ဌိတာ စိဝရိပ္ပဏ္ဍပါတသေနာသနဂိလာန-
ပ္ပစ္စယဘောသဇ္ဇပရိက္ခာရေန။ န ခေါ် ဂဟပတိ တာဝတကေနေဝ တုဋ္ဌိ ကရဏီယာ
‘မယံ ဘိက္ခုသံဃံ ပစ္စုပဋ္ဌိတာ စိဝရိပ္ပဏ္ဍပါတသေနာသနဂိလာနပ္ပစ္စယဘောသဇ္ဇ-
ပရိက္ခာရေနာ’တိ။ တသ္မာတိဟ ဂဟပတိ ဧဝံ သိက္ခိတဗ္ဗံ ‘ကိန္တိ မယံ
ကာလေန ကာလံ ပဝိဝေကံ ဝီတိ’ ဥပသမ္ပဇ္ဇ ဝိဟရေယျာမာ’တိ။ ဧဝံ ဟိ
ဝေါ ဂဟပတိ သိက္ခိတဗ္ဗန္တိ။ ယသ္မိံ ဘန္တေ သမယေ အရိယသာဝကော
ပဝိဝေကံ ဝီတိ ဥပသမ္ပဇ္ဇ ဝိဟရတိ၊ ပဉ္စဿ ဌာနာနိ တသ္မိံ သမယေ
န ဟောန္တိ။ ယမ္ပိဿ ကာမူပသံဟိတံ ဒုက္ခံ ဒေါမနဿံ၊ တမ္ပိဿ တသ္မိံ
သမယေ န ဟောတိ။ ယမ္ပိဿ ကာမူပသံဟိတံ သုခံ သောမနဿံ၊ တမ္ပိဿ
တသ္မိံ သမယေ န ဟောတိ။ ယမ္ပိဿ အကုသလူပသံဟိတံ ဒုက္ခံ ဒေါမနဿံ၊
တမ္ပိဿ တသ္မိံ သမယေ န ဟောတိ။ ယမ္ပိဿ အကုသလူပသံဟိတံ သုခံ
သောမနဿံ၊ တမ္ပိဿ တသ္မိံ သမယေ န ဟောတိ။ ယမ္ပိဿ ကုသလူပသံဟိတံ
ဒုက္ခံ ဒေါမနဿံ၊ တမ္ပိဿ တသ္မိံ သမယေ န ဟောတိ။ ယသ္မိံ ဘန္တေ သမယေ
အရိယသာဝကော ပဝိဝေကံ ဝီတိ ဥပသမ္ပဇ္ဇ ဝိဟရတိ၊ ဣမာနိဿ ပဉ္စ
ဌာနာနိ တသ္မိံ သမယေ န ဟောန္တိတိ။

သာဓု သာဓု သာရိပုတ္တ၊ ယသ္မိံ သာရိပုတ္တ သမယေ အရိယသာဝကော ပဋိဝေကံ ဝီတိံ ဥပသမ္ပဇ္ဇေ ဝိဟရတိ၊ ပဉ္စဿ ဌာနာနိ တသ္မိံ သမယေ န ဟောန္တိ။ ယမ္ပိဿ ကာမူပသံဟိတံ ဒုက္ခံ ဒေါမနဿံ၊ တမ္ပိဿ တသ္မိံ သမယေ န ဟောတိ။ ယမ္ပိဿ ကာမူပသံဟိတံ သုခံ သောမနဿံ၊ တမ္ပိဿ တသ္မိံ သမယေ န ဟောတိ။ ယမ္ပိဿ အကုသလူပသံဟိတံ ဒုက္ခံ ဒေါမနဿံ၊ တမ္ပိဿ တသ္မိံ သမယေ န ဟောတိ။ ယမ္ပိဿ အကုသလူပသံဟိတံ သုခံ သောမနဿံ၊ တမ္ပိဿ တသ္မိံ သမယေ န ဟောတိ။ ယမ္ပိဿ ကုသလူပသံဟိတံ ဒုက္ခံ ဒေါမနဿံ၊ တမ္ပိဿ တသ္မိံ သမယေ န ဟောတိ။ ယသ္မိံ သာရိပုတ္တ သမယေ အရိယသာဝကော ပဋိဝေကံ ဝီတိံ ဥပသမ္ပဇ္ဇေ ဝိဟရတိ၊ ဣမာနိဿ ပဉ္စ ဌာနာနိ တသ္မိံ သမယေ န ဟောန္တိတိ။ ။ဆဋ္ဌံ။

၇-ဝဏိဇ္ဇာသုတ္တ

၁၇၇။ ပဉ္စိမာ ဘိက္ခဝေ ဝဏိဇ္ဇာ ဥပါသကေန အကရဏီယာ။ ကတမာ ပဉ္စ? သတ္တဝဏိဇ္ဇာ သတ္တဝဏိဇ္ဇာ မံသဝဏိဇ္ဇာ မဇ္ဇဝဏိဇ္ဇာ ဝိသဝဏိဇ္ဇာ။ ဣမာ ခေါဘိက္ခဝေ ပဉ္စ ဝဏိဇ္ဇာ ဥပါသကေန အကရဏီယာတိ။ ။သတ္တမံ။

ဂ-ရာဇာသုတ္တ

၁၇၈။ တံ ကိံ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “အယံ ပုရိသော ပါဏာတိပါတံ ပဟာယ ပါဏာတိပါတာ ပဋိဝိရတော”တိ၊ တမေနံ ရာဇာနော ဂဟေတွာ ပါဏာတိပါတာ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ နော ဟေတံ ဘန္ဓေ။ သာဓု ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “အယံ ပုရိသော ပါဏာတိပါတံ ပဟာယ ပါဏာတိပါတာ ပဋိဝိရတော”တိ တမေနံ ရာဇာနော ဂဟေတွာ ပါဏာတိပါတာ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ အပိ စ ခုဿ တထေဝ ပါပကမ္မံ ပဝေဒေန္တိ? “အယံ ပုရိသော ဣတ္ထိံ ဝါ ပုရိသံ ဝါ ဇီဝိတာ ဝေါရောပေသိ”တိ၊ တမေနံ ရာဇာနော ဂဟေတွာ ပါဏာတိပါတဟေတု ဟနန္တိ ဝါ

၁-ဣမာနေတ္ထံ(သီ) ၂-ပဋိဝိရတော ဟောတိတိ(သီ)၊ ပဋိဝိရတော ဟောတိ(သျှာ၊ ကံ၊ ဣ)

၃-တထေဝ ပါပကံ ကမ္မံ ပဝေဒယန္တိ(သီ)၊ တဒေဝ ပါပကမ္မံ ပဝေဒေတိ(သျှာ၊ ကံ)

၄-ဝေါရောပေသိတိ(သျှာ၊ ကံ)

ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိ။ အပိ န တုမှေဟိ ဝေရူပံ ဒိဋ္ဌံ ဝါ သုတံ ဝါတိ။ ဒိဋ္ဌံ စ နော ဘန္တေ သုတံ စ သုယျိဿတိ^၁ စာတိ။

တံ ကိံ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “အယံ ပုရိသော အဒိန္နာဒါနံ ပဟာယ အဒိန္နာဒါနာ ပဋိဝိရတော”တိ တမေနံ ရာဇာနော ဂဟေတွာ အဒိန္နာဒါနာ ဝေရမဏိဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိတိ။ နော ဟေတံ ဘန္တေ။ သာဓု ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “အယံ ပုရိသော အဒိန္နာဒါနံ ပဟာယ အဒိန္နာဒါနာ ပဋိဝိရတော”တိ တမေနံ ရာဇာနော ဂဟေတွာ အဒိန္နာဒါနာ ဝေရမဏိဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိတိ။ အပိ စ ခုဿ တထေဝ ပါပကမ္မံ ပဝေဒေန္တိ “အယံ ပုရိသော ဂါမာ ဝါ အရညာ ဝါ အဒိန္နံ ထေယျသင်္ခါတံ အာဒိယိ”တိ ၂။ တမေနံ ရာဇာနော ဂဟေတွာ အဒိန္နာဒါနဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိ။ အပိ န တုမှေဟိ ဝေရူပံ ဒိဋ္ဌံ ဝါ သုတံ ဝါတိ။ ဒိဋ္ဌံ စ နော ဘန္တေ သုတံ စ သုယျိဿတိ စာတိ။

တံ ကိံ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “အယံ ပုရိသော ကာမေသုမိစ္ဆာစာရံ ပဟာယ ကာမေသုမိစ္ဆာစာရာ ပဋိဝိရတော”တိ တမေနံ ရာဇာနော ဂဟေတွာ ကာမေသုမိစ္ဆာစာရာ ဝေရမဏိဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိတိ။ နော ဟေတံ ဘန္တေ။ သာဓု ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “အယံ ပုရိသော ကာမေသုမိစ္ဆာစာရံ ပဟာယ ကာမေသုမိစ္ဆာစာရာ ပဋိဝိရတော”တိ တမေနံ ရာဇာနော ဂဟေတွာ ကာမေသုမိစ္ဆာစာရာ ဝေရမဏိဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိတိ။ အပိ စ ခုဿ တထေဝ ပါပကမ္မံ ပဝေဒေန္တိ “အယံ ပုရိသော ပရိတ္တိသု ပရကုမာရိသု စာရိတ္တံ အာပဇ္ဇိ”တိ ၃။ တမေနံ ရာဇာနော ဂဟေတွာ ကာမေသုမိစ္ဆာစာရဟေတု ဟနန္တိ ဝါ ဗန္ဓုန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရောန္တိ။ အပိ န တုမှေဟိ ဝေရူပံ ဒိဋ္ဌံ ဝါ သုတံ ဝါတိ။ ဒိဋ္ဌံ စ နော ဘန္တေ သုတံ စ သုယျိဿတိ စာတိ။

တံ ကိံ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “အယံ ပုရိသော မုသာဝါဒံ ပဟာယ မုသာဝါဒါ ပဋိဝိရတော”တိ တမေနံ ရာဇာနော

ဂဟေတွာ မုသာဝါဒါ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ နော ဟေတံ ဘန္တေ။ သာဓု ဘိက္ခဝေ၊ မယာပိ ခေါဇေတံ ဘိက္ခဝေ နေဝ ဒိဋ္ဌံ န သုတံ “အယံ ပုရိသော မုသာဝါဒိ ပဟာယ မုသာဝါဒါ ပဋိဝိရတော”တိ တမေနံ ရာဇာနော ဂဟေတွာ မုသာဝါဒါ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ အပိ စ ခုဿ တထေဝ ပါပကမ္မံ ပဝေဒေန္တိ “အယံ ပုရိသော ဂဟပတိဿ ဝါ ဂဟပတိပုတ္တဿ ဝါ မုသာဝါဒေန အတ္ထံ ပဘဉ္စိ”တိ။ တမေနံ ရာဇာနော ဂဟေတွာ မုသာဝါဒဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိ။ အပိ န တုမှေဟိ ဧဝရူပံ ဒိဋ္ဌံ ဝါ သုတံ ဝါတိ။ ဒိဋ္ဌံ စ နော ဘန္တေ သုတံ စ သုယျိဿတိ စာတိ။

တံ ကိံ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “အယံ ပုရိသော သုရာမေရယမဇ္ဇပမာဒဋ္ဌာနံ ပဟာယ သုရာမေရယမဇ္ဇပမာဒဋ္ဌာနာ ပဋိဝိရတော”တိ တမေနံ ရာဇာနော ဂဟေတွာ သုရာမေရယမဇ္ဇပမာဒဋ္ဌာနာ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ နော ဟေတံ ဘန္တေ။ သာဓု ဘိက္ခဝေ၊ မယာပိ ခေါဇေတံ ဘိက္ခဝေ နေဝ ဒိဋ္ဌံ န သုတံ “အယံ ပုရိသော သုရာမေရယမဇ္ဇပမာဒဋ္ဌာနံ ပဟာယ သုရာမေရယမဇ္ဇပမာဒဋ္ဌာနာ ပဋိဝိရတော”တိ တမေနံ ရာဇာနော ဂဟေတွာ သုရာမေရယမဇ္ဇပမာဒဋ္ဌာနာ ဝေရမဏိဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိတိ။ အပိ စ ခုဿ တထေဝ ပါပကမ္မံ ပဝေဒေန္တိ “အယံ ပုရိသော သုရာမေရယမဇ္ဇပမာဒဋ္ဌာနံ အနုယုတ္တော ဣတ္ထိ” ဝါ ပုရိသံ ဝါ ဇီဝိတာ ဝေါရောပေသိ။ အယံ ပုရိသော သုရာမေရယမဇ္ဇပမာဒဋ္ဌာနံ အနုယုတ္တော ဂါမာ ဝါ အရညာ ဝါ အဒိန္နံ ထေယျသင်္ခါတံ အာဒိယိ။ အယံ ပုရိသော သုရာမေရယမဇ္ဇပမာဒဋ္ဌာနံ အနုယုတ္တော ပရိတ္ထိသု ပရကုမာရိသု စာရိတ္တံ အာပဇ္ဇိ။ အယံ ပုရိသော သုရာမေရယမဇ္ဇပမာဒဋ္ဌာနံ အနုယုတ္တော ဂဟပတိဿ ဝါ ဂဟပတိပုတ္တဿ ဝါ မုသာဝါဒေန အတ္ထံ ပဘဉ္စိ”တိ။ တမေနံ ရာဇာနော ဂဟေတွာ သုရာမေရယမဇ္ဇပမာဒဋ္ဌာနဟေတု ဟနန္တိ ဝါ ဗန္ဓန္တိ ဝါ ပဗ္ဗာဇေန္တိ ဝါ ယထာပစ္စယံ ဝါ ကရေန္တိ။ အပိ န တုမှေဟိ ဧဝရူပံ ဒိဋ္ဌံ ဝါ သုတံ ဝါတိ။ ဒိဋ္ဌံ စ နော ဘန္တေ သုတံ စ သုယျိဿတိ စာတိ။ ။အဋ္ဌမံ။

၉-ဝိဟိသုတ္တ

၁၇၉။ အထ ခေါ် အနာထပိဏ္ဍိကော ဂဟပတိ ပဉ္စမတ္တေဟိ ဥပါသက-
သတေဟိ ပရိဝုတော ယေန ဘဂဝါ တေနုပသင်္ကမိ၊ ဥပသင်္ကမိတွာ ဘဂဝန္တံ
အဘိဝါဒေတွာ ဧကမန္တံ နိဿိဒိ။ အထ ခေါ် ဘဂဝါ အာယသ္မန္တံ သာရိပုတ္တံ
အာမန္တေသိ—ယံ ကဉ္စိ သာရိပုတ္တ ဇာနေယျာထ ဂိဟိံ ဩဒါတဝသနံ ပဉ္စသု
သိက္ခာပဒေသု သံဝုတကမ္မန္တံ စတုန္တံ အဘိစေတသိကာနံ ဒိဋ္ဌဓမ္မသုခဝိဟာရာနံ
နိကာမလာဘိံ အကိစ္ဆလာဘိံ အကသိရလာဘိံ။ သော အာကင်္ခမာနော
အတ္တနာဝ အတ္တာနံ ဗျာကရေယျ “ဒိဏနိရယောမ္ပိ ဒိဏတိရစ္ဆာနယောနိ
ဒိဏပေတ္တိဝိသယော ဒိဏာပါယဒုဂ္ဂတိဝိနိပါတော၊ သောတာပန္နောဟမသ္မိ
အဝိနိပါတဓမ္မော နိယတော သမ္မောဓိပရာယဏော”တိ။

ကတမေသု ပဉ္စသု သိက္ခာပဒေသု သံဝုတကမ္မန္တော ဟောတိ? ဣဓ
သာရိပုတ္တ အရိယသာဝကော ပါဏာတိပါတာ ပဋိဝိရတော ဟောတိ၊ အဒိန္နာ-
ဒါနာ ပဋိဝိရတော ဟောတိ၊ ကာမေသုမိစ္ဆာစာရာ ပဋိဝိရတော ဟောတိ၊
မုသာဝါဒါ ပဋိဝိရတော ဟောတိ၊ သုရာမေရယမဇ္ဇပမာဒဋ္ဌာနာ ပဋိဝိရတော
ဟောတိ။ ဣမေသု ပဉ္စသု သိက္ခာပဒေသု သံဝုတကမ္မန္တော ဟောတိ။

ကတမေသံ စတုန္တံ အဘိစေတသိကာနံ ဒိဋ္ဌဓမ္မသုခဝိဟာရာနံ နိကာမ-
လာဘိံ ဟောတိ အကိစ္ဆလာဘိံ အကသိရလာဘိံ? ဣဓ သာရိပုတ္တ
အရိယသာဝကော ဗုဒ္ဓေ အဝေစ္စပ္ပသာဒေန သမန္တာဂတော ဟောတိ “ဣတိပိ
သော ဘဂဝါ အရဟံ သမ္မာသမ္ဗုဒ္ဓေါ ဝိဇ္ဇာစရဏသမ္ပန္နော သုဂတော
လောကဝိဒ္ဓ အနုတ္တရော ပုရိသဒမ္မသာရထိ သတ္တာ ဒေဝမနုဿာနံ ဗုဒ္ဓေါ
ဘဂဝါ”တိ။ အယမဿ ပဌမော အဘိစေတသိကာ ဒိဋ္ဌဓမ္မသုခဝိဟာရာ
အဓိဂတော ဟောတိ အဝိသုဒ္ဓဿ စိတ္တဿ ဝိသုဒ္ဓိယာ အပရိယောဒါတဿ
စိတ္တဿ ပရိယောဒပနာယ။

ပုန စပရံ သာရိပုတ္တ အရိယသာဝကော ဓမ္မေ အဝေစ္စပ္ပသာဒေန သမန္တာ-
ဂတော ဟောတိ “သွာက္ခာတော ဘဂဝတာ ဓမ္မော သန္တိဋ္ဌိကော အကာလိကော
ဧဟိပဿိကော ဩပနေယျိကော ပစ္စတ္တံ ဝေဒိတဗ္ဗော ဝိညူဟိ”တိ။ အယမဿ
ဒုတိယော အဘိစေတသိကာ ဒိဋ္ဌဓမ္မသုခဝိဟာရာ အဓိဂတော ဟောတိ
အဝိသုဒ္ဓဿ စိတ္တဿ ဝိသုဒ္ဓိယာ အပရိယောဒါတဿ စိတ္တဿ ပရိယော-
ဒပနာယ။

ပုန စပရံ သာရိပုတ္တ အရိယသာဝကော သံဃေ အဝေစ္စပ္ပသာဒေန သမန္တာဂတော ဟောတိ “သုပ္ပဋိပန္နော ဘဂဝတော သာဝကသံဃော၊ ဥဇုပ္ပဋိ-
ပန္နော ဘဂဝတော သာဝကသံဃော၊ ဣယပ္ပဋိပန္နော ဘဂဝတော သာဝက-
သံဃော၊ သာမီစိပ္ပဋိပန္နော ဘဂဝတော သာဝကသံဃော၊ ယဒိဒံ စတ္တာရိ
ပုရိသယုဂါနိ အဋ္ဌ ပုရိသပုဂ္ဂလာ၊ ဧသ ဘဂဝတော သာဝကသံဃော အာဟု-
နေယျော ပါဟုနေယျော ဒက္ခိဏေယျော အဇ္ဈလိကရဏီယော အနုတ္တရံ ပုည-
က္ခေတ္တံ လောကဿာ”တိ။ အယမဿ တတိယော အာဘိစေတသိကော
ဒိဋ္ဌဓမ္မသုခဝိဟာရော အဓိဂတော ဟောတိ အဝိသုဒ္ဓဿ စိတ္တဿ ဝိသုဒ္ဓိယာ
အပရိယောဒါတဿ စိတ္တဿ ပရိယောဒပနာယ။

ပုန စပရံ သာရိပုတ္တ အရိယသာဝကော အရိယကန္တေဟိ သီလေဟိ
သမန္တာဂတော ဟောတိ အခဏ္ဍေဟိ အန္တိဒ္ဓေဟိ အသဗလေဟိ အကမ္မာသေဟိ
ဘုဇိဿေဟိ ဝိညုပ္ပသတ္တေဟိ အပရာမဋ္ဌေဟိ သမာဓိသံဝတ္တနိကေဟိ။ အယမဿ
စတုတ္ထော အာဘိစေတသိကော ဒိဋ္ဌဓမ္မသုခဝိဟာရော အဓိဂတော ဟောတိ
အဝိသုဒ္ဓဿ စိတ္တဿ ဝိသုဒ္ဓိယာ အပရိယောဒါတဿ စိတ္တဿ ပရိယော-
ဒပနာယ။ ဣမေသံ စတုန္တံ အာဘိစေတသိကာနံ ဒိဋ္ဌဓမ္မသုခဝိဟာရာနံ
နိကာမလာဘိ ဟောတိ အကိစ္ဆလာဘိ အကသိရလာဘိ။

ယံ ကဉ္စိ သာရိပုတ္တ ဇာနေယျာထ ဂိဟိံ ဩဒါတဝသနံ ဣမေသု ပဉ္စသု
သိက္ခာပဒေသု သံဝုတကမ္မန္တံ ဣမေသဉ္စ စတုန္တံ အာဘိစေတသိကာနံ ဒိဋ္ဌဓမ္မ-
သုခဝိဟာရာနံ နိကာမလာဘိံ အကိစ္ဆလာဘိံ အကသိရလာဘိံ။ သော
အာကင်္ခမာနော အတ္တနာဝ အတ္တာနံ ဗျာကရေယျ “ဒိဏနိရယောမိ ဒိဏ-
တိရစ္ဆာနယောနိ ဒိဏပေတ္တိဝိသယော ဒိဏာပါယဒုဂ္ဂတိဝိနိပါတော သော-
တာပန္နောဟမသ္မိ အဝိနိပါတဓမ္မော နိယတော သမ္မောဓိပရာယဏော”တိ။

နိရယေသု ဘယံ ဒိသွာ၊ ပါပါနိ ပရိဝဇ္ဇယေ။
အရိယဓမ္မံ သမာဒါယ၊ ပဏ္ဍိတော ပရိဝဇ္ဇယေ။
န ဟိံသေ ပါဏဘူတာနိ၊ ဝိဇ္ဇမာနေ ပရက္ကမေ။
မုဿ စ န ဘဏေ ဇာနံ၊ အဒိန္တံ န ပရာမသေ။
သေဟိ ဒါရေဟိ သန္တုဋ္ဌော၊ ပရဒါရဉ္စ အာရမေ။
မေရယံ ဝါရဏီံ ဇန္တု၊ န ပိဝေ စိတ္တမောဟနိ။

အနုဿရေယျ သမ္ပုဉ္ဇံ၊ ဓမ္မဉ္စာနုပိတက္ကယေ။

အဗျာပဇ္ဇံ^၁ ဟိတံ စိတ္တံ၊ ဒေဝလောကဿ ဘာဝယေ။

ဥပဋ္ဌိတေ ဒေယျဓမ္မေ၊ ပုညတ္ထဿ ဇိဂိသတော^၂။

သန္တေသု ပဌမံ ဒိန္နာ၊ ဝိပုလံ ဟောတိ ဒက္ခိဏာ။

သန္တော ဟဝေ ပဝက္ခာမိ၊ သာရိပုတ္တ သုဏောဟိ မေ။

ဣတိ ကဏှာသု သေတာသု၊ ရောဟိဏီသု ဟရိသု ဝါ။

ကမ္မာသာသု သရူပါသု၊ ဂေါသု ပါရေဝတာသု ဝါ။

ယာသု ကာသုစိ ဧတာသု၊ ဒန္တော ဇာယတိ ပုဂံဝေါ။

ဓောရယော ဗလသမ္ပန္နော၊ ကလျာဏဇဝနိက္ကမော။

တမေဝ ဘာရေ ယုဇ္ဇန္တိ၊ နာဿ ဝဏ္ဏံ ပရိက္ခရေ။

ဧဝမေဝံ မနုဿေသု၊ ယသ္မိံ ကိသ္မိဉ္စ ဇာတိယေ။

ခတ္တိယေ မြာဟ္မဏေ ဝေဿေ၊ သုဒ္ဓေ စဏ္ဍာလပုက္ကသေ။

ယာသု ကာသုစိ ဧတာသု၊ ဒန္တော ဇာယတိ သုဗ္ဗတော။

ဓမ္မဋ္ဌော သီလသမ္ပန္နော၊ သစ္စဝါဒီ ဟိရိမနော။

ပဟိနဇာတိမရဏော၊ မြဟ္မစရိယဿ ကေဝလီ။

ပန္နဘာရော ဝိသံယုတ္တော၊ ကတကိစ္စော အနာသဝေါ။

ပါရဂူ သဗ္ဗဓမ္မာနံ၊ အနုပါဒါယ နိဗ္ဗုတော။

တသ္မိဉ္စ ဝိရဇေ ခေတ္တေ၊ ဝိပုလံ ဟောတိ ဒက္ခိဏာ။

ဗာလာ စ အဝိဇာနန္တာ၊ ဒုဓမ္မော အဿုတာဝိနော။

ဗဟိဒ္ဓါ ဒဒန္တိ ဒါနာနိ၊ န ဟိ သန္တေ ဥပါသရေ။

ယေ စ သန္တေ ဥပါသန္တိ၊ သပ္ပညေ စီရသမ္ပတေ။

သဒ္ဓါ စ နေသံ သုဂတေ၊ မူလဇာတာ ပတိဋ္ဌိတာ။

ဒေဝလောကဉ္စ တေ ယန္တိ၊ ကုလေ ဝါ ဣဓ ဇာယရေ။

အနုပုဗ္ဗေန နိဗ္ဗာနံ၊ အဓိဂစ္ဆန္တိ ပဏ္ဍိတာတိ။ ။နဝမံ။

၁၀-ဂဝေသီသုတ္တ

၁၈၀။ ဧကံ သမယံ ဘဂဝါ ကောသလေသု စာရိကံ စရတိ မဟတာ ဘိက္ခု-
သံဃေန သဒ္ဓိံ။ အဒ္ဓဿ ခေါ ဘဂဝါ အဒ္ဓါနမဂ္ဂပ္ပဋိပန္နော အညတရသ္မိံ ပဒေသေ
မဟန္တံ သာလဝနံ၊ ဒိသ္မာနံ^၁ မဂ္ဂါ ဩက္ကမ္မ^၂ ယေန တံ သာလဝနံ တေနုပသင်္ကမိ၊
ဥပသင်္ကမိတွာ တံ သာလဝနံ အဇ္ဈောဂါဟေတွာ အညတရသ္မိံ ပဒေသေ သိတံ
ပါတွာကာသိ။

အထ ခေါ အာယသ္မတော အာနန္တဿ ဧတဒဟောသိ “ကော န ခေါ
ဟေတု ကော ပစ္စယော ဘဂဝတော သိတဿ ပါတုကမ္မာယ၊ န အကာရဏေန
တထာဂတာ သိတံ ပါတုကရေန္တိ”တိ။ အထ ခေါ အာယသ္မာ အာနန္တော
ဘဂဝန္တံ ဧတဒဝေါစ “ကော န ခေါ ဘန္တေ ဟေတု ကော ပစ္စယော
ဘဂဝတော သိတဿ ပါတုကမ္မာယ၊ န အကာရဏေန တထာဂတာ သိတံ
ပါတုကရေန္တိ”တိ။

ဘူတပုဗ္ဗံ အာနန္တ ဣမသ္မိံ ပဒေသေ နဂရံ အဟောသိ ဣဒ္ဓဉ္စေဝ ဖိတဉ္စ ဗဟုဇနံ
အာကိဏ္ဏမနုဿံ။ တံ ခေါ ပနာနန္တ နဂရံ ကဿပေါ ဘဂဝါ အရဟံ သမ္မာ-
သမ္ဗုဒ္ဓေါ ဥပနိဿာယ ဝိဟာသိ။ ကဿပဿ ခေါ ပနာနန္တ ဘဂဝတော
အရဟတော သမ္မာသမ္ဗုဒ္ဓဿ ဂဝေသီ နာမ ဥပါသကော အဟောသိ သီလေသု
အပရိပူရကာရီ။ ဂဝေသီနာ ခေါ အာနန္တ ဥပါသကေန ပဉ္စမတ္တာနိ ဥပါသက-
သတာနိ ပဋိဒေသိတာနိ သမာဒပိတာနိ^၃ အဟေသုံ သီလေသု အပရိပူရ-
ကာရိနော။ အထ ခေါ အာနန္တ ဂဝေသီဿ ဥပါသကဿ ဧတဒဟောသိ
“အဟံ ခေါ ဣမေသံ ပဉ္စန္တံ ဥပါသကသတာနံ ဗဟူပကာရော^၄ ပုဗ္ဗင်္ဂမော
သမာဒပေတာ^၅၊ အဟဉ္စမိ သီလေသု အပရိပူရကာရီ၊ ဣမာနိ စ ပဉ္စ ဥပါသက-
သတာနိ သီလေသု အပရိပူရကာရိနော၊ ဣစ္စေတံ သမသမံ နတ္ထိ ကိဉ္စ အတိရေကံ၊
ဟန္တာဟံ အတိရေကာယာ”တိ။

အထ ခေါ အာနန္တ ဂဝေသီ ဥပါသကော ယေန တာနိ ပဉ္စ ဥပါသကသတာနိ
တေနုပသင်္ကမိ၊ ဥပသင်္ကမိတွာ တာနိ ပဉ္စ ဥပါသကသတာနိ ဧတဒဝေါစ
“အဇ္ဇတဂ္ဂေ မံ အာယသ္မန္တော သီလေသု ပရိပူရကာရီ ဓာရေထာ”တိ။ အထ
ခေါ အာနန္တ တေသံ ပဉ္စန္တံ ဥပါသကသတာနံ ဧတဒဟောသိ “အယျော ခေါ
ဂဝေသီ အမှာကံ ဗဟူပကာရော ပုဗ္ဗင်္ဂမော သမာဒပေတာ၊ အယျော ဟိ နာမ

၁-ဒိသ္မာ (သီ၊ ဣ၊
၄-ဗဟူကာရော (ကတ္တိ)

၂-ဥက္ကမ္မ (ကတ္တိ)

၃-သမာဒပိတာနိ (?)
၅-သမာဒပေတာ (?)

ဂဝေသီ သီလေသု ပရိပူရကာရီ ဘဝိဿတိ၊ ကိမင်္ဂ^၁ ပန မယ^၂”န္တိ။ အထ ခေါ အာနန္တ တာနိ ပဉ္စ ဥပါသကသတာနိ၊ ယေန ဂဝေသီ ဥပါသကော တေနုပသင်္ကမိ^၃သု၊ ဥပသင်္ကမိတွာ ဂဝေသီ^၄ ဥပါသကံ တေဒဝေါစ “အဇ္ဇတဂ္ဂေ အယျော ဂဝေသီ ဣမာနိပိ ပဉ္စ ဥပါသကသတာနိ သီလေသု ပရိပူရကာရီနော ဓာရေတူ”တိ။ အထ ခေါ အာနန္တ ဂဝေသိဿ ဥပါသကဿ တေဒဟောသိ “အဟံ ခေါ ဣမေသံ ပဉ္စန္တံ ဥပါသကသတာနံ ဗဟူပကာရော ပုဗ္ဗင်္ဂမော သမာဒပေတာ၊ အဟဉ္စမိ သီလေသု ပရိပူရကာရီ၊ ဣမာနိပိ ပဉ္စ ဥပါသကသတာနိ သီလေသု ပရိပူရကာရီနော၊ ဣစ္စေတံ သမသမံ နတ္ထိ ကိဉ္စိ အတိရေကံ၊ ဟန္တာဟံ အတိရေကာယာ”တိ။

အထ ခေါ အာနန္တ ဂဝေသီ ဥပါသကော ယေန တာနိ ပဉ္စ ဥပါသကသတာနိ တေနုပသင်္ကမိ၊ ဥပသင်္ကမိတွာ တာနိ ပဉ္စ ဥပါသကသတာနိ တေဒဝေါစ “အဇ္ဇတဂ္ဂေ မံ အာယသ္မန္တော မြဟ္မစာရိ^၅ ဓာရေယ အာရာစာရိ^၆၊ ဝိရတံ မေထုနာ ဂါမဓမ္မာ”တိ။ အထ ခေါ အာနန္တ တေသံ ပဉ္စန္တံ ဥပါသကသတာနံ တေဒဟောသိ “အယျော ခေါ ဂဝေသီ အမှာကံ ဗဟူပကာရော ပုဗ္ဗင်္ဂမော သမာဒပေတာ၊ အယျော ဟိ နာမ ဂဝေသီ မြဟ္မစာရီ ဘဝိဿတိ အာရာစာရီ ဝိရတော မေထုနာ ဂါမဓမ္မာ၊ ကိမင်္ဂ^၇ ပန မယ^၈”န္တိ။ အထ ခေါ အာနန္တ တာနိ ပဉ္စ ဥပါသကသတာနိ ယေန ဂဝေသီ ဥပါသကော တေနုပသင်္ကမိ^၉သု၊ ဥပသင်္ကမိတွာ ဂဝေသီ^{၁၀} ဥပါသကံ တေဒဝေါစ “အဇ္ဇတဂ္ဂေ အယျော ဂဝေသီ ဣမာနိပိ ပဉ္စ ဥပါသကသတာနိ မြဟ္မစာရီနော ဓာရေတူ အာရာစာရီနော ဝိရတာ မေထုနာ ဂါမဓမ္မာ”တိ။ အထ ခေါ အာနန္တ ဂဝေသိဿ ဥပါသကဿ တေဒဟောသိ “အဟံ ခေါ ဣမေသံ ပဉ္စန္တံ ဥပါသကသတာနံ ဗဟူပကာရော ပုဗ္ဗင်္ဂမော သမာဒပေတာ၊ အဟဉ္စမိ သီလေသု ပရိပူရကာရီ၊ ဣမာနိပိ ပဉ္စ ဥပါသကသတာနိ သီလေသု ပရိပူရကာရီနော၊ အဟဉ္စမိ မြဟ္မစာရီ အာရာစာရီ ဝိရတော မေထုနာ ဂါမဓမ္မာ၊ ဣမာနိပိ ပဉ္စ ဥပါသကသတာနိ မြဟ္မစာရီနော အာရာစာရီနော ဝိရတာ မေထုနာ ဂါမဓမ္မာ၊ ဣစ္စေတံ သမသမံ နတ္ထိ ကိဉ္စိ အတိရေကံ၊ ဟန္တာဟံ အတိရေကာယာ”တိ။

အထ ခေါ အာနန္တ ဂဝေသီ ဥပါသကော ယေန တာနိ ပဉ္စ ဥပါသကသတာနိ တေနုပသင်္ကမိ၊ ဥပသင်္ကမိတွာ တာနိ ပဉ္စ ဥပါသကသတာနိ တေဒဝေါစ “အဇ္ဇတဂ္ဂေ မံ အာယသ္မန္တော ကေဘတ္တိကံ ဓာရေယ ရတ္တပရတံ

၁-ကိမင်္ဂ (သီ၊ ဣ)	၂-ပန န မယန္တိ (သီ) အံ ၁-၄၆၄၊ ဝိ ၄-၃၃၉၊
၃-အနာစာရိ (ဣ)	သံ ၃-၃၂၈-ဝိဇ္ဇေသု ပါဠိယာ သံသန္တေတဗ္ဗံ။

ဝိရတံ ဝိကာလဘောဇနာ”တိ။ အထ ခေါ အာနန္ဒ တေသံ ပဉ္စန္ဓံ ဥပါသကသတာနံ ဧတဒဟောသိ “အယျော ခေါ ဂဝေသီ ဗဟူပကာရော ပုဗ္ဗင်္ဂမော သမာဒပေတာ၊ အယျော ဟိ နာမ ဂဝေသီ ဧကဘတ္တိကော ဘဝိဿတိ ရတ္တုပရတော ဝိရတော ဝိကာလဘောဇနာ၊ ကိမင်္ဂ ပန မယ”န္တိ။ အထ ခေါ အာနန္ဒ တာနိ ပဉ္စ ဥပါသကသတာနိ ယေန ဂဝေသီ ဥပါသကော တေနုပသင်္ကမိံသု၊ ဥပသင်္ကမိတွာ ဂဝေသီ ဥပါသကံ ဧတဒဝေါစုံ “အဇ္ဇတဂ္ဂေ အယျော ဂဝေသီ ဣမာနိပိ ပဉ္စ ဥပါသကသတာနိ ဧကဘတ္တိကေ ဓာရေတု ရတ္တုပရတေ ဝိရတေ ဝိကာလဘောဇနာ”တိ။ အထ ခေါ အာနန္ဒ ဂဝေသီဿ ဥပါသကဿ ဧတဒဟောသိ “အဟံ ခေါ ဣမေသံ ပဉ္စန္ဓံ ဥပါသကသတာနံ ဗဟူပကာရော ပုဗ္ဗင်္ဂမော သမာဒပေတာ၊ အဟဉ္စမိ သီလေသု ပရိပူရကာရိ၊ ဣမာနိပိ ပဉ္စ ဥပါသကသတာနိ သီလေသု ပရိပူရကာရိနော၊ အဟဉ္စမိ ဗြဟ္မစာရိ အာရာစာရိ ဝိရတော မေထုနာ ဂါမဓမ္မာ၊ ဣမာနိပိ ပဉ္စ ဥပါသကသတာနိ ဗြဟ္မစာရိနော အာရာစာရိနော ဝိရတာ မေထုနာ ဂါမဓမ္မာ၊ အဟဉ္စမိ ဧကဘတ္တိကော ရတ္တုပရတော ဝိရတော ဝိကာလဘောဇနာ၊ ဣမာနိပိ ပဉ္စ ဥပါသကသတာနိ ဧကဘတ္တိကာ ရတ္တုပရတာ ဝိရတာ ဝိကာလဘောဇနာ၊ ဣစ္စေတံ သမသမံ နတ္ထိ ကိဉ္စ အတိရေကံ၊ ဟန္တာဟံ အတိရေကာယာ”တိ။

အထ ခေါ အာနန္ဒ ဂဝေသီ ဥပါသကော ယေန ကဿပေါ ဘဂဝါ အရဟံ သမ္မာသမ္ဗုဒ္ဓေါ တေနုပသင်္ကမိ၊ ဥပသင်္ကမိတွာ ကဿပံ ဘဂဝန္တံ အရဟန္တံ သမ္မာသမ္ဗုဒ္ဓံ ဧတဒဝေါစ “လဘေယျာဟံ ဘန္တေ ဘဂဝတော သန္တိကေ ပဗ္ဗဇ္ဇံ၊ လဘေယျံ ဥပသမ္ပဒ”န္တိ။ အလတ္တ ခေါ အာနန္ဒ ဂဝေသီ ဥပါသကော ကဿပဿ ဘဂဝတော အရဟတော သမ္မာသမ္ဗုဒ္ဓဿ သန္တိကေ ပဗ္ဗဇ္ဇံ၊ အလတ္တ ဥပသမ္ပဒံ။ အစိရူပသမ္ပန္နော ခေါ ပနာနန္ဒ ဂဝေသီ ဘိက္ခု ဧကော ဝုပကဋ္ဌော အပ္ပမတ္တော အာတာပီ ပဟိတတ္တော ဝိဟရန္တော နစိရဿေဝ ယဿတ္တာယ ကုလပုတ္တာ သမ္ပဒေဝ အဂါရသ္မာ အနဂါရိယံ ပဗ္ဗဇန္တိ၊ တဒနုတ္တရံ ဗြဟ္မစရိယပရိယောသာနံ ဒိဋ္ဌေဝ ဓမ္မေ သယံ အဘိညာ သစ္စိကတွာ ဥပသမ္ပဇ္ဇေ ဝိဟာသိ၊ “ဒီဏာ ဇာတိ၊ ဝုသိတံ ဗြဟ္မစရိယံ၊ ကတံ ကရဏီယံ၊ နာပရံ ဣတ္ထတ္တာယာ”တိ အဗ္ဘညာသိ။ အညတရော စ ပနာနန္ဒ ဂဝေသီ ဘိက္ခု အရဟတံ အဟောသိ။

အထ ခေါ အာနန္ဒ တေသံ ပဉ္စန္ဓံ ဥပါသကသတာနံ ဧတဒဟောသိ “အယျော ခေါ ဂဝေသီ အမှာကံ ဗဟူပကာရော ပုဗ္ဗင်္ဂမော သမာဒပေတာ။ အယျော ဟိ နာမ ဂဝေသီ ကေသမသု ဩဟာရေတွာ ကာသာယာနိ ဝတ္ထာနိ

အစ္ဆာဒေတွာ အဂါရသ္မာ အနဂါရိယံ ပဗ္ဗဇိဿတိ၊ ကိမင်္ဂ ပန မယ”န္တိ။
 အထ ခေါ အာနန္ဒ တာနိ ပဉ္စ ဥပါသကသတာနိ ယေန ကဿပေါ ဘဂဝါ
 အရဟံ သမ္မာသမ္ဗုဒ္ဓေါ တေနပသင်္ကမိံသု၊ ဥပသင်္ကမိတွာ ကဿပံ ဘဂဝန္တံ
 အရဟန္တံ သမ္မာသမ္ဗုဒ္ဓံ တေဒဝေါစုံ “လဘောယျာမ မယံ ဘန္တေ ဘဂဝတော
 သန္တိကေ ပဗ္ဗဇ္ဇံ၊ လဘောယျာမ ဥပသမ္ပဒ”န္တိ။ အလဘိံသု ခေါ အာနန္ဒ တာနိ
 ပဉ္စ ဥပါသကသတာနိ ကဿပဿ ဘဂဝဏော အရဟတော သမ္မာသမ္ဗုဒ္ဓဿ
 သန္တိကေ ပဗ္ဗဇ္ဇံ၊ အလဘိံသု ဥပသမ္ပဒံ။

အထ ခေါ အာနန္ဒ ဂဝေသိဿ ဘိက္ခုနော တေဒဟောသိ “အဟံ ခေါ
 ဣမဿ အနုတ္တရဿ ဝိမုတ္တိသုခဿ နိကာမလာဘီ ဟောမိ အကိစ္ဆလာဘီ
 အကသိရလာဘီ၊ အဟော ဝတိမာနိပိ ပဉ္စ ဘိက္ခုသတာနိ ဣမဿ အနုတ္တရဿ
 ဝိမုတ္တိသုခဿ နိကာမလာဘိနော အဿု အကိစ္ဆလာဘိနော အကသိရ-
 လာဘိနော”တိ။ အထ ခေါ အာနန္ဒ တာနိ ပဉ္စ ဘိက္ခုသတာနိ ဝုပကဋ္ဌာ
 အပ္ပမတ္တာ အာတာပိနော ပဟိတတ္တာ ဝိဟရန္တာ နစိရဿေဝ ယဿတ္ထာယ
 ကုလပုတ္တာ သမ္ပဒေဝ အဂါရသ္မာ အနဂါရိယံ ပဗ္ဗဇန္တိ၊ တဒနုတ္တရံ ဗြဟ္မစရိယံ
 ပရိယောသာနံ ဒိဋ္ဌေဝ ဓမ္မေ သယံ အဘိညာ သစ္စိကတွာ ဥပသမ္ပဒ ဝိမာရိံသု၊
 “ဒိဏာ ဇာတိ၊ ဝုသိတံ ဗြဟ္မစရိယံ၊ ကတံ ကရဏီယံ၊ နာပရံ ဣတ္ထတ္တာယာ”တိ
 အဗ္ဘညိံသု။

ဣတိ ခေါ အာနန္ဒ တာနိ ပဉ္စ ဘိက္ခုသတာနိ ဂဝေသိပမုခါနိ ဥတ္တရုတ္တရိ၊
 ပဏီတပဏီတံ ဝါယမမာနာ အနုတ္တရံ ဝိမုတ္တိံ သစ္စာကံသု။ တသ္မာတိဟ
 အာနန္ဒ ဧဝံ သိက္ခိတဗ္ဗံ “ဥတ္တရုတ္တရိ ပဏီတပဏီတံ ဝါယမမာနာ အနုတ္တရံ
 ဝိမုတ္တိံ သစ္စိကရိဿာမာ”တိ။ ဧဝံ ဟိ ဝေါ အာနန္ဒ သိက္ခိတဗ္ဗန္တိ။ ။ဒသမံ။

ဥပါသကဝဂ္ဂေါ တတိယော။

တသုဒ္ဓါနံ

သာရဇ္ဇံ ဝိသာရဒေါ နိရယံ၊ ဝေရံ စဏ္ဍာလပဉ္စမံ။
 ဝီတိ ဝဏိဇ္ဇာ ရာဇာနော၊ ဂိဟိ စေဝ ဂဝေသိနာတိ။

(၁၉) ၄-အရညဝဂ္ဂ

၁-အာရညိကသုတ္တ

၁၈၁။ ပဋိမေ ဘိက္ခဝေ အာရညိကာ။ ကတမေ ပဉ္စ? မန္တတ္တာ မောမူဟတ္တာ အာရညိကော ဟောတိ၊ ပါပိန္နော ဣစ္ဆာပကတော အာရညိကော ဟောတိ၊ ဥမ္မာဒါ စိတ္တက္ခေပါ အာရညိကော ဟောတိ၊ “ဝဏ္ဏိတံ ဗုဒ္ဓေဟိ ဗုဒ္ဓသာဝ-
ကေဟိ”တိ အာရညိကော ဟောတိ၊ အပ္ပိစ္ဆတံယေဝ နိဿာယ သန္တုဋ္ဌိယေဝ နိဿာယ သလ္လေခံယေဝ နိဿာယ ပဝိဝေကံယေဝ နိဿာယ ဣဒမတ္ထိတံယေဝ၊
နိဿာယ အာရညိကော ဟောတိ။ ဣမေ ခေါ ဘိက္ခဝေ ပဉ္စ အာရညိကာ။ ဣမေသံ
ခေါ ဘိက္ခဝေ ပဉ္စန္ဒ အာရညိကာနံ ယွာယံ အာရညိကော အပ္ပိစ္ဆတံယေဝ
နိဿာယ သန္တုဋ္ဌိယေဝ နိဿာယ သလ္လေခံယေဝ နိဿာယ ပဝိဝေကံယေဝ
နိဿာယ ဣဒမတ္ထိတံယေဝ နိဿာယ အာရညိကော ဟောတိ။ အယံ ဣမေသံ
ပဉ္စန္ဒ အာရညိကာနံ အဂ္ဂေါ စ သေဋ္ဌော စ မောက္ခော? စ ဥတ္တမော စ ပဝရော စ။

သေယျထာပိ ဘိက္ခဝေ ဂဝါ ဒီရံ၊ ဒီရမ္မာ ဒမိ၊ ဒမိမ္မာ နဝနိတံ၊ နဝနိတမ္မာ
သပ္ပိ၊ သပ္ပိမ္မာ သပ္ပိမဏ္ဍော၊ သပ္ပိမဏ္ဍော? တတ္ထ အဂ္ဂမက္ခာယတိ။ ဧဝမေဝံ ခေါ
ဘိက္ခဝေ ဣမေသံ ပဉ္စန္ဒ အာရညိကာနံ ယွာယံ အာရညိကော အပ္ပိစ္ဆတံယေဝ
နိဿာယ သန္တုဋ္ဌိယေဝ နိဿာယ သလ္လေခံယေဝ နိဿာယ ပဝိဝေကံယေဝ
နိဿာယ ဣဒမတ္ထိတံယေဝ နိဿာယ အာရညိကော ဟောတိ။ အယံ ဣမေသံ
ပဉ္စန္ဒ အာရညိကာနံ အဂ္ဂေါ စ သေဋ္ဌော စ မောက္ခော စ ဥတ္တမော စ ပဝရော
စာတိ။ ။ပဌမံ။

၂-စိဝရသုတ္တ

၁၈၂။ ပဋိမေ ဘိက္ခဝေ ပံသုကူလိကာ။ ကတမေ ပဉ္စ? မန္တတ္တာ မောမူဟတ္တာ
ပံသုကူလိကော ဟောတိ။ ပ။ ဣဒမတ္ထိတံယေဝ နိဿာယ ပံသုကူလိကော
ဟောတိ။ ဣမေ ခေါ ဘိက္ခဝေ ပဉ္စ ပံသုကူလိကာတိ။ ။ဒုတိယံ။

၃-ရုက္ခမူလိကသုတ္တ

၁၈၃။ ပဋိမေ ဘိက္ခဝေ ရုက္ခမူလိကာ။ ကတမေ ပဉ္စ? မန္တတ္တာ မောမူဟတ္တာ
ရုက္ခမူလိကော ဟောတိ။ ပ။ ဣဒမတ္ထိတံယေဝ နိဿာယ ရုက္ခမူလိကော
ဟောတိ။ ဣမေ ခေါ ဘိက္ခဝေ ပဉ္စ ရုက္ခမူလိကာတိ။ ။တတိယံ။

၁-အာရညကာ (သဗ္ဗတ္ထ) ဝိ ၅-၃၃၅-ပိဋေ ပဿိတဗ္ဗံ။ ၂-ဣဒမတ္ထိတံယေဝ (သိ၊ ဣ)
၃-ပါမောက္ခော (အံ ၁-၄၀၈-အံ ၃-၄၀၃-ပိဋေ) ၄-သပ္ပိမ္မာ သပ္ပိမဏ္ဍော (က) သံ ၂-၂၂၄-ပိဋေ။
အံ ၂-၁၃

၄-သောသာနိကသုတ္တ

၁၈၄။ ပဉ္စိမေ ဘိက္ခဝေ သောသာနိကာ။ ကတမေ ပဉ္စ? မန္တတ္တာ မောမူဟတ္တာ သောသာနိကော ဟောတိ။ပ။ ဣဒမတ္ထိတံယေဝ နိဿာယ သောသာနိကော ဟောတိ။ ဣမေ ခေါ ဘိက္ခဝေ ပဉ္စ သောသာနိကာတိ။ ။ စတုတ္ထံ။

၅-အဗ္ဘောကာသိကသုတ္တ

၁၈၅။ ပဉ္စိမေ ဘိက္ခဝေ အဗ္ဘောကာသိကာ။ပ။ ။ပဉ္စမံ။

၆-နေသဇ္ဇိကသုတ္တ

၁၈၆။ ပဉ္စိမေ ဘိက္ခဝေ နေသဇ္ဇိကာ။ပ။ ။ဆဋ္ဌံ။

၇-ယထာသန္တတိကသုတ္တ

၁၈၇။ ပဉ္စိမေ ဘိက္ခဝေ ယထာသန္တတိကာ။ပ။ ။သတ္တမံ။

၈-ကောသနိကသုတ္တ

၁၈၈။ ပဉ္စိမေ ဘိက္ခဝေ ကောသနိကာ။ပ။ ။အဋ္ဌမံ။

၉-ခလုပစ္ဆာဘတ္တိကသုတ္တ

၁၈၉။ ပဉ္စိမေ ဘိက္ခဝေ ခလုပစ္ဆာဘတ္တိကာ။ပ။ ။နဝမံ။

၁၀-ပတ္တပိဏ္ဍိကသုတ္တ

၁၉၀။ ပဉ္စိမေ ဘိက္ခဝေ ပတ္တပိဏ္ဍိကာ။ ကတမေ ပဉ္စ? မန္တတ္တာ မောမူဟတ္တာ ပတ္တပိဏ္ဍိကော ဟောတိ။ ပါပိစ္ဆော ဣစ္ဆာပကတော ပတ္တပိဏ္ဍိကော ဟောတိ။ ဥမ္မာဒါ စိတ္တက္ခေပါ ပတ္တပိဏ္ဍိကော ဟောတိ။ “ဝဏ္ဏိတံ ဗုဒ္ဓေဟိ ဗုဒ္ဓသာဝကေဟိ”တိ ပတ္တပိဏ္ဍိကော ဟောတိ။ အပ္ပိစ္ဆတံယေဝ နိဿာယ သန္တုဋ္ဌိယေဝ နိဿာယ သလ္လေခံယေဝ နိဿာယ ပဝိဝေကံယေဝ နိဿာယ ဣဒမတ္ထိတံယေဝ နိဿာယ ပတ္တပိဏ္ဍိကော ဟောတိ။ ဣမေ ခေါ ဘိက္ခဝေ ပဉ္စ ပတ္တပိဏ္ဍိကာ။ ဣမေသံ ခေါ ဘိက္ခဝေ ပဉ္စံ ပတ္တပိဏ္ဍိကာနံ ယွာယံ ပတ္တပိဏ္ဍိကော အပ္ပိစ္ဆတံယေဝ နိဿာယ သန္တုဋ္ဌိယေဝ နိဿာယ

သလ္လေခံယေဝ နိဿာယ ပဝိဝေကံယေဝ နိဿာယ ဣဒမတ္ထိတံယေဝ နိဿာယ ပတ္တပိဏ္ဍိကော ဟောတိ။ အယံ ဣမေသံ ပဉ္စန္ဒံ ပတ္တပိဏ္ဍိကာနံ အဂ္ဂေါ စ သေဋ္ဌော စ မောက္ခော စ ဥတ္တမော စ ပဝရော စ။

သေယျထာပိ ဘိက္ခဝေ ဂဝါ ဒီရံ၊ ဒီရမ္မာ ဒမိ၊ ဒမိမ္မာ နဝနိတံ၊ နဝနိတမ္မာ သပ္ပိ၊ သပ္ပိမ္မာ သပ္ပိမဏ္ဍော၊ သပ္ပိမဏ္ဍော တတ္ထ အဂ္ဂမက္ခာယတိ။ ဧဝမေဝံ ခေါ ဘိက္ခဝေ ဣမေသံ ပဉ္စန္ဒံ ပတ္တပိဏ္ဍိကာနံ ယွာယံ ပတ္တပိဏ္ဍိကော အပ္ပိစ္ဆတံယေဝ နိဿာယ သန္တုဋ္ဌိယေဝ နိဿာယ သလ္လေခံယေဝ နိဿာယ ပဝိဝေကံယေဝ နိဿာယ ဣဒမတ္ထိတံယေဝ နိဿာယ ပတ္တပိဏ္ဍိကော ဟောတိ။ အယံ ဣမေသံ ပဉ္စန္ဒံ ပတ္တပိဏ္ဍိကာနံ အဂ္ဂေါ စ သေဋ္ဌော စ မောက္ခော စ ဥတ္တမော စ ပဝရော စာတိ။ ။ဒသမံ။

အရညဝဂ္ဂေါ စတုတ္ထော။

တသုဒ္ဓါနံ

အရညံ စိဝရံ ရုက္ခ၊ သုသာနံ အဟောကာသိကံ။
နေသဇ္ဇံ သန္တတံ ကောသနိကံ၊ ခလုပစ္ဆာပိဏ္ဍိကေန စာတိ။

(၂၀) ၅-မြာဟ္မဏဝဂ္ဂ

၁-သောဏသုတ္တ

၁၉၁။ ပဉ္စိမေ ဘိက္ခဝေ ပေါရာဏာ မြာဟ္မဏဓမ္မော ဧတရဟိ သုနခေသု သန္တိဿန္တိ နော မြာဟ္မဏေသု။ ကတမေ ပဉ္စ? ပုဗ္ဗေ သုဒ္ဓံ ဘိက္ခဝေ မြာဟ္မဏာ မြာဟ္မဏိယေဝ ဂစ္ဆန္တိ နော အမြာဟ္မဏိ။ ဧတရဟိ ဘိက္ခဝေ မြာဟ္မဏာ မြာဟ္မဏိမ္ပိ ဂစ္ဆန္တိ၊ အမြာဟ္မဏိမ္ပိ ဂစ္ဆန္တိ။ ဧတရဟိ ဘိက္ခဝေ သုနခါ သုနဒိယေဝ ဂစ္ဆန္တိ နော အသုနဒိ။ အယံ ဘိက္ခဝေ ပဌမော ပေါရာဏော မြာဟ္မဏဓမ္မော ဧတရဟိ သုနခေသု သန္တိဿတိ နော မြာဟ္မဏေသု။

ပုဗ္ဗေ သုဒ္ဓံ ဘိက္ခဝေ မြာဟ္မဏာ မြာဟ္မဏိ ဥတုနိယေဝ ဂစ္ဆန္တိ နော အနုတုနိ။ ဧတရဟိ ဘိက္ခဝေ မြာဟ္မဏာ မြာဟ္မဏိ ဥတုနိမ္ပိ ဂစ္ဆန္တိ၊ အနုတုနိမ္ပိ

ဂစ္ဆန္တိ။ တေရဟိ ဘိက္ခဝေ သုနခါ သုနဒိံ ဥတုနိယေဝ ဂစ္ဆန္တိ နော အနုတုနိံ။ အယံ ဘိက္ခဝေ ဒုတိယော ပေါရာဏော ဗြာဟ္မဏဓမ္မော တေရဟိ သုနခေသု သန္တိဿတိ နော ဗြာဟ္မဏေသု။

ပုဗ္ဗေ သုဒ္ဓံ ဘိက္ခဝေ ဗြာဟ္မဏာ ဗြာဟ္မဏိံ နေဝ ကိဏန္တိ နော ဝိက္ကိဏန္တိ၊ သမ္ဗိယေနေဝ သံဝါသံ သံဗန္ဓာယံ သံပဝတ္တေန္တိ။ တေရဟိ ဘိက္ခဝေ ဗြာဟ္မဏာ ဗြာဟ္မဏိံ ကိဏန္တိပိ ဝိက္ကိဏန္တိပိ၊ သမ္ဗိယေနပိ သံဝါသံ သံဗန္ဓာယံ သံပဝတ္တေန္တိ။ တေရဟိ ဘိက္ခဝေ သုနခါ သုနဒိံ နေဝ ကိဏန္တိ နော ဝိက္ကိဏန္တိ၊ သမ္ဗိယေနေဝ သံဝါသံ သံဗန္ဓာယံ သံပဝတ္တေန္တိ။ အယံ ဘိက္ခဝေ တတိယော ပေါရာဏော ဗြာဟ္မဏဓမ္မော တေရဟိ သုနခေသု သန္တိဿတိ နော ဗြာဟ္မဏေသု။

ပုဗ္ဗေ သုဒ္ဓံ ဘိက္ခဝေ ဗြာဟ္မဏာ န သန္တိမိံ ကရေန္တိ နေဿပိ ခညဿပိ ရဇတဿပိ ဇာတရူပဿပိ။ တေရဟိ ဘိက္ခဝေ ဗြာဟ္မဏာ သန္တိမိံ ကရေန္တိ နေဿပိ ခညဿပိ ရဇတဿပိ ဇာတရူပဿပိ။ တေရဟိ ဘိက္ခဝေ သုနခါ န သန္တိမိံ ကရေန္တိ နေဿပိ ခညဿပိ ရဇတဿပိ ဇာတရူပဿပိ။ အယံ ဘိက္ခဝေ စတုတ္ထော ပေါရာဏော ဗြာဟ္မဏဓမ္မော တေရဟိ သုနခေသု သန္တိဿတိ နော ဗြာဟ္မဏေသု။

ပုဗ္ဗေ သုဒ္ဓံ ဘိက္ခဝေ ဗြာဟ္မဏာ သာယံ သာယမာသာယ၊ ပါတော ပါတရာသာယ ဘိက္ခံ ပရိယေသန္တိ။ တေရဟိ ဘိက္ခဝေ ဗြာဟ္မဏာ ယာဝဒတ္ထံ ဥဒရာဝဒေဟကံ ဘုဉ္ဇိတွာ အဝသေသံ အာဒါယ ပက္ကမန္တိ။ တေရဟိ ဘိက္ခဝေ သုနခါ သာယံ သာယမာသာယ၊ ပါတော ပါတရာသာယ ဘိက္ခံ ပရိယေသန္တိ။ အယံ ဘိက္ခဝေ ပဉ္စမော ပေါရာဏော ဗြာဟ္မဏဓမ္မော တေရဟိ သုနခေသု သန္တိဿတိ နော ဗြာဟ္မဏေသု။ ဣမေ ခေါ ဘိက္ခဝေ ပဉ္စ ပေါရာဏာ ဗြာဟ္မဏဓမ္မော တေရဟိ သုနခေသု သန္တိဿန္တိ နော ဗြာဟ္မဏေသုတိ။ ။ပဌမံ။

၂-ဒေါဏဗြာဟ္မဏသုတ္တ

၁၉၂။ အထ ခေါ ဒေါဏော ဗြာဟ္မဏော ယေန ဘဂဝါ တေနုပသင်္ကမိ၊ ဥပသင်္ကမိတွာ ဘဂဝတာ သဒ္ဓိံ သမ္မောဒိ၊ သမ္မောဒနီယံ ကထံ သာရဏီယံ ဝိတိသာရေတွာ ဧကမန္တံ နိဿိဒိ၊ ဧကမန္တံ နိဿိန္နော ခေါဒေါဏော ဗြာဟ္မဏော ဘဂဝန္တံ တေဒဝေါစ—

သုတံ မေတံ ဘော ဂေါတမ၊ “န သမဏော ဂေါတမော မြာဟ္မဏေ ဇိဏ္ဍေ
ဝုဒ္ဓေ မဟလ္လကေ အဗ္ဗဂတေ ဝယောအနုပ္ပတ္တေ အဘိဝါဒေတိ ဝါ ပစ္စုဋ္ဌေတိ
ဝါ အာသနေန ဝါ နိမန္တေတိ”တိ၊ တယိဒံ ဘော ဂေါတမ တထေဝ။
န ဟိ ဘဝံ ဂေါတမော မြာဟ္မဏေ ဇိဏ္ဍေ ဝုဓေ မဟလ္လကေ အဗ္ဗဂတေ
ဝယောအနုပ္ပတ္တေ အဘိဝါဒေတိ ဝါ ပစ္စုဋ္ဌေတိ ဝါ အာသနေန ဝါ နိမန္တေတိ။
တယိဒံ ဘော ဂေါတမ န သမ္ပန္နမေဝါတိ။ တုမ္ပိ နော ဒေါဏ မြာဟ္မဏော
ပဋိဇာနာသိတိ။ ယံ ဟိ တံ ဘော ဂေါတမ သမ္မာ ဝဒမာနော ဝဒေယျ
“မြာဟ္မဏော ဥဘတော သုဇာတော မာတိတော စ ပိတိတော စ သံသုဒ္ဓ-
ဂဟဏိကော ယာဝ သတ္တမာ ပိတာမဟယုဂါ အက္ခိတ္တော အနုပက္ကုဋ္ဌော
ဇာတိဝါဒေန၊ အဇ္ဈာယကော မန္တရော တိဏ္ဍံ ဝေဒါနံ ပါရဂူ သနိဿဏ္ဍာ-
ကေဋ္ဌာဘာနံ သာက္ခရပ္ပဘေဒါနံ ဣတိဟာသပဉ္စမာနံ ပဒကော ဝေယျာ-
ကရဏော လောကာယတမဟာပုရိသလက္ခဏေသု အနဝယော”တိ၊ မမေဝ
တံ ဘော ဂေါတမ သမ္မာ ဝဒမာနော ဝဒေယျ “အဟံ ဟိ ဘော ဂေါတမ
မြာဟ္မဏော ဥဘတော သုဇာတော မာတိတော စ ပိတိတော စ သံသုဒ္ဓဂဟဏိကော
ယာဝ သတ္တမာ ပိတာမဟယုဂါ အက္ခိတ္တော အနုပက္ကုဋ္ဌော
ဇာတိဝါဒေန၊ အဇ္ဈာယကော မန္တရော တိဏ္ဍံ ဝေဒါနံ ပါရဂူ သနိဿဏ္ဍာ-
ကေဋ္ဌာဘာနံ သာက္ခရပ္ပဘေဒါနံ ဣတိဟာသပဉ္စမာနံ ပဒကော ဝေယျာကရဏော
လောကာယတမဟာပုရိသလက္ခဏေသု အနဝယော”တိ။

ယေ ခေါ တေ ဒေါဏ မြာဟ္မဏာနံ ပုဗ္ဗကာ ဣသယော မန္တာနံ ကတ္တာရော
မန္တာနံ ပဝတ္တာရော၊ ယေသမိဒံ တေရဟိ မြာဟ္မဏာ ပေါရာဏံ မန္တပဒံ
ဂီတံ ပဝုတ္တံ သမိဟိတံ တဒနုဂါယန္တိ တဒနုဘာသန္တိ ဘာသိတမနုဘာသန္တိ
သဇ္ဈာယိတမနုသဇ္ဈာယန္တိ ဝါစိတမနုဝါစေန္တိ။ သေယျထိဒံ၊ အဋ္ဌကော
ဝါမကော ဝါမဒေဝေါ ဝေဿာမိတ္တော ယမဒဂ္ဂိ^၁ အင်္ဂီရသော ဘာရဒွါဇော
ဝါသေဋ္ဌော ကဿပေါ ဘဂု၊ ဘုဿုမေ ပဉ္စ မြာဟ္မဏေ ပညာပေန္တိ
ဗြဟ္မသမံ ဒေဝသမံ မရိယာဒံ သမ္ဘိန္နမရိယာဒံ မြာဟ္မဏစဏ္ဍာလံယေဝ ပဉ္စမံ၊
တေသံ တွံ ဒေါဏ ကတမောတိ။

န ခေါ မယံ ဘော ဂေါတမ ပဉ္စ မြာဟ္မဏေ ဇာနာမ၊ အထ ခေါ မယံ
မြာဟ္မဏာတွေဝ ဇာနာမ။ သာဓု မေ ဘဝံ ဂေါတမော တဏှာ ဓမ္မံ ဒေသေတု၊
ယထာ အဟံ ဣမေ ပဉ္စ မြာဟ္မဏေ ဇာနေယျန္တိ။ တေန ဟိ မြာဟ္မဏ သုဏောဟိ

သာဓုကံ မနသိ ကရောဟိ၊ ဘာသိဿာမီတိ။ “ဧဝံ ဘော”တိ ခေါ ဒေါဏော မြာဟ္မဏော ဘဂဝတော ပစ္စဿောသိ။ ဘဂဝါ ဧတဒဝေါစ—

ကထဉ္စ ဒေါဏ မြာဟ္မဏော မြဟ္မသမော ဟောတိ? ဣဓ ဒေါဏ မြာဟ္မဏော ဥဘတော သုဇာတော ဟောတိ မာတိတော စ ပိတိတော စ သံသုဒ္ဓဂဟဏိကော ယာဝ သတ္တမာ ပိတာမဟယုဂါ အက္ခိတ္တော အနုပက္ကုဋ္ဌော ဇာတိဝါဒေန။ သော အဋ္ဌစက္ကာလီသဝဿာနိ ကောမာရမြဟ္မစရိယံ^၁ စရတိ မန္တေ အဓိယမာနော၊ အဋ္ဌစက္ကာလီသဝဿာနိ ကောမာရမြဟ္မစရိယံ စရိတွာ မန္တေ အဓိယိတွာ အာစရိယဿ အာစရိယဓနံ ပရိယေသတိ ဓမ္မေနော နော အဓမ္မေန။

တတ္ထ စ ဒေါဏ ကော ဓမ္မော၊ နော ကသိယာ န ဝဏိဇ္ဇာယ န ဂေါရက္ခေန န ဣဿတ္တေန^၂ န ရာဇပေါရိသေန န သိပ္ပညတရေန၊ ကေဝလံ ဘိက္ခာစရိယာယ ကပါလံ အနတိမညမာနော။ သော အာစရိယဿ အာစရိယဓနံ နိယျာဒေတွာ^၃ ကေသမဿုံ ဩဟာရေတွာ ကာသာယာနိ ဝတ္တာနိ အန္တာဒေတွာ အဂါရသ္မာ အနဂါရိယံ ပဗ္ဗဇတိ။ သော ဧဝံ ပဗ္ဗဇိတော သမာနော မေတ္တာသဟဂတေန စေတသာ ဧကံ ဒိသံ ဖရိတွာ ဝိဟရတိ။ တထာ ဒုတိယံ။ တထာ တတိယံ။ တထာ စတုတ္ထံ^၄။ ဣတိ ဥဒ္ဓမဓော တိရိယံ သဗ္ဗမိ သဗ္ဗတ္တတာယ သဗ္ဗာဝန္တံ လောကံ မေတ္တာသဟဂတေန စေတသာ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန^၅ ဖရိတွာ ဝိဟရတိ။ ကရုဏာ။ ပ။ မုဒိတာ။ ဥပေက္ခာသဟဂတေန စေတသာ ဧကံ ဒိသံ ဖရိတွာ ဝိဟရတိ။ တထာ ဒုတိယံ။ တထာ တတိယံ။ တထာ စတုတ္ထံ။ ဣတိ ဥဒ္ဓမဓော တိရိယံ သဗ္ဗမိ သဗ္ဗတ္တတာယ သဗ္ဗာဝန္တံ လောကံ ဥပေက္ခာသဟဂတေန စေတသာ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန ဖရိတွာ ဝိဟရတိ။ သော ဣမေ စက္ကာရော မြဟ္မဝိဟာရေ ဘာဝေတွာ ကာယဿ ဘေဒါ ပရံ မရဏာ သုဂတိံ^၆ မြဟ္မလောကံ ဥပပဇ္ဇတိ။ ဧဝံ ခေါ ဒေါဏ မြာဟ္မဏော မြဟ္မသမော ဟောတိ။ (၁)

ကထဉ္စ ဒေါဏ မြာဟ္မဏော ဒေဝသမော ဟောတိ? ဣဓ ဒေါဏ မြာဟ္မဏော ဥဘတော သုဇာတော ဟောတိ မာတိတော စ ပိတိတော စ သံသုဒ္ဓဂဟဏိကော ယာဝ သတ္တမာ ပိတာမဟယုဂါ အက္ခိတ္တော အနုပက္ကုဋ္ဌော

၁-ကောမာရံ မြဟ္မစရိယံ (သျှာ၊ က)

၂-န ဣဿတ္တေန (က)

၃-နိယျာဒေတွာ (သိ)၊ နိယာဒေတွာ (ဣ)၊ နိယျာတေတွာ (ကတ္ထမိ)

၄-စတုတ္ထိံ (သိ)

၅-အဗျာပဇ္ဇေန (က) အဗျာဗဇ္ဇေန (?)

ဇာတိဝါဒေန။ သော အဋ္ဌစက္ကာလီသဝဿာနိ ကောမာရဗြဟ္မစရိယံ စရတိ
မန္တေ အဓိယမာနော၊ အဋ္ဌစက္ကာလီသဝဿာနိ ကောမာရဗြဟ္မစရိယံ စရိတွာ
မန္တေ အဓိယိတွာ အာစရိယဿ အာစရိယဓနံ ပရိယေသတိ ဓမ္မေနော နော
အဓမ္မေန။ တတ္ထ စ ဒေါဏ ကော ဓမ္မော နော ကသိယာ န ဝဏိဇ္ဇာယ န
ဂေါရက္ခေန န ဣဿတ္ထေန န ရာဇပေါရိသေန န သိပ္ပညတရေန၊ ကေဝလံ
ဘိက္ခာစရိယာယ ကပါလံ အနုတိမညမာနော။ သော အာစရိယဿ
အာစရိယဓနံ နိယျာဒေတွာ ဒါရံ ပရိယေသတိ ဓမ္မေနော နော အဓမ္မေန။

တတ္ထ စ ဒေါဏ ကော ဓမ္မော၊ နော ကယေန န ဝိက္ကယေန မြာဟူဏိယေဝ
ဥဒကူပဿဋ္ဌံ။ သော မြာဟူဏိယေဝ ဂစ္ဆတိ၊ န ခတ္တိယိံ န ဝေဿိံ န သုဒ္ဓိံ
န စဏ္ဍာလိံ န နေသာဒိံ န ဝေနိံ န ရထကာရိံ န ပုတ္တုသိံ ဂစ္ဆတိ၊ န ဂတ္တိနိံ
ဂစ္ဆတိ၊ န ပါယမာနံ ဂစ္ဆတိ၊ န အနုတုနိံ ဂစ္ဆတိ။ ကသ္မာ စ ဒေါဏ
မြာဟူဏော န ဂတ္တိနိံ ဂစ္ဆတိ။ သစေ ဒေါဏ မြာဟူဏော ဂတ္တိနိံ ဂစ္ဆတိ၊
အတိမိဋ္ဌဇော နာမ သော ဟောတိ မာဏဝကော ဝါ မာဏဝိကာ ဝါ၊ တသ္မာ
ဒေါဏ မြာဟူဏော န ဂတ္တိနိံ ဂစ္ဆတိ။ ကသ္မာ စ ဒေါဏ မြာဟူဏော န
ပါယမာနံ ဂစ္ဆတိ။ သစေ ဒေါဏ မြာဟူဏော ပါယမာနံ ဂစ္ဆတိ၊ အသုစိ-
ပဋိဝိဋ္ဌိတော နာမ သော ဟောတိ မာဏဝကော ဝါ မာဏဝိကာ ဝါ၊ တသ္မာ
ဒေါဏ မြာဟူဏော န ပါယမာနံ ဂစ္ဆတိ။ တဿ သာ ဟောတိ မြာဟူဏိ
နော ကာမတ္တာ န ဒဝတ္တာ န ရတတ္တာ၊ ပဇတ္တာဝ မြာဟူဏဿ မြာဟူဏိ
ဟောတိ။ သော မေထုနံ ဥပ္ပါဒေတွာ ကေသမသ္မံ ဩဟာရေတွာ ကာသာယာနိ
ဝတ္တာနိ အစ္ဆာဒေတွာ အဂါရသ္မာ အနဂါရိယံ ပဗ္ဗဇတိ။ သော ဧဝံ ပဗ္ဗဇိတော
သမာနော ဝိဝိဇ္ဇေဝ ကာမေဟိ။ ပ။ စတုတ္ထံ ဈာနံ ဥပသမ္ပဇ္ဇံ ဝိဟရတိ။ သော
ဣမေ စက္ကာရော ဈာနေ ဘာဝေတွာ ကာယဿ ဘေဒါ ပရံ မရဏာ သုဂတိံ
သဂ္ဂံ လောကံ ဥပပဇ္ဇတိ။ ဧဝံ ခေါ ဒေါဏ မြာဟူဏော ဒေဝသမော
ဟောတိ။ (၂)

ကထဉ္စ ဒေါဏ မြာဟူဏော မရိယာဒေါ ဟောတိ? ဣမ ဒေါဏ
မြာဟူဏော ဥဘတော သုဇာတော ဟောတိ မာတိတော စ ဝိတိတော စ
သံသုဒ္ဓဂဟဏိကော ယာဝ သတ္တမာ ဝိတာမဟယုဂါ အက္ခိတ္တော အနုပဟ္ကုဋ္ဌော
ဇာတိဝါဒေန။ သော အဋ္ဌစက္ကာလီသဝဿာနိ ကောမာရဗြဟ္မစရိယံ စရတိ
မန္တေ အဓိယမာနော၊ အဋ္ဌစက္ကာလီသဝဿာနိ ကောမာရဗြဟ္မစရိယံ စရိတွာ
မန္တေ အဓိယိတွာ အာစရိယဿ အာစရိယဓနံ ပရိယေသတိ ဓမ္မေနော နော

အဓမ္မေန။ တတ္ထ စ ဒေါဏ ကော ဓမ္မော၊ နေဝ ကသိယာ န ဝဏိဇ္ဇာယ န ဂေါရက္ခေန န ဣဿတ္ထေန န ရာဇပေါရိသေန န သိပ္ပညတရေန၊ ကေဝလံ ဘိက္ခာစရိယာယ ကပါလံ အနုတိမညမာနော။ သော အာစရိယဿ အာစရိယဓနံ နိယျာဒေတွာ ဒါရံ ပရိယေသတိ ဓမ္မေနေဝ နော အဓမ္မေန။

တတ္ထ စ ဒေါဏ ကော ဓမ္မော၊ နေဝ ကယေန န ဝိက္ကယေန မြာဟ္မဏိယေဝ ဥဒကူပဿဋ္ဌံ။ သော မြာဟ္မဏိယေဝ ဂစ္ဆတိ၊ န ခတ္တိယိ န ဝေဿိ န သုဒ္ဓိ န စဏ္ဍာလိ န နေသာဒိ န ဝေနိ န ရထကာရိ န ပုတ္တုသိ ဂစ္ဆတိ၊ န ဂတ္တိနိ ဂစ္ဆတိ၊ န ပါယမာနံ ဂစ္ဆတိ၊ န အနုတုနိ ဂစ္ဆတိ။ ကသ္မာ စ ဒေါဏ မြာဟ္မဏော န ဂတ္တိနိ ဂစ္ဆတိ။ သစေ ဒေါဏ မြာဟ္မဏော ဂတ္တိနိ ဂစ္ဆတိ၊ အတိမိဋ္ဌဇော နာမ သော ဟောတိ မာဏဝကော ဝါ မာဏဝိကာ ဝါ၊ တသ္မာ ဒေါဏ မြာဟ္မဏော န ဂတ္တိနိ ဂစ္ဆတိ။ ကသ္မာ စ ဒေါဏ မြာဟ္မဏော န ပါယမာနံ ဂစ္ဆတိ။ သစေ ဒေါဏ မြာဟ္မဏော ပါယမာနံ ဂစ္ဆတိ၊ အသုစိ-ပဋိဝိဋ္ဌိတော နာမ သော ဟောတိ မာဏဝကော ဝါ မာဏဝိကာ ဝါ၊ တသ္မာ ဒေါဏ မြာဟ္မဏော န ပါယမာနံ ဂစ္ဆတိ။ တဿ သာ ဟောတိ မြာဟ္မဏိ နေဝ ကာမတ္တာ န ဒဝတ္တာ န ရတတ္တာ၊ ပဇတ္တာဝ မြာဟ္မဏဿ မြာဟ္မဏိ ဟောတိ။ သော မေထုနံ ဥပ္ပါဒေတွာ တမေဝ ပုတ္တဿာဒံ နိကာမယမာနော ကုဋုမ္ဘံ အဇ္ဈာဝသတိ၊ န အဂါရသ္မာ အနဂါရိယံ ပဗ္ဗဇတိ။ ယာဝ ပေါရာဏာနံ မြာဟ္မဏာနံ မရိယာဒေါ၊ တတ္ထ တိဋ္ဌတိ၊ တံ န ဝိတိက္ကမတိ။ “ယာဝ ပေါရာဏာနံ မြာဟ္မဏာနံ မရိယာဒေါ၊ တတ္ထ မြာဟ္မဏော ဌိတော တံ န ဝိတိက္ကမတိ”တိ ခေါ ဒေါဏ တသ္မာ မြာဟ္မဏော “မရိယာဒေါ”တိ ဝုစ္ဆတိ။ ဧဝံ ခေါ ဒေါဏ မြာဟ္မဏော မရိယာဒေါ ဟောတိ။ (၃)

ကထဉ္စ ဒေါဏ မြာဟ္မဏော သတ္တိန္ဒမရိယာဒေါ ဟောတိ? ဣဓ ဒေါဏ မြာဟ္မဏော ဥဘတော သုဇာတော ဟောတိ မာတိတော စ ပိတိတော စ သံသုဒ္ဓဂဟဏိကော ယာဝ သတ္တမာ ဝိတာမဟယုဂါ အက္ခိတ္တော အနုပက္ကုဋ္ဌော ဇာတိဝါဒေန။ သော အဋ္ဌစတ္တာလီသဝဿာနိ ကောမာရမြဟ္မစရိယံ စရတိ မန္တေ အဓိယမာနော၊ အဋ္ဌစတ္တာလီသဝဿာနိ ကောမာရမြဟ္မစရိယံ စရိတွာ မန္တေ အဓိယိတွာ အာစရိယဿ အာစရိယဓနံ ပရိယေသတိ ဓမ္မေနေဝ နော အဓမ္မေန။

တတ္ထ စ ဒေါဏ ကော ဓမ္မော၊ နေဝ ကသိယာ န ဝဏိဇ္ဇာယ န ဂေါရက္ခေန န ဣဿတ္ထေန န ရာဇပေါရိသေန န သိပ္ပညတရေန၊ ကေဝလံ ဘိက္ခာစရိယာယ ကပါလံ အနုတိမညမာနော။ သော အာစရိယဿ အာစရိယဓနံ နိယျာဒေတွာ

ဒါရံ ပရိယေသတိ ဓမ္မေနပိ အဓမ္မေနပိ ကယေနပိ ဝိက္ကယေနပိ မြာဟူဏိမ္ပိ ဥဒကူပဿဋ္ဌံ။ သော မြာဟူဏိမ္ပိ ဂစ္ဆတိ၊ ခတ္တိယိမ္ပိ ဂစ္ဆတိ၊ ဝေဿိမ္ပိ ဂစ္ဆတိ၊ သုဒ္ဓိမ္ပိ ဂစ္ဆတိ၊ စဏ္ဍာလိမ္ပိ ဂစ္ဆတိ၊ နေသာဒိမ္ပိ ဂစ္ဆတိ၊ ဝေနိမ္ပိ ဂစ္ဆတိ၊ ရထကာရိမ္ပိ ဂစ္ဆတိ၊ ပုက္ကုသိမ္ပိ ဂစ္ဆတိ၊ ဂတ္တိနိမ္ပိ ဂစ္ဆတိ၊ ပါယမာနမ္ပိ ဂစ္ဆတိ၊ ဥတုနိမ္ပိ ဂစ္ဆတိ၊ အနုတုနိမ္ပိ ဂစ္ဆတိ။ တဿ သာ ဟောတိ မြာဟူဏီ ကာမတ္ထာပိ ဒဝတ္ထာပိ ရတတ္ထာပိ ပဇတ္ထာပိ မြာဟူဏဿ မြာဟူဏီ ဟောတိ။ ယာဝ ပေါရာဏာနံ မြာဟူဏာနံ မရိယာဒေါ၊ တတ္ထ န တိဋ္ဌတိ၊ တံ ဝိတိက္ကမတိ။ “ယာဝ ပေါရာဏာနံ မြာဟူဏာနံ မရိယာဒေါ၊ တတ္ထ မြာဟူဏော န ဌိတော တံ ဝိတိက္ကမတိ”တိ ခေါ ဒေါဏ တသ္မာ မြာဟူဏော “သန္တိန္ဒမရိယာဒေါ”တိ ဝုစ္ဆတိ။ ဧဝံ ခေါ ဒေါဏ မြာဟူဏော သန္တိန္ဒမရိယာဒေါ ဟောတိ။ (၄)

ကထဉ္စ ဒေါဏ မြာဟူဏော မြာဟူဏစဏ္ဍာလော ဟောတိ? ဣဓ ဒေါဏ မြာဟူဏော ဥဘတော သုဇာတော ဟောတိ မာတိတော စ ပိတိတော စ သံသုဒ္ဓဂဟဏိကော ယာဝ သတ္တမာ ပိတာမဟယုဂါ အက္ခိတ္တော အနုပက္ကုဋ္ဌော ဇာတိဝါဒေန။ သော အဋ္ဌစတ္တာလီသဝဿာနိ ကောမာရဗြဟ္မစရိယံ စရတိ မန္တေ အဓိယမာနော၊ အဋ္ဌစတ္တာလီသဝဿာနိ ကောမာရဗြဟ္မစရိယံ စရိတွာ မန္တေ အဓိယိတွာ အာစရိယဿ အာစရိယဓနံ ပရိယေသတိ ဓမ္မေနပိ အဓမ္မေနပိ ကသိယာပိ ဝဏိဇ္ဇာယပိ ဂေါရက္ခေနပိ ဣဿတ္ထေနပိ ရာဇပေါရိသေနပိ သိပ္ပည-တရေနပိ၊ ကေဝလမ္ပိ ဘိက္ခာစရိယာယ ကပါလံ အနုတိမညမာနော။

သော အာစရိယဿ အာစရိယဓနံ နိယျာဒေတွာ ဒါရံ ပရိယေသတိ ဓမ္မေနပိ အဓမ္မေနပိ ကယေနပိ ဝိက္ကယေနပိ မြာဟူဏိမ္ပိ ဥဒကူပဿဋ္ဌံ။ သော မြာဟူဏိမ္ပိ ဂစ္ဆတိ၊ ခတ္တိယိမ္ပိ ဂစ္ဆတိ၊ ဝေဿိမ္ပိ ဂစ္ဆတိ၊ သုဒ္ဓိမ္ပိ ဂစ္ဆတိ၊ စဏ္ဍာလိမ္ပိ ဂစ္ဆတိ၊ နေသာဒိမ္ပိ ဂစ္ဆတိ၊ ဝေနိမ္ပိ ဂစ္ဆတိ၊ ရထကာရိမ္ပိ ဂစ္ဆတိ၊ ပုက္ကုသိမ္ပိ ဂစ္ဆတိ၊ ဂတ္တိနိမ္ပိ ဂစ္ဆတိ၊ ပါယမာနမ္ပိ ဂစ္ဆတိ၊ ဥတုနိမ္ပိ ဂစ္ဆတိ၊ အနုတုနိမ္ပိ ဂစ္ဆတိ။ တဿ သာ ဟောတိ မြာဟူဏီ ကာမတ္ထာပိ ဒဝတ္ထာပိ ရတတ္ထာပိ ပဇတ္ထာပိ မြာဟူဏဿ မြာဟူဏီ ဟောတိ။ သော သဗ္ဗကမ္မေဟိ ဇီဝိကံ^၁ ကပ္ပေတိ။ တမေနံ မြာဟူဏာ ဧဝမာဟံသု “ကသ္မာ ဘဝံ မြာဟူဏော ပဋိဇာနမာနော သဗ္ဗကမ္မေဟိ ဇီဝိကံ ကပ္ပေတိ”တိ။ သော ဧဝမာဟ “သေယျ-ထာပိ ဘော အဂ္ဂိ သုစိမ္ပိ ဥဟတိ၊ အသုစိမ္ပိ ဥဟတိ၊ န စ တေန အဂ္ဂိ ဥပလိပ္ပတိ^၂။ ဧဝမေဝံ ခေါ ဘော သဗ္ဗကမ္မေဟိ စေပိ မြာဟူဏော ဇီဝိကံ ကပ္ပေတိ၊ န စ တေန မြာဟူဏော ဥပလိပ္ပတိ။ “သဗ္ဗကမ္မေဟိ ဇီဝိကံ ကပ္ပေတိ”တိ ခေါ

ဒေါဏ် တသွာ မြာဟ္မဏော “မြာဟ္မဏစဏ္ဍာလော”တိ ဝုစ္စတိ။ ဧဝံ ခေါ
ဒေါဏ် မြာဟ္မဏော မြာဟ္မဏစဏ္ဍာလော ဟောတိ။

ယေ ခေါ တေ ဒေါဏ် မြာဟ္မဏာနံ ပုဗ္ဗကာ ဣသယော မန္တာနံ ကတ္တာရေ
မန္တာနံ ပဝတ္တာရေ။ ယေသမိဒံ ဧတရဟိ မြာဟ္မဏာ ပေါရာဏံ မန္တပဒံ
ဂီတံ ပဝုတ္တံ သမိဟိတံ တဒနဂါယန္တိ တဒနဘာသန္တိ ဘာသိတမနုဘာသန္တိ
သဇ္ဈာယိတမနုသဇ္ဈာယန္တိ ဝါစိတမနုဝါစေန္တိ။ သေယျထိဒံ၊ အဋ္ဌကော
ဝါမကော ဝါမဒေဝေါ ဝေဿာမိတ္တော ယမဒဂ္ဂိ အင်္ဂီရသော ဘာရဒွါဇော
ဝါသေဋ္ဌော ကဿပေါ ဘဂ၊ ဘုဿုမေ ပဉ္စ မြာဟ္မဏေ ပညာပေန္တိ
ဗြဟ္မသမံ ဒေဝသမံ မရိယာဒံ သမ္ဘိန္ဒမရိယာဒံ မြာဟ္မဏစဏ္ဍာလံယေဝ ပဉ္စမံ၊
တေသံ တုံ ဒေါဏ် ကတမောတိ။

ဧဝံ သန္တေ မယံ ဘော ဂေါတမ မြာဟ္မဏစဏ္ဍာလမ္ပိ န ပူရေမ။ အဘိက္ကန္တံ
ဘော ဂေါတမ။ပ။ ဥပါသကံ မံ ဘဝံ ဂေါတမော ဓာရေတု အဇ္ဇတဂ္ဂေ
ပါဏုပေတံ သရဏံ ဂတန္တိ။ ။ဒုတိယံ။

၃-သင်္ဂါရဝသုတ္တ

၁၉၃။ အထ ခေါ သင်္ဂါရဝေါ မြာဟ္မဏော ယေန ဘဂဝါ တေနုပသင်္ကမိ၊
ဥပသင်္ကမိတွာ ဘဂဝတာ သဒ္ဓိံ သမ္မောဒိ၊ သမ္မောဒနိယံ ကထံ သာရဏီယံ
ဝိတိသာရေတွာ ဧကမန္တံ နိဿိဒိ၊ ဧကမန္တံ နိဿိန္နော ခေါ သင်္ဂါရဝေါ
မြာဟ္မဏော ဘဂဝန္တံ ဧတဒေဝေါစ “ကော န ခေါ ဘော ဂေါတမ ဟေတု ကော
ပစ္စယော၊ ယေန ကဒါစိ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊
ပဂေဝ အသဇ္ဈာယကတာ။ ကော ပန ဘော ဂေါတမ ဟေတု ကော
ပစ္စယော၊ ယေန ကဒါစိ ဒီဃရတ္တံ အသဇ္ဈာယကတာပိ မန္တာ ပဋိဘန္တိ၊
ပဂေဝ သဇ္ဈာယကတာ”တိ။

ယသ္မိံ မြာဟ္မဏ သမယေ ကာမရာဂပရိယုဋ္ဌိတေန စေတသာ ဝိဟရတိ
ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ
နပ္ပဇာနာတိ။ အတ္တတ္ထမ္ပိ တသ္မိံ သမယေ ယထာဘူတံ နပ္ပဇာနာတိ န ပဿတိ၊
ပရတ္တမ္ပိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဥဘယတ္ထမ္ပိ
တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ သဇ္ဈာယ-
ကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ သေယျထာပိ မြာဟ္မဏ
ဥဒပတ္တော သံသဋ္ဌော လာခါယ ဝါ ဟလိဒ္ဓိယာ ဝါ နီလိယာ ဝါ မဇ္ဈိဋ္ဌာယ
ဝါ၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော ယထာဘူတံ

နပ္ပဇာနေယျ န ပဿေယျ။ ဧဝမေဝံ ခေါ မြာဟူဏ ယသ္မိံ သမယေ ကာမရာဂပရိယုဋ္ဌိတေန စေတသာ ဝိဟရတိ ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ (၁)

ပုန စပရံ မြာဟူဏ ယသ္မိံ သမယေ ဗျာပါဒပရိယုဋ္ဌိတေန စေတသာ ဝိဟရတိ ဗျာပါဒပရေတေန၊ ဥပ္ပန္နဿ စ ဗျာပါဒဿ နိဿရဏံ ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ သေယျထာပိ မြာဟူဏ ဥဒပတ္တော အဂ္ဂိနာ သန္တတ္တော ဥက္ကမိတော^၁ ဥဿဒကဇာတော^၂၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော ယထာဘူတံ နပ္ပဇာနေယျ န ပဿေယျ။ ဧဝမေဝံ ခေါ မြာဟူဏ ယသ္မိံ သမယေ ဗျာပါဒပရိယုဋ္ဌိတေန စေတသာ ဝိဟရတိ ဗျာပါဒပရေတေန၊ ဥပ္ပန္နဿ စ ဗျာပါဒဿ နိဿရဏံ ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ (၂)

ပုန စပရံ မြာဟူဏ ယသ္မိံ သမယေ ထိနမိဒ္ဓပရိယုဋ္ဌိတေန စေတသာ ဝိဟရတိ ထိနမိဒ္ဓပရေတေန၊ ဥပ္ပန္နဿ စ ထိနမိဒ္ဓဿ နိဿရဏံ ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ သေယျထာပိ မြာဟူဏ ဥဒပတ္တော သေဝါလပဏကပရိယောနဒ္ဓေါ၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော ယထာဘူတံ နပ္ပဇာနေယျ န ပဿေယျ။ ဧဝမေဝံ ခေါ မြာဟူဏ ယသ္မိံ သမယေ ထိနမိဒ္ဓပရိယုဋ္ဌိတေန စေတသာ ဝိဟရတိ ထိနမိဒ္ဓပရေတေန၊ ဥပ္ပန္နဿ စ ထိနမိဒ္ဓဿ နိဿရဏံ ယထာဘူတံ နပ္ပဇာနာတိ။ အတ္တတ္ထမိ

၁-ဥက္ကမိတော (သီ၊ဇ္ဇ)၊ ဥက္ကမိတော (သျှ၊ကံ)

၂-ဥဿဒကဇာတော (ကတ္တမိ)၊ ဥဿဒကဇာတော (က)၊ ဥဿဒကဇာတော (မ ၃-၁၀၇-ပိဋေ)

တသ္မိံ သမယေ ယထာဘူတံ နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ
တသ္မိံ သမယေ ယထာဘူတံ နပ္ပဇာနာတိ န ပဿတိ၊ ဒီဃရတ္တံ
သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ (၃)

ပုန စပရံ မြာဟ္မဏ ယသ္မိံ သမယေ ဥဒ္ဓစ္စကုက္ကုစ္စပရိယုဋ္ဌိတေန စေတသာ
ဝိဟရတိ ဥဒ္ဓစ္စကုက္ကုစ္စပရေတေန၊ ဥပ္ပန္နဿ စ ဥဒ္ဓစ္စကုက္ကုစ္စဿ နိဿရဏံ
ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ
န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ
နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊
ပဂေဝ အသဇ္ဈာယကတာ။ သေယျထာပိ မြာဟ္မဏ ဥဒပတ္တော ဝါတေရိတော
စလိတော ဘန္တော ဦမိဇာတော၊ တတ္ထ စက္ခုမာ ပုရိသော သကံ မုခနိမိတ္တံ
ပစ္စဝေက္ခမာနော ယထာဘူတံ နပ္ပဇာနေယျ န ပဿေယျ။ ဧဝမေဝံ ခေါ
မြာဟ္မဏ ယသ္မိံ သမယေ ဥဒ္ဓစ္စကုက္ကုစ္စပရိယုဋ္ဌိတေန စေတသာ ဝိဟရတိ
ဥဒ္ဓစ္စကုက္ကုစ္စပရေတေန၊ ဥပ္ပန္နဿ စ ဥဒ္ဓစ္စကုက္ကုစ္စဿ နိဿရဏံ ယထာဘူတံ
နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊
ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊
ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ (၄)

ပုန စပရံ မြာဟ္မဏ ယသ္မိံ သမယေ ဝိစိကိစ္ဆာပရိယုဋ္ဌိတေန စေတသာ
ဝိဟရတိ ဝိစိကိစ္ဆာပရေတေန၊ ဥပ္ပန္နာယ စ ဝိစိကိစ္ဆာယ နိဿရဏံ
ယထာဘူတံ နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ
နပ္ပဇာနာတိ န ပဿတိ၊ ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ
နပ္ပဇာနာတိ န ပဿတိ၊ ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊
ပဂေဝ အသဇ္ဈာယကတာ။ သေယျထာပိ မြာဟ္မဏ ဥဒပတ္တော အာဝိလော
လုဋ္ဌိတော ကလလီဘူတော အန္ဓကာရေ နိက္ခိတ္တော၊ တတ္ထ စက္ခုမာ ပုရိသော
သကံ မုခနိမိတ္တံ ပစ္စဝေက္ခမာနော ယထာဘူတံ နပ္ပဇာနေယျ န ပဿေယျ။
ဧဝမေဝံ ခေါ မြာဟ္မဏ ယသ္မိံ သမယေ ဝိစိကိစ္ဆာပရိယုဋ္ဌိတေန စေတသာ
ဝိဟရတိ ဝိစိကိစ္ဆာပရေတေန၊ ဥပ္ပန္နာယ စ ဝိစိကိစ္ဆာယ နိဿရဏံ ယထာဘူတံ
နပ္ပဇာနာတိ။ အတ္တတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊
ပရတ္ထမိ။ပ။ ဥဘယတ္ထမိ တသ္မိံ သမယေ ယထာဘူတံ နပ္ပဇာနာတိ န ပဿတိ၊
ဒီဃရတ္တံ သဇ္ဈာယကတာပိ မန္တာ နပ္ပဋိဘန္တိ၊ ပဂေဝ အသဇ္ဈာယကတာ။ (၅)

ယသ္မိံ စ ခေါ မြာဟူဏ သမယေ န ကာမရာဂပရိယုဋ္ဌိတေန စေတသာ
ဝိဟရတိ န ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ
ယထာဘူတံ ပဇာနာတိ။ အတ္တတ္ထမ္ပိ တသ္မိံ သမယေ ယထာဘူတံ ပဇာနာတိ
ပဿတိ၊ ပရတ္ထမ္ပိ တသ္မိံ သမယေ ယထာဘူတံ ပဇာနာတိ ပဿတိ၊
ဥဘယတ္ထမ္ပိ တသ္မိံ သမယေ ယထာဘူတံ ပဇာနာတိ ပဿတိ၊ ဒီဃရတ္တံ
အသဇ္ဈာယကတာပိ မန္တာ ပဋိဘန္တိ၊ ပဂေဝ သဇ္ဈာယကတာ။ သေယျထာပိ
မြာဟူဏ ဥဒပတ္တော အသံသဋ္ဌော လာခါယ ဝါ ဟလိဒ္ဓိယာ ဝါ နီလိယာ
ဝါ မဉ္ဇိဋ္ဌာယ ဝါ၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော
ယထာဘူတံ ပဇာနေယျ ပဿေယျ။ ဧဝမေဝံ ခေါ မြာဟူဏ ယသ္မိံ
သမယေ န ကာမရာဂပရိယုဋ္ဌိတေန စေတသာ ဝိဟရတိ။ပ။ (၁)

ပုန စပရံ မြာဟူဏ ယသ္မိံ သမယေ န ဗျာပါဒပရိယုဋ္ဌိတေန စေတသာ
ဝိဟရတိ။ပ။ သေယျထာပိ မြာဟူဏ ဥဒပတ္တော အဂ္ဂိနာ အသန္တတ္တော
အနုက္ကုမိတော အနုဿဒကဇာတော၊ တတ္ထ စက္ခုမာ ပုရိသော သကံ
မုခနိမိတ္တံ ပစ္စဝေက္ခမာနော ယထာဘူတံ ပဇာနေယျ ပဿေယျ။ ဧဝမေဝံ ခေါ
မြာဟူဏ ယသ္မိံ သမယေ န ဗျာပါဒပရိယုဋ္ဌိတေန စေတသာ ဝိဟရတိ။ပ။ (၂)

ပုန စပရံ မြာဟူဏ ယသ္မိံ သမယေ န ထိနမိဒ္ဓပရိယုဋ္ဌိတေန စေတသာ
ဝိဟရတိ။ပ။ သေယျထာပိ မြာဟူဏ ဥဒပတ္တော န သေဝါလပဏကပရိယော-
နဒ္ဓေါ၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော ယထာဘူတံ
ပဇာနေယျ ပဿေယျ။ ဧဝမေဝံ ခေါ မြာဟူဏ ယသ္မိံ သမယေ န ထိနမိဒ္ဓ-
ပရိယုဋ္ဌိတေန စေတသာ ဝိဟရတိ။ပ။ (၃)

ပုန စပရံ မြာဟူဏ ယသ္မိံ သမယေ န ဥဒ္ဓစ္စကုက္ကုစ္စပရိယုဋ္ဌိတေန စေတသာ
ဝိဟရတိ။ပ။ သေယျထာပိ မြာဟူဏ ဥဒပတ္တော န ဝါတေရိတော န စလိတော
န ဘန္တော န ဦမိဇာတော၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခ-
မာနော ယထာဘူတံ ပဇာနေယျ ပဿေယျ။ ဧဝမေဝံ ခေါ မြာဟူဏ ယသ္မိံ
သမယေ န ဥဒ္ဓစ္စကုက္ကုစ္စပရိယုဋ္ဌိတေန စေတသာ ဝိဟရတိ။ပ။ (၄)

ပုန စပရံ မြာဟူဏ ယသ္မိံ သမယေ န ဝိစိကိစ္ဆာပရိယုဋ္ဌိတေန စေတသာ
ဝိဟရတိ န ဝိစိကိစ္ဆာပရေတေန၊ ဥပ္ပန္နာယ စ ဝိစိကိစ္ဆာယ နိဿရဏံ
ယထာဘူတံ ပဇာနာတိ။ အတ္တတ္ထမ္ပိ တသ္မိံ သမယေ ယထာဘူတံ ပဇာနာတိ
ပဿတိ၊ ပရတ္ထမ္ပိ တသ္မိံ သမယေ ယထာဘူတံ ပဇာနာတိ ပဿတိ၊
ဥဘယတ္ထမ္ပိ တသ္မိံ သမယေ ယထာဘူတံ ပဇာနာတိ ပဿတိ၊ ဒီဃရတ္တံ

အသဇ္ဈာယကတာပိ မန္တာ ပဋိဘန္တိ၊ ပဂေဝ သဇ္ဈာယကတာ။ သေယျထာပိ
 မြာဟ္မဏ ဥဒပတ္တော အစ္ဆော ဝိပ္ပသန္ဓော အနာဝိလော အာလောကေ
 နိက္ခိတ္တော၊ တတ္ထ စက္ခုမာ ပုရိသော သကံ မုခနိမိတ္တံ ပစ္စဝေက္ခမာနော
 ယထာဘူတံ ပဇာနေယျ ပဿေယျ။ ဧဝမေဝံ ခေါ မြာဟ္မဏ ယသ္မိံ သမယေ
 န ဝိစိကိစ္ဆာပရိယုဋ္ဌိတေန စေတသာ ဝိဟရတိ န ဝိစိကိစ္ဆာပရေတေန၊
 ဥပ္ပန္နာယ စ ဝိစိကိစ္ဆာယ နိဿရဏံ ယထာဘူတံ ပဇာနာတိ။ အတ္တတ္ထမ္ပိ တသ္မိံ
 သမယေ ယထာဘူတံ ပဇာနာတိ ပဿတိ၊ ပရတ္ထမ္ပိ။ပ။ ဥဘယတ္ထမ္ပိ တသ္မိံ
 သမယေ ယထာဘူတံ ပဇာနာတိ ပဿတိ၊ ဒီဃရတ္တံ အသဇ္ဈာယကတာပိ
 မန္တာ ပဋိဘန္တိ၊ ပဂေဝ သဇ္ဈာယကတာ။ (၅)

အယံ ခေါ မြာဟ္မဏ ဟေတု အယံ ပစ္စယော၊ ယေန ကဒါစိ ဒီဃရတ္တံ
 သဇ္ဈာယကတာပိ မန္တာ နပုဋိဘန္တိ၊ ပဂေဝ အသဇ္ဈာယကတာ။ အယံ ပန
 မြာဟ္မဏ ဟေတု အယံ ပစ္စယော၊ ယေန ကဒါစိ ဒီဃရတ္တံ အသဇ္ဈာယကတာပိ
 မန္တာ ပဋိဘန္တိ၊ ပဂေဝ သဇ္ဈာယကတာတိ။

အဘိက္ကန္တံ ဘော ဂေါတမ။ပ။ ဥပါသကံ မံ ဘဝံ ဂေါတမော ဓာရေတု
 အဇ္ဇတဂ္ဂေ ပါဏုပေတံ သရဏံ ဂတန္တိ။ ။တတိယံ။

၄-ကာရဏပါလီသုတ္တ

၁၉၄။ ဧကံ သမယံ ဘဂဝါ ဝေသာလိယံ ဝိဟရတိ မဟာဝနေ
 ကုဋ္ဌာဂါရသာလာယံ။ တေန ခေါ ပန သမယေန ကာရဏပါလီ^၁ မြာဟ္မဏော
 လိစ္ဆဝိနံ ကမ္မန္တံ ကာရေတိ။ အဒ္ဓသာ ခေါ ကာရဏပါလီ မြာဟ္မဏော
 ဝိဂိယာနိံ မြာဟ္မဏံ ဒူရတောဝ အာဂစ္ဆန္တိ၊ ဒိဿာ ဝိဂိယာနိံ မြာဟ္မဏံ
 ဧတဒဝေါစ—

ဟန္တ ကုတော န ဘဝံ ဝိဂိယာနိ အာဂစ္ဆတိ ဒိဝါ ဒိဝဿာတိ။ ဣတောဟံ၊
 ဘော အာဂစ္ဆာမိ သမဏဿ ဂေါတမဿ သန္တိကာတိ။ တံ ကိံ မညတိ
 ဘဝံ ဝိဂိယာနိ၊ သမဏဿ ဂေါတမဿ ပညာဝေယျတ္တိယံ ပဏ္ဍိတော
 မညေတိ။ ကော စာဟံ ဘော၊ ကော စ သမဏဿ ဂေါတမဿ ပညာ-
 ဝေယျတ္တိယံ ဇာနိဿာမိ၊ သောပိ နုနဿ တာဒိသောဝ၊ ယော သမဏဿ
 ဂေါတမဿ ပညာဝေယျတ္တိယံ ဇာနေယျာတိ။ ဥဋ္ဌာရာယ ခလု ဘဝံ ဝိဂိယာနိ
 သမဏံ ဂေါတမံ ပသံသာယ ပသံသတိတိ။ ကော စာဟံ ဘော၊ ကော စ

သမဏံ ဂေါတမံ ပသံသိဿာမိ၊ ပသတ္ထပ္ပသတ္ထောဝ^၁ သော ဘဝံ ဂေါတမော
သေဋ္ဌော ဒေဝမနုဿာနန္တိ။ ကိ^၂ ပန ဘဝံ ပိဂိယာနိ အတ္ထဝသံ သမ္ပဿမာနော
သမဏေ ဂေါတမေ ဧဝံ အဘိပ္ပသန္တောတိ။

သေယျထာပိ ဘော ပုရိသော အဂ္ဂရသပရိတိတ္ထော န အညေသံ ဟိနာနံ
ရသာနံ ပိဟေတိ။ ဧဝမေဝံ ခေါ ဘော ယတော ယတော တဿ ဘောတော
ဂေါတမဿ ဓမ္မံ သုဏာတိ ယဒိ သုတ္တသော ယဒိ ဂေယျသော ယဒိ
ဝေယျာကရဏသော ယဒိ အပ္ပုတဓမ္မသော၊ တတော တတော န အညေသံ
ပုထုသမဏမြာဟူဏပ္ပဝါဒါနံ ပိဟေတိ။

သေယျထာပိ ဘော ပုရိသော ဇိဃန္တာဒုဗ္ဗလျပရေတော မဓုပိဏ္ဍိကံ
အဓိဂစ္ဆေယျ၊ သော ယတော ယတော သာယေထ၊ လဘတေဝ^၂ သာဒုရသံ
အသေစနကံ။ ဧဝမေဝံ ခေါ ဘော ယတော ယတော တဿ ဘောတော
ဂေါတမဿ ဓမ္မံ သုဏာတိ ယဒိ သုတ္တသော ယဒိ ဂေယျသော ယဒိ
ဝေယျာကရဏသော ယဒိ အပ္ပုတဓမ္မသော၊ တတော တတော လဘတေဝ
အတ္တမနတံ၊ လဘတိ စေတသော ပဿာဒံ။

သေယျထာပိ ဘော ပုရိသော စန္ဒနဃဋ္ဌိကံ အဓိဂစ္ဆေယျ ဟရိစန္ဒနဿ
ဝါ လောဟိတစန္ဒနဿ ဝါ၊ သော ယတော ယတော သာယေထ ယဒိ
မူလတော ယဒိ မဇ္ဈတော ယဒိ အဂ္ဂတော၊ အဓိဂစ္ဆေတေဝ^၃ သုရဘိဂန္ဓံ
အသေစနကံ။ ဧဝမေဝံ ခေါ ဘော ယတော ယတော တဿ ဘောတော
ဂေါတမဿ ဓမ္မံ သုဏာတိ ယဒိ သုတ္တသော ယဒိ ဂေယျသော ယဒိ
ဝေယျာကရဏသော ယဒိ အပ္ပုတဓမ္မသော၊ တတော တတော အဓိဂစ္ဆတိ
ပါမောဇ္ဇံ၊ အဓိဂစ္ဆတိ သောမနဿံ။

သေယျထာပိ ဘော ပုရိသော အာဗာဓိကော ဒုက္ခိတော ဗာဠုဂိလာနော၊
တဿ ကုသလော ဘိသက္ကော ဌာနသော အာဗာဓိ နိဟရေယျ။ ဧဝမေဝံ ခေါ
ဘော ယတော ယတော တဿ ဘောတော ဂေါတမဿ ဓမ္မံ သုဏာတိ
ယဒိ သုတ္တသော ယဒိ ဂေယျသော ယဒိ ဝေယျာကရဏသော ယဒိ အပ္ပုတ-
ဓမ္မသော၊ တတော တတော သောကပရိဒေဝဒုက္ခဒေါမနသုပါယာသာ
အပ္ပတ္တံ ဂစ္ဆန္တိ။

၁-ပသဋ္ဌပ္ပသတ္ထော စ (သျှာ၊ ကံ၊ က) ၂-သာယေယျ၊ လဘေထေဝ (မ ၁-၁၆၁-ပိဋေ)

၃-အဓိဂစ္ဆေထေဝ (?)

သေယျထာပိ ဘော ပေါက္ခရဏီ အစ္ဆောဒကော သာတောဒကော သီတောဒကော သေတကာ သုပတိတ္တာ ရမဏီယာ၊ အထ ပုရိသော အာဂစ္ဆေယျ ဃမ္မဘိတတ္တော ဃမ္မပရေတော ကိလန္တော တသီတော ပိပါသီတော၊ သော တံ ပေါက္ခရဏီ ဩဂါဟေတွာ နှာတွာ စ ပိဝိတွာ စ သဗ္ဗဒရထကိလမထပရိဋ္ဌာဟံ ပဋိပ္ပဿန္တေယျ။ ဧဝမေဝံ ခေါ ဘော ယတော ယတော တဿ ဘောတော ဂေါတမဿ ဓမ္မံ သုဏာတိ ယဒိ သုတ္တသော ယဒိ ဂေယျသော ယဒိ ဝေယျာကရဏသော ယဒိ အပ္ပုတဓမ္မသော၊ တတော တတော သဗ္ဗဒရထကိလမထပရိဋ္ဌာဟာ ပဋိပ္ပဿန္တိတိ။

ဧဝံ ဝုတ္တေ ကာရဏပါလီ မြာဟ္မဏော ဥဋ္ဌာယာသနာ ဧကံသံ ဥတ္တရာသင်္ဂံ ကရိတွာ ဒက္ခိဏံ ဇာဏုမဏ္ဍလံ ပထဝိယံ နိဟန္တာ ယေန ဘဂဝါ တေနဉ္စလိ ပဏာမေတွာ တိက္ခတ္တံ ဥဒါနံ ဥဒါနေသိ—

“နမော တဿ ဘဂဝတော အရဟတော သမ္မာသမ္ဗုဒ္ဓဿ။
နမော တဿ ဘဂဝတော အရဟတော သမ္မာသမ္ဗုဒ္ဓဿ။
နမော တဿ ဘဂဝတော အရဟတော သမ္မာသမ္ဗုဒ္ဓဿာ”တိ။

အဘိက္ကန္တံ ဘော ပိဂီယာနိ အဘိက္ကန္တံ ဘော ပိဂီယာနိ၊ သေယျထာပိ ဘော ပိဂီယာနိ နိက္ခုဋ္ဌိတံ ဝါ ဥက္ကုဋ္ဌေယျ၊ ပဋိစ္ဆန္တံ ဝါ ဝိဝရေယျ၊ မူဠဿ ဝါ မဂ္ဂံ အာစိက္ခေယျ၊ အန္ဓကာရေ ဝါ တေလပဇ္ဇောတံ ဓာရေယျ “စက္ခုမန္တော ရူပါနိ ဒက္ခန္တိ”တိ။ ဧဝမေဝံ ဘောတာ ပိဂီယာနိနာ အနေကပရိယာယေန ဓမ္မော ပကာသိတော၊ သောဟံ ဘော ပိဂီယာနိ တံ ဘဝန္တံ ဂေါတမံ သရဏံ ဂစ္ဆာမိ ဓမ္မဉ္စ ဘိက္ခုသံဃဉ္စ၊ ဥပါသကံ မံ ဘဝံ ပိဂီယာနိ ဓာရေတု အဇ္ဇတဂ္ဂေ ပါဏုပေတံ သရဏံ ဂတန္တိ။ ။စတုတ္ထံ။

၅-ပိဂီယာနိသုတ္တ

၁၉၅။ ဧကံ သမယံ ဘဂဝါ ဝေသာလိယံ ဝိဟရတိ မဟာဝနေ ကုဋ္ဌာဂါရသာလာယံ။ တေန ခေါ ပန သမယေန ပဉ္စမတ္တာနိ လိစ္ဆဝိသတာနိ ဘဂဝန္တံ ပယိရူပါသန္တိ။ အပ္ပေကစ္စေ လိစ္ဆဝိ နီလာ ဟောန္တိ နီလဝဏ္ဏာ နီလဝဏ္ဏာ နီလာလင်္ကာရာ၊ အပ္ပေကစ္စေ လိစ္ဆဝိ ဝီတာ ဟောန္တိ ဝီတဝဏ္ဏာ ဝီတဝဏ္ဏာ ဝီတာလင်္ကာရာ၊ အပ္ပေကစ္စေ လိစ္ဆဝိ လောဟိတကာ ဟောန္တိ လောဟိတကဝဏ္ဏာ လောဟိတကဝဏ္ဏာ လောဟိတကာလင်္ကာရာ၊ အပ္ပေကစ္စေ လိစ္ဆဝိ

ဩဒါတာ ဟောန္တိ ဩဒါတဝဏ္ဏာ ဩဒါတဝတ္ထာ ဩဒါတာလင်္ကာရာ၊
တုဿုဒံ ဘဂဝါ အတိရောစတိ ဝဏ္ဏေန စေဝ ယသဿာ စ။

အထ ခေါ် ပိဂီယာနိ မြာဟူဏော ဥဋ္ဌာယာသနာ ကေသံ ဥတ္တရာသင်္ဂံ
ကရိတွာ ယေန ဘဂဝါ တေနဉ္စလိံ ပဏာမေတွာ ဘဂဝန္တံ တေဒဝေါစ
“ပဋိဘာတိမံ ဘဂဝါ၊ ပဋိဘာတိမံ သုဂတာ”တိ။ “ပဋိဘာတုတံ ပိဂီယာနိ”တိ
ဘဂဝါ အဝေါစ။ အထ ခေါ် ပိဂီယာနိ မြာဟူဏော ဘဂဝတော သမ္မုခေါ
သာရုပ္ပါယ ဂါထာယ အဘိတ္ထဝိ—

“ပဉ္စံ^၁ ယထာ ကောကနဒံ^၂ သုဂန္ဓံ၊
ပါတော သိယာ ဖုလ္လမဝိတဂန္ဓံ။
အင်္ဂီရသံ ပဿ ဝိရောစမာနံ၊
တပန္နမာဒိစ္စမိဝန္တလိက္ခေ”တိ။

အထ ခေါ် တေ လိစ္ဆဝိ ပဉ္စဟိ ဥတ္တရာသင်္ဂံသတေဟိ ပိဂီယာနိ မြာဟူဏံ
အတ္ထာဒေသုံ။ အထ ခေါ် ပိဂီယာနိ မြာဟူဏော တေဟိ ပဉ္စဟိ ဥတ္တရာ-
သင်္ဂံသတေဟိ ဘဂဝန္တံ အတ္ထာဒေသိ။

အထ ခေါ် ဘဂဝါ တေ လိစ္ဆဝိ တေဒဝေါစ “ပဉ္စန္ဓံ လိစ္ဆဝိ ရတနာနံ
ပါတုဘာဝေါ ဒုလ္လဘော လောကသ္မိံ။ ကတမေသံ ပဉ္စန္ဓံ? တထာဂတဿ
အရဟတော သမ္မာသမ္ဗုဒ္ဓဿ ပါတုဘာဝေါ ဒုလ္လဘော လောကသ္မိံ၊
တထာဂတပ္ပဝေဒိတဿ ဓမ္မဝိနယဿ ဒေသေတာ ပုဂ္ဂလော ဒုလ္လဘော
လောကသ္မိံ၊ တထာဂတပ္ပဝေဒိတဿ ဓမ္မဝိနယဿ ဒေသိတဿ ဝိညာတာ
ပုဂ္ဂလော ဒုလ္လဘော လောကသ္မိံ၊ တထာဂတပ္ပဝေဒိတဿ ဓမ္မဝိနယဿ
ဒေသိတဿ ဝိညာတာ ဓမ္မာနုဓမ္မပ္ပဋိပန္နော ပုဂ္ဂလော ဒုလ္လဘော လောကသ္မိံ၊
ကတညူ ကတဝေဒီ ပုဂ္ဂလော ဒုလ္လဘော လောကသ္မိံ။ ဣမေသံ ခေါ် လိစ္ဆဝိ
ပဉ္စန္ဓံ ရတနာနံ ပါတုဘာဝေါ ဒုလ္လဘော လောကသ္မိံ”န္တိ^၃။ ။ပဉ္စမံ။

၆-မဟာသုပိနသုတ္တ

၁၉၆။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေဝ
သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော ပဉ္စ မဟာသုပိနာ
ပါတုရဟေသုံ။ ကတမေ ပဉ္စ? တထာဂတဿ ဘိက္ခဝေ အရဟတော
သမ္မာသမ္ဗုဒ္ဓဿ ပုဗ္ဗေဝ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ

သတော အယံ မဟာပထဝီ မဟာသယနံ အဟောသိ၊ ဟိမဝါ ပဗ္ဗတရာဇာ ဗိဗ္ဗောဟနံ^၁ အဟောသိ၊ ပုရတ္ထိမေ သမုဒ္ဒေ ဝါမော ဟတ္ထော ဩဟိတော အဟောသိ၊ ပစ္ဆိမေ သမုဒ္ဒေ ဒက္ခိဏော ဟတ္ထော ဩဟိတော အဟောသိ၊ ဒက္ခိဏေ သမုဒ္ဒေ ဥဘော ပါဒါ ဩဟိတာ အဟောသုံ။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ ပဌမော မဟာသုပ္ပိနော ပါတုရဟောသိ။

ပုန စပရံ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော တိရိယာ နာမ တိဏဇာတိ နာဘိယာ ဥဂန္ဓာ နဘံ အာဟစ္စ ဌိတာ အဟောသိ။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ ဒုတိယော မဟာသုပ္ပိနော ပါတုရဟောသိ။

ပုန စပရံ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော သေတာ ကိဓိ ကဏ္ဍသိသာ ပါဒေဟိ ဥဿက္ကိတွာ ()^၂ ယာဝ ဇာဏုမဏ္ဍလာ ပဋိစ္ဆာဒေသုံ။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ တတိယော မဟာသုပ္ပိနော ပါတုရဟောသိ။

ပုန စပရံ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော စတ္တာရော သကုဏာ နာနာဝဏ္ဏာ စတူဟိ ဒိသာဟိ အာဂန္ဓာ ပါဒမူလေ နိပတိတွာ သဗ္ဗသေတာ သမ္ဗုဇ္ဇိ^၃ သူ။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ စတုတ္ထော မဟာသုပ္ပိနော ပါတုရဟောသိ။

ပုန စပရံ ဘိက္ခဝေ တထာဂတော အရဟံ သမ္မာသမ္ဗုဒ္ဓေါ ပုဗ္ဗေ သမ္မောဓာ အနဘိသမ္ဗုဒ္ဓေါ ဗောဓိသတ္တောဝ သမာနော မဟတော မိဠပဗ္ဗတဿ ဥပရူပရိ စက်မတိ အလိပ္ပမာနော မိဠေန။ တထာဂတဿ ဘိက္ခဝေ အရဟတော သမ္မာသမ္ဗုဒ္ဓဿ ပုဗ္ဗေ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ ပဉ္စမော မဟာသုပ္ပိနော ပါတုရဟောသိ။

၁-ဗိဗ္ဗောဟနံ (သီ၊ သျာ၊ ကံ၊ ဣ)၊ ဗိဗ္ဗ+ဩဟနံ-ဒုတိ ပဒဝိဘာဂေါ။

၂-(အဂ္ဂနာတော) ကတ္ထိဒိဿတိ။

ယဗ္ဗိ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေဝ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော အယံ မဟာပထဝီ မဟာသယနံ အဟောသိ၊ ဟိမဝါ ပဗ္ဗတရာဇာ ဗိဗ္ဗောဟနံ အဟောသိ၊ ပုရတ္ထိမေ သမုဒ္ဒေ ဝါမော ဟတ္ထော ဩဟိတော အဟောသိ၊ ပစ္ဆိမေ သမုဒ္ဒေ ဒက္ခိဏော ဟတ္ထော ဩဟိတော အဟောသိ၊ ဒက္ခိဏေ သမုဒ္ဒေ ဥဘော ပါဒါ ဩဟိတာ အဟောသုံ။ တထာဂတေန ဘိက္ခဝေ အရဟတာ သမ္မာသမ္ဗုဒ္ဓေန အနတ္တရာ သမ္မာသမ္မောဓိ အဘိသမ္ဗုဒ္ဓါ၊ တဿာ အဘိသမ္မောဓာယ အယံ ပဌမော မဟာသုပိနော ပါတုရဟောသိ။

ယဗ္ဗိ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေဝ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော တိရိယာ နာမ တိဏဇာတိ နာဘိယာ ဥဂ္ဂန္ဓာ နဘံ အာဟစ္စ ဌိတာ အဟောသိ။ တထာဂတေန ဘိက္ခဝေ အရဟတာ သမ္မာသမ္ဗုဒ္ဓေန အရိယော အဠာကိကော မဂ္ဂေါ အဘိသမ္ဗုဒ္ဓိတွာ ယာဝ ဒေဝမနုဿေဟိ သုပ္ပကာသိတော၊ တဿ အဘိသမ္မောဓာယ အယံ ဒုတိယော မဟာသုပိနော ပါတုရဟောသိ။

ယဗ္ဗိ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေဝ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော သေတာ ကိမိ ကဏ္ဍသိသာ ပါဒေဟိ ဥဿက္ကိတွာ ယာဝ ဇာဏုမဏ္ဍလာ ပဋိစ္ဆာဒေသုံ။ ဗဟူ ဘိက္ခဝေ ဂိဟိ ဩဒါတဝသနာ တထာဂတံ ပါဏုပေတာ^၁ သရဏံ ဂတာ။ တဿ အဘိသမ္မောဓာယ အယံ တတိယော မဟာသုပိနော ပါတုရဟောသိ။

ယဗ္ဗိ ဘိက္ခဝေ တထာဂတဿ အရဟတော သမ္မာသမ္ဗုဒ္ဓဿ ပုဗ္ဗေဝ သမ္မောဓာ အနဘိသမ္ဗုဒ္ဓဿ ဗောဓိသတ္တဿေဝ သတော စတ္တာရော သကုဏာ နာနာဝဏ္ဏာ စတူဟိ ဒိသာဟိ အာဂန္ဓာ ပါဒမူလေ နိပတိတွာ သဗ္ဗသေတာ သမ္ဗုဒ္ဓိ^၂သု။ စတ္တာရေမေ ဘိက္ခဝေ ဝဏ္ဏာ ခတ္ထိယာ ဗြာဟ္မဏာ ဝေဿာ သုဒ္ဓါ၊ တေ တထာဂတပ္ပဝေဒိတေ ဓမ္မပိနယေ အဂါရသ္မာ အနဂါရိယံ ပဗ္ဗဇိတွာ အနတ္တရံ ဝိမုတ္တိ^၃ သန္တိကရေန္တိ။ တဿ အဘိသမ္မောဓာယ အယံ စတုတ္ထော မဟာသုပိနော ပါတုရဟောသိ။

ယဗ္ဗိ ဘိက္ခဝေ တထာဂတော အရဟံ သမ္မာသမ္ဗုဒ္ဓေါ ပုဗ္ဗေဝ သမ္မောဓာ အနဘိသမ္ဗုဒ္ဓေါ ဗောဓိသတ္တောဝ သမာနော မဟတော မိဠပဗ္ဗတဿ ဥပရူပရိ

စက်မတ် အလိပ္ပမာနော မိဋ္ဌေန။ လာဘီ ဘိက္ခဝေ တထာဂတော စီဝရ-
 ပိဏ္ဏပါတသေနာသနဂိလာနပ္ပစ္စယဘောသဇ္ဇပရိက္ခာရာနံ၊ တံ^၁ တထာဂတော
 အဂထိတော၊^၂ အမုစ္ဆိတော အနဇ္ဈောသန္ဓော^၃ အာဒိနဝဒဿာဝိ နိဿရဏ-
 ပညော ပရိဘုဉ္ဇတိ။ တဿ အဘိသမ္ဘောဓာယ အယံ ပဉ္စမော မဟာသုပ္ပိနော
 ပါတုရဟေသိ။

တထာဂတဿ ဘိက္ခဝေ အရဟတော သမ္ဘာသမ္ဗုဒ္ဓဿ ပုဗ္ဗေ သမ္ဘောဓာ
 အနဘိသမ္ဗုဒ္ဓဿ ဗောဓိသတ္တဿေဝ သတော ဣမေ ပဉ္စ မဟာသုပ္ပိနာ
 ပါတုရဟေသုန္တိ။ ။ဆဋ္ဌံ။

၇-ဝဿသုတ္တ

၁၉၇။ ပဉ္စိမေ ဘိက္ခဝေ ဝဿဿ အန္တရာယော၊ ယံ နေမိတ္တာ^၄ န ဇာနန္တိ၊
 ယတ္ထ နေမိတ္တာနံ စက္ခု န ကမတိ။ ကတမေ ပဉ္စ^၅ ဥပရိ ဘိက္ခဝေ အာကာသေ
 တေဇောဓာတု ပကုပ္ပတိ၊ တေန ဥပ္ပန္နာ မေဃာ ပဋိဝိဂစ္ဆန္တိ။ အယံ ဘိက္ခဝေ
 ပဌမော ဝဿဿ အန္တရာယော။ ယံ နေမိတ္တာ န ဇာနန္တိ၊ ယတ္ထ နေမိတ္တာနံ
 စက္ခု န ကမတိ။

ပုန စပရံ ဘိက္ခဝေ ဥပရိ အာကာသေ ဝါယောဓာတု ပကုပ္ပတိ၊ တေန ဥပ္ပန္နာ
 မေဃာ ပဋိဝိဂစ္ဆန္တိ။ အယံ ဘိက္ခဝေ ဒုတိယော ဝဿဿ အန္တရာယော။ ယံ
 နေမိတ္တာ န ဇာနန္တိ၊ ယတ္ထ နေမိတ္တာနံ စက္ခု န ကမတိ။

ပုန စပရံ ဘိက္ခဝေ ရာဟု အသုရိန္ဒော ပါဏိနာ ဥဒကံ သမ္ပုဋိန္ဒိတွာ
 မဟာသမုဒ္ဒေ ဆဇ္ဇေတိ။ အယံ ဘိက္ခဝေ တတိယော ဝဿဿ အန္တရာယော။
 ယံ နေမိတ္တာ န ဇာနန္တိ၊ ယတ္ထ နေမိတ္တာနံ စက္ခု န ကမတိ။

ပုန စပရံ ဘိက္ခဝေ ဝဿဝလာဟကာ ဒေဝါ ပမတ္တာ ဟောန္တိ။ အယံ
 ဘိက္ခဝေ စတုတ္ထော ဝဿဿ အန္တရာယော။ ယံ နေမိတ္တာ န ဇာနန္တိ၊ ယတ္ထ
 နေမိတ္တာနံ စက္ခု န ကမတိ။

ပုန စပရံ ဘိက္ခဝေ မနုဿာ အဓမ္မိကာ ဟောန္တိ။ အယံ ဘိက္ခဝေ ပဉ္စမော
 ဝဿဿ အန္တရာယော။ ယံ နေမိတ္တာ န ဇာနန္တိ၊ ယတ္ထ နေမိတ္တာနံ စက္ခု န
 ကမတိ။ ဣမေ ခေါ ဘိက္ခဝေ ပဉ္စ ဝဿဿ အန္တရာယော၊ ယံ နေမိတ္တာ
 န ဇာနန္တိ၊ ယတ္ထ နေမိတ္တာနံ စက္ခု န ကမတိတိ။ ။သတ္တမံ။

၁-တတ္ထ စ (သီ၊ သျှာ၊ ကံ၊ ဣ)	၂-အဂထိတော (သျှာ၊ ဣ၊ က)
၃-အနဇ္ဈာပန္နော (က) အနဇ္ဈောပန္နော (သီ၊ သျှာ)	၄-နေမိတ္တာ (ကတ္ထစိ)

ဂ-ဝါစာသုတ္တ

၁၉၈။ ပဉ္စဟိ ဘိက္ခဝေ အင်္ဂေဟိ သမန္ဓာဂတာ ဝါစာ သုဘာသိတာ ဟောတိ နော ဒုပ္ပာသိတာ၊ အနဝဇ္ဇာ စ အနနဝဇ္ဇာ စ ဝိညုနံ။ ကတမေဟိ ပဉ္စဟိ? ကာလေန စ ဘာသိတာ ဟောတိ၊ သစ္စာ စ ဘာသိတာ ဟောတိ၊ သဏှာ စ ဘာသိတာ ဟောတိ၊ အတ္ထသံဟိတာ စ ဘာသိတာ ဟောတိ၊ မေတ္တစိတ္တေန စ ဘာသိတာ ဟောတိ။ ဣမေဟိ ခေါ ဘိက္ခဝေ ပဉ္စဟိ အင်္ဂေဟိ သမန္ဓာဂတာ ဝါစာ သုဘာသိတာ ဟောတိ နော ဒုပ္ပာသိတာ၊ အနဝဇ္ဇာ စ အနနဝဇ္ဇာ စ ဝိညုနန္တိ။ ။အဋ္ဌမံ။

၉-ကုလသုတ္တ

၁၉၉။ ယံ ဘိက္ခဝေ သီလဝန္ဓော ပဗ္ဗဇိတာ ကုလံ ဥပသင်္ကမန္တိ၊ တတ္ထ မနုဿာ ပဉ္စဟိ ဌာနေဟိ ဗဟံ ပုညံ ပသဝန္တိ။ ကတမေဟိ ပဉ္စဟိ? ယသ္မိံ ဘိက္ခဝေ သမယေ သီလဝန္ဓော ပဗ္ဗဇိတေ ကုလံ ဥပသင်္ကမန္တေ မနုဿာ ဒိဿာ စိတ္တာနိ ပသာဒေန္တိ၊ သဂ္ဂသံဝတ္တနိကံ ဘိက္ခဝေ တံ ကုလံ တသ္မိံ သမယေ ပဋိပဒံ ပဋိပန္နံ ဟောတိ။

ယသ္မိံ ဘိက္ခဝေ သမယေ သီလဝန္ဓော ပဗ္ဗဇိတေ ကုလံ ဥပသင်္ကမန္တေ မနုဿာ ပစ္စုဋ္ဌေန္တိ အဘိဝါဒေန္တိ အာသနံ ဒေန္တိ၊ ဥစ္စာကုလီနသံဝတ္တနိကံ ဘိက္ခဝေ တံ ကုလံ တသ္မိံ သမယေ ပဋိပဒံ ပဋိပန္နံ ဟောတိ။

ယသ္မိံ ဘိက္ခဝေ သမယေ သီလဝန္ဓော ပဗ္ဗဇိတေ ကုလံ ဥပသင်္ကမန္တေ မနုဿာ မစ္ဆေရမလံ ပဋိဝိနေန္တိ၊ မဟေသက္ခသံဝတ္တနိကံ ဘိက္ခဝေ တံ ကုလံ တသ္မိံ သမယေ ပဋိပဒံ ပဋိပန္နံ ဟောတိ။

ယသ္မိံ ဘိက္ခဝေ သမယေ သီလဝန္ဓော ပဗ္ဗဇိတေ ကုလံ ဥပသင်္ကမန္တေ မနုဿာ ယထာသတ္တိ ယထာဗလံ သံဝိဘဇေန္တိ၊ မဟာဘောဂသံဝတ္တနိကံ ဘိက္ခဝေ တံ ကုလံ တသ္မိံ သမယေ ပဋိပဒံ ပဋိပန္နံ ဟောတိ။

ယသ္မိံ ဘိက္ခဝေ သမယေ သီလဝန္ဓော ပဗ္ဗဇိတေ ကုလံ ဥပသင်္ကမန္တေ မနုဿာ ပရိပုစ္ဆန္တိ ပရိပုဉ္ဇန္တိ ဓမ္မံ သုဏန္တိ၊ မဟာပညာသံဝတ္တနိကံ ဘိက္ခဝေ တံ ကုလံ တသ္မိံ သမယေ ပဋိပဒံ ပဋိပန္နံ ဟောတိ။ ယံ ဘိက္ခဝေ သီလဝန္ဓော ပဗ္ဗဇိတာ ကုလံ ဥပသင်္ကမန္တိ၊ တတ္ထ မနုဿာ ဣမေဟိ ပဉ္စဟိ ဌာနေဟိ ဗဟံ ပုညံ ပသဝန္တိတိ။ ။နဝမံ။

၁၀-နိဿာရဏီယသုတ္တ

၂၀၀။ ပဋိမာ ဘိက္ခဝေ နိဿာရဏီယာ^၁ ဓာတုယော။ ကတမာ ပဉ္စ^၂ ဣဓ ဘိက္ခဝေ ဘိက္ခုနော ကာမံ^၂ မနသိကရောတော ကာမေသု စိတ္တံ န ပက္ခန္တတိ နပ္ပသီဒတိ န သန္တိဋ္ဌတိ န ဝိမုစ္စတိ၊ နေက္ခမ္ပံ ခေါ ပနဿ မနသိကရောတော နေက္ခမ္ပေ စိတ္တံ ပက္ခန္တတိ ပသီဒတိ သန္တိဋ္ဌတိ ဝိမုစ္စတိ၊ တဿ တံ စိတ္တံ သုဂတံ^၃ သုဘာဝိတံ သုဝုဋ္ဌိတံ သုဝိမုတ္တံ သုဝိသံယုတ္တံ^၄ ကာမေဟိ၊ ယေ စ ကာမပစ္စယာ ဥပ္ပဇ္ဇန္တိ အာသဝါ ဝိဿာတပရိဋ္ဌာဟာ၊ မုတ္တော သော တေဟိ၊ န သော တံ ဝေဒနံ ဝေဒိယတိ၊ ဣဒမက္ခာတံ ကာမာနံ နိဿရဏံ။ (၁)

ပုန စပရံ ဘိက္ခဝေ ဘိက္ခုနော ဗျာပါဒံ မနသိကရောတော ဗျာပါဒေ စိတ္တံ န ပက္ခန္တတိ နပ္ပသီဒတိ န သန္တိဋ္ဌတိ န ဝိမုစ္စတိ၊ အဗျာပါဒံ ခေါ ပနဿ မနသိကရောတော အဗျာပါဒေ စိတ္တံ ပက္ခန္တတိ ပသီဒတိ သန္တိဋ္ဌတိ ဝိမုစ္စတိ၊ တဿ တံ စိတ္တံ သုဂတံ သုဘာဝိတံ သုဝုဋ္ဌိတံ သုဝိမုတ္တံ သုဝိသံယုတ္တံ ဗျာပါဒေန၊ ယေ စ ဗျာပါဒပစ္စယာ ဥပ္ပဇ္ဇန္တိ အာသဝါ ဝိဿာတပရိဋ္ဌာဟာ၊ မုတ္တော သော တေဟိ၊ န သော တံ ဝေဒနံ ဝေဒိယတိ၊ ဣဒမက္ခာတံ ဗျာပါဒဿ နိဿရဏံ။ (၂)

ပုန စပရံ ဘိက္ခဝေ ဘိက္ခုနော ဝိဟေသံ မနသိကရောတော ဝိဟေသာယ စိတ္တံ န ပက္ခန္တတိ နပ္ပသီဒတိ န သန္တိဋ္ဌတိ န ဝိမုစ္စတိ၊ အဝိဟေသံ ခေါ ပနဿ မနသိကရောတော အဝိဟေသာယ စိတ္တံ ပက္ခန္တတိ ပသီဒတိ သန္တိဋ္ဌတိ ဝိမုစ္စတိ၊ တဿ တံ စိတ္တံ သုဂတံ သုဘာဝိတံ သုဝုဋ္ဌိတံ သုဝိမုတ္တံ သုဝိသံယုတ္တံ ဝိဟေသာယ၊ ယေ စ ဝိဟေသာပစ္စယာ ဥပ္ပဇ္ဇန္တိ အာသဝါ ဝိဿာတပရိဋ္ဌာဟာ၊ မုတ္တော သော တေဟိ၊ န သော တံ ဝေဒနံ ဝေဒိယတိ၊ ဣဒမက္ခာတံ ဝိဟေသာယ နိဿရဏံ။ (၃)

ပုန စပရံ ဘိက္ခဝေ ဘိက္ခုနော ရူပံ မနသိကရောတော ရူပေ စိတ္တံ န ပက္ခန္တတိ နပ္ပသီဒတိ န သန္တိဋ္ဌတိ န ဝိမုစ္စတိ၊ အရူပံ ခေါ ပနဿ မနသိကရောတော အရူပေ စိတ္တံ ပက္ခန္တတိ ပသီဒတိ သန္တိဋ္ဌတိ ဝိမုစ္စတိ၊ တဿ တံ စိတ္တံ သုဂတံ သုဘာဝိတံ သုဝုဋ္ဌိတံ သုဝိမုတ္တံ သုဝိသံယုတ္တံ ရူပေဟိ၊ ယေ စ ရူပပစ္စယာ ဥပ္ပဇ္ဇန္တိ အာသဝါ ဝိဿာတပရိဋ္ဌာဟာ၊ မုတ္တော သော တေဟိ၊ န သော တံ ဝေဒနံ ဝေဒိယတိ၊ ဣဒမက္ခာတံ ရူပါနံ နိဿရဏံ။ (၄)

၁-နိဿရဏီယာ (ဣ)၊ နိဿရဏီယာ (ဒိ ၃-၁၉၉)

၂-သုကကံ (ဣ၊ က)

၂-ကာမေ (သျှာ၊ ကံ) ဒိ ၃-၁၉၉-ပိဋ္ဌေပိ။

၄-ဝိသံယုတ္တံ (ကတ္တစိ၊ ဒိ ၃-၁၉၉-ပိဋ္ဌေပိ)

ပုန စပရံ ဘိက္ခဝေ ဘိက္ခုနော သက္ကာယံ မနသိကရောတော သက္ကာယေ စိတ္တံ န ပက္ခန္ဓတိ နပ္ပသီဒတိ န သန္တိဋ္ဌတိ န ဝိမုစ္စတိ။ သက္ကာယနိရောဓံ ခေါ ပနဿ မနသိကရောတောသက္ကာယနိရောဓေ စိတ္တံ ပက္ခန္ဓတိ ပသီဒတိ သန္တိဋ္ဌတိ ဝိမုစ္စတိ။ တဿ တံ စိတ္တံ သုဂတံ သုဘာဝိတံ သုဝုဋ္ဌိတံ သုဝိမုတ္တံ သုဝိသံယုတ္တံ သက္ကာယေန၊ ယေ စ သက္ကာယပစ္စယာ ဥပ္ပဇ္ဇန္တိ အာသဝါ ဝိသာတပရိဋ္ဌာဟာ၊ မုတ္တော သော တေဟိ၊ န သော တံ ဝေဒနံ ဝေဒိယတိ၊ ဣဒမက္ခာတံ သက္ကာယဿ နိဿရဏံ။ (၅)

တဿ ကာမနန္ဒိပိ နာနုသေတိ၊ ဗျာပါဒနန္ဒိပိ နာနုသေတိ၊ ဝိဟေသာနန္ဒိပိ နာနုသေတိ၊ ရူပနန္ဒိပိ နာနုသေတိ၊ သက္ကာယနန္ဒိပိ နာနုသေတိ။ (သော)^၁ ကာမနန္ဒိယာပိ အနနုသယာ ဗျာပါဒနန္ဒိယာပိ အနနုသယာ ဝိဟေသာနန္ဒိယာပိ အနနုသယာ ရူပနန္ဒိယာပိ အနနုသယာ သက္ကာယနန္ဒိယာပိ အနနုသယာ အယံ ဝုစ္စတိ ဘိက္ခဝေ ဘိက္ခု နိရနုသယော၊ အစ္ဆေစ္ဆိ^၂ တဏှံ၊ ဝိဝတ္တယိ^၃ သံယောဇနံ၊ သမ္မာ မာနာဘိသမယာ အန္တမကာသိ ဒုက္ခဿ။ ဣမာ ခေါ ဘိက္ခဝေ ပဉ္စ နိဿာရဏီယာ ဓာတုယောတိ။ ။ဒသမံ။

မြာဟူဏဝဂ္ဂေါ ပဉ္စမော။

တသုဒ္ဓါနံ

သောဏော ဒေါဏော သင်္ဂါရဝေါ၊ ကာရဏပါလီ စ ဝိဂိယာနိ။
သုပ္ပိနာ စ ဝဿာ ဝါစာ၊ ကုလံ နိဿာရဏီယေန စာတိ။

စတုတ္ထော ပဏ္ဏာသကော သမတ္တော။

၅-ပဉ္စမပဋ္ဌာနသက

(၂၁) ၁-ကိမ္ဗိလဝဂ္ဂ

၁-ကိမ္ဗိလသုတ္တ

၂၀၁။ ဧကံ သမယံ ဘဂဝါ ကိမ္ဗိလာယံ^၁ ဝိဟရတိ နိစုလဝနေ။ အထ ခေါ အာယသ္မာ ကိမ္ဗိလော^၂ ယေန ဘဂဝါ တေနပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိသီဒိ၊ ဧကမန္တံ နိသိန္ဓော ခေါ အာယသ္မာ ကိမ္ဗိလော ဘဂဝန္တံ တေဒဝေါစ “ကော န ခေါ ဘန္တေ ဟေတု ကော ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော န စိရဋ္ဌိတိကော ဟောတီ”တိ။ ဣဓ ကိမ္ဗိလ တထာဂတေ ပရိနိဗ္ဗုတေ ဘိက္ခူ၊ ဘိက္ခုနိယော ဥပါသကာ ဥပါသိကာယော သတ္ထရိ အဂါရဝါ ဝိဟရန္တိ အပ္ပတိဿာ၊ ဓမ္မေ အဂါရဝါ ဝိဟရန္တိ အပ္ပတိဿာ၊ သံဃေ အဂါရဝါ ဝိဟရန္တိ အပ္ပတိဿာ၊ သိက္ခာယ အဂါရဝါ ဝိဟရန္တိ အပ္ပတိဿာ၊ အညမညံ အဂါရဝါ ဝိဟရန္တိ အပ္ပတိဿာ။ အယံ ခေါ ကိမ္ဗိလ ဟေတု အယံ ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော န စိရဋ္ဌိတိကော ဟောတီတိ။

ကော ပန ဘန္တေ ဟေတု ကော ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော စိရဋ္ဌိတိကော ဟောတီတိ။ ဣဓ ကိမ္ဗိလ တထာဂတေ ပရိနိဗ္ဗုတေ ဘိက္ခူ၊ ဘိက္ခုနိယော ဥပါသကာ ဥပါသိကာယော သတ္ထရိ သဂါရဝါ ဝိဟရန္တိ သပ္ပတိဿာ၊ ဓမ္မေ သဂါရဝါ ဝိဟရန္တိ သပ္ပတိဿာ၊ သံဃေ သဂါရဝါ ဝိဟရန္တိ သပ္ပတိဿာ၊ သိက္ခာယ သဂါရဝါ ဝိဟရန္တိ သပ္ပတိဿာ၊ အညမညံ သဂါရဝါ ဝိဟရန္တိ သပ္ပတိဿာ။ အယံ ခေါ ကိမ္ဗိလ ဟေတု အယံ ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော စိရဋ္ဌိတိကော ဟောတီတိ။ ။ပဌမံ။

၂-ဓမ္မသဝနသုတ္တ

၂၀၂။ ပဋိမေ ဘိက္ခဝေ အာနိသံသာ ဓမ္မသဝနေ။ ကတမေ ပဉ္စ^၃ အသုတံ သုဏ္ဍာတိ၊ သုတံ ပရိယောဒါပေတိ၊ ကင်္ခံ^၄ ဝိတရတိ၊ ဒိဋ္ဌိံ^၅ ဥဇုံ ကရေတိ၊ စိတ္တမဿ ပသီဒတိ။ ဣမေ ခေါ ဘိက္ခဝေ ပဉ္စ အာနိသံသာ ဓမ္မသဝနေတိ။ ။ ဒုတိယံ။

၁-ကိမ္ဗိလာယံ(သီ၊ဣ) ဥပရိ ၂၉၈-၄၆၀-ပိဋေသုပ္ပါ။

၂-ကိမ္ဗိလော(သီ၊သျှ၊ကံ၊ဣ)

၃-ဝိဟနတိ (သျှ၊ကံ၊ဣ၊က)

၃-အဿာဇာနိယသုတ္တ

၂၀၃။ ပဉ္စဟိ ဘိက္ခဝေ အင်္ဂေဟိ သမန္ဓာဂတော ရညော ဘဒြော^၁ အဿာဇာနိယော ရာဇာရဟော ဟောတိ ရာဇဘောဂ္ဂေါ၊ ရညော အင်္ဂန္ဓေဝ သင်္ခံ^၂ ဂစ္ဆတိ။

ကတမေဟိ ပဉ္စဟိ? အဇ္ဇဝေန ဇဝေန မဒ္ဒဝေန ခန္တိယာ သောရစ္စေန။ ဣမေဟိ ခေါ ဘိက္ခဝေ ပဉ္စဟိ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂ္ဂေါ၊ ရညော အင်္ဂန္ဓေဝ သင်္ခံ^၂ ဂစ္ဆတိ။ ဝေမေဝံ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ ပါဟုနေယျော ဒက္ခိဏေယျော အဗ္ဗလိကရဏီယော အနုတ္တရံ ပုညက္ခေတ္တံ လောကဿ။

ကတမေဟိ ပဉ္စဟိ? အဇ္ဇဝေန ဇဝေန မဒ္ဒဝေန ခန္တိယာ သောရစ္စေန။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ ပါဟုနေယျော ဒက္ခိဏေယျော အဗ္ဗလိကရဏီယော အနုတ္တရံ ပုညက္ခေတ္တံ လောကဿာတိ။ ။တတိယံ။

၄-ဗလသုတ္တ

၂၀၄။ ပဉ္စိမာနိ ဘိက္ခဝေ ဗလာနိ။ ကတမာနိ ပဉ္စ? သဒ္ဓါဗလံ ဟိရိဗလံ ဩတ္တပ္ပဗလံ ဝီရိယဗလံ ပညာဗလံ။ ဣမာနိ ခေါ ဘိက္ခဝေ ပဉ္စ ဗလာနိတိ။ ။ စတုတ္ထံ။

၅-စေတောဒိလသုတ္တ

၂၀၅။ *ပဉ္စိမေ ဘိက္ခဝေ စေတောဒိလ။ ကတမေ ပဉ္စ? ဣမ ဘိက္ခဝေ ဘိက္ခု သတ္တရိ ကင်္ခတိ ဝိစိကိစ္ဆတိ နာဓိမုစ္ဆတိ န သမ္ပသီဒတိ။ ယော သော ဘိက္ခဝေ ဘိက္ခု သတ္တရိ ကင်္ခတိ ဝိစိကိစ္ဆတိ နာဓိမုစ္ဆတိ န သမ္ပသီဒတိ၊ တဿ စိတ္တံ န နမတိ အာတပ္ပါယ အနုယောဂါယ သာတစ္စာယ ပဓာနာယ။ ယဿ စိတ္တံ န နမတိ အာတပ္ပါယ အနုယောဂါယ သာတစ္စာယ ပဓာနာယ။ အယံ ပဌမော စေတောဒိလော။

ပုန စပရံ ဘိက္ခဝေ ဘိက္ခု ဓမ္မေ ကင်္ခတိ။ ပ။ သံဃေ ကင်္ခတိ။ ပ။ သိက္ခာယ ကင်္ခတိ။ ပ။ သဗြဟ္မစာရီသု ကုပိတော ဟောတိ အနုတ္တမနော အာဟတစိတ္တော ဒိလဇာတော။ ယော သော ဘိက္ခဝေ ဘိက္ခု သဗြဟ္မစာရီသု ကုပိတော

ဟောတိ အနတ္တမနော အာဟတစိတ္တော ခိလဇာတော၊ တဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ ယဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ အယံ ပဉ္စမော စေတောဒိလော။ ဣမေ ခေါ ဘိက္ခဝေ ပဉ္စ စေတောဒိလာတိ။ ။ပဉ္စမံ။

၆-ဝိနိဗ္ဗသုတ္တ

၂၀၆။* ပဉ္စမေ ဘိက္ခဝေ စေတသောဝိနိဗ္ဗန္တာ။ ကတမေ ပဉ္စ? ဣဓ ဘိက္ခဝေ ဘိက္ခု ကာမေသု အဝိတရာဂေါ၊ ဟောတိ အဝိဂတစ္ဆန္တော အဝိဂတပေမော အဝိဂတပိပါသော အဝိဂတပရိဋ္ဌာဟော အဝိဂတတဏှော။ ယော သော ဘိက္ခဝေ ဘိက္ခု ကာမေသု အဝိတရာဂေါ ဟောတိ အဝိဂတစ္ဆန္တော အဝိဂတပေမော အဝိဂတပိပါသော အဝိဂတပရိဋ္ဌာဟော အဝိဂတတဏှော၊ တဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ ယဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ အယံ ပဌမော စေတသောဝိနိဗ္ဗန္တာ။

ပုန စပရံ ဘိက္ခဝေ ဘိက္ခု ကာယေ အဝိတရာဂေါ ဟောတိ။ပ။ ရူပေ အဝိတရာဂေါ ဟောတိ။ပ။ ယာဝဒတ္ထံ ဥဒရာဝဒေဟကံ ဘုဒ္ဓိတွာ သေယျသုခံ ပဿသုခံ မိဒ္ဓသုခံ အနုယုတ္တော ဝိဟရတိ။ပ။ အညတရံ ဒေဝနိကာယံ ပဏိဓာယ မြဟ္မစရိယံ စရတိ “ဣမိနာဟံ သီလေန ဝါ ဝတေန ဝါ တပေန ဝါ မြဟ္မစရိယေန ဝါ ဒေဝေါ ဝါ ဘဝိဿာမိ ဒေဝညတရော ဝါ”တိ။ ယော သော ဘိက္ခဝေ ဘိက္ခု အညတရံ ဒေဝနိကာယံ ပဏိဓာယ မြဟ္မစရိယံ စရတိ “ဣမိနာဟံ သီလေန ဝါ ဝတေန ဝါ တပေန ဝါ မြဟ္မစရိယေန ဝါ ဒေဝေါ ဝါ ဘဝိဿာမိ ဒေဝညတရော ဝါ”တိ။ တဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ ယဿ စိတ္တံ န နမတိ အာတပ္ပိယ အနုယောဂိယ သာတစ္စာယ ပဓာနာယ။ အယံ ပဉ္စမော စေတသောဝိနိဗ္ဗန္တာ။ ဣမေ ခေါ ဘိက္ခဝေ ပဉ္စ စေတသောဝိနိဗ္ဗန္တာတိ။ ။ဆဋ္ဌံ။

၇-ယာဂုသုတ္တ

၂၀၇။ ပဉ္စမေ ဘိက္ခဝေ အာနိသံသာ ယာဂုယာ။ ကတမေ ပဉ္စ? ခုဒ္ဒံ? ပဋိဟနတိ၊ ပိပါသံ ပဋိဝိနေတိ၊ ဝါတံ အနုလောမေတိ၊ ဝတ္ထိံ သောဓေတိ၊

* အံ ၃-၂၅၂၊ ဒိ ၃-၁၉၉-ပိဋေသုပိ။ ၁-စေတောဝိနိဗ္ဗာ (သာရတ္ထဒီပနီဒီကာယံ)

၂-အဝိဂတရာဂေါ (က)

၃-ခုဒ္ဒံ (သီ၊ ဣ) ခုဓာတိ သက္ကတာနုလောမံ။ ဒိ ၃-၃၁၅-ပိဋေပိ။

အာမာဝသေသံ ပါစေတိ။ ဣမေ ခေါ ဘိက္ခဝေ ပဉ္စ အာနိသံသာ ယာဂုယာတိ။ ။သတ္တမံ။

၈-ဒန္တကဋ္ဌသုတ္တ

၂၀၈။ ပဉ္စိမေ ဘိက္ခဝေ အာဒိနဝါ ဒန္တကဋ္ဌဿ အခါဒနေ။ ကတမေ ပဉ္စ? အစက္ခုဿံ၊ မုခံ ဒုဂ္ဂန္ဓံ ဟောတိ၊ ရသဟရဏိယော န ဝိသုဇ္ဈန္တိ၊ ပိတ္တံ သေမှံ ဘတ္တံ ပရိယောနန္တတိ၊ ဘတ္တမဿ နန္တာဒေတိ။ ဣမေ ခေါ ဘိက္ခဝေ ပဉ္စ အာဒိနဝါ ဒန္တကဋ္ဌဿ အခါဒနေ။

ပဉ္စိမေ ဘိက္ခဝေ အာနိသံသာ ဒန္တကဋ္ဌဿ ခါဒနေ။ ကတမေ ပဉ္စ? စက္ခုဿံ၊ မုခံ န ဒုဂ္ဂန္ဓံ ဟောတိ၊ ရသဟရဏိယော ဝိသုဇ္ဈန္တိ၊ ပိတ္တံ သေမှံ ဘတ္တံ န ပရိယောနန္တတိ၊ ဘတ္တမဿ ဆာဒေတိ။ ဣမေ ခေါ ဘိက္ခဝေ ပဉ္စ အာနိသံသာ ဒန္တကဋ္ဌဿ ခါဒနေတိ။ ။အဋ္ဌမံ။

၉-ဂီတဿရသုတ္တ

၂၀၉။*ပဉ္စိမေ ဘိက္ခဝေ အာဒိနဝါ အာယတကေန ဂီတဿရေန ဓမ္မံ ဘဏန္တဿ။ ကတမေ ပဉ္စ? အတ္တနာပိ တသ္မိံ သရေ သာရဇ္ဇတိ၊ ပရေပိ တသ္မိံ သရေ သာရဇ္ဇန္တိ၊ ဂဟပတိကာပိ ဥဇ္ဈာယန္တိ “ယထေဝ မယံ ဂါယာမ၊ ဧဝမေဝ ခေါ သမဏာ သကျုပ္ပတ္တိယာ ဂါယန္တိ”တိ၊ သရကုတ္တိမ္ပိ နိကာမယမာနဿ သမာဓိဿ ဘင်္ဂေါ ဟောတိ၊ ပစ္စိမာ ဇနတာ ဒိဋ္ဌာနဂတိံ အာပဇ္ဇတိ။ ဣမေ ခေါ ဘိက္ခဝေ ပဉ္စ အာဒိနဝါ အာယတကေန ဂီတဿရေန ဓမ္မံ ဘဏန္တဿာတိ။ ။နဝမံ။

၁၀-မုဋ္ဌဿတိသုတ္တ

၂၁၀။†ပဉ္စိမေ ဘိက္ခဝေ အာဒိနဝါ မုဋ္ဌဿတိဿ အသမ္ပဇာနဿ နိဒ္ဒံ ဩက္ကမယတော။ ကတမေ ပဉ္စ? ဒုက္ခံ သုပတိ၊ ဒုက္ခံ ပဋိဗုဇ္ဈတိ၊ ပါပကံ သုပိနံ ပဿတိ၊ ဒေဝတာ န ရက္ခန္တိ၊ အသုစိ မုစ္စတိ။ ဣမေ ခေါ ဘိက္ခဝေ ပဉ္စ အာဒိနဝါ မုဋ္ဌဿတိဿ အသမ္ပဇာနဿ နိဒ္ဒံ ဩက္ကမယတော။

ပဉ္စိမေ ဘိက္ခဝေ အာနိသံသာ ဥပဋ္ဌိတဿတိဿ သမ္ပဇာနဿ နိဒ္ဒံ ဩက္ကမယတော။ ကတမေ ပဉ္စ? သုခံ သုပတိ၊ သုခံ ပဋိဗုဇ္ဈတိ၊ န ပါပကံ သုပိနံ

၁-ပရိယောနန္တန္တိ (သီ၊ဣ)၊ ပရိယောနန္တတိ (သျှ၊ကံ၊က) ဝိ ၄-၂၇၈-ပိဋ္ဌေ ပဿိတဗ္ဗ။

* ဝိ ၄-၂၄၃-ပိဋ္ဌေ။

† ဝိ ၃-၄၀၉-ပိဋ္ဌေပိ။

ပဿတိ၊ ဒေဝတာ ရက္ခန္တိ၊ အသုစိ န မုစ္ဆတိ။ ဣမေ ခေါ ဘိက္ခဝေ ပဉ္စ
အာနိသံသာ ဥပဋ္ဌိတဿတိဿ သမ္ပဇာနဿ နိဒ္ဒံ ဩက္ကမယဟောတိ။ ။ဒသမံ။

ကိမိလဝဂ္ဂေါ ပဌမော။

တသုဒ္ဓါနံ

ကိမိလော ဓမ္မဿဝနံ၊ အာဇာနိယော ဗလံ ခိလံ။
ဝိနိဗန္ဓံ ယာဂု ကဋ္ဌံ၊ ဂိတံ မုဋ္ဌဿဟိနာ စာတိ။

(၂၂) ၂-အက္ခောသကဝဂ္ဂ

၁-အက္ခောသကသုတ္တ

၂၁၁။ ယော သော ဘိက္ခဝေ ဘိက္ခု၊ အက္ခောသကပရိဘာသကော
အရိယူပဝါဒီ သဗြဟ္မစာရီနံ၊ တဿ ပဉ္စ အာဒိနဝါ ပါဠိကင်္ခါ။ ကတမေ ပဉ္စ?
ပါရာဇိကော ဝါ ဟောတိ ဆိန္ဒုပရိပဇ္ဇော^၁၊ အညတရံ ဝါ သံကိလိဋ္ဌံ အာပတ္တိ^၂
အာပဇ္ဇတိ၊ ဗာဠံ ဝါ ရောဂါတက်^၃ ဖုသတိ၊ သမ္ပုဇ္ဇော ကာလံ ကရေတိ၊
ကာယဿ ဘေဒါ ပရံ မရဏာ အပါယံ ဒုဂ္ဂတိ^၄ ဝိနိပါတံ နိရယံ ဥပပဇ္ဇတိ။
ယော သော ဘိက္ခဝေ ဘိက္ခု၊ အက္ခောသကပရိဘာသကော အရိယူပဝါဒီ
သဗြဟ္မစာရီနံ၊ တဿ ဣမေ ပဉ္စ အာဒိနဝါ ပါဠိကင်္ခါတိ။ ။ပဌမံ။

၂-ဘဏ္ဍနကာရကသုတ္တ

၂၁၂။ ယော သော ဘိက္ခဝေ ဘိက္ခု၊ ဘဏ္ဍနကာရကော ကလဟ
ကာရကော ဝိဝါဒကာရကော ဘဿကာရကော သံဃေ အဓိကရဏ-
ကာရကော၊ တဿ ပဉ္စ အာဒိနဝါ ပါဠိကင်္ခါ။ ကတမေ ပဉ္စ? အနဓိဂတံ
နာဓိဂစ္ဆတိ၊ အဓိဂတာ^၁ ပရိဟာယတိ၊ ပါပကော ကိတ္တိသဒ္ဓေါ အဗ္ဘုဂ္ဂစ္ဆတိ၊
သမ္ပုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ အပါယံ ဒုဂ္ဂတိ^၂
ဝိနိပါတံ နိရယံ ဥပပဇ္ဇတိ။ ယော သော ဘိက္ခဝေ ဘိက္ခု၊ ဘဏ္ဍနကာရကော
ကလဟကာရကော ဝိဝါဒကာရကော ဘဿကာရကော သံဃေ အဓိကရဏ-
ကာရကော၊ တဿ ဣမေ ပဉ္စ အာဒိနဝါ ပါဠိကင်္ခါတိ။ ။ဒုတိယံ။

၁-ဆိန္ဒုပရိပဇ္ဇော (က)

၂-အဓိဂတံ = ဒုတ္တံ) ဥပရိ ၂၂၂-သုတ္တေ ပန အဓိဂတာတိပိ ဒိဿတိ။

၃-သီလသုတ္တ

၂၁၃။*ပဋိမေ ဘိက္ခဝေ အာဒိနဝေါ ဒုဿီလဿ သီလဝိပတ္တိယာ။ ကတမေ ပဉ္စ? ဣဓ ဘိက္ခဝေ ဒုဿီလော သီလဝိပန္နော ပမာဒါဓိကရဏံ မဟတိံ ဘောဂဇာနိံ နိဂစ္ဆတိ။ အယံ ဘိက္ခဝေ ပဌမော အာဒိနဝေါ ဒုဿီလဿ သီလဝိပတ္တိယာ။

ပုန စပရံ ဘိက္ခဝေ ဒုဿီလဿ သီလဝိပန္နဿ ပါပကော ကိတ္တိသဒ္ဓေါ အတ္တဂ္ဂစ္ဆတိ။ အယံ ဘိက္ခဝေ ဒုတိယော အာဒိနဝေါ ဒုဿီလဿ သီလဝိပတ္တိယာ။

ပုန စပရံ ဘိက္ခဝေ ဒုဿီလော သီလဝိပန္နော ယညဒေဝ ပရိသံ ဥပသင်္ကမတိ ယဒိ ခတ္တိယပရိသံ ယဒိ ဗြာဟ္မဏပရိသံ ယဒိ ဂဟပတိပရိသံ ယဒိ သမဏပရိသံ၊ အဝိသာရဒေါ ဥပသင်္ကမတိ မင်္ဂဘူတော။ အယံ ဘိက္ခဝေ တတိယော အာဒိနဝေါ ဒုဿီလဿ သီလဝိပတ္တိယာ။

ပုန စပရံ ဘိက္ခဝေ ဒုဿီလော သီလဝိပန္နော သမ္ဗုဇ္ဇော ကာလံ ကရေတိ။ အယံ ဘိက္ခဝေ စတုတ္ထော အာဒိနဝေါ ဒုဿီလဿ သီလဝိပတ္တိယာ။

ပုန စပရံ ဘိက္ခဝေ ဒုဿီလော သီလဝိပန္နော ကာယဿ ဘောဒါ ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပဇ္ဇတိ။ အယံ ဘိက္ခဝေ ပဉ္စမော အာဒိနဝေါ ဒုဿီလဿ သီလဝိပတ္တိယာ။ ဣမေ ခေါ ဘိက္ခဝေ ပဉ္စ အာဒိနဝေါ ဒုဿီလဿ သီလဝိပတ္တိယာ။

ပဋိမေ ဘိက္ခဝေ အာနိသံသာ သီလဝတော သီလသမ္ပဒါယ။ ကတမေ ပဉ္စ? ဣဓ ဘိက္ခဝေ သီလဝါ သီလသမ္ပန္နော အပ္ပမာဒါဓိကရဏံ မဟန္တံ ဘောဂက္ခန္ဓံ အဓိဂစ္ဆတိ။ အယံ ဘိက္ခဝေ ပဌမော အာနိသံသော သီလဝတော သီလသမ္ပဒါယ။

ပုန စပရံ ဘိက္ခဝေ သီလဝတော သီလသမ္ပန္နဿ ကလျာဏော ကိတ္တိသဒ္ဓေါ အတ္တဂ္ဂစ္ဆတိ။ အယံ ဘိက္ခဝေ ဒုတိယော အာနိသံသော သီလဝတော သီလသမ္ပဒါယ။

ပုန စပရံ ဘိက္ခဝေ သီလဝါ သီလသမ္ပန္နော ယညဒေဝ ပရိသံ ဥပသင်္ကမတိ ယဒိ ခတ္တိယပရိသံ ယဒိ ဗြာဟ္မဏပရိသံ ယဒိ ဂဟပတိပရိသံ ယဒိ သမဏပရိသံ၊ ဝိသာရဒေါ ဥပသင်္ကမတိ အမင်္ဂဘူတော။ အယံ ဘိက္ခဝေ တတိယော အာနိသံသော သီလဝတော သီလသမ္ပဒါယ။

ပုန စပရံ ဘိက္ခဝေ သီလဝါ သီလသမ္ပန္နော အသမ္ပုဇ္ဈော ကာလံ ကရောတိ။
အယံ ဘိက္ခဝေ စတုတ္ထော အာနိသံသော သီလဝတော သီလသမ္ပဒါယ။

ပုန စပရံ ဘိက္ခဝေ သီလဝါ သီလသမ္ပန္နော ကာယဿ ဘောဒါ ပရံ မရဏာ
သုဂတိံ သဂ္ဂံ လောကံ ဥပပဇ္ဇတိ။ အယံ ဘိက္ခဝေ ပဉ္စမော အာနိသံသော
သီလဝတော သီလသမ္ပဒါယ။ ဣမေ ခေါ ဘိက္ခဝေ ပဉ္စ အာနိသံသာ
သီလဝတော သီလသမ္ပဒါယာတိ။ ။တတိယံ။

၄-ဗဟုဘာဏိသုတ္တ

၂၁၄။ ပဉ္စိမေ ဘိက္ခဝေ အာဒိနဝါ ဗဟုဘာဏိသ္မိံ ပုဂ္ဂလေ။ ကတမေ
ပဉ္စ? မုဿ ဘဏတိ၊ ပိသုဏံ ဘဏတိ၊ ဖရသံ ဘဏတိ၊ သမ္ပပ္ပလာပံ ဘဏတိ၊
ကာယဿ ဘောဒါ ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပဇ္ဇတိ။
ဣမေ ခေါ ဘိက္ခဝေ ပဉ္စ အာဒိနဝါ ဗဟုဘာဏိသ္မိံ ပုဂ္ဂလေ။

ပဉ္စိမေ ဘိက္ခဝေ အာနိသံသာ မန္တဘာဏိသ္မိံ ပုဂ္ဂလေ။ ကတမေ ပဉ္စ? န
မုဿ ဘဏတိ၊ န ပိသုဏံ ဘဏတိ၊ န ဖရသံ ဘဏတိ၊ န သမ္ပပ္ပလာပံ
ဘဏတိ၊ ကာယဿ ဘောဒါ ပရံ မရဏာ သုဂတိံ သဂ္ဂံ လောကံ ဥပပဇ္ဇတိ။
ဣမေ ခေါ ဘိက္ခဝေ ပဉ္စ အာနိသံသာ မန္တဘာဏိသ္မိံ ပုဂ္ဂလေတိ။ ။စတုတ္ထံ။

၅-ပဌမအက္ခန္တိသုတ္တ

၂၁၅။ ပဉ္စိမေ ဘိက္ခဝေ အာဒိနဝါ အက္ခန္တိယာ။ ကတမေ ပဉ္စ? ဗဟုနော
ဇနဿ အပ္ပိယော ဟောတိ အမနာပေါ၊ ဝေရဗဟုလော စ ဟောတိ၊
ဝဇ္ဇဗဟုလော စ၊ သမ္ပုဇ္ဈော ကာလံ ကရောတိ၊ ကာယဿ ဘောဒါ ပရံ မရဏာ
အပါယံ ဒုဂ္ဂတိံ ဝိနိပါတံ နိရယံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ
အာဒိနဝါ အက္ခန္တိယာ။

ပဉ္စိမေ ဘိက္ခဝေ အာနိသံသာ ခန္တိယာ။ ကတမေ ပဉ္စ? ဗဟုနော ဇနဿ
ပိယော ဟောတိ မနာပေါ၊ န ဝေရဗဟုလော ဟောတိ၊ န ဝဇ္ဇဗဟုလော၊
အသမ္ပုဇ္ဈော ကာလံ ကရောတိ၊ ကာယဿ ဘောဒါ ပရံ မရဏာ သုဂတိံ သဂ္ဂံ
လောကံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာနိသံသာ ခန္တိယာတိ။ ။ပဉ္စမံ။

၆-ဒုတိယအက္ခန္တိသုတ္တ

၂၁၆။ ပဉ္စိမေ ဘိက္ခဝေ အာဒိနဝါ အက္ခန္တိယာ။ ကတမေ ပဉ္စ? ဗဟုနော
ဇနဿ အပ္ပိယော ဟောတိ အမနာပေါ၊ လုဒ္ဒေါ စ ဟောတိ၊ ဝိပ္ပဋိသာရိ

စ၊ သမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာဒိနဝါ အက္ခန္တိယာ။

ပဉ္စိမေ ဘိက္ခဝေ အာနိသံသာ ခန္တိယာ။ ကတမေ ပဉ္စ? ဗဟုနော ဇနဿ ပိယော ဟောတိ မနာပေါ၊ အလုဒ္ဓေါ စ ဟောတိ၊ အဝိပ္ပုဋ်ဿာရီ စ၊ အသမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ သုဂတိံ သဂ္ဂံ လောကံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာနိသံသာ ခန္တိယာတိ။ ။ဆဋ္ဌံ။

၇-ပဌမအပါသဒိကသုတ္တ

၂၁၇။ ပဉ္စိမေ ဘိက္ခဝေ အာဒိနဝါ အပါသဒိကေ။ ကတမေ ပဉ္စ? အတ္တာပိ အတ္တာနံ ဥပဝဒတိ၊ အနုဝိစ္စ ဝိညူ ဂရဟန္တိ၊ ပါပကော ကိတ္တိသဒ္ဓေါ အဗ္ဘုဂ္ဂစ္ဆတိ၊ သမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာဒိနဝါ အပါသဒိကေ။

ပဉ္စိမေ ဘိက္ခဝေ အာနိသံသာ ပါသဒိကေ။ ကတမေ ပဉ္စ? အတ္တာပိ အတ္တာနံ န ဥပဝဒတိ၊ အနုဝိစ္စ ဝိညူ ပသံသန္တိ၊ ကလျာဏော ကိတ္တိသဒ္ဓေါ အဗ္ဘုဂ္ဂစ္ဆတိ၊ အသမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ သုဂတိံ သဂ္ဂံ လောကံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာနိသံသာ ပါသဒိကေတိ။ ။သတ္တမံ။

ဂ-ဒုတိယအပါသဒိကသုတ္တ

၂၁၈။ ပဉ္စိမေ ဘိက္ခဝေ အာဒိနဝါ အပါသဒိကေ။ ကတမေ ပဉ္စ? အပ္ပသန္ဓာ နပ္ပသီဒန္တိ၊ ပသန္ဓာနဉ္စ ကေစ္စာနံ အညထတ္တံ ဟောတိ၊ သတ္ထုဿာသနံ အကတံ ဟောတိ၊ ပစ္စိမာ ဇနတာ ဒိဋ္ဌာနုဂတိံ အာပဇ္ဇတိ၊ စိတ္တမဿ နပ္ပသီဒတိ။ ဣမေ ခေါ ဘိက္ခဝေ ပဉ္စ အာဒိနဝါ အပါသဒိကေ။

ပဉ္စိမေ ဘိက္ခဝေ အာနိသံသာ ပါသဒိကေ။ ကတမေ ပဉ္စ? အပ္ပသန္ဓာ ပသီဒန္တိ၊ ပသန္ဓာနဉ္စ ဘိယျောဘာဝေါ ဟောတိ၊ သတ္ထုဿာသနံ ကတံ ဟောတိ၊ ပစ္စိမာ ဇနတာ ဒိဋ္ဌာနုဂတိံ အာပဇ္ဇတိ၊ စိတ္တမဿ ပသီဒတိ။ ဣမေ ခေါ ဘိက္ခဝေ ပဉ္စ အာနိသံသာ ပါသဒိကေတိ။ ။အဋ္ဌမံ။

၉-အဂ္ဂိသုတ္တ

၂၁၉။ ပဉ္စိမေ ဘိက္ခဝေ အာဒိနဝါ အဂ္ဂိသ္မိံ။ ကတမေ ပဉ္စ? အစက္ခယေသာ ဒုဗ္ဗဏ္ဏကရဏော ဒုဗ္ဗလကရဏော သင်္ဂဏိကာပဝဓုနော^၁ တိရုတ္တနကထာ-ပဝတ္တနိကော ဟောတိ။ ဣမေ ခေါ ဘိက္ခဝေ ပဉ္စ အာဒိနဝါ အဂ္ဂိသ္မိန္တိ။ ။နဝမံ။

၁၀-မရရာသုတ္တ

၂၂၀။ ပဉ္စိမေ ဘိက္ခဝေ အာဒိနဝါ မရရာယံ။ ကတမေ ပဉ္စ? ဝိသမာ ဗဟုရဇာ စဏ္ဍာသုနခါ ဝါဠယက္ခာ ဒုလ္လဘပိဏ္ဍာ။ ဣမေ ခေါ ဘိက္ခဝေ ပဉ္စ အာဒိနဝါ မရရာယန္တိ။ ။ဒသမံ။

အက္ခောသကဝဂ္ဂေါ ဒုတိယော။

တသုဒ္ဓါနံ

အက္ခောသဘဏ္ဍနသီလံ၊ ဗဟုဘာဏီ ဒွေ အခန္တိယော။
အပါသာဒိကာ ဒွေ ဝုတ္တာ၊ အဂ္ဂိသ္မိံ မရရေန စာတိ။

(၂၃) ၃-ဒိဃစာရိကဝဂ္ဂ

၁-ပဌမဒိဃစာရိကသုတ္တ

၂၂၁။ ပဉ္စိမေ ဘိက္ခဝေ အာဒိနဝါ ဒိဃစာရိကံ အနဝတ္ထစာရိကံ အနုယုတ္တဿ ဝိဟရတော။ ကတမေ ပဉ္စ? အဿုတံ န သုဏာတိ၊ သုတံ န ပရိယောဒါပေတိ၊ သုတေနေနက္ခေန အဝိသာရဒေါ ဟောတိ၊ ဂါဠုံ^၂ ရောဂါ-တက်^၃ ဖုသတိ၊ န စ မိတ္တဝါ ဟောတိ။ ဣမေ ခေါ ဘိက္ခဝေ ပဉ္စ အာဒိနဝါ ဒိဃစာရိကံ အနဝတ္ထစာရိကံ အနုယုတ္တဿ ဝိဟရတော။

ပဉ္စိမေ ဘိက္ခဝေ အာနိသံသာ သမဝတ္ထစာရေ။ ကတမေ ပဉ္စ? အဿုတံ သုဏာတိ၊ သုတံ ပရိယောဒါပေတိ၊ သုတေနေနက္ခေန ဝိသာရဒေါ ဟောတိ၊ န ဂါဠုံ ရောဂါတက်^၃ ဖုသတိ၊ မိတ္တဝါ စ ဟောတိ။ ဣမေ ခေါ ဘိက္ခဝေ ပဉ္စ အာနိသံသာ သမဝတ္ထစာရေတိ။ ။ပဌမံ။

၂-ဒုတိယဒီသစာရိကသုတ္တ

၂၂၂။ ပဋိမေ ဘိက္ခဝေ အာဒိနဝါ ဒီသစာရိကံ အနဝတ္ထစာရိကံ အနုယုတ္တဿ ဝိဟရတော။ ကတမေ ပဉ္စ? အနဓိဂတံ နာဓိဂစ္ဆတိ၊ အဓိဂတာ ပရိဟာယတိ၊ အဓိဂတေနေနက္ခေန အဝိသာရဒေါ ဟောတိ၊ ဂါဠိ ရောဂါတက် ဖုသတိ၊ န စ မိတ္တဝါ ဟောတိ။ ဣမေ ခေါ ဘိက္ခဝေ ပဉ္စ အာဒိနဝါ ဒီသစာရိကံ အနဝတ္ထစာရိကံ အနုယုတ္တဿ ဝိဟရတော။

ပဋိမေ ဘိက္ခဝေ အာနိသံသာ သမဝတ္ထစာရေ။ ကတမေ ပဉ္စ? အနဓိဂတံ အဓိဂစ္ဆတိ၊ အဓိဂတာ န ပရိဟာယတိ၊ အဓိဂတေနေနက္ခေန ဝိသာရဒေါ ဟောတိ၊ န ဂါဠိ ရောဂါတက် ဖုသတိ၊ မိတ္တဝါ စ ဟောတိ။ ဣမေ ခေါ ဘိက္ခဝေ ပဉ္စ အာနိသံသာ သမဝတ္ထစာရေတိ။ ။ဒုတိယံ။

၃-အတိနိဝါသသုတ္တ

၂၂၃။ ပဋိမေ ဘိက္ခဝေ အာဒိနဝါ အတိနိဝါသေ။ ကတမေ ပဉ္စ? ဗဟုဘဏ္ဍော ဟောတိ ဗဟုဘဏ္ဍသန္ဓိစယော၊ ဗဟုဘေသဇ္ဇော ဟောတိ ဗဟုဘေသဇ္ဇသန္ဓိစယော၊ ဗဟုကိစ္စော ဟောတိ ဗဟုကရဏီယော၊ ဗျတ္တော ကိဏရဏီယေသု သံသဋ္ဌော ဝိဟရတိ ဂဟဋ္ဌပဗ္ဗဇိတေဟိ အနနုလောမိကေန ဂိဟိသံသဂ္ဂေန၊ တမှာ စ အာဝါသာ ပက္ကမန္တော သာပေက္ခော ပက္ကမတိ။ ဣမေ ခေါ ဘိက္ခဝေ ပဉ္စ အာဒိနဝါ အတိနိဝါသေ။

ပဋိမေ ဘိက္ခဝေ အာနိသံသာ သမဝတ္ထဝါသေ။ ကတမေ ပဉ္စ? န ဗဟုဘဏ္ဍော ဟောတိ န ဗဟုဘဏ္ဍသန္ဓိစယော၊ န ဗဟုဘေသဇ္ဇော ဟောတိ န ဗဟုဘေသဇ္ဇသန္ဓိစယော၊ န ဗဟုကိစ္စော ဟောတိ န ဗဟုကရဏီယော၊ န ဗျတ္တော ကိဏရဏီယေသု အသံသဋ္ဌော ဝိဟရတိ ဂဟဋ္ဌပဗ္ဗဇိတေဟိ အနနုလောမိကေန ဂိဟိသံသဂ္ဂေန၊ တမှာ စ အာဝါသာ ပက္ကမန္တော အနပေက္ခော ပက္ကမတိ။ ဣမေ ခေါ ဘိက္ခဝေ ပဉ္စ အာနိသံသာ သမဝတ္ထဝါသေတိ။ ။တတိယံ။

၄-မစ္ဆရီသုတ္တ

၂၂၄။ ပဋိမေ ဘိက္ခဝေ အာဒိနဝါ အတိနိဝါသေ။ ကတမေ ပဉ္စ? အာဝါသမစ္ဆရီ ဟောတိ၊ ကုလမစ္ဆရီ ဟောတိ၊ လာဘမစ္ဆရီ ဟောတိ၊ ဝဏ္ဏမစ္ဆရီ ဟောတိ၊ ဓမ္မမစ္ဆရီ ဟောတိ။ ဣမေ ခေါ ဘိက္ခဝေ ပဉ္စ အာဒိနဝါ အတိနိဝါသေ။

ပဉ္စိမေ ဘိက္ခဝေ အာနိသံသာ သမဝတ္ထဝါသေ။ ကတမေ ပဉ္စ? န အာဝါသ-
မစ္ဆရီဟောတိ၊ န ကုလမစ္ဆရီဟောတိ၊ န လာဘမစ္ဆရီဟောတိ၊ န ဝဏ္ဏမစ္ဆရီ
ဟောတိ၊ န ဓမ္မမစ္ဆရီဟောတိ။ ဣမေ ခေါ ဘိက္ခဝေ ပဉ္စ အာနိသံသာ
သမဝတ္ထဝါသေတိ။ ။စဟုတ္ထံ။

၅-ပဌမကုလုပကသုတ္တ

၂၂၅။ ပဉ္စိမေ ဘိက္ခဝေ အာဒိနဝါ ကုလုပကေ^၁။ ကတမေ ပဉ္စ? အနာ-
မန္တစာရေ အာပဇ္ဇတိ၊ ရဟော နိသဇ္ဇာယ အာပဇ္ဇတိ၊ ပဋိစ္ဆန္နေ အာသနေ
အာပဇ္ဇတိ၊ မာတုဂါမဿ ဥတ္တရိ ဆပ္ပဉ္စဝါစာဟိ ဓမ္မံ ဒေသေန္တော အာပဇ္ဇတိ၊
ကာမသင်္ကပ္ပဗဟုလော ဝိဟရတိ။ ဣမေ ခေါ ဘိက္ခဝေ ပဉ္စ အာဒိနဝါ
ကုလုပကေတိ။ ။ပဉ္စမံ။

၆-ဒုတိယကုလုပကသုတ္တ

၂၂၆။ ပဉ္စိမေ ဘိက္ခဝေ အာဒိနဝါ ကုလုပကဿ ဘိက္ခုနော အတိဝေလံ
ကုလေသု သံသဠဿ ဝိဟရတော။ ကတမေ ပဉ္စ? မာတုဂါမဿ အဘိဏ္ဍဒဿနံ၊
ဒဿနေ သတိ သံသဂ္ဂေါ၊ သံသဂ္ဂေ သတိ ဝိဿာသော၊ ဝိဿာသေ သတိ
ဩတာရော၊ ဩဟိဏ္ဏစိတ္တဿေတံ ပါဠိကံ^၂ “အနဘိရတော ဝါ မြဟ္မစရိယံ
စရိယတိ၊ အညတရံ ဝါ သံကိလိဋ္ဌံ အာပတ္တိ^၃ အာပဇ္ဇိယတိ၊ သိက္ခံ ဝါ
ပစ္စက္ခာယ ဟိနာယာဝတ္တိယတိ”။ ဣမေ ခေါ ဘိက္ခဝေ ပဉ္စ အာဒိနဝါ
ကုလုပကဿ ဘိက္ခုနော အတိဝေလံ ကုလေသု သံသဠဿ ဝိဟရတောတိ။ ။
ဆဋ္ဌံ။

၇-ဘောဂသုတ္တ

၂၂၇။ ပဉ္စိမေ ဘိက္ခဝေ အာဒိနဝါ ဘောဂေသု။ ကတမေ ပဉ္စ? အဂ္ဂိ-
သာဓာရဏာ ဘောဂါ၊ ဥဒကသာဓာရဏာ ဘောဂါ၊ ရာဇသာဓာရဏာ
ဘောဂါ၊ စောရသာဓာရဏာ ဘောဂါ၊ အပ္ပိယေဟိ ဒါယာဒေဟိ သာဓာရဏာ
ဘောဂါ။ ဣမေ ခေါ ဘိက္ခဝေ ပဉ္စ အာဒိနဝါ ဘောဂေသု။

ပဉ္စိမေ ဘိက္ခဝေ အာနိသံသာ ဘောဂေသု။ ကတမေ ပဉ္စ? ဘောဂေ
နိဿာယ အတ္တာနံ သုခေတိ ဝိဇ္ဇေတိ သမ္မာ သုခံ ပရိဟရတိ၊ မာတာပိတရော
သုခေတိ ဝိဇ္ဇေတိ သမ္မာ သုခံ ပရိဟရတိ၊ ပုတ္တဒါရဒါသကမ္မကရပေါဂိသေ

သုခေတိ ဝိဇ္ဇေတိ သမ္မာ သုခံ ပရိဟရတိ၊ မိတ္တာမစ္စေ သုခေတိ ဝိဇ္ဇေတိ သမ္မာ သုခံ ပရိဟရတိ၊ သမဏဗြာဟ္မဏေသု ဥဒ္ဓဂ္ဂိကံ ဒက္ခိဏံ ပတိဋ္ဌာပေတိ သောဝဂ္ဂိကံ သုခဝိပါကံ သဂ္ဂသံဝတ္တနိကံ။ ဣမေ ခေါ ဘိက္ခဝေ ပဉ္စ အာနိသံသာ ဘောဂေသုတိ။ ။သတ္တမံ။

၈-ဥဿူရဘတ္တသုတ္တ

၂၂၈။ ပဉ္စိမေ ဘိက္ခဝေ အာဒိနဝါ ဥဿူရဘတ္တေ ကုလေ။ ကတမေ ပဉ္စ? ယေ တေ အတိထိ ပါဟုနာ၊ တေ န ကာလေန ပဋိပူဇေန္တိ။ ယာ တာ ဗလိပဋိဂ္ဂါဟိကာ ဒေဝတာ၊ တာ န ကာလေန ပဋိပူဇေန္တိ။ ယေ တေ သမဏဗြာဟ္မဏာ ဧကဘတ္တိကာ ရတ္တုပရတာ ဝိရတာ ဝိကာလဘောဇနာ၊ တေ န ကာလေန ပဋိပူဇေန္တိ။ ဒါသကမ္မကရပေါရိသာ ဝိမုခါ ကမ္မံ ကရေန္တိ။ တာဝတကံယေဝ အသမယေန ဘုတ္တံ အနောဇေန္တိ ဟောတိ။ ဣမေ ခေါ ဘိက္ခဝေ ပဉ္စ အာဒိနဝါ ဥဿူရဘတ္တေ ကုလေ။

ပဉ္စိမေ ဘိက္ခဝေ အာနိသံသာ သမယဘတ္တေ ကုလေ။ ကတမေ ပဉ္စ? ယေ တေ အတိထိ ပါဟုနာ၊ တေ ကာလေန ပဋိပူဇေန္တိ။ ယာ တာ ဗလိပဋိဂ္ဂါဟိကာ ဒေဝတာ၊ တာ ကာလေန ပဋိပူဇေန္တိ။ ယေ တေ သမဏဗြာဟ္မဏာ ဧကဘတ္တိကာ ရတ္တုပရတာ ဝိရတာ ဝိကာလဘောဇနာ၊ တေ ကာလေန ပဋိပူဇေန္တိ။ ဒါသကမ္မကရပေါရိသာ အဝိမုခါ ကမ္မံ ကရေန္တိ။ တာဝတကံယေဝ သမယေန ဘုတ္တံ ဩဇေန္တိ ဟောတိ။ ဣမေ ခေါ ဘိက္ခဝေ ပဉ္စ အာနိသံသာ သမယဘတ္တေ ကုလေတိ။ ။အဋ္ဌမံ။

၉-ပဌမကဏ္ဍသပ္ပသုတ္တ

၂၂၉။ ပဉ္စိမေ ဘိက္ခဝေ အာဒိနဝါ ကဏ္ဍသပ္ပေ။ ကတမေ ပဉ္စ? အသုစိ ဒုဂ္ဂန္ဓော သဘိရု သပ္ပုဋ္ဌာယော မိတ္တဒုန္တိ။ ဣမေ ခေါ ဘိက္ခဝေ ပဉ္စ အာဒိနဝါ ကဏ္ဍသပ္ပေ။ ဧဝမေဝံ ခေါ ဘိက္ခဝေ ပဉ္စိမေ အာဒိနဝါ မာတုဂါမေ။ ကတမေ ပဉ္စ? အသုစိ ဒုဂ္ဂန္ဓော သဘိရု သပ္ပုဋ္ဌာယော မိတ္တဒုန္တိ။ ဣမေ ခေါ ဘိက္ခဝေ ပဉ္စ အာဒိနဝါ မာတုဂါမေတိ။ ။နဝမံ။

၁၀-ဒုတိယကဏ္ဍသပ္ပသုတ္တ

၂၃၀။ ပဉ္စိမေ ဘိက္ခဝေ အာဒိနဝါ ကဏ္ဍသပ္ပေ။ ကတမေ ပဉ္စ? ကောဓနော ဥပနာဟိ သောရဝိသော ဒုဇ္ဇိဌေါ မိတ္တဒုန္တိ။ ဣမေ ခေါ ဘိက္ခဝေ ပဉ္စ အာဒိနဝါ ကဏ္ဍသပ္ပေ။

ဧဝမေဝံ ခေါ ဘိက္ခဝေ ပဉ္စိမေ အာဒိနဝါ မာတုဂါမေ။ ကတမေ ပဉ္စ?
ကောဓနော ဥပနာဟိ ယောရိသော ဒုဇ္ဈိဌေါ မိတ္တဒုဋ္ဌိ။ တတြိဒံ ဘိက္ခဝေ
မာတုဂါမဿ ယောရိသတာ၊ ယေဘုယျေန ဘိက္ခဝေ မာတုဂါမော
တိဗ္ဗရာဂေါ။ တတြိဒံ ဘိက္ခဝေ မာတုဂါမဿ ဒုဇ္ဈိဌတာ၊ ယေဘုယျေန
ဘိက္ခဝေ မာတုဂါမော ပိသုဏဝါစော။ တတြိဒံ ဘိက္ခဝေ မာတုဂါမဿ
မိတ္တဒုဋ္ဌိတာ၊ ယေဘုယျေန ဘိက္ခဝေ မာတုဂါမော အတိစာရိနိ။ ဣမေ ခေါ
ဘိက္ခဝေ ပဉ္စ အာဒိနဝါ မာတုဂါမေတိ။ ။ဒသမံ။

ဒီဃစာရိကဝဂ္ဂေါ တတိယော။

တသုဒ္ဓါနံ

ဒွေ ဒီဃစာရိကာ ဝုတ္တာ၊ အတိနိဝါသမစ္ဆရိ။
ဒွေ စ ကုလူပကာ ဘောဂါ၊ ဘတ္တံ သပ္ပါပရေ ဒုဝေတိ။

(၂၄) ၄-အာဝါသိကဝဂ္ဂ

၁-အာဝါသိကသုတ္တ

၂၃၁။ ပဉ္စဟိ ဘိက္ခဝေ ဓမ္မေဟိ သမန္တာဂတော အာဝါသိကော ဘိက္ခု
အဘာဝနိယော ဟောတိ။ ကတမေဟိ ပဉ္စဟိ? န အာကပ္ပသမ္ပန္နော ဟောတိ
န ပတ္တသမ္ပန္နော၊ န ဗဟုဿုတော ဟောတိ န သုတဓရော၊ န ပဋိသလ္လေခိတာ^၁
ဟောတိ န ပဋိသလ္လာနာရာမော၊ န ကလျာဏဝါစော ဟောတိ န
ကလျာဏဝါက္ကရဏော၊ ဒုပ္ပညော ဟောတိ ဇဠော ဇဠမူဂေါ။ ဣမေဟိ ခေါ
ဘိက္ခဝေ ပဉ္စဟိ ဓမ္မေဟိ သမန္တာဂတော အာဝါသိကော ဘိက္ခု အဘာဝနိယော
ဟောတိ။

ပဉ္စဟိ ဘိက္ခဝေ ဓမ္မေဟိ သမန္တာဂတော အာဝါသိကော ဘိက္ခု ဘာဝ-
နိယော ဟောတိ။ ကတမေဟိ ပဉ္စဟိ? အာကပ္ပသမ္ပန္နော ဟောတိ ပတ္တသမ္ပန္နော၊
ဗဟုဿုတော ဟောတိ သုတဓရော၊ ပဋိသလ္လေခိတာ ဟောတိ ပဋိသလ္လာနာ-
ရာမော၊ ကလျာဏဝါစော ဟောတိ ကလျာဏဝါက္ကရဏော၊ ပညဝါ ဟောတိ

အဇဠော အနေဠမူဂေါ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော
အာဝါသိကော ဘိက္ခု ဘာဝနိယော ဟောတိတိ။ ။ပဌမံ။

၂-ဝိယသုတ္တ

၂၃၂။ ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု
သဗြဟ္မစာရိနံ ပိယော စ ဟောတိ မနာပေါ စ ဂရ စ ဘာဝနိယော စ။

ကတမေဟိ ပဉ္စဟိ? သီလဝါ ဟောတိ ပါတိမောက္ခသံဝရသံဝုတော
ဝိဟရတိ အာစာရဂေါစရသမ္ပန္နော၊ အဏုမတ္တေသု ဝဇ္ဇေသု ဘယဒဿာဝီ
သမာဒါယ သိက္ခတိ သိက္ခာပဒေသု။ ဗဟုဿုတော ဟောတိ သုတဓရော
သုတသန္တိစယော၊ ယေ တေ ဓမ္မာ အာဒိကလျာဏာ မဇ္ဈေကလျာဏာ
ပရိယောသာနကလျာဏာ သာတ္ထံ သဗျဉ္ဇနံ ကေဝလပရိပုဏ္ဏံ ပရိသုဒ္ဓိံ ဗြဟ္မစရိယံ
အဘိဝဒန္တိ၊ တထာရူပါဿ ဓမ္မာ ဗဟုဿုတာ ဟောန္တိ ဓာတာ ဝစသာ
ပရိစိတာ မနသာနပေက္ခိတာ ဒိဋ္ဌိယာ သုပ္ပုဋိဝိဒ္ဓါ။ ကလျာဏဝါစော ဟောတိ
ကလျာဏဝါက္ကရဏော ပေါရိယာ ဝါစာယ သမန္ဓာဂတော ဝိဿဋ္ဌာယ
အနေလဂလာယ အတ္တဿ ဝိညာပနိယာ။ စတုန္တံ ဈာနာနံ အဘိစေတသိကာနံ
ဒိဋ္ဌဓမ္မသုခဝိဟာရာနံ နိကာမလာဘိ ဟောတိ အကိစ္ဆလာဘိ အကသိရလာဘိ။
အာသဝါနံ ခယာ အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ သယံ
အဘိညာ သန္တိကတွာ ဥပသမ္ပဇ္ဇ ဝိဟရတိ။ ဣမေဟိ ခေါ ဘိက္ခဝေ ပဉ္စဟိ
ဓမ္မေဟိ သမန္ဓာဂတော အာဝါသိကော ဘိက္ခု သဗြဟ္မစာရိနံ ပိယော စ
ဟောတိ မနာပေါ စ ဂရ စ ဘာဝနိယော စာတိ။ ။ဒုတိယံ။

၃-သောဘနသုတ္တ

၂၃၃။ ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု
အာဝါသံ သောဘေတိ။ ကတမေဟိ ပဉ္စဟိ? သီလဝါ ဟောတိ။ပ။ သမာဒါယ
သိက္ခတိ သိက္ခာပဒေသု။ ဗဟုဿုတော ဟောတိ။ပ။ ဒိဋ္ဌိယာ သုပ္ပုဋိဝိဒ္ဓါ။
ကလျာဏဝါစော ဟောတိ ကလျာဏဝါက္ကရဏော ပေါရိယာ ဝါစာယ
သမန္ဓာဂတော ဝိဿဋ္ဌာယ အနေလဂလာယ အတ္တဿ ဝိညာပနိယာ။
ပဋိဗလော ဟောတိ ဥပသင်္ကမန္တေ ဓမ္မိယာ ကထာယ သန္ဓဿေတုံ သမာဒပေတုံ
သမုတ္တေဇေတုံ သမ္ပဟံသေတုံ။ စတုန္တံ ဈာနာနံ အဘိစေတသိကာနံ ဒိဋ္ဌဓမ္မ-
သုခဝိဟာရာနံ နိကာမလာဘိ ဟောတိ အကိစ္ဆလာဘိ အကသိရလာဘိ။
ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော အာဝါသိကော ဘိက္ခု
အာဝါသံ သောဘေတိတိ။ ။တတိယံ။

၄-ဗဟူပကာရသုတ္တ

၂၃၄။ ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု၊ အာဝါသဿ ဗဟူပကာရော ဟောတိ။ ကတမေဟိ ပဉ္စဟိ? သီလဝါ ဟောတိ။ ပ။ သမာဒါယ သိက္ခတိ သိက္ခာပဒေသု။ ဗဟုဿုတော ဟောတိ။ ပ။ ဒိဋ္ဌိယာ သုပ္ပင်္ဂဝိဒ္ဓါ။ ခဏ္ဍဗုလ္လံ ပဋိသင်္ခရေတိ။ မဟာ ခေါ ပန ဘိက္ခုသံဃော အဘိက္ကန္တော နာနာဝေရဇ္ဇကာ ဘိက္ခု။ ဂိဟိနံ ဥပသင်္ကမိတွာ အာရောစေတိ “မဟာ ခေါ အာဝုသော ဘိက္ခုသံဃော အဘိက္ကန္တော နာနာဝေရဇ္ဇကာ ဘိက္ခု။ ကရောထ ပုညာနိ၊ သမယော ပုညာနိ ကာတု”န္တိ။ စတုန္တံ ဈာနာနံ အဘိစေတသိကာနံ ဒိဋ္ဌဓမ္မသုခဝိဟာရေနံ နိကာမလာဘိ ဟောတိ အကိစ္ဆလာဘိ အကသိရလာဘိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော အာဝါသိကော ဘိက္ခု၊ အာဝါသဿ ဗဟူပကာရော ဟောတိတိ။ ။စတုတ္ထံ။

၅-အနုကမ္မသုတ္တ

၂၃၅။ ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု၊ ဂိဟိနံ^၁ အနုကမ္မတိ။ ကတမေဟိ ပဉ္စဟိ? အဓိသီလေ^၂ သမာဒပေတိ။ ဓမ္မဒဿနေ နိဝေသေတိ။ ဂိလာနကေ ဥပသင်္ကမိတွာ သတိံ ဥပ္ပါဒေတိ “အရဟဂ္ဂတံ အာယသ္မန္တော သတိံ ဥပဋ္ဌာပေထာ”တိ။ မဟာ ခေါ ပန ဘိက္ခုသံဃော အဘိက္ကန္တော နာနာဝေရဇ္ဇကာ ဘိက္ခု။ ဂိဟိနံ ဥပသင်္ကမိတွာ အာရောစေတိ “မဟာ ခေါ အာဝုသော ဘိက္ခုသံဃော အဘိက္ကန္တော နာနာဝေရဇ္ဇကာ ဘိက္ခု။ ကရောထ ပုညာနိ၊ သမယော ပုညာနိ ကာတု”န္တိ။ ယံ ခေါ ပနဿ ဘောဇနံ ဒေန္တိ လူခ ဝါ ပဏီတံ ဝါ၊ တံ အတ္တနာ ပရိဘုဉ္ဇတိ၊ သဒ္ဓါဒေယျံ န ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော အာဝါသိကော ဘိက္ခု၊ ဂိဟိနံ အနုကမ္မတိတိ။ ။ပဉ္စမံ။

၆-ပဌမအဝဏ္ဏာရဟသုတ္တ

၂၃၆။ ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု၊ ယဿာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? အနနုဝိစ္စ အပရိယောဂါဟေတွာ အဝဏ္ဏာရဟဿ ဝဏ္ဏံ ဘာသတိ၊ အနနုဝိစ္စ အပရိယောဂါဟေတွာ ဝဏ္ဏာရဟဿ အဝဏ္ဏံ ဘာသတိ၊ အနနုဝိစ္စ အပရိယောဂါဟေတွာ အပ္ပသာဒနီယေ ဌာနေ ပသာဒံ ဥပဒံသေတိ၊ အနနုဝိစ္စ

အပရိယောဂါဟေတွာ ပသာဒနီယေ ဌာနေ အပ္ပသာဒံ ဥပဒံသေတိ၊ သဒ္ဓါဒေယျံ ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? အနုရိစ္စ ပရိယောဂါဟေတွာ အဝဏ္ဏာရဟဿ အဝဏ္ဏံ ဘာသတိ၊ အနုရိစ္စ ပရိယောဂါဟေတွာ ဝဏ္ဏာရဟဿ ဝဏ္ဏံ ဘာသတိ၊ အနုရိစ္စ ပရိယောဂါဟေတွာ အပ္ပသာဒနီယေ ဌာနေ အပ္ပသာဒံ ဥပဒံသေတိ၊ အနုရိစ္စ ပရိယောဂါဟေတွာ ပသာဒနီယေ ဌာနေ ပသာဒံ ဥပဒံသေတိ၊ သဒ္ဓါဒေယျံ န ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေတိ။ ။ဆဋ္ဌံ။

၇-ဒုတိယအဝဏ္ဏာရဟသုတ္တ

၂၃၇။ ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? အနုရိစ္စ အပရိယောဂါဟေတွာ အဝဏ္ဏာရဟဿ ဝဏ္ဏံ ဘာသတိ၊ အနုရိစ္စ အပရိယောဂါဟေတွာ ဝဏ္ဏာရဟဿ အဝဏ္ဏံ ဘာသတိ၊ အာဝါသမစ္ဆရီ ဟောတိ အာဝါသပလိဂေမိ၊ ကုလမစ္ဆရီ ဟောတိ ကုလပလိဂေမိ၊ သဒ္ဓါဒေယျံ ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? အနုရိစ္စ ပရိယောဂါဟေတွာ အဝဏ္ဏာရဟဿ အဝဏ္ဏံ ဘာသတိ၊ အနုရိစ္စ ပရိယောဂါဟေတွာ ဝဏ္ဏာရဟဿ ဝဏ္ဏံ ဘာသတိ၊ န အာဝါသမစ္ဆရီ ဟောတိ န အာဝါသပလိဂေမိ၊ န ကုလမစ္ဆရီ ဟောတိ န ကုလပလိဂေမိ၊ သဒ္ဓါဒေယျံ န ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေတိ။ ။သတ္တမံ။

၈-တတိယအဝဏ္ဏာရဟသုတ္တ

၂၃၈။ ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? အနုရိစ္စ

အပရိယောဂါဟေတွာ အဝဏ္ဏာရဟဿ ဝဏ္ဏံ ဘာသတိ၊ အနုရိစ္စ အပရိယောဂါဟေတွာ ဝဏ္ဏာရဟဿ အဝဏ္ဏံ ဘာသတိ၊ အာဝါသမစ္ဆရီ ဟောတိ၊ ကုလမစ္ဆရီ ဟောတိ၊ လာဘမစ္ဆရီ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? အနုရိစ္စ ပရိယောဂါဟေတွာ အဝဏ္ဏာရဟဿ အဝဏ္ဏံ ဘာသတိ၊ အနုရိစ္စ ပရိယောဂါဟေတွာ ဝဏ္ဏာရဟဿ ဝဏ္ဏံ ဘာသတိ၊ န အာဝါသမစ္ဆရီ ဟောတိ၊ န ကုလမစ္ဆရီ ဟောတိ၊ န လာဘမစ္ဆရီ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂတိ။ ။အဋ္ဌမံ။

၉-ပဌမမစ္ဆရီယသုတ္တ

၂၃၉။ ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? အာဝါသမစ္ဆရီ ဟောတိ၊ ကုလမစ္ဆရီ ဟောတိ၊ လာဘမစ္ဆရီ ဟောတိ၊ ဝဏ္ဏမစ္ဆရီ^၁ ဟောတိ၊ သဒ္ဓါဒေယျံ ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? န အာဝါသမစ္ဆရီ ဟောတိ၊ န ကုလမစ္ဆရီ ဟောတိ၊ န လာဘမစ္ဆရီ ဟောတိ၊ န ဝဏ္ဏမစ္ဆရီ ဟောတိ၊ သဒ္ဓါဒေယျံ န ဝိနိပါတေတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂတိ။ ။နဝမံ။

၁၀-ဒုတိယမစ္ဆရီယသုတ္တ

၂၄၀။ ပဉ္စဟိ ဘိက္ခဝေ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? အာဝါသမစ္ဆရီ ဟောတိ၊ ကုလမစ္ဆရီ ဟောတိ၊ လာဘမစ္ဆရီ ဟောတိ၊ ဝဏ္ဏမစ္ဆရီ ဟောတိ၊ ဓမ္မမစ္ဆရီ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္ဓာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? န အာဝါသမစ္ဆရိ ဟောတိ၊ န ကုလမစ္ဆရိ ဟောတိ၊ န လာဘမစ္ဆရိ ဟောတိ၊ န ဝဏ္ဏမစ္ဆရိ ဟောတိ၊ န ဓမ္မမစ္ဆရိ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္ဓာဂတော အာဝါသိကော ဘိက္ခု ယထာဘတံ နိက္ခိတ္တော ဧဝံ သဂ္ဂတိ။ ။ဒသမံ။

အာဝါသိကဝဂ္ဂေါ စတုတ္ထော။

တသုဒ္ဓါနံ

အာဝါသိကော ပိယော စ သောဘနော၊
ဗဟူပကာရော အနုကမ္ပကော စ။
တယော အဝဏ္ဏာရဟာ စေဝ၊
မစ္ဆရိယာ ဒုဝေပိ စာတိ^၁။

(၂၅) ၅-ဒုစ္စရိတဝဂ္ဂ

၁-ပဌမဒုစ္စရိတသုတ္တံ

၂၄၁။ ပဉ္စိမေ ဘိက္ခဝေ အာဒိနဝါ ဒုစ္စရိတေ။ ကတမေ ပဉ္စ? အတ္တာပိ အတ္တာနံ ဥပဝဒတိ၊ အနုဝိစ္စ ဝိညူ ဂရဟန္တိ၊ ပါပကော ကိတ္တိသဒ္ဓေါ အပ္ပဂ္ဂစ္ဆတိ၊ သမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ အပါယံ ဒုဂ္ဂတိ^၂ ဝိနိပါတံ နိရယံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာဒိနဝါ ဒုစ္စရိတေ။

ပဉ္စိမေ ဘိက္ခဝေ အာနိသံသာ သုစရိတေ။ ကတမေ ပဉ္စ? အတ္တာပိ အတ္တာနံ န ဥပဝဒတိ၊ အနုဝိစ္စ ဝိညူ ပသံသန္တိ၊ ကလျာဏော ကိတ္တိသဒ္ဓေါ အပ္ပဂ္ဂစ္ဆတိ၊ အသမ္ဗုဇ္ဇော ကာလံ ကရေတိ၊ ကာယဿ ဘေဒါ ပရံ မရဏာ သုဂတိ^၃ သဂ္ဂံ လောကံ ဥပပဇ္ဇတိ။ ဣမေ ခေါ ဘိက္ခဝေ ပဉ္စ အာနိသံသာ သုစရိတေတိ။ ။ပဌမံ။

၂-ပဌမကာယဒုစ္စရိတသုတ္တံ

၂၄၂။ ပဉ္စိမေ ဘိက္ခဝေ အာဒိနဝါ ကာယဒုစ္စရိတေ။ ပ။ အာနိသံသာ ကာယ-သုစရိတေ။ ပ။ ။ဒုတိယံ။

၁-ယထာဘတံ စာပိ အဝဏ္ဏဂေဓာ၊ စတုက္ကမစ္ဆေရ ပဉ္စမေန စာတိ (သီ၊ သျှာ)

ယထာဘတံ အဝဏ္ဏဉ္စ၊ စတုကော မစ္ဆရိယေန စာတိ (က)

၃-ပဌမဝဇီဝဒုစရိတသုတ္တ

၂၄၃။ ပဉ္စိမေ ဘိက္ခဝေ အာဒိနဝါ ဝဇီဒုစရိတေ။ပ။ အာနိသံသာ ဝဇီ-
သုစရိတေ။ပ။ ။တတိယံ။

၄-ပဌမမနောဒုစရိတသုတ္တ

၂၄၄။ ပဉ္စိမေ ဘိက္ခဝေ အာဒိနဝါ မနောဒုစရိတေ။ပ။ အာနိသံသာ
မနောသုစရိတေ။ ကတမေ ပဉ္စ? အတ္တာပိ အတ္တာနံ န ဥပဝဒတိ၊ အနုဝိစ္စ ဝိညူ
ပသံသန္တိ၊ ကလျာဏော ကိတ္တိသဒ္ဓေါ အပ္ပဂ္ဂစ္ဆတိ၊ အသမ္ပုဋ္ဌော ကာလံ
ကရေတိ၊ ကာယဿ ဘေဒါ ပရံ မရဏာ သုဂတိံ သဂ္ဂံ လောကံ ဥပပဇ္ဇတိ။
ဣမေ ခေါ ဘိက္ခဝေ ပဉ္စ အာနိသံသာ မနောသုစရိတေတိ။ ။စတုတ္ထံ။

၅-ဒုတိယဒုစရိတသုတ္တ

၂၄၅။ ပဉ္စိမေ ဘိက္ခဝေ အာဒိနဝါ ဒုစရိတေ။ ကတမေ ပဉ္စ? အတ္တာပိ
အတ္တာနံ ဥပဝဒတိ၊ အနုဝိစ္စ ဝိညူ ဂရဟန္တိ၊ ပါပကော ကိတ္တိသဒ္ဓေါ
အပ္ပဂ္ဂစ္ဆတိ၊ သဒ္ဓမ္မာ ဝုဋ္ဌာတိ၊ အသဒ္ဓမ္မေ ပတိဋ္ဌာတိ။ ဣမေ ခေါ ဘိက္ခဝေ ပဉ္စ
အာဒိနဝါ ဒုစရိတေ။

ပဉ္စိမေ ဘိက္ခဝေ အာနိသံသာ သုစရိတေ။ ကတမေ ပဉ္စ? အတ္တာပိ အတ္တာနံ
န ဥပဝဒတိ၊ အနုဝိစ္စ ဝိညူ ပသံသန္တိ၊ ကလျာဏော ကိတ္တိသဒ္ဓေါ အပ္ပဂ္ဂစ္ဆတိ၊
အသဒ္ဓမ္မာ ဝုဋ္ဌာတိ၊ သဒ္ဓမ္မေ ပတိဋ္ဌာတိ။ ဣမေ ခေါ ဘိက္ခဝေ ပဉ္စ အာနိသံသာ
သုစရိတေတိ။ ။ပဉ္စမံ။

၆-ဒုတိယကာယဒုစရိတသုတ္တ

၂၄၆။ ပဉ္စိမေ ဘိက္ခဝေ အာဒိနဝါ ကာယဒုစရိတေ။ပ။ အာနိသံသာ
ကာယသုစရိတေ။ပ။ ။ဆဋ္ဌံ။

၇-ဒုတိယဝဇီဝဒုစရိတသုတ္တ

၂၄၇။ ပဉ္စိမေ ဘိက္ခဝေ အာဒိနဝါ ဝဇီဒုစရိတေ။ပ။ အာနိသံသာ ဝဇီ-
သုစရိတေ။ပ။ ။သတ္တမံ။

ဂ-ဒုတိယမနောဒုစ္စရိတသုတ္တ

၂၄၈။ ပဋိမေ ဘိက္ခဝေ အာဒိနဝါ မနောဒုစ္စရိတေ။ပ။ အာနိသံသာ မနောသုစရိတေ။ ကတမေ ပဉ္စ? အတ္တာပိ အတ္တာနံ န ဥပဝဒတိ၊ အနုဝိစ္စ ဝိညူ ပသံသန္တိ၊ ကလျာဏော ကိတ္တိသဒ္ဓေါ အဗ္ဘုဂ္ဂစ္ဆတိ၊ အသဒ္ဓမ္မာ ဝုဋ္ဌာတိ၊ သဒ္ဓမ္မေ ပတိဋ္ဌာတိ။ ဣမေ ခေါ ဘိက္ခဝေ ပဉ္စ အာနိသံသာ မနောသုစရိတေတိ။ ။အဋ္ဌမံ။

၉-သိဝထိကသုတ္တ

၂၄၉။ ပဋိမေ ဘိက္ခဝေ အာဒိနဝါ သိဝထိကာယံ။ ကတမေ ပဉ္စ? အသုစိ၊ ဒုဂ္ဂန္ဓာ၊ သပ္ပုဋ္ဌိဘယာ၊ ဝါဋ္ဌာနံ အမနုဿာနံ အာဝါသော၊ ဗဟုနော ဇနဿ အာရောဒနာ။ ဣမေ ခေါ ဘိက္ခဝေ ပဉ္စ အာဒိနဝါ သိဝထိကာယ။

ဝေမေဝံ ခေါ ဘိက္ခဝေ ပဋိမေ အာဒိနဝါ သိဝထိကူပမေ ပုဂ္ဂလေ။ ကတမေ ပဉ္စ? ဣမ ဘိက္ခဝေ ဧကစ္စော ပုဂ္ဂလော အသုစိနာ ကာယကမ္မေန သမန္ဓာဂတော ဟောတိ၊ အသုစိနာ ဝစီကမ္မေန သမန္ဓာဂတော ဟောတိ၊ အသုစိနာ မနောကမ္မေန သမန္ဓာဂတော ဟောတိ။ ဣဒမဿ အသုစိတာယ ဝဒါမိ။ သေယျထာပိ သာ ဘိက္ခဝေ သိဝထိကာ အသုစိ၊ တထူပမာဟံ ဘိက္ခဝေ ဣမံ ပုဂ္ဂလံ ဝဒါမိ။

တဿ အသုစိနာ ကာယကမ္မေန သမန္ဓာဂတဿ အသုစိနာ ဝစီကမ္မေန သမန္ဓာဂတဿ အသုစိနာ မနောကမ္မေန သမန္ဓာဂတဿ ပါပကော ကိတ္တိသဒ္ဓေါ အဗ္ဘုဂ္ဂစ္ဆတိ။ ဣဒမဿ ဒုဂ္ဂန္ဓတာယ ဝဒါမိ။ သေယျထာပိ သာ ဘိက္ခဝေ သိဝထိကာ ဒုဂ္ဂန္ဓာ၊ တထူပမာဟံ ဘိက္ခဝေ ဣမံ ပုဂ္ဂလံ ဝဒါမိ။

တမေနံ အသုစိနာ ကာယကမ္မေန သမန္ဓာဂတံ အသုစိနာ ဝစီကမ္မေန သမန္ဓာဂတံ အသုစိနာ မနောကမ္မေန သမန္ဓာဂတံ ပေသလာ သဗြဟ္မစာရီ အာရကာ ပရိဝုဇန္တိ။ ဣဒမဿ သပ္ပုဋ္ဌိဘယသ္မိံ ဝဒါမိ။ သေယျထာပိ သာ ဘိက္ခဝေ သိဝထိကာ သပ္ပုဋ္ဌိဘယာ၊ တထူပမာဟံ ဘိက္ခဝေ ဣမံ ပုဂ္ဂလံ ဝဒါမိ။

သော အသုစိနာ ကာယကမ္မေန သမန္ဓာဂတော အသုစိနာ ဝစီကမ္မေန သမန္ဓာဂတော အသုစိနာ မနောကမ္မေန သမန္ဓာဂတော သဘာဂေဟိ ပုဂ္ဂလေဟိ သဒ္ဓိံ သံဝသတိ။ ဣဒမဿ ဝါဋ္ဌာဝါသသ္မိံ ဝဒါမိ။ သေယျထာပိ

သာ ဘိက္ခဝေ သိဝထိကာ ဝါဠာနံ အမနုဿာနံ အာဝါသော၊ တထူပမာဟံ ဘိက္ခဝေ ဣမံ ပုဂ္ဂလံ ဝဒါမိ။

တမေနံ အသုစိနာ ကာယကမ္မေန သမန္တာဂတံ အသုစိနာ ဝစီကမ္မေန သမန္တာဂတံ အသုစိနာ မနောကမ္မေန သမန္တာဂတံ ပေသလာ သဗြဟ္မစာရီ ဒိဿာ ခီယဓမ္မံ အာပဇ္ဇန္တိ “အဟော ဝတ နော ဒုက္ခံ၊ ယေ မယံ ဧဝရူပေဟိ ပုဂ္ဂလေဟိ သဒ္ဓိံ သံဝသာမာ”တိ။ ဣဒမဿ အာရောဒနာယ ဝဒါမိ။ သေယျထာပိ သာ ဘိက္ခဝေ သိဝထိကာ ဗဟုနော ဇနဿ အာရောဒနာ၊ တထူပမာဟံ ဘိက္ခဝေ ဣမံ ပုဂ္ဂလံ ဝဒါမိ။ ဣမေ ခေါ ဘိက္ခဝေ ပဉ္စ အာဒိနဝါ သိဝထိကူပမေ ပုဂ္ဂလေတိ။ ။နဝမံ။

၁၀-ပုဂ္ဂလပ္ပသာဒသုတ္တ

၂၅၀။ ပဉ္စိမေ ဘိက္ခဝေ အာဒိနဝါ ပုဂ္ဂလပ္ပသာဒေ။ ကတမေ ပဉ္စ? ယသ္မိံ ဘိက္ခဝေ ပုဂ္ဂလေ ပုဂ္ဂလော အဘိပ္ပသန္ဓော ဟောတိ၊ သော တထာရူပံ အာပတ္တိံ အာပန္ဓော ဟောတိ၊ ယထာရူပါယ အာပတ္တိယာ သံဃော ဥက္ခိပတိ။ တဿ ဧဝံ ဟောတိ “ယော ခေါ မျာယံ ပုဂ္ဂလော ပိယော မနာပေါ သော သံဃေန ဥက္ခိတ္တော”တိ၊ ဘိက္ခုသု အပ္ပသာဒဗဟုလော ဟောတိ။ ဘိက္ခုသု အပ္ပသာဒဗဟုလော သမာနော အညေ ဘိက္ခု န ဘဇတိ၊ အညေ ဘိက္ခု အဘဇန္တော သဒ္ဓမ္မံ န သုဏာတိ၊ သဒ္ဓမ္မံ အသုဏန္တော သဒ္ဓမ္မာ ပရိဟာယတိ။ အယံ ဘိက္ခဝေ ပဌမော အာဒိနဝေါ ပုဂ္ဂလပ္ပသာဒေ။

ပုန စပရံ ဘိက္ခဝေ ယသ္မိံ ပုဂ္ဂလေ ပုဂ္ဂလော အဘိပ္ပသန္ဓော ဟောတိ၊ သော တထာရူပံ အာပတ္တိံ အာပန္ဓော ဟောတိ၊ ယထာရူပါယ အာပတ္တိယာ သံဃော အန္တေ နိဿိဒါပေတိ။ တဿ ဧဝံ ဟောတိ “ယော ခေါ မျာယံ ပုဂ္ဂလော ပိယော မနာပေါ၊ သော သံဃေန အန္တေ နိဿိဒါပိတော”တိ၊ ဘိက္ခုသု အပ္ပသာဒဗဟုလော ဟောတိ။ ဘိက္ခုသု အပ္ပသာဒဗဟုလော သမာနော အညေ ဘိက္ခု န ဘဇတိ၊ အညေ ဘိက္ခု အဘဇန္တော သဒ္ဓမ္မံ န သုဏာတိ၊ သဒ္ဓမ္မံ အသုဏန္တော သဒ္ဓမ္မာ ပရိဟာယတိ။ အယံ ဘိက္ခဝေ ဒုတိယော အာဒိနဝေါ ပုဂ္ဂလပ္ပသာဒေ။

ပုန စပရံ ဘိက္ခဝေ ယသ္မိံ ပုဂ္ဂလေ ပုဂ္ဂလော အဘိပ္ပသန္ဓော ဟောတိ၊ သော ဒိသာပက္ကန္တော ဟောတိ။ပ။ သော ဝိဟန္တော ဟောတိ။ပ။

သော ကာလင်္ဂတော ဟောတိ။ တဿ ဧဝံ ဟောတိ “ယော ခေါ မျာယံ
ပုဂ္ဂလော ပိယော မနာပေါ၊ သော ကာလင်္ဂတော”တိ၊ အညေ ဘိက္ခူ န
ဘဇတိ၊ အညေ ဘိက္ခူ အဘဇန္တော သဒ္ဓမ္မံ န သုဏာတိ၊ သဒ္ဓမ္မံ အသုဏန္တော
သဒ္ဓမ္မာ ပရိဟာယတိ၊ အယံ ဘိက္ခဝေ ပဉ္စမော အာဒိနဝေါ ပုဂ္ဂလပ္ပဿာဒေ။
ဣမေ ခေါ ဘိက္ခဝေ ပဉ္စ အာဒိနဝါ ပုဂ္ဂလပ္ပဿာဒေတိ။ ။ဒသမံ။

ဒုစ္စရိတဝဂ္ဂေါ ပဉ္စမော။

တဿုဒ္ဓါနံ

ဒုစ္စရိတံ ကာယဒုစ္စရိတံ၊ ဝစီဒုစ္စရိတံ မနောဒုစ္စရိတံ။
စတူဟိ ပရေ ဒွေ သိဝထိကာ၊ ပုဂ္ဂလပ္ပဿာဒေန စာတိ။

ပဉ္စမော ပဏ္ဏာသကော သမတ္တော။

(၂၆) ၆-ဥပသမ္ပဒါဝဂ္ဂ

၁-ဥပသမ္ပာဒေတဗ္ဗသုတ္တ

၂၅၁။ *ပဉ္စဟိ ဘိက္ခဝေ ဓမ္မေဟိ သမန္တာဂတေန ဘိက္ခုနာ ဥပသမ္ပာဒေတဗ္ဗံ။ ကတမေဟိ ပဉ္စဟိ? ဣမ ဘိက္ခဝေ ဘိက္ခု အသေခေန သီလက္ခန္ဓေန သမန္တာဂတော ဟောတိ၊ အသေခေန သမာဓိက္ခန္ဓေန သမန္တာဂတော ဟောတိ၊ အသေခေန ပညာက္ခန္ဓေန သမန္တာဂတော ဟောတိ၊ အသေခေန ဝိမုတ္တိက္ခန္ဓေန သမန္တာဂတော ဟောတိ၊ အသေခေန ဝိမုတ္တိဉာဏဒဿနက္ခန္ဓေန သမန္တာဂတော ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္တာဂတေန ဘိက္ခုနာ ဥပသမ္ပာဒေတဗ္ဗန္တိ။ ။ပဌမံ။

၂-နိဿယသုတ္တ

၂၅၂။ *ပဉ္စဟိ ဘိက္ခဝေ ဓမ္မေဟိ သမန္တာဂတေန ဘိက္ခုနာ နိဿယော ဒါတဗ္ဗော။ ကတမေဟိ ပဉ္စဟိ? ဣမ ဘိက္ခဝေ ဘိက္ခု အသေခေန သီလက္ခန္ဓေန သမန္တာဂတော ဟောတိ။ပ။ အသေခေန ဝိမုတ္တိဉာဏဒဿနက္ခန္ဓေန သမန္တာဂတော ဟောတိ။ ဣမေဟိ။ပ။ နိဿယော ဒါတဗ္ဗောတိ။ ။ဒုတိယံ။

၃-သာမဏေရသုတ္တ

၂၅၃။ *ပဉ္စဟိ ဘိက္ခဝေ ဓမ္မေဟိ သမန္တာဂတေန ဘိက္ခုနာ သာမဏေရော ဥပဋ္ဌာပေတဗ္ဗော။ ကတမေဟိ ပဉ္စဟိ? ဣမ ဘိက္ခဝေ ဘိက္ခု အသေခေန သီလက္ခန္ဓေန သမန္တာဂတော ဟောတိ၊ အသေခေန သမာဓိက္ခန္ဓေန။ အသေခေန ပညာက္ခန္ဓေန။ အသေခေန ဝိမုတ္တိက္ခန္ဓေန။ အသေခေန ဝိမုတ္တိဉာဏဒဿနက္ခန္ဓေန သမန္တာဂတော ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္တာဂတေန ဘိက္ခုနာ သာမဏေရော ဥပဋ္ဌာပေတဗ္ဗောတိ။ ။တတိယံ။

၄-ပဉ္စမစ္ဆရိယသုတ္တ

၂၅၄။ ပဉ္စိမာနိ ဘိက္ခဝေ မစ္ဆရိယာနိ။ ကတမာနိ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ ဓမ္မမစ္ဆရိယံ။ ဣမာနိ ခေါ ဘိက္ခဝေ ပဉ္စ မစ္ဆရိယာနိ။ ဣမေသံ ခေါ ဘိက္ခဝေ ပဉ္စန္ဒ မစ္ဆရိယာနံ ဧတံ ပဋိကုဋ္ဌံ၊ ယဒိဒံ ဓမ္မမစ္ဆရိယန္တိ။ ။စတုတ္ထံ။

၅-မစ္ဆရိယပ္ပဟာနသုတ္တ

၂၅၅။ ပဉ္စန္ဒံ ဘိက္ခဝေ မစ္ဆရိယာနံ ပဟာနာယ သမုစ္ဆေဒါယ မြဟ္မစရိယံ
ဓုဿတိ။ ကတမေသံ ပဉ္စန္ဒံ? အာဝါသမစ္ဆရိယဿ ပဟာနာယ သမုစ္ဆေဒါယ
မြဟ္မစရိယံ ဓုဿတိ၊ ကုလမစ္ဆရိယဿ။ လာဘမစ္ဆရိယဿ။ ဝဏ္ဏမစ္ဆရိယဿ။
ဓမ္မမစ္ဆရိယဿ ပဟာနာယ သမုစ္ဆေဒါယ မြဟ္မစရိယံ ဓုဿတိ။ ဣမေသံ ခေါ
ဘိက္ခဝေ ပဉ္စန္ဒံ မစ္ဆရိယာနံ ပဟာနာယ သမုစ္ဆေဒါယ မြဟ္မစရိယံ ဓုဿတိတိ။ ။
ပဉ္စမံ။

၆-ပဌမဈာနသုတ္တ

၂၅၆။ ပဉ္စိမေ ဘိက္ခဝေ ဓမ္မေ အပ္ပဟာယ အဘဗ္ဗော ပဌမံ ဈာနံ ဥပသမ္ပဇ္ဇ
ဝိဟရိတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ
ဝဏ္ဏမစ္ဆရိယံ ဓမ္မမစ္ဆရိယံ။ ဣမေ ခေါ ဘိက္ခဝေ ပဉ္စ ဓမ္မေ အပ္ပဟာယ အဘဗ္ဗော
ပဌမံ ဈာနံ ဥပသမ္ပဇ္ဇ ဝိဟရိတုံ။

ပဉ္စိမေ ဘိက္ခဝေ ဓမ္မေ ပဟာယ ဘဗ္ဗော ပဌမံ ဈာနံ ဥပသမ္ပဇ္ဇ ဝိဟရိတုံ။
ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ
ဓမ္မမစ္ဆရိယံ။ ဣမေ ခေါ ဘိက္ခဝေ ပဉ္စ ဓမ္မေ ပဟာယ ဘဗ္ဗော ပဌမံ ဈာနံ
ဥပသမ္ပဇ္ဇ ဝိဟရိတုန္တိ။ ။ဆဌံ။

၇-၁၃-ဒုတိယဈာနသုတ္တံဒိသတ္တက

၂၅၇-၂၆၃။ ပဉ္စိမေ ဘိက္ခဝေ ဓမ္မေ အပ္ပဟာယ အဘဗ္ဗော ဒုတိယံ ဈာနံ။ပ။
အဘဗ္ဗော တတိယံ ဈာနံ။ အဘဗ္ဗော စတုတ္ထံ ဈာနံ။ အဘဗ္ဗော သောတာပတ္တိ-
ဖလံ။ အဘဗ္ဗော သကဒါဂါမိဖလံ။ အဘဗ္ဗော အနာဂါမိဖလံ။ အဘဗ္ဗော
အရဟတ္တံ^၁ သစ္စိကာတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ
လာဘမစ္ဆရိယံ ဝဏ္ဏမစ္ဆရိယံ ဓမ္မမစ္ဆရိယံ။ ဣမေ ခေါ ဘိက္ခဝေ ပဉ္စ ဓမ္မေ
အပ္ပဟာယ အဘဗ္ဗော အရဟတ္တံ သစ္စိကာတုံ။

ပဉ္စိမေ ဘိက္ခဝေ ဓမ္မေ ပဟာယ ဘဗ္ဗော ဒုတိယံ ဈာနံ။ပ။ ဘဗ္ဗော တတိယံ
ဈာနံ။ ဘဗ္ဗော စတုတ္ထံ ဈာနံ။ ဘဗ္ဗော သောတာပတ္တိဖလံ။ ဘဗ္ဗော သကဒါဂါမိ-
ဖလံ။ ဘဗ္ဗော အနာဂါမိဖလံ။ ဘဗ္ဗော အရဟတ္တံ သစ္စိကာတုံ။ ကတမေ ပဉ္စ?
အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ ဓမ္မမစ္ဆရိယံ။ ဣမေ
ခေါ ဘိက္ခဝေ ပဉ္စ ဓမ္မေ ပဟာယ ဘဗ္ဗော အရဟတ္တံ သစ္စိကာတုန္တိ။ ။တေရသမံ။

၁၄-အပရပဌမဈာနသုတ္တ

၂၆၄။ ပဉ္စိမေ ဘိက္ခဝေ ဓမ္မေ အပ္ပဟာယ အဘဗ္ဗော ပဌမံ ဈာနံ ဥပသမ္ပဇ္ဇေ ဝိဟရိတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ အကတညုတံ အကတဝေဒိတံ။ ဣမေ ခေါ ဘိက္ခဝေ ပဉ္စ ဓမ္မေ အပ္ပဟာယ အဘဗ္ဗော ပဌမံ ဈာနံ ဥပသမ္ပဇ္ဇေ ဝိဟရိတုံ။

ပဉ္စိမေ ဘိက္ခဝေ ဓမ္မေ ပဟာယ ဘဗ္ဗော ပဌမံ ဈာနံ ဥပသမ္ပဇ္ဇေ ဝိဟရိတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ အကတညုတံ အကတဝေဒိတံ။ ဣမေ ခေါ ဘိက္ခဝေ ပဉ္စ ဓမ္မေ ပဟာယ ဘဗ္ဗော ပဌမံ ဈာနံ ဥပသမ္ပဇ္ဇေ ဝိဟရိတုန္တိ။ ။စုဒ္ဒသမံ။

၁၅-၂၁-အပရဒုတိယဈာနသုတ္တဒိ

၂၆၅-၂၇၁။ ပဉ္စိမေ ဘိက္ခဝေ ဓမ္မေ အပ္ပဟာယ အဘဗ္ဗော ဒုတိယံ ဈာနံ။ တတိယံ ဈာနံ။ စတုတ္ထံ ဈာနံ။ သောတာပတ္တိဖလံ။ သကဒါဂါမိဖလံ။ အနာဂါမိဖလံ။ အရဟတ္တံ သန္တိကာတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ အကတညုတံ အကတဝေဒိတံ။ ဣမေ ခေါ ဘိက္ခဝေ ပဉ္စ ဓမ္မေ အပ္ပဟာယ အဘဗ္ဗော အရဟတ္တံ သန္တိကာတုံ။

ပဉ္စိမေ ဘိက္ခဝေ ဓမ္မေ ပဟာယ ဘဗ္ဗော ဒုတိယံ ဈာနံ။ တတိယံ ဈာနံ။ စတုတ္ထံ ဈာနံ။ သောတာပတ္တိဖလံ။ သကဒါဂါမိဖလံ။ အနာဂါမိဖလံ။ အရဟတ္တံ သန္တိကာတုံ။ ကတမေ ပဉ္စ? အာဝါသမစ္ဆရိယံ ကုလမစ္ဆရိယံ လာဘမစ္ဆရိယံ ဝဏ္ဏမစ္ဆရိယံ အကတညုတံ အကတဝေဒိတံ။ ဣမေ ခေါ ဘိက္ခဝေ ပဉ္စ ဓမ္မေ ပဟာယ ဘဗ္ဗော အရဟတ္တံ သန္တိကာတုန္တိ။ ။ဧကဝိသတိမံ။

ဥပသမ္ပဒါဝဂ္ဂေါ ဆဋ္ဌော။

၁-သမ္ပုတိပေယျာလ

၁-ဘတ္တုဒ္ဓေသကသုတ္တ

၂၇၂။ ပဉ္စဟိ ဘိက္ခဝေ ဓမ္မဟိ သမန္တာဂတော ဘတ္တုဒ္ဓေသကော န သမ္ပန္နိတဗ္ဗော။ ကတမေဟိ ပဉ္စဟိ? ဆန္တာဂတိံ ဂစ္ဆတိ၊ ဒေါသာဂတိံ ဂစ္ဆတိ၊

မောဟာဂတိ^၁ ဂစ္ဆတိ၊ ဘယာဂတိ^၂ ဂစ္ဆတိ၊ ဥဒ္ဓိဋ္ဌာနုဒ္ဓိဋ္ဌံ န ဇာနာတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဘတ္ထုဒ္ဓေသကော န သမ္ဗုဒ္ဓိတဗ္ဗော။

ပဉ္စဟိ ဘိက္ခဝေ ဓမ္မေဟိ သမန္နာဂတော ဘတ္ထုဒ္ဓေသကော သမ္ဗုဒ္ဓိတဗ္ဗော။ ကတမေဟိ ပဉ္စဟိ? န ဆန္ဒာဂတိ^၃ ဂစ္ဆတိ၊ န ဒေါသာဂတိ^၄ ဂစ္ဆတိ၊ န မောဟာဂတိ^၅ ဂစ္ဆတိ၊ န ဘယာဂတိ^၆ ဂစ္ဆတိ၊ ဥဒ္ဓိဋ္ဌာနုဒ္ဓိဋ္ဌံ ဇာနာတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဘတ္ထုဒ္ဓေသကော သမ္ဗုဒ္ဓိတဗ္ဗောတိ။

ပဉ္စဟိ ဘိက္ခဝေ ဓမ္မေဟိ သမန္နာဂတော ဘတ္ထုဒ္ဓေသကော သမ္ဗတော^၁ န ပေသေတဗ္ဗော။ပ။ သမ္ဗတော ပေသေတဗ္ဗော။ ဗာလော ဝေဒိတဗ္ဗော။ ပဏ္ဍိတော ဝေဒိတဗ္ဗော။ ခတံ ဥပဟတံ အတ္တာနံ ပရိဟရတိ။ အက္ခတံ အနုပဟတံ အတ္တာနံ ပရိဟရတိ။ ယထာဘတံ နိက္ခိတ္တော ဧဝံ နိရယေ။ ယထာဘတံ နိက္ခိတ္တော ဧဝံ သဂ္ဂေ။ ကတမေဟိ ပဉ္စဟိ? န ဆန္ဒာဂတိ^၃ ဂစ္ဆတိ၊ န ဒေါသာဂတိ^၄ ဂစ္ဆတိ၊ န မောဟာဂတိ^၅ ဂစ္ဆတိ၊ န ဘယာဂတိ^၆ ဂစ္ဆတိ၊ ဥဒ္ဓိဋ္ဌာနုဒ္ဓိဋ္ဌံ ဇာနာတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဘတ္ထုဒ္ဓေသကော ယထာဘတံ နိက္ခိတ္တော ဧဝံ သဂ္ဂေတိ။ ။ပဌမံ။

၂-၁၄-သေနာသနပညာပကသုတ္တာဒိ

၂၇၃-၂၈၅။ ပဉ္စဟိ ဘိက္ခဝေ ဓမ္မေဟိ သမန္နာဂတော သေနာသန-
ပညာပကော န သမ္ဗုဒ္ဓိတဗ္ဗော။ပ။ ပညတ္တာပညတ္တံ န ဇာနာတိ။ပ။ သေနာသန-
ပညာပကော သမ္ဗုဒ္ဓိတဗ္ဗော။ပ။ ပညတ္တာပညတ္တံ ဇာနာတိ။ပ။

သေနာသနဂါဟာပကော န သမ္ဗုဒ္ဓိတဗ္ဗော။ပ။ ဂဟိတာဂဟိတံ ၂ န
ဇာနာတိ။ပ။ သေနာသနဂါဟာပကော သမ္ဗုဒ္ဓိတဗ္ဗော။ပ။ ဂဟိတာဂဟိတံ ၂
ဇာနာတိ။ပ။

ဘဏ္ဍာဂါရိကော န သမ္ဗုဒ္ဓိတဗ္ဗော။ပ။ ဂုတ္တာဂုတ္တံ န ဇာနာတိ။ ဘဏ္ဍာ-
ဂါရိကော သမ္ဗုဒ္ဓိတဗ္ဗော။ပ။ ဂုတ္တာဂုတ္တံ ဇာနာတိ။

စိဝရပဋိဂ္ဂါဟကော န သမ္ဗုဒ္ဓိတဗ္ဗော။ပ။ ဂဟိတာဂဟိတံ န ဇာနာတိ။
စိဝရပဋိဂ္ဂါဟကော သမ္ဗုဒ္ဓိတဗ္ဗော။ပ။ ဂဟိတာဂဟိတံ ဇာနာတိ။

စိဝရဘာဇကော န သမ္ဗုဒ္ဓိတဗ္ဗော။ပ။ ဘာဇိတာဘာဇိတံ န ဇာနာတိ။
စိဝရဘာဇကော သမ္ဗုဒ္ဓိတဗ္ဗော။ပ။ ဘာဇိတာဘာဇိတံ ဇာနာတိ။

ယာဂုဘာဇကော န သမ္ဗုဒ္ဓိတဗ္ဗော။ပ။ ယာဂုဘာဇကော သမ္ဗုဒ္ဓိတဗ္ဗော။ပ။

ဖလဘာဇကော န သမ္ဗုဒ္ဓိတဗ္ဗော။ပ။ ဖလဘာဇကော သမ္ဗုဒ္ဓိတဗ္ဗော။ပ။

ခဇ္ဇကဘာဇကော န သမ္ဗုဒ္ဓိတဗ္ဗော။ပ။ ဘာဇိတာဘာဇိတံ န ဇာနာတိ။
ခဇ္ဇကဘာဇကော သမ္ဗုဒ္ဓိတဗ္ဗော။ပ။ ဘာဇိတာဘာဇိတံ ဇာနာတိ။

အပ္ပမတ္တကဝိဿဇ္ဇကော န သမ္ဗုဒ္ဓိတဗ္ဗော။ပ။ ဝိဿဇ္ဇိတာဝိဿဇ္ဇိတံ န
ဇာနာတိ။ အပ္ပမတ္တကဝိဿဇ္ဇကော သမ္ဗုဒ္ဓိတဗ္ဗော။ပ။ ဝိဿဇ္ဇိတာဝိဿဇ္ဇိတံ
ဇာနာတိ။

သာဠိယဂ္ဂါဟာပကော န သမ္ဗုဒ္ဓိတဗ္ဗော။ပ။ ဂဟိတာဂဟိတံ န ဇာနာတိ။
သာဠိယဂ္ဂါဟာပကော သမ္ဗုဒ္ဓိတဗ္ဗော။ပ။ ဂဟိတာဂဟိတံ ဇာနာတိ။

ပတ္တဂ္ဂါဟာပကော န သမ္ဗုဒ္ဓိတဗ္ဗော။ပ။ ဂဟိတာဂဟိတံ န ဇာနာတိ။
ပတ္တဂ္ဂါဟာပကော သမ္ဗုဒ္ဓိတဗ္ဗော။ပ။ ဂဟိတာဂဟိတံ ဇာနာတိ။

အာရာမိကပေသကော န သမ္ဗုဒ္ဓိတဗ္ဗော။ပ။ အာရာမိကပေသကော
သမ္ဗုဒ္ဓိတဗ္ဗော။ပ။

သာမဏေရပေသကော န သမ္ဗုဒ္ဓိတဗ္ဗော။ပ။ သာမဏေရပေသကော
သမ္ဗုဒ္ဓိတဗ္ဗော။ပ။

သမ္ဗတော န ပေသေတဗ္ဗော။ပ။ သမ္ဗတော ပေသေတဗ္ဗော။ပ။

သာမဏေရပေသကော ဗာလော ဝေဒိတဗ္ဗော။ပ။ ပဏ္ဍိတော ဝေဒိတဗ္ဗော။
ခတံ ဥပဟတံ အတ္တာနံ ပရိဟရတိ။ အက္ခတံ အနုပဟတံ အတ္တာနံ ပရိဟရတိ။
ယထာဘတံ နိက္ခိတ္တော ဧဝံ နိရယေ။ ယထာဘတံ နိက္ခိတ္တော ဧဝံ သဂ္ဂေ။
ကတမေဟိ ပဉ္စဟိ? န ဆန္ဒာဂတိံ ဂစ္ဆတိ၊ န ဒေါသာဂတိံ ဂစ္ဆတိ၊ န
မောဟာဂတိံ ဂစ္ဆတိ၊ န ဘယာဂတိံ ဂစ္ဆတိ၊ ပေသိတာပေသိဘံ ဇာနာတိ။
ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္တာဂတော သာမဏေရပေသကော
ယထာဘတံ နိက္ခိတ္တော ဧဝံ သဂ္ဂတိ။ ။စုဒ္ဒသမံ။

သမ္ဗုတိပေယျာလံ နိဋ္ဌိတံ။

၂-သိက္ခာပဒပေယျာလ

၁-ဘိက္ခုသုတ္တံ

၂၀၆။ ပဉ္စဟိ ဘိက္ခဝေ ဓမ္မေဟိ သမန္နာဂတော ဘိက္ခု ယထာဘတံ နိက္ခိတ္တာ ဧဝံ နိရယေ။ ကတမေဟိ ပဉ္စဟိ? ပါဏာတိပါတိ ဟောတိ၊ အဒိန္နာဒါယိ ဟောတိ၊ အဗြဟ္မစာရိ ဟောတိ၊ မုသာဝါဒိ ဟောတိ၊ သုရာမေရယမဇ္ဇပမာဒဌာယိ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဘိက္ခု ယထာဘတံ နိက္ခိတ္တာ ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတော ဘိက္ခု ယထာဘတံ နိက္ခိတ္တာ ဧဝံ သဂ္ဂေ။ ကတမေဟိ ပဉ္စဟိ? ပါဏာတိပါတာ ပဋိဝိရတော ဟောတိ၊ အဒိန္နာဒါနာ ပဋိဝိရတော ဟောတိ၊ အဗြဟ္မစရိယာ ပဋိဝိရတော ဟောတိ၊ မုသာဝါဒါ ပဋိဝိရတော ဟောတိ၊ သုရာမေရယမဇ္ဇပမာဒဌာနာ ပဋိဝိရတော ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဘိက္ခု ယထာဘတံ နိက္ခိတ္တာ ဧဝံ သဂ္ဂေတိ။ ။ပဌမံ။

၂-၇-ဘိက္ခုနီသုတ္တံ

၂၀၇-၂၉၂။ ပဉ္စဟိ ဘိက္ခဝေ ဓမ္မေဟိ သမန္နာဂတာ ဘိက္ခုနီ။ ပ။ သိက္ခမာနာ။ သာမဏေရော။ သာမဏေရီ။ ဥပါသကော။ ဥပါသိကာ ယထာဘတံ နိက္ခိတ္တာ ဧဝံ နိရယေ။ ကတမေဟိ ပဉ္စဟိ? ပါဏာတိပါတိနိ ဟောတိ၊ အဒိန္နာဒါယိနိ ဟောတိ၊ ကာမေသုမိစ္ဆာစာရိနိ ဟောတိ၊ မုသာဝါဒိနိ ဟောတိ၊ သုရာမေရယမဇ္ဇပမာဒဌာယိနိ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတာ ဥပါသိကာ ယထာဘတံ နိက္ခိတ္တာ ဧဝံ နိရယေ။

ပဉ္စဟိ ဘိက္ခဝေ ဓမ္မေဟိ သမန္နာဂတာ ဥပါသိကာ ယထာဘတံ နိက္ခိတ္တာ ဧဝံ သဂ္ဂေ။ ကတမေဟိ ပဉ္စဟိ? ပါဏာတိပါတာ ပဋိဝိရတာ ဟောတိ၊ အဒိန္နာဒါနာ ပဋိဝိရတာ ဟောတိ၊ ကာမေသုမိစ္ဆာစာရာ ပဋိဝိရတာ ဟောတိ၊ မုသာဝါဒါ ပဋိဝိရတာ ဟောတိ၊ သုရာမေရယမဇ္ဇပမာဒဌာနာ ပဋိဝိရတာ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတာ ဥပါသိကာ ယထာဘတံ နိက္ခိတ္တာ ဧဝံ သဂ္ဂေတိ။ ။သတ္တမံ။

ဂ-အာဇီဝကသုတ္တ

၂၉၃။ ပဉ္စဟိ ဘိက္ခဝေ ဓမ္မေဟိ သမန္နာဂတော အာဇီဝကော ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? ပါဏာတိပါတိ ဟောတိ၊ အဒိန္နာဒါယိ ဟောတိ၊ အဗြဟ္မစာရီ ဟောတိ၊ မုသာဝါဒီ ဟောတိ၊ သုရာမေရယမဇ္ဇပမာဒဋ္ဌာယိ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော အာဇီဝကော ယထာဘတံ နိက္ခိတ္တော ဧဝံ နိရယေတိ။ ။အဋ္ဌမံ။

၉-၁၇-နိဂဏ္ဌသုတ္တံ

၂၉၄-၃၀၂။ ပဉ္စဟိ ဘိက္ခဝေ ဓမ္မေဟိ သမန္နာဂတော နိဂဏ္ဌော။ မုဏ္ဍာသာဝကော။ ဇဋ္ဌိလကော။ ပရိဗ္ဗာဇကော။ မာဂဏ္ဍိကော။ တေဒဏ္ဍိကော။ အာရုဒ္ဓကော။ ဂေါတမကော။ ဒေဝဓမ္မိကော ယထာဘတံ နိက္ခိတ္တော ဧဝံ နိရယေ။ ကတမေဟိ ပဉ္စဟိ? ပါဏာတိပါတိ ဟောတိ၊ အဒိန္နာဒါယိ ဟောတိ။ ပ။ သုရာမေရယမဇ္ဇပမာဒဋ္ဌာယိ ဟောတိ။ ဣမေဟိ ခေါ ဘိက္ခဝေ ပဉ္စဟိ ဓမ္မေဟိ သမန္နာဂတော ဒေဝဓမ္မိကော ယထာဘတံ နိက္ခိတ္တော ဧဝံ နိရယေတိ။ ။သတ္တရသမံ။

သိက္ခာပဒပေယျာလံ နိဋ္ဌိတံ။

၃-ရာဂပေယျာလ

၃၀၃။ ရာဂဿ ဘိက္ခဝေ အဘိညာယ ပဉ္စ ဓမ္မာ ဘာဝေတဗ္ဗာ။ ကတမေ ပဉ္စ? အသုဘသညာ မရဏသညာ အာဒိနဝသညာ အာဟာရေ ပဋိကူလသညာ သဗ္ဗလောကေ အနဘိရတသညာ^၁။ ရာဂဿ ဘိက္ခဝေ အဘိညာယ ဣမေ ပဉ္စ ဓမ္မာ ဘာဝေတဗ္ဗာတိ။ (၁)

၃၀၄။ ရာဂဿ ဘိက္ခဝေ အဘိညာယ ပဉ္စ ဓမ္မာ ဘာဝေတဗ္ဗာ။ ကတမေ ပဉ္စ? အနိစ္စသညာ အနတ္တသညာ မရဏသညာ အာဟာရေ ပဋိကူလသညာ သဗ္ဗလောကေ အနဘိရတသညာ။ ရာဂဿ ဘိက္ခဝေ အဘိညာယ ဣမေ ပဉ္စ ဓမ္မာ ဘာဝေတဗ္ဗာတိ။ (၂)

၃၀၅။ ရာဂဿ ဘိက္ခဝေ အဘိညာယ ပဉ္စ ဓမ္မာ ဘာဝေတဗ္ဗာ။ ကတမေ ပဉ္စ? အနိစ္စသညာ၊ အနိစ္စေ ဒုက္ခသညာ၊ ဒုက္ခေ အနတ္တသညာ၊ ပဟာနသညာ၊ ဝိရာဂသညာ။ ရာဂဿ ဘိက္ခဝေ အဘိညာယ ဣမေ ပဉ္စ ဓမ္မာ ဘာဝေတဗ္ဗာတိ။ (၃)

၃၀၆။ ရာဂဿ ဘိက္ခဝေ အဘိညာယ ပဉ္စ ဓမ္မာ ဘာဝေတဗ္ဗာ။ ကတမေ ပဉ္စ? သဒ္ဓါဗ္ဗိယံ ဝီရိယိဗ္ဗိယံ သတိဗ္ဗိယံ သမာဓိဗ္ဗိယံ ပညိဗ္ဗိယံ။ ရာဂဿ ဘိက္ခဝေ အဘိညာယ ဣမေ ပဉ္စ ဓမ္မာ ဘာဝေတဗ္ဗာတိ။ (၄)

၃၀၇။ ရာဂဿ ဘိက္ခဝေ အဘိညာယ ပဉ္စ ဓမ္မာ ဘာဝေတဗ္ဗာ။ ကတမေ ပဉ္စ? သဒ္ဓါဗလံ ဝီရိယဗလံ သတိဗလံ သမာဓိဗလံ ပညာဗလံ။ ရာဂဿ ဘိက္ခဝေ အဘိညာယ ဣမေ ပဉ္စ ဓမ္မာ ဘာဝေတဗ္ဗာတိ။ (၅)

၃၀၈-၁၁၅၁။ ရာဂဿ ဘိက္ခဝေ ပရိညာယ။ ပရိက္ခယာယ။ ပဟာနာယ။ ခယာယ။ ဝယာယ။ ဝိရာဂါယ။ နိရောဓာယ။ စာဂါယ။ ပဋိနိဿဂ္ဂါယ ပဉ္စ ဓမ္မာ ဘာဝေတဗ္ဗာ။ ဒေါသဿ။ မောဟဿ။ ကောဓဿ။ ဥပနာဟဿ။ မက္ခဿ။ ပဠာသဿ။ ဣဿာယ။ မစ္ဆရိယဿ။ မာယာယ။ သာဠေယုဿ။ ထမ္ဘဿ။ သာရမ္ဘဿ။ မာနဿ။ အတိမာနဿ။ မဒဿ။ ပမာဒဿ အဘိညာယ။ ပရိညာယ။ ပရိက္ခယာယ။ ပဟာနာယ။ ခယာယ။ ဝယာယ။ ဝိရာဂါယ။ နိရောဓာယ။ စာဂါယ။ ပဋိနိဿဂ္ဂါယ ပဉ္စ ဓမ္မာ ဘာဝေတဗ္ဗာ။ (၆-၈၄၉)

ကတမေ ပဉ္စ? သဒ္ဓါဗလံ ဝီရိယဗလံ သတိဗလံ သမာဓိဗလံ ပညာဗလံ။ ပမာဒဿ ဘိက္ခဝေ ပဋိနိဿဂ္ဂါယ ဣမေ ပဉ္စ ဓမ္မာ ဘာဝေတဗ္ဗာတိ။ (၆-၈၅၀)

ရာဂပေယျာလံ နိဋ္ဌိတံ။

တဿုဒ္ဓါနံ

အဘိညာယ ပရိညာယ ပရိက္ခယာယ၊
ပဟာနာယ ခယာယ ဝယေန စ။
ဝိရာဂနိရောဓာ စာဂဉ္စ၊
ပဋိနိဿဂ္ဂေါ ဣမေ ဒဿာတိ။

ပဉ္စကနိပါတော နိဋ္ဌိတော။

တဖြိခံ ဝဂ္ဂဒါနံ

သေခဗလံ ဗလဉ္စေဝ၊ ပဉ္စဂီကဉ္စ သုမနံ။
 မုဏ္ဍနီဝရဏဉ္စ သညဉ္စ၊ ယောဓာဇီဝဉ္စ အဋ္ဌမံ။
 ထေရံ ကကုဓဗာသုဉ္စ၊ အန္ဓကဝိန္ဒ ဌါဒသံ။
 ဂိလာနရာဇတိကဏ္ဍံ၊ သဒ္ဓမ္မာဃာတုပါသကံ။
 အရညဗြာဟ္မဏဉ္စေဝ၊ ကိမိလက္ခောသကံ တထာ။
 ဒီဃာစာရာဝါသိကဉ္စ၊ ဒုစ္စရိတူပသမ္ပဒန္တိ။

ပဉ္စကနိပါတ်ပါဠိ နိဋ္ဌိတာ။

အင်္ဂုတ္တရနိကာယ

ဆက္ကနိပါတ်ပါဠိ

နမော တဿ ဘဂဝတော အရဟတော သမ္မာသမ္ဗုဒ္ဓဿ။

၁-ပဌမပဏ္ဏာသက

၁-အာဟုနေယျဝဂ္ဂ

၁-ပဌမအာဟုနေယျသုတ္တ

၁။ ဧဝံ မေ သုတံ—ဧကံ သမယံ ဘဂဝါ သာဝတ္ထိယံ ဝိဟရတိ
ဇေတဝနေ အနာထပိဏ္ဍိကဿ အာရာမေ။ တတြ ခေါ ဘဂဝါ ဘိက္ခု။
အာမန္တေသိ “ဘိက္ခုဝေါ”တိ။ “ဘဒန္တ”တိ တေ ဘိက္ခု။ ဘဂဝတော
ပစ္စယောသုံ။ ဘဂဝါ ဧတဒဝေါစ—

ဆဟိ ဘိက္ခုဝေ ဓမ္မေဟိ သမန္နာဂတော ဘိက္ခု။ အာဟုနေယျော ဟောတိ
ပါဟုနေယျော ဒက္ခိဏေယျော အဇ္ဈလိကရဏီယော အနုတ္တရံ ပုညက္ခေတ္တံ
လောကဿ။ ကတမေဟိ ဆဟိ? *ဣမ ဘိက္ခုဝေ ဘိက္ခု။ စက္ခုနာ ရူပံ ဒိသ္မာ
နေဝ သုမနော ဟောတိ န ဒုမ္မနော၊ ဥပေက္ခကော ဝိဟရတိ သတော
သမ္ပဇာနော။ သောတေန သဒ္ဓိ သုတွာ။ ဃာနေန ဂန္ဓံ ဃာယိတွာ။ ဇိဝှိယ
ရသံ သာယိတွာ။ ကာယေန ဖောဠဗ္ဗံ ဖုသိတွာ။ မနဿ ဓမ္မံ ဝိညာယ နေဝ
သုမနော ဟောတိ န ဒုမ္မနော၊ ဥပေက္ခကော ဝိဟရတိ သတော သမ္ပဇာနော။
ဣမေဟိ ခေါ ဘိက္ခုဝေ ဆဟိ ဓမ္မေဟိ သမန္နာဂတော ဘိက္ခု။ အာဟုနေယျော
ဟောတိ ပါဟုနေယျော ဒက္ခိဏေယျော အဇ္ဈလိကရဏီယော အနုတ္တရံ
ပုညက္ခေတ္တံ လောကဿာတိ။

ဣဒမဝေါစ ဘဂဝါ၊ အတ္တမနာ တေ ဘိက္ခု။ ဘဂဝတော ဘာသိတံ
အဘိနန္ဒန္တိ။ ။ပဌမံ။

၂-ဒုတိယအာဟုနေယျသုတ္တ

၂။ ဆဟိ ဘိက္ခဝေ ဓမ္မေဟိ သမန္ဓာဂတော ဘိက္ခု အာဟုနေယျော
 ဟောတိ။ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? * ဣဓ
 ဘိက္ခဝေ ဘိက္ခု အနေကဝိဟိတံ ဣဒ္ဓိဝိဓံ ပစ္စနဘောတိ၊ ဧကောပိ ဟုတွာ
 ဗဟုဓာ ဟောတိ၊ ဗဟုဓာပိ ဟုတွာ ဧကော ဟောတိ၊ အာဝိဘာဝံ
 တိရောဘာဝံ တိရောကုန္နံ တိရောပါကာရံ တိရောပဗ္ဗတံ အသဇ္ဇမာနော ဂစ္ဆတိ
 သေယျထာပိ အာကာသေ။ ပထဝိယာပိ ဥမ္မုဇ္ဇနိမုဇ္ဇံ ကရောတိ သေယျထာပိ
 ဥဒကေ။ ဥဒကေပိ အဘိဇ္ဇမာနေ ဂစ္ဆတိ သေယျထာပိ ပထဝိယံ။ အာကာသေပိ
 ပလ္လင်္ကေန ကမတိ သေယျထာပိ ပဏှိ သကုဏော။ ဣမေပိ စန္ဒိမသုရိယေ ဧဝံ-
 မဟိဒ္ဓိကေ ဧဝံမဟာနုဘာဝေ ပါဏိနာ ပရိမသတိ^၁ ပရိမဇ္ဇတိ၊ ယာဝ
 မြဟ္မလောကာပိ ကာယေန ဝသံ ဝတ္တေတိ။ (၁)

ဒိဗ္ဗာယ သောတဓာတုယာ ဝိသုဒ္ဓါယ အတိက္ကန္တမာနုသိကာယ ဥဘော
 သဒ္ဓေ သုဏ္ဏာတိ ဒိဗ္ဗေ စ မာနုသေ စ ယေ ဒူရေ သန္တိကေ စ။ (၂)

ပရသတ္တာနံ ပရပုဂ္ဂလာနံ စေတသာ စေတော ပရိစ္စ ပဇာနာတိ၊ သရာဂံ
 ဝါ စိတ္တံ “သရာဂံ စိတ္တ”န္တိ ပဇာနာတိ၊ ဝိတရာဂံ ဝါ စိတ္တံ။ သဒေါသံ ဝါ
 စိတ္တံ။ ဝိတဒေါသံ ဝါ စိတ္တံ။ သမောဟံ ဝါ စိတ္တံ။ ဝိတမောဟံ ဝါ စိတ္တံ။
 သံခိတ္တံ ဝါ စိတ္တံ။ ဝိက္ခိတ္တံ ဝါ စိတ္တံ။ မဟဂ္ဂတံ ဝါ စိတ္တံ။ အမဟဂ္ဂတံ ဝါ စိတ္တံ။
 သဥတ္တရံ ဝါ စိတ္တံ။ အနုတ္တရံ ဝါ စိတ္တံ။ သမာဟိတံ ဝါ စိတ္တံ။ အသမာဟိတံ ဝါ
 စိတ္တံ။ ဝိမုတ္တံ ဝါ စိတ္တံ။ အဝိမုတ္တံ ဝါ စိတ္တံ “အဝိမုတ္တံ စိတ္တ”န္တိ ပဇာနာတိ။ (၃)

အနေကဝိဟိတံ ပုဗ္ဗေနိဝါသံ အနုဿရတိ။ သေယျထိဒံ၊ ဧကမ္ပိ ဇာတိ^၂
 ဒွေပိ ဇာတိယော။ပ။ ဣတိ သာကာရံ သဥဒ္ဓေသံ အနေကဝိဟိတံ ပုဗ္ဗေနိဝါသံ
 အနုဿရတိ။ (၄)

ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနုသကေန သတ္တေ ပဿတိ
 စဝမာနေ ဥပပဇ္ဇမာနေ ဟိနေ ပဏီတေ သုဝဏ္ဏေ ဒုဗ္ဗဏ္ဏေ သုဂတေ
 ဒုဂ္ဂတေ၊ ယထာကမ္မူပဂေ သတ္တေ ပဇာနာတိ “ဣမေ ဝတ ဘောန္တော
 သတ္တာ ကာယဒုစ္စရိတေန သမန္ဓာဂတာ ဝစီဒုစ္စရိတေန သမန္ဓာဂတာ
 မနောဒုစ္စရိတေန သမန္ဓာဂတာ အရိယာနံ ဥပဝါဒကာ မိစ္ဆာဒိဋ္ဌိကာ
 မိစ္ဆာဒိဋ္ဌိကမ္မသမာဒါနာ၊ တေ ကာယဿ ဘေဒါ ပရံ မရဏာ အပါယံ

* ဒိ ၃-၂၃၉-ဝိဇ္ဇေဝိ။

ဒုဂ္ဂတိံ ဝိနိပါတံ နိရယံ ဥပပန္နာ။ ဣမေ ဝါ ပန ဘောန္တော သတ္တာ
 ကာယသုစရိတေန သမန္ဓာဂတာ ဝစီသုစရိတေန သမန္ဓာဂတာ မနော-
 သုစရိတေန သမန္ဓာဂတာ အရိယာနံ အနုပဝါဒကာ သမ္မာဒိဋ္ဌိကာ သမ္မာဒိဋ္ဌိ-
 ကမ္မသမာဒါနာ၊ တေ ကာယဿ ဘေဒါ ပရံ မရဏာ သုဂတိံ သဂ္ဂံ လောကံ
 ဥပပန္နာ”တိ။ ဣတိ ဒိဗ္ဗေန စက္ခုနာ ဝိသုဒ္ဓေန အတိတ္တန္တမာနုသကေန
 သတ္တေ ပဿတိ စဝမာနေ ဥပပဇ္ဇမာနေ ဟိနေ ပဏီတေ သုဝဏ္ဏေ
 ဒုဗ္ဗဏ္ဏေ သုဂတေ ဒုဂ္ဂတေ၊ ယထာကမ္မူပဂေ သတ္တေ ပဇာနာတိ။ (၅)

အာသဝါနံ ခယာ အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ
 သယံ အဘိညာ သစ္စိကတွာ ဥပသမ္ပဇ္ဇ ဝိဟရတိ။ (၆)

ဣမေဟိ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟု-
 နေယျော ဟောတိ။ ပ။ အနုတ္တရံ ပုညက္ခေတ္တံ လောကဿာတိ။ ။ဒုတိယံ။

၃-ဣန္ဒြိယသုတ္တ

၃။ ဆဟိ ဘိက္ခဝေ ဓမ္မေဟိ သမန္ဓာဂတော ဘိက္ခု အာဟုနေယျော
 ဟောတိ။ ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? သဒ္ဓိန္ဒြိယေန
 ဝိရိယိန္ဒြိယေန သတိန္ဒြိယေန သမာဓိန္ဒြိယေန ပညိန္ဒြိယေန၊ အာသဝါနံ ခယာ
 အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ သယံ အဘိညာ
 သစ္စိကတွာ ဥပသမ္ပဇ္ဇ ဝိဟရတိ။ ဣမေဟိ ခေါ ဘိက္ခဝေ ဆဟိ ဓမ္မေဟိ
 သမန္ဓာဂတော ဘိက္ခု အာဟုနေယျော ဟောတိ ပါဟုနေယျော ဒက္ခိဏေယျော
 အဗ္ဗလိကရဏီယော အနုတ္တရံ ပုညက္ခေတ္တံ လောကဿာတိ။ ။တတိယံ။

၄-ဗလသုတ္တ

၄။ ဆဟိ ဘိက္ခဝေ ဓမ္မေဟိ သမန္ဓာဂတော ဘိက္ခု အာဟုနေယျော
 ဟောတိ။ ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? သဒ္ဓါ-
 ဗလေန ဝိရိယဗလေန သတိဗလေန သမာဓိဗလေန ပညာဗလေန၊ အာသဝါနံ
 ခယာ အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ သယံ အဘိညာ
 သစ္စိကတွာ ဥပသမ္ပဇ္ဇ ဝိဟရတိ။ ဣမေဟိ ခေါ ဘိက္ခဝေ ဆဟိ ဓမ္မေဟိ
 သမန္ဓာဂတော ဘိက္ခု အာဟုနေယျော ဟောတိ။ ပ။ အနုတ္တရံ ပုညက္ခေတ္တံ
 လောကဿာတိ။ ။စတုတ္ထံ။

၅-ပဌမအာဇာနိယသုတ္တ

၅။ ဆဟိ ဘိက္ခဝေ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ ရညော အင်္ဂန္တေဝ သင်္ခံ ဂစ္ဆတိ။

ကတမေဟိ ဆဟိ? ဣဓ ဘိက္ခဝေ ရညော ဘဒြော အဿာဇာနိယော ခမော ဟောတိ ရူပါနံ၊ ခမော သဒ္ဓါနံ၊ ခမော ဂန္ဓာနံ၊ ခမော ရသာနံ၊ ခမော ဖောဠဗ္ဗာနံ၊ ဝဏ္ဏသမ္ပန္နော စ ဟောတိ။ ဣမေဟိ ခေါ ဘိက္ခဝေ ဆဟိ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ ရညော အင်္ဂန္တေဝ သင်္ခံ ဂစ္ဆတိ။

ဝေမေဝံ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ။ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? ဣဓ ဘိက္ခဝေ ဘိက္ခု ခမော ဟောတိ ရူပါနံ၊ ခမော သဒ္ဓါနံ၊ ခမော ဂန္ဓာနံ၊ ခမော ရသာနံ၊ ခမော ဖောဠဗ္ဗာနံ၊ ခမော ဓမ္မာနံ။ ဣမေဟိ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ။ပ။ အနုတ္တရံ ပုညက္ခေတ္တံ လောကဿာတိ။ ။ပဉ္စမံ။

၆-ဒုတိယအာဇာနိယသုတ္တ

၆။ ဆဟိ ဘိက္ခဝေ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ၊ ရညော အင်္ဂန္တေဝ သင်္ခံ ဂစ္ဆတိ။ ကတမေဟိ ဆဟိ? ဣဓ ဘိက္ခဝေ ရညော ဘဒြော အဿာဇာနိယော ခမော ဟောတိ ရူပါနံ၊ ခမော သဒ္ဓါနံ၊ ခမော ဂန္ဓာနံ၊ ခမော ရသာနံ၊ ခမော ဖောဠဗ္ဗာနံ၊ ဗလသမ္ပန္နော စ ဟောတိ။ ဣမေဟိ ခေါ ဘိက္ခဝေ ဆဟိ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ၊ ရညော အင်္ဂန္တေဝ သင်္ခံ ဂစ္ဆတိ။

ဝေမေဝံ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော။ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? ဣဓ ဘိက္ခဝေ ဘိက္ခု ခမော ဟောတိ ရူပါနံ။ပ။ ခမော ဓမ္မာနံ။ ဣမေဟိ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ။ပ။ အနုတ္တရံ ပုညက္ခေတ္တံ လောကဿာတိ။ ။ဆဋ္ဌံ။

၇-တတိယအာဇာနိယသုတ္တ

၇။ ဆဟိ ဘိက္ခဝေ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ။ ရညော အင်္ဂန္တေဝ သင်္ခံ ဂစ္ဆတိ။ ကတမေဟိ ဆဟိ? ဣဓ ဘိက္ခဝေ ရညော ဘဒြော အဿာဇာနိယော ခမော ဟောတိ ရူပါနံ၊ ခမော သဒ္ဓါနံ၊ ခမော ဂန္ဓာနံ၊ ခမော ရသာနံ၊ ခမော ဖောဠဗ္ဗာနံ၊ ဇဝသမ္ပန္ဓော စ ဟောတိ။ ဣမေဟိ ခေါ ဘိက္ခဝေ ဆဟိ အင်္ဂေဟိ သမန္ဓာဂတော ရညော ဘဒြော အဿာဇာနိယော ရာဇာရဟော ဟောတိ ရာဇဘောဂေါ။ ရညော အင်္ဂန္တေဝ သင်္ခံ ဂစ္ဆတိ။

ဝေမေဝံ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ။ ပ။ အနုတ္တရံ ပုညက္ခေတ္တံ လောကဿ။ ကတမေဟိ ဆဟိ? ဣဓ ဘိက္ခဝေ ဘိက္ခု ခမော ဟောတိ ရူပါနံ။ ပ။ ခမော ဓမ္မာနံ။ ဣမေဟိ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု အာဟုနေယျော ဟောတိ။ ပ။ အနုတ္တရံ ပုညက္ခေတ္တံ လောကဿာတိ။ ။သတ္တမံ။

၈-အနုတ္တရိယသုတ္တ

၈။ * ဆယိမာနိ ဘိက္ခဝေ အနုတ္တရိယာနိ။ ကတမာနိ ဆ? ဒဿနာနုတ္တရိယံ သဝနာနုတ္တရိယံ လာဘာနုတ္တရိယံ သိက္ခာနုတ္တရိယံ ပါရိစရိယာနုတ္တရိယံ အနုဿတာနုတ္တရိယံ။ ဣမာနိ ခေါ ဘိက္ခဝေ ဆ အနုတ္တရိယာနိတိ။ ။အဋ္ဌမံ။

၉-အနုဿတိဋ္ဌာနသုတ္တ

၉။ * ဆယိမာနိ ဘိက္ခဝေ အနုဿတိဋ္ဌာနာနိ။ ကတမာနိ ဆ? ပုဒ္ဓါနုဿတိ ဓမ္မာနုဿတိ သံဃာနုဿတိ သီလာနုဿတိ စာဂါနုဿတိ ဒေဝတာနုဿတိ။ ဣမာနိ ခေါ ဘိက္ခဝေ ဆ အနုဿတိဋ္ဌာနာနိတိ။ ။နဝမံ။

၁၀-မဟာနာမသုတ္တ

၁၀။ ဧကံ သမယံ ဘဂဝါ သက္ကေသု ဝိဟရတိ ကပိလဝတ္ထုသ္မိံ နိဂြောဓာရာမေ။ အထ ခေါ မဟာနာမော သက္ကော ယေန ဘဂဝါ တေနပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိဿိဒိ၊ ဧကမန္တံ နိဿိန္နော ခေါ မဟာနာမော သက္ကော ဘဂဝန္တံ ဧတဒဝေါစ “ယော သော ဘန္တေ အရိယသာဝကော အာဂတဖလော ဝိညာတသာသနော၊ သော ကတမေန ဝိဟာရေန ဗဟုလံ ဝိဟရတိ”တိ။

ယော သော မဟာနာမ အရိယသာဝကော အာဂတဖလော ဝိညာတ-
သာသနော၊ သော ဣမိနာ ဝိဟာရေန ဗဟုလံ ဝိဟရတိ။ * ဣမ မဟာနာမ
အရိယသာဝကော တထာဂတံ အနုဿရတိ “ဣတိပိသော ဘဂဝါ အရဟံ သမ္မာ-
သမ္ဗုဒ္ဓေါ ဝိဇ္ဇာစရဏသမ္ပန္နော သုဂတော လောကဝိဇ္ဇ အနုတ္တရော ပုရိသဒမ္မ-
သာရထိ သတ္တာ ဒေဝမနုဿာနံ ဗုဒ္ဓေါ ဘဂဝါ” တိ။ ယသ္မိံ မဟာနာမ သမယေ
အရိယသာဝကော တထာဂတံ အနုဿရတိ၊ နေဝဿ တသ္မိံ သမယေ ရာဂ-
ပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ
စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ တထာဂတံ
အာရဗ္ဘ။ ဥဇုဂတစိတ္တော ခေါ ပန မဟာနာမ အရိယသာဝကော လဘတိ
အတ္တဝေဒံ၊ လဘတိ ဓမ္မဝေဒံ၊ လဘတိ ဓမ္မုပသံဟိတံ ပါမောဇ္ဇံ၊ ပမုဒိတဿ
ဝီတိ ဇာယတိ၊ ဝီတိမနဿ ကာယော ပဿန္တတိ၊ ပဿဒ္ဓကာယော သုခံ ဝေဒိ-
ယတိ၊ သုခိနော စိတ္တံ သမာဓိယတိ။ အယံ ဝုစ္စတိ မဟာနာမ အရိယသာဝကော
ဝိသမဂတာယ ပဇာယ သမပ္ပတ္တော ဝိဟရတိ၊ သဗျာပဇ္ဇာယ ပဇာယ အဗျာ-
ပဇ္ဇော ဝိဟရတိ၊ ဓမ္မသောတံ သမာပန္နော ဗုဒ္ဓါနုဿတိံ ဘာဝေတိ။ (၁)

ပုန စပရံ မဟာနာမ အရိယသာဝကော ဓမ္မံ အနုဿရတိ “သွာက္ခာတော
ဘဂဝတာ ဓမ္မော သန္တိဋ္ဌိကော အကာလိကော ဧဟိပဿိကော ဩပနေယျိကော
ပစ္စတ္တံ ဝေဒိတဗ္ဗော ဝိညူဟိ” တိ။ ယသ္မိံ မဟာနာမ သမယေ အရိယသာဝကော
ဓမ္မံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊
န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ၊
ဥဇုဂတမေဝဿ တသ္မိံ သမယေ စိတ္တံ ဟောတိ ဓမ္မံ အာရဗ္ဘ။ ဥဇုဂတစိတ္တော
ခေါ ပန မဟာနာမ အရိယသာဝကော လဘတိ အတ္တဝေဒံ၊ လဘတိ ဓမ္မဝေဒံ၊
လဘတိ ဓမ္မုပသံဟိတံ ပါမောဇ္ဇံ၊ ပမုဒိတဿ ဝီတိ ဇာယတိ၊ ဝီတိမနဿ
ကာယော ပဿန္တတိ၊ ပဿဒ္ဓကာယော သုခံ ဝေဒိယတိ၊ သုခိနော စိတ္တံ
သမာဓိယတိ။ အယံ ဝုစ္စတိ မဟာနာမ အရိယသာဝကော ဝိသမဂတာယ
ပဇာယ သမပ္ပတ္တော ဝိဟရတိ၊ သဗျာပဇ္ဇာယ ပဇာယ အဗျာပဇ္ဇော ဝိဟရတိ၊
ဓမ္မသောတံ သမာပန္နော ဓမ္မာနုဿတိံ ဘာဝေတိ။ (၂)

ပုန စပရံ မဟာနာမ အရိယသာဝကော သံဃံ အနုဿရတိ “သုပ္ပဋိပန္နော
ဘဂဝတော သာဝကသံဃော၊ ဥဇုပ္ပဋိပန္နော ဘဂဝတော သာဝကသံဃော၊
ဣယပ္ပဋိပန္နော ဘဂဝတော သာဝကသံဃော၊ သာမီစိပ္ပဋိပန္နော ဘဂဝတော
သာဝကသံဃော၊ ယဒိဒံ စတ္တာရိ ပုရိသယုဂါနိ အဋ္ဌ ပုရိသပုဂ္ဂလာ၊ ဧသ

ဘဂဝတော သာဝကသံဃော အာဟုနေယျော ပါဟုနေယျော ဒက္ခိဏေယျော အဇ္ဈိကရဏီယော အနတ္တရံ ပုညက္ခေတ္တံ လောကဿာ”တိ။ ယသ္မိံ မဟာနာမ သမယေ အရိယသာဝကော သံဃံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟ-
ပရိယုဋ္ဌိတံ စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ သံဃံ အာရဗ္ဘ။ ဥဇုဂတစိတ္တော ခေါ ပန မဟာနာမ အရိယသာဝကော လဘတိ အတ္တဝေဒံ၊ လဘတိ ဓမ္မဝေဒံ၊ လဘတိ ဓမ္မပသံဟိတံ ပါမောဇ္ဇံ၊ ပမုဒိတဿ ပီတိ ဇာယတိ၊ ပီတိမနဿ ကာယော ပဿန္တတိ၊ ပဿဒ္ဓကာယော သုခံ ဝေဒိယတိ၊ သုခိနော စိတ္တံ သမာဓိယတိ။ အယံ ဝုစ္စတိ မဟာနာမ အရိယ-
သာဝကော ဝိသမဂတာယ ပဇာယ သမပ္ပတ္တော ဝိဟရတိ၊ သဗျာပဇ္ဇာယ ပဇာယ အဗျာပဇ္ဇော ဝိဟရတိ၊ ဓမ္မသောတံ သမာပန္နော သံဃာနုဿတိ” ဘာဝေတိ။ (၃)

ပုန စပရံ မဟာနာမ အရိယသာဝကော အတ္တနော သီလာနိ အနုဿရတိ အခဏ္ဍာနိ အစ္စိဒ္ဓါနိ အသဗလာနိ အကမ္မာသာနိ ဘုဇိဿာနိ ဝိညုပ္ပသတ္တာနိ အပရာမဋ္ဌာနိ သမာဓိသံဝတ္တနိကာနိ။ ယသ္မိံ မဟာနာမ သမယေ အရိယ-
သာဝကော သီလံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ သီလံ အာရဗ္ဘ။ ဥဇုဂတစိတ္တော ခေါ ပန မဟာနာမ အရိယသာဝကော လဘတိ အတ္တဝေဒံ၊ လဘတိ ဓမ္မဝေဒံ၊ လဘတိ ဓမ္မပသံဟိတံ ပါမောဇ္ဇံ၊ ပမုဒိတဿ ပီတိ ဇာယတိ၊ ပီတိမနဿ ကာယော ပဿန္တတိ၊ ပဿဒ္ဓကာယော သုခံ ဝေဒိယတိ၊ သုခိနော စိတ္တံ သမာဓိယတိ။ အယံ ဝုစ္စတိ မဟာနာမ အရိယ-
သာဝကော ဝိသမဂတာယ ပဇာယ သမပ္ပတ္တော ဝိဟရတိ။ သဗျာပဇ္ဇာယ ပဇာယ အဗျာပဇ္ဇော ဝိဟရတိ၊ ဓမ္မသောတံ သမာပန္နော သီလာနုဿတိ” ဘာဝေတိ။ (၄)

ပုန စပရံ မဟာနာမ အရိယသာဝကော အတ္တနော စာဂံ အနုဿရတိ “လာဘာ ဝတ မေ၊ သုလဒ္ဓိံ ဝတ မေ၊ ယောဟံ မစ္ဆေရမလပရိယုဋ္ဌိတာယ ပဇာယ ဝိဂတမလမစ္ဆေရေန စေတသာ အဂါရံ အဇ္ဈာဝဿာမိ မုတ္တစာဂေါ ပယဘပါဏိ ဝေါသဂ္ဂရတော ယာစယောဂေါ ဒါနသံဝိဘာဂရတော”တိ။ ယသ္မိံ မဟာနာမ သမယေ အရိယသာဝကော စာဂံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ

ဟောတိ၊ န မောဟပရိယုဋ္ဌိတံ စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ စာဂံ အာရဗ္ဘံ။ ဥဇုဂတစိတ္တော ခေါ ပန မဟာနာမ အရိယ- သာဝကော လဘတိ အတ္ထဝေဒံ၊ လဘတိ ဓမ္မဝေဒံ၊ လဘတိ ဓမ္မပသံဟိတံ ပါမောဇ္ဇံ၊ ပမုဒိတဿ ဝီတိ ဇာယတိ၊ ဝီတိမနဿ ကာယော ပဿန္တတိ၊ ပဿဒ္ဓကာယော သုခံ ဝေဒိယတိ၊ သုခိနော စိတ္တံ သမာဓိယတိ။ အယံ ဝုစ္စတိ မဟာနာမ အရိယသာဝကော ဝိသမဂတာယ ပဇာယ သမပ္ပတ္တော ဝိဟရတိ။ သဗျာပဇ္ဇာယ ပဇာယ အဗျာပဇ္ဇော ဝိဟရတိ၊ ဓမ္မသောတံ သမာပန္နော စာဂါနဿတိံ ဘာဝေတိ။ (၅)

ပုန စပရံ မဟာနာမ အရိယသာဝကော ဒေဝတာနုဿတိံ ဘာဝေတိ “သန္တိ ဒေဝါ စာတုမဟာရာဇိကာ”၊ သန္တိ ဒေဝါ တာဝတိံသာ၊ သန္တိ ဒေဝါ ယာမာ၊ သန္တိ ဒေဝါ တုသိတာ၊ သန္တိ ဒေဝါ နိမ္မာနရတိနော၊ သန္တိ ဒေဝါ ပရနိမ္မိတ- ဝသဝတ္တိနော၊ သန္တိ ဒေဝါ ဗြဟ္မကာယိကာ၊ သန္တိ ဒေဝါ တတုတ္တရိ၊ ယထာ- ရူပါယ သဒ္ဓါယ သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပါ သဒ္ဓါ သံဝိဇ္ဇတိ။ ယထာရူပေန သီလေန သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပံ သီလံ သံဝိဇ္ဇတိ။ ယထာရူပေန သုတေန သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပံ သုတံ သံဝိဇ္ဇတိ။ ယထာရူပေန စာဂေန သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပေါ စာဂေါ သံဝိဇ္ဇတိ။ ယထာရူပါယ ပညာယ သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပါ ပညာ သံဝိဇ္ဇတိ”တိ။ ယသ္မိံ မဟာနာမ သမယေ အရိယသာဝကော အတ္တနော စ တာသဉ္စ ဒေဝတာနံ သဒ္ဓဉ္စ သီလဉ္စ သုတဉ္စ စာဂဉ္စ ပညဉ္စ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ၊ ဥဇုဂတမေဝဿ တသ္မိံ သမယေ စိတ္တံ ဟောတိ တာ ဒေဝတာ အာရဗ္ဘံ။ ဥဇုဂတစိတ္တော ခေါ ပန မဟာနာမ အရိယသာဝကော လဘတိ အတ္ထဝေဒံ၊ လဘတိ ဓမ္မဝေဒံ၊ လဘတိ ဓမ္မပသံဟိတံ ပါမောဇ္ဇံ၊ ပမုဒိတဿ ဝီတိ ဇာယတိ၊ ဝီတိမနဿ ကာယော ပဿန္တတိ၊ ပဿဒ္ဓကာယော သုခံ ဝေဒိယတိ၊ သုခိနော စိတ္တံ သမာဓိယတိ။ အယံ ဝုစ္စတိ မဟာနာမ အရိယသာဝကော ဝိသမဂတာယ ပဇာယ သမပ္ပတ္တော

၁-စာတုမဟာရာဇိကာ (သီ၊ သျာ၊ ကံ၊ ဣ)

၂-တတုတ္တရိ (သီ၊ သျာ၊ ကံ၊ ဣ)၊ တဒုတ္တရိ (က) ဥပရိ ၂၇၆၊ ဝိသုဒ္ဓိ ၁-၂၁၈-ဝိဇ္ဇေသုပိ ပဿိတဗ္ဗံ။

၃-တတ္ထ ဥပပန္နာ (သီ)၊ တတ္ထပပန္နာ (သျာ၊ ကံ)၊ တတ္ထပပန္နာ (အံ ၁-၂၁၀)

ဝိဟရတိ၊ သဗျာပဇ္ဇာယ^၁ ပဇာယ အဗျာပဇ္ဇော^၂ ဝိဟရတိ၊ ဓမ္မသောတံ သမာပဇ္ဇော ဒေဝတာနုဿတိ^၃ ဘာဝေတိ။ (၆)

ယော သော မဟာနာမ အရိယသာဝကော အာဂတဖလော ဝိညာတ-
သာသနော၊ သော ဣမိနာ ဝိဟာရေန ဗဟုလံ ဝိဟရတိတိ။ ။ဒသမံ။

အာဟုနေယျဝဂ္ဂေါ ပဌမော။

တသုဒ္ဓါနံ

ဒွေ အာဟုနေယျာ ဣန္ဒြိယ၊ ဗလာနိ တယော အာဇာနိယာ။
အနုတ္တရိယ အနုဿတိ၊ မဟာနာမေန တေ ဒဿတိ။

၂-သာရဏီယဝဂ္ဂ

၁-ပဌမသာရဏီယသုတ္တ

၁၁။ ဆယိမေ ဘိက္ခဝေ ဓမ္မော သာရဏီယာ^၂။ ကတမေ ဆ? ဣဓ ဘိက္ခဝေ
ဘိက္ခုနော မေတ္တံ ကာယကမ္မံ ပစ္စုပ္ပိတံ ဟောတိ သဗြဟ္မစာရီသု အာဝိ စေဝ
ရဟော စ။ အယမ္ပိ ဓမ္မော သာရဏီယော။

ပုန စပရံ ဘိက္ခဝေ ဘိက္ခုနော မေတ္တံ ဝစီကမ္မံ ပစ္စုပ္ပိတံ ဟောတိ သဗြဟ္မ-
စာရီသု အာဝိ စေဝ ရဟော စ။ အယမ္ပိ ဓမ္မော သာရဏီယော။

ပုန စပရံ ဘိက္ခဝေ ဘိက္ခုနော မေတ္တံ မနောကမ္မံ ပစ္စုပ္ပိတံ ဟောတိ
သဗြဟ္မစာရီသု အာဝိ စေဝ ရဟော စ။ အယမ္ပိ ဓမ္မော သာရဏီယော။

ပုန စပရံ ဘိက္ခဝေ ဘိက္ခု ယေ တေ လာဘာ ဓမ္မိကာ ဓမ္မလဒ္ဓါ အန္တမသော
ပတ္တပရိယာပန္နမတ္တမ္ပိ တထာရူပေဟိ လာဘေဟိ အပ္ပုဋ္ဌိဝိဘတ္တဘောဂီ ဟောတိ
သီလဝန္တေဟိ သဗြဟ္မစာရီဟိ သာဓာရဏဘောဂီ။ အယမ္ပိ ဓမ္မော
သာရဏီယော။

ပုန စပရံ ဘိက္ခဝေ ဘိက္ခု ယာနိ တာနိ သီလာနိ အဓဏ္ဍာနိ အစ္ဆိဒ္ဓါနိ
အသဗလာနိ အကမ္မာသာနိ ဘုဇိဿာနိ ဝိညုပ္ပသတ္တာနိ အပရာမဋ္ဌာနိ

သမာဓိသံဝတ္တနိကာနိ၊ တထာရူပေဟိ သီလေဟိ သီလသာမညဂတော ဝိဟရတိ သဗြဟ္မစာရိဟိ အာဝိ စေဝ ရဟော စ။ အယမ္ဗိ ဓမ္မော သာရဏီယော။

ပုန စပရံ ဘိက္ခဝေ ဘိက္ခု ယာယံ ဒိဋ္ဌိ အရိယာ နိယျာနိကာ နိယျာတိ တက္ကရဿ သမ္မာ ဒုက္ခက္ခယာယ၊ တထာရူပါယ ဒိဋ္ဌိယာ ဒိဋ္ဌိသာမညဂတော ဝိဟရတိ သဗြဟ္မစာရိဟိ အာဝိ စေဝ ရဟော စ။ အယမ္ဗိ ဓမ္မော သာရဏီယော။ ဣမေ ခေါ ဘိက္ခဝေ ဆ ဓမ္မာ သာရဏီယာတိ။ ။ပဌမံ။

၂-ဒုတိယသာရဏီယသုတ္တ

၁၂။ ဆယိမေ ဘိက္ခဝေ ဓမ္မာ သာရဏီယာ ပိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ သံဝတ္တန္တိ။ ကတမေ ဆ? ဣဓ ဘိက္ခဝေ ဘိက္ခုနော မေတ္တံ ကာယကမ္မံ ပစ္စုပ္ပန်တံ ဟောတိ သဗြဟ္မစာရိသု အာဝိ စေဝ ရဟော စ။ အယမ္ဗိ ဓမ္မော သာရဏီယော ပိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ သံဝတ္တတိ။

ပုန စပရံ ဘိက္ခဝေ ဘိက္ခုနော မေတ္တံ ဝစီကမ္မံ ပစ္စုပ္ပန်တံ ဟောတိ။ ပ။ မေတ္တံ မနောကမ္မံ ပစ္စုပ္ပန်တံ ဟောတိ သဗြဟ္မစာရိသု အာဝိ စေဝ ရဟော စ။ အယမ္ဗိ ဓမ္မော သာရဏီယော ပိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ သံဝတ္တတိ။

ပုန စပရံ ဘိက္ခဝေ ဘိက္ခု ယေ တေ လာဘာ ဓမ္မိကာ ဓမ္မလဒ္ဓါ အန္တမသော ပတ္တပရိယာပန္နမတ္တမ္ပိ၊ တထာရူပေဟိ လာဘေဟိ အပ္ပင်္ဂဝိဘတ္တဘောဂိ ဟောတိ သီလဝန္တေဟိ သဗြဟ္မစာရိဟိ သာဓာရဏဘောဂိ။ အယမ္ဗိ ဓမ္မော သာရဏီယော ပိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ သံဝတ္တတိ။

ပုန စပရံ ဘိက္ခဝေ ဘိက္ခု ယာနိ တာနိ သီလနိ အဓဏှာနိ အစ္ဆိဒ္ဓါနိ အသဗလာနိ အကမ္မာသာနိ ဘုဇိဿာနိ ဝိညုပ္ပသတ္တာနိ အပရာမဋ္ဌာနိ သမာဓိသံဝတ္တနိကာနိ။ တထာရူပေဟိ သီလေဟိ သီလသာမညဂတော ဝိဟရတိ သဗြဟ္မစာရိဟိ အာဝိ စေဝ ရဟော စ။ အယမ္ဗိ ဓမ္မော သာရဏီယော ပိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ သံဝတ္တတိ။

ပုန စပရံ ဘိက္ခဝေ ဘိက္ခု ယာယံ ဒိဋ္ဌိ အရိယာ နိယျာနိကာ နိယျာကိ
တက္ကရဿ သမ္မာ ဒုက္ခက္ခယာယ၊ တထာရူပါယ ဒိဋ္ဌိယာ ဒိဋ္ဌိသာမညဂတော
ဝိဟရတိ သဗြဟ္မစာရိဟိ အာဝိ စေဝ ရဟော စ။ အယမ္ပိ ဓမ္မော သာရဏီယော
ဝိယကရဏော ဂရုကရဏော သင်္ဂဟာယ အဝိဝါဒါယ သာမဂ္ဂိယာ
ဧကိဘာဝါယ သံဝတ္တတိ။ ဣမေ ခေါ ဘိက္ခဝေ ဆ ဓမ္မော သာရဏီယာ
ဝိယကရဏာ ဂရုကရဏာ သင်္ဂဟာယ အဝိဝါဒါယ သာမဂ္ဂိယာ ဧကိဘာဝါယ
သံဝတ္တန္တိတိ။ ။ဒုတိယံ။

၃-နိဿာရဏီယသုတ္တ

၁၃။ ဆယိမာ ဘိက္ခဝေ နိဿာရဏီယာ ဓာတုယော။ ကတမာ ဆ? ဣဓ
ဘိက္ခဝေ ဘိက္ခု ဧဝံ ဝဒေယျ “မေတ္တာ ဟိ ခေါ မေ စေတောဝိမုတ္တိ ဘာဝိတာ
ဗဟုလိကတာ ယာနိကတာ ဝတ္ထုကတာ အနုဋ္ဌိတာ ပရိစိတာ သုသမာရဒ္ဓါ၊ အထ
စ ပန မေ ဗျာပါဒေါ စိတ္တံ ပရိယာဒါယ တိဋ္ဌတိ”တိ။ သော “မာ ဟေဝ” န္တိဿ
ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာစိက္ခိ၊ န ဟိ သာဓု
ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာနမေတံ အာဝုသော
အနဝကာသော၊ ယံ မေတ္တာယ စေတောဝိမုတ္တိယာ ဘာဝိတာယ ဗဟုလိ-
ကတာယ ယာနိကတာယ ဝတ္ထုကတာယ အနုဋ္ဌိတာယ ပရိစိတာယ
သုသမာရဒ္ဓါယ၊ အထ စ ပနဿ ဗျာပါဒေါ စိတ္တံ ပရိယာဒါယ ဌဿတိ၊
နေတံ ဌာနံ ဝိဇ္ဇတိ၊ နိဿရဏံ ဟေတံ အာဝုသော ဗျာပါဒဿ ယဒိဒံ မေတ္တာ-
စေတောဝိမုတ္တိ”တိ ၂။

ဣဓ ပန ဘိက္ခဝေ ဘိက္ခု ဧဝံ ဝဒေယျ “ကရုဏာ ဟိ ခေါ မေ စေတောဝိမုတ္တိ
ဘာဝိတာ ဗဟုလိကတာ ယာနိကတာ ဝတ္ထုကတာ အနုဋ္ဌိတာ ပရိစိတာ
သုသမာရဒ္ဓါ၊ အထ စ ပန မေ ဝိဟေသာ စိတ္တံ ပရိယာဒါယ တိဋ္ဌတိ”တိ။ သော
“မာ ဟေဝ” န္တိဿ ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာစိက္ခိ၊
န ဟိ သာဓု ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာန-
မေတံ အာဝုသော အနဝကာသော၊ ယံ ကရုဏာယ စေတောဝိမုတ္တိယာ
ဘာဝိတာယ ဗဟုလိကတာယ ယာနိကတာယ ဝတ္ထုကတာယ အနုဋ္ဌိတာယ
ပရိစိတာယ သုသမာရဒ္ဓါယ၊ အထ စ ပနဿ ဝိဟေသာ စိတ္တံ ပရိယာဒါယ
ဌဿတိ၊ နေတံ ဌာနံ ဝိဇ္ဇတိ၊ နိဿရဏံ ဟေတံ အာဝုသော ဝိဟေသာယ
ယဒိဒံ ကရုဏာစေတောဝိမုတ္တိ”တိ။

ဣဓ ပန ဘိက္ခဝေ ဘိက္ခု ဧဝံ ဝဒေယျ “မုဒိတာ ဟိ ခေါ မေ စေတောဝိမုတ္တိ ဘာဝိတာ ဗဟုလိကတာ ယာနိကတာ ဝတ္ထုကတာ အနုဋ္ဌိတာ ပရိစိတာ သုသမာရဒ္ဓါ၊ အထ စ ပန မေ အရတိ စိတ္တံ ပရိယာဒါယ တိဋ္ဌတိ”တိ။ သော “မာ ဟေဝ”န္တိဿ ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာဖိက္ခိ၊ န ဟိ သာဓု ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာနမေတံ အာဝုသော အနဝကာသော၊ ယံ မုဒိတာယ စေတောဝိမုတ္တိယာ ဘာဝိတာယ ဗဟုလိကတာယ ယာနိကတာယ ဝတ္ထုကတာယ အနုဋ္ဌိတာယ ပရိစိတာယ သုသမာရဒ္ဓါယ၊ အထ စ ပနဿ အရတိ စိတ္တံ ပရိယာဒါယ ဌဿတိ၊ နေတံ ဌာနံ ဝိဇ္ဇတိ၊ နိဿရဏံ ဟေတံ အာဝုသော အရတိယာ ယဒိဒံ မုဒိတာစေတောဝိမုတ္တိ”တိ။

ဣဓ ပန ဘိက္ခဝေ ဘိက္ခု ဧဝံ ဝဒေယျ “ဥပေက္ခာ ဟိ ခေါ မေ စေတောဝိမုတ္တိ ဘာဝိတာ ဗဟုလိကတာ ယာနိကတာ ဝတ္ထုကတာ အနုဋ္ဌိတာ ပရိစိတာ သုသမာရဒ္ဓါ၊ အထ စ ပန မေ ရာဂေါ စိတ္တံ ပရိယာဒါယ တိဋ္ဌတိ”တိ။ သော “မာ ဟေဝ”န္တိဿ ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာဖိက္ခိ၊ န ဟိ သာဓု ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာနမေတံ အာဝုသော အနဝကာသော၊ ယံ ဥပေက္ခာယ စေတောဝိမုတ္တိယာ ဘာဝိတာယ ဗဟုလိကတာယ ယာနိကတာယ ဝတ္ထုကတာယ အနုဋ္ဌိတာယ ပရိစိတာယ သုသမာရဒ္ဓါယ၊ အထ စ ပနဿ ရာဂေါ စိတ္တံ ပရိယာဒါယ ဌဿတိ၊ နေတံ ဌာနံ ဝိဇ္ဇတိ၊ နိဿရဏံ ဟေတံ အာဝုသော ရာဂဿ ယဒိဒံ ဥပေက္ခာစေတောဝိမုတ္တိ”တိ။

ဣဓ ပန ဘိက္ခဝေ ဘိက္ခု ဧဝံ ဝဒေယျ “အနိမိတ္တာ ဟိ ခေါ မေ စေတောဝိမုတ္တိ ဘာဝိတာ ဗဟုလိကတာ ယာနိကတာ ဝတ္ထုကတာ အနုဋ္ဌိတာ ပရိစိတာ သုသမာရဒ္ဓါ၊ အထ စ ပန မေ နိမိတ္တာနုသာရိ ဝိညာဏံ ဟောတိ”တိ။ သော “မာ ဟေဝ”န္တိဿ ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာဖိက္ခိ၊ န ဟိ သာဓု ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာနမေတံ အာဝုသော အနဝကာသော၊ ယံ အနိမိတ္တာယ စေတောဝိမုတ္တိယာ ဘာဝိတာယ ဗဟုလိကတာယ ယာနိကတာယ ဝတ္ထုကတာယ အနုဋ္ဌိတာယ ပရိစိတာယ သုသမာရဒ္ဓါယ၊ အထ စ ပနဿ နိမိတ္တာနုသာရိ ဝိညာဏံ ဘဝိဿတိ၊ နေတံ ဌာနံ ဝိဇ္ဇတိ၊ နိဿရဏံ ဟေတံ အာဝုသော သဗ္ဗနိမိတ္တာနံ ယဒိဒံ အနိမိတ္တာစေတောဝိမုတ္တိ”တိ။

ဣမ ပန ဘိက္ခဝေ ဘိက္ခု ဧဝံ ဝဒေယျ “အသ္မိတိ ခေါ မေ ဝိဂတံ^၁၊ အယမဟမသ္မိတိ စ^၂ န သမနုပဿာမိ၊ အထ စ ပန မေ ဝိစိကိစ္ဆာကထံကထာသလ္လံ စိတ္တံ ပရိယာဒါယ တိဋ္ဌတိ”^၃တိ။ သော “မာ ဟေဝ”^၄န္တိဿ ဝစနိယော “မာယသ္မာ ဧဝံ အဝစ၊ မာ ဘဂဝန္တံ အဗ္ဘာစိက္ခိ၊ န ဟိ သာဓု ဘဂဝတော အဗ္ဘက္ခာနံ၊ န ဟိ ဘဂဝါ ဧဝံ ဝဒေယျ။ အဋ္ဌာနမေတံ အာရုဿော အနဝကာသော၊ ယံ အသ္မိတိ ဝိဂတေ ‘အယမဟမသ္မိ’တိ စ န သမနုပဿတော၊ အထ စ ပနဿ ဝိစိကိစ္ဆာကထံကထာသလ္လံ စိတ္တံ ပရိယာဒါယ ဌာသတိ၊ နေတံ ဌာနံ ဝိဇ္ဇတိ၊ နိဿရဏံ ဟေတံ အာရုဿော ဝိစိကိစ္ဆာကထံကထာသလ္လဿ ယဒိဒံ ‘အသ္မိ’တိ မာနသမုပ္ပါတော”^၅တိ။ ဣမာ ခေါ ဘိက္ခဝေ ဆ နိဿာရဏီယာ ဓာတုယောတိ။ ။တတိယံ။

၄-ဘဒ္ဒကသုတ္တ

၁၄။ တတြ ခေါ အာယသ္မာ သာရိပုတ္တော ဘိက္ခု။ အာမန္တေသိ “အာရုဿော ဘိက္ခဝေ”^၁တိ။ “အာရုဿော”^၂တိ ခေါ တေ ဘိက္ခု။ အာယသ္မတော သာရိပုတ္တဿ ပစ္စဿောသုံ။ အာယသ္မာ သာရိပုတ္တော ဧတဒဝေါစ—

ကထာ တထာ အာရုဿော ဘိက္ခု ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော န ဘဒ္ဒကံ မရဏံ ဟောတိ၊ န ဘဒ္ဒိကာ ကာလကိရိယာ။^၁ ကထညာရုဿော ဘိက္ခု တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော န ဘဒ္ဒကံ မရဏံ ဟောတိ၊ န ဘဒ္ဒိကာ ကာလကိရိယာ။

ဣဓာရုဿော ဘိက္ခု ကမ္မာရာမော ဟောတိ ကမ္မရတော ကမ္မာရာမတံ အနုယုတ္တော၊ ဘဿာရာမော ဟောတိ ဘဿရတော ဘဿာရာမတံ အနုယုတ္တော၊ နိဗ္ဗါရာမော ဟောတိ နိဗ္ဗါရတော နိဗ္ဗါရာမတံ အနုယုတ္တော၊ သင်္ဂဏိကာရာမော ဟောတိ သင်္ဂဏိကရတော သင်္ဂဏိကာရာမတံ အနုယုတ္တော၊ သံသဂ္ဂါရာမော ဟောတိ သံသဂ္ဂရတော သံသဂ္ဂါရာမတံ အနုယုတ္တော၊ ပပဉ္စာရာမော ဟောတိ ပပဉ္စရတော ပပဉ္စာရာမတံ အနုယုတ္တော။ ဧဝံ ခေါ အာရုဿော ဘိက္ခု တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော န ဘဒ္ဒကံ မရဏံ ဟောတိ၊ န ဘဒ္ဒိကာ ကာလကိရိယာ။ အယံ ဝုစ္စတာရုဿော ဘိက္ခု သက္ကာယာဘိရတော နပ္ပဗဟာသိ^၃ သက္ကာယံ သမ္မာ ဒုက္ခဿ အန္တကိရိယာယ။

၁-ဝိဂတေ (သျှာ)

၂-ကာလကိရိယာ (က) အံ ၁-၂၆၄-ပိဋကိ

၂-အယံ စကာရော ဒီ ၃-၂၀၇-ပိဋကိ

၄-န ပဟာသိ (သိ၊ သျှာ၊ ကံ၊ ဣ)

တထာ တထာဝုသော ဘိက္ခု၊ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ဘဒ္ဒကံ မရဏံ ဟောတိ၊ ဘဒ္ဒိကာ ကာလကိရိယာ။
ကထဇ္ဇာဝုသော ဘိက္ခု၊ တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ဘဒ္ဒကံ မရဏံ ဟောတိ၊ ဘဒ္ဒိကာ ကာလကိရိယာ။

ဣဓာဝုသော ဘိက္ခု၊ န ကမ္မာရာမော ဟောတိ န ကမ္မရတော န ကမ္မာရာမတံ အနုယုတ္တော၊ န ဘဿာရာမော ဟောတိ န ဘဿရတော န ဘဿာရာမတံ အနုယုတ္တော၊ န နိဒ္ဒါရာမော ဟောတိ န နိဒ္ဒါရတော န နိဒ္ဒါရာမတံ အနုယုတ္တော၊ န သင်္ဂဏိကာရာမော ဟောတိ န သင်္ဂဏိကရတော န သင်္ဂဏိကာရာမတံ အနုယုတ္တော၊ န သံသဂ္ဂါရာမော ဟောတိ န သံသဂ္ဂရတော န သံသဂ္ဂါရာမတံ အနုယုတ္တော၊ န ပပဇ္ဇာရာမော ဟောတိ န ပပဇ္ဇရတော န ပပဇ္ဇာရာမတံ အနုယုတ္တော။ ဧဝံ ခေါ အာဝုသော ဘိက္ခု၊ တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ဘဒ္ဒကံ မရဏံ ဟောတိ၊ ဘဒ္ဒိကာ ကာလကိရိယာ။ အယံ ဝုစ္စတာဝုသော ဘိက္ခု၊ နိဗ္ဗာနဘိ-
ရတော ပဇာဟာသိ သက္ကာယံ သမ္မာ ဒုက္ခဿ အန္တကိရိယာယာတိ။

ယော ပပဇ္ဇမနုယုတ္တော၊ ပပဇ္ဇာဘိရတော မဂေါ။

ဝိရာဇယီ သော နိဗ္ဗာနံ၊ ယောဂက္ခေမံ အနုတ္တရံ။

ယော စ ပပဇ္ဇံ ဟိတွာန၊ နိပ္ပပဇ္ဇပဒေ ရတော။

အာရာဇယီ သော နိဗ္ဗာနံ၊ ယောဂက္ခေမံ အနုတ္တရန္တိ။ ။စတုတ္ထံ။

၅-အနုတပ္ပိယသုတ္တ

၁၅။ တတြ ခေါ အာယသ္မာ သာရိပုတ္တော ဘိက္ခု။ အာမန္တေသိ—
တထာ တထာဝုသော ဘိက္ခု၊ ဝိဟာရံ ကပ္ပေတိ၊ ယထာ ယထာဿ ဝိဟာရံ
ကပ္ပယတော ကာလကိရိယာ အနုတပ္ပိ ဟောတိ။ ကထဇ္ဇာဝုသော ဘိက္ခု၊
တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော
ကာလကိရိယာ အနုတပ္ပိ ဟောတိ။

ဣဓာဝုသော ဘိက္ခု၊ ကမ္မာရာမော ဟောတိ ကမ္မရတော ကမ္မာရာမတံ
အနုယုတ္တော။ ဘဿာရာမော ဟောတိ။ နိဒ္ဒါရာမော ဟောတိ။ သင်္ဂဏိကာ-
ရာမော ဟောတိ။ သံသဂ္ဂါရာမော ဟောတိ။ ပပဇ္ဇာရာမော ဟောတိ ပပဇ္ဇရတော
ပပဇ္ဇာရာမတံ အနုယုတ္တော။ ဧဝံ ခေါ အာဝုသော ဘိက္ခု၊ တထာ တထာ ဝိဟာရံ
ကပ္ပေတိ၊ ယထာ ယထာဿ ဝိဟာရံ ကပ္ပယတော ကာလကိရိယာ အနုတပ္ပိ

ဟောတိ။ အယံ ဝုစ္စတာဝုသော ဘိက္ခု သက္ကာယဘိရတော နပ္ပဇ္ဇဟာသိ သက္ကာယံ သမ္မာ ဒုက္ခဿ အန္တကိရိယာယ။

တထာ တထာဝုသော ဘိက္ခု ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ကာလကိရိယာ အနနုတပ္ပါ ဟောတိ။ ကထဉ္စာဝုသော ဘိက္ခု တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ကာလကိရိယာ အနနုတပ္ပါ ဟောတိ။

ဣဓာဝုသော ဘိက္ခု န ကမ္မာရာမော ဟောတိ န ကမ္မရတော န ကမ္မာရာမတံ အနုယုတ္တော။ န ဘဿာရာမော ဟောတိ။ န နိဒ္ဒါရာမော ဟောတိ။ န သင်္ဂဏိကာရာမော ဟောတိ။ န သံသဂ္ဂါရာမော ဟောတိ။ န ပပဉ္စာရာမော ဟောတိ န ပပဉ္စရတော န ပပဉ္စာရာမတံ အနုယုတ္တော။ ဧဝံ ခေါ အာဝုသော ဘိက္ခု တထာ တထာ ဝိဟာရံ ကပ္ပေတိ၊ ယထာ ယထာဿ ဝိဟာရံ ကပ္ပယတော ကာလကိရိယာ အနနုတပ္ပါ ဟောတိ။ အယံ ဝုစ္စတာဝုသော ဘိက္ခု နိဗ္ဗာနဘိရတော ပဇ္ဇဟာသိ သက္ကာယံ သမ္မာ ဒုက္ခဿ အန္တကိရိယာယာတိ။

ယော ပပဉ္စမနုယုတ္တော၊ ပပဉ္စာဘိရတော မဂေါ။

ဝိရာဇယီ သော နိဗ္ဗာနံ၊ ယောဂက္ခေမံ အနုတ္တရံ။

ယော စ ပပဉ္စ ဟိတွာန၊ နိပ္ပပဉ္စပဒေ ရတော။

အာရာဇယီ သော နိဗ္ဗာနံ၊ ယောဂက္ခေမံ အနုတ္တရန္တိ။ ။ပဉ္စမံ။

၆-နကုလပိတုသုတ္တ

၁၆။ ဧကံ သမယံ ဘဂဝါ ဘဂ္ဂေသု ဝိဟရတိ သုသုမာရဂိရေ^၁ ဘေသကဋ္ဌာဝနေ မိဂဒါယေ။ တေန ခေါ ပန သမယေန နကုလပိတာ ဂဟပတိ အာဗာဓိကော ဟောတိ ဒုက္ခိတော ဗာဠုဂိလာနော။ အထ ခေါ နကုလမာတာ ဂဟပတာနိ နကုလပိတရံ ဂဟပတိ^၂ တေဒဝေါစ—

မာ ခေါ တံ ဂဟပတိ သာပေက္ခော^၂ ကာလမကာသိ။ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ သိယာ ခေါ ပန တေ ဂဟပတိ ဧဝမဿ “န နကုလမာတာ ဂဟပတာနိ မမစ္စယေန သက္ခိဿတိ^၃ ဒါရကေ ပေါသေတုံ ဃရာဝါသံ သန္တရိတု”န္တိ^၄။ န ခေါ ပနေတံ ဂဟပတိ ဧဝံ ဒဠဗ္ဗံ။ ကုသလာဟံ ဂဟပတိ

၁-သုသုမာရဂိရေ (သီ၊ ဣ)၊ သံသုမာရဂိရေ (ကတ္တစိ)

၂-သာပေခေါ (ဣ၊ က)

၃-န သက္ခိဿတိ (သီ၊ သျာ၊ ကံ)၊ သက္ခောတိ (ဣ၊ က)

၄-သန္တရိတုန္တိ (က)၊ သဏ္ဌရိတုံ (သျာ)

ကပ္ပိသံ ကန္တိတုံ ဝေဏီံ ဩလိဒိတုံ၊ သက္ကောမဟံ ဂဟပတိ တဝစ္စယေန ဒါရကေ ပေါသေတုံ ဃရာဝါသံ သန္တရိတုံ။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ (၁)

သိယာ ခေါ ပန တေ ဂဟပတိ ဧဝမဿ “နကုလမာတာ ဂဟပတာနိ မမစ္စယေန အညံ ဃရံ^၁ ဂမိဿတိ”တိ။ န ခေါ ပနေတံ ဂဟပတိ ဧဝံ ဒဠဗ္ဗံ။ တံ စေဝ ခေါ ဂဟပတိ ဇာနာသိ အဟန္တ၊ ယံ နော^၂ သောဠသဝဿာနိ ဂဟဠကံ ဗြဟ္မစရိယံ သမာစိဏ္ဏံ^၃။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ (၂)

သိယာ ခေါ ပန တေ ဂဟပတိ ဧဝမဿ “နကုလမာတာ ဂဟပတာနိ မမစ္စယေန န ဒဿနကာမာ ဘဝိဿတိ ဘဂဝတော၊ န ဒဿနကာမာ ဘိက္ခုသံဃဿာ”တိ။ န ခေါ ပနေတံ ဂဟပတိ ဧဝံ ဒဠဗ္ဗံ။ အဟံ ဟိ ဂဟပတိ တဝစ္စယေန ဒဿနကာမတရာ စေဝ ဘဝိဿာမိ ဘဂဝတော၊ ဒဿန-
ကာမတရာ စ ဘိက္ခုသံဃဿ။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ (၃)

သိယာ ခေါ ပန တေ ဂဟပတိ ဧဝမဿ “န နကုလမာတာ ဂဟပတာနိ မမစ္စယေန သီလေသု^၄ ပရိပူရကာရိနိ”တိ။ န ခေါ ပနေတံ ဂဟပတိ ဧဝံ ဒဠဗ္ဗံ။ ယာဝတာ ခေါ ဂဟပတိ တဿ ဘဂဝတော သာဝိကာ ဂိဟိ ဩဒါတဝသနာ သီလေသု ပရိပူရကာရိနိယော အဟံ တာသံ အညတရာ။ ယဿ ခေါ ပနဿ ကန္တိ ဝါ ဝိမတိ ဝါ၊ အယံ သော ဘဂဝါ အရဟံ သမ္မာသမ္ဗုဒ္ဓေါ ဘဂ္ဂေသု ဝိဟရတိ သုသမာရဂိရေ ဘောသကဠာဝနေ မိဂဒါယေ၊ တံ ဘဂဝန္တံ ဥပသင်္ကမိက္ခာ ပုစ္ဆတု။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ (၄)

၁-ဘက္ကောရံ (သုဘကံ)၊ ဝိရံ (သီ)

၃-သမာစိန္တံ (သီ)

၂-ယဒါ တေ(သီ)၊ ယထာ (သျှာ)၊ ယထာ နော (ဣ)

၄-နကုလမာတာ....န သီလေသု (သီ၊ ဣ)

သိယာ ခေါ် ပန တေ ဂဟပတိ ဧဝမဿ “န နကုလမာတာ ဂဟပတာနိ လာဘိနိ” အဇ္ဈတ္တံ စေတောသမထဿာ”တိ။ န ခေါ် ပနေတံ ဂဟပတိ ဧဝံ ဒဠဗ္ဗံ။ ယာဝတာ ခေါ် ဂဟပတိ တဿ ဘဂဝတော သာဝိကာ ဂိဟိ ဩဒါတဝသနာ လာဘိနိယော အဇ္ဈတ္တံ စေတောသမထဿ။ အဟံ တာသံ အညတရာ။ ယဿ ခေါ် ပနဿ ကင်္ခါ ဝါ ဝိမတိ ဝါ၊ အယံ သော ဘဂဝါ အရဟံ သမ္မာသမ္ဗုဒ္ဓေါ ဘဂ္ဂေသု ဝိဟရတိ သုသုမာရဂိရေ ဘေသကဋ္ဌာဝနေ မိဂဒါယေ၊ တံ ဘဂဝန္တံ ဥပသင်္ကမိတွာ ပုစ္ဆတု။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာ။ (၅)

သိယာ ခေါ် ပန တေ ဂဟပတိ ဧဝမဿ “န နကုလမာတာ ဂဟပတာနိ ဣမသ္မိ” ဓမ္မဝိနယေ ဩဂါဓပ္ပတ္တာ ပတိဂါဓပ္ပတ္တာ အဿာသပ္ပတ္တာ တိဏ္ဏဝိစိကိစ္ဆာ ဝိဂတကထံကထာ ဝေသာရဇ္ဇပ္ပတ္တာ အပရပ္ပစ္စယာ သတ္တုသာသနေ ဝိဟရန္တိ”တိ။ န ခေါ် ပနေတံ ဂဟပတိ ဧဝံ ဒဠဗ္ဗံ။ ယာဝတာ ခေါ် ဂဟပတိ တဿ ဘဂဝတော သာဝိကာ ဂိဟိ ဩဒါတဝသနာ ဣမသ္မိ” ဓမ္မဝိနယေ ဩဂါဓပ္ပတ္တာ ပတိဂါဓပ္ပတ္တာ အဿာသပ္ပတ္တာ တိဏ္ဏဝိစိကိစ္ဆာ ဝိဂတကထံကထာ ဝေသာရဇ္ဇပ္ပတ္တာ အပရပ္ပစ္စယာ သတ္တုသာသနေ ဝိဟရန္တိ၊ အဟံ တာသံ အညတရာ။ ယဿ ခေါ် ပနဿ ကင်္ခါ ဝါ ဝိမတိ ဝါ၊ အယံ သော ဘဂဝါ အရဟံ သမ္မာသမ္ဗုဒ္ဓေါ ဘဂ္ဂေသု ဝိဟရတိ သုသုမာရဂိရေ ဘေသကဋ္ဌာဝနေ မိဂဒါယေ၊ တံ ဘဂဝန္တံ ဥပသင်္ကမိတွာ ပုစ္ဆတု။ တသ္မာတိဟ တံ ဂဟပတိ မာ သာပေက္ခော ကာလမကာသိ၊ ဒုက္ခာ ဂဟပတိ သာပေက္ခဿ ကာလကိရိယာ၊ ဂရဟိတာ စ ဘဂဝတာ သာပေက္ခဿ ကာလကိရိယာတိ။ (၆)

အထ ခေါ် နကုလပိတုနော ဂဟပတိဿ နကုလမာတာရာ ၂ ဂဟပတာနိယာ ဣဒိနာ ဩဝါဒေန ဩဝဒိယမာနဿ သော အာဗာဓော ဌာနသော ပဋိပ္ပဿန္တိ။ ဝုဠဟိ? စ နကုလပိတာ ဂဟပတိ တမှာ အာဗာဓော၊ တထာပဟိနော စ ပန နကုလပိတုနော ဂဟပတိဿ သော အာဗာဓော အဟောသိ။ အထ ခေါ် နကုလပိတာ ဂဟပတိ ဂိလာနာ ဝုဠိတော ၄ အစိရဝုဠိတော ဂေလညာ

၁-နကုလမာတာ ဂဟပတာနိ န လာဘိနိ (ဣ)

၂-နကုလမာတာယ (သိ၊ သျှာ)၊ နကုလမာတုယာ (က)

၃-ဝုဠာတိ (က)

၄-“ဂိလာနဘာဝတော ဝုဠာယ ဌိတော၊ ဘာဝပ္ပဓာနော ဟိ အယံ နိဒ္ဒေသော”တိ

ဋီကာသံဝုဠာနာ။

ဒဏ္ဍမောလုပ္ပ ယေန ဘဂဝါ တေနုပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိဿိဒိ၊ ဧကမန္တံ နိဿိန္တံ ခေါ နကုလပိတရံ ဂဟပတိံ ဘဂဝါ တေဒဝေါစ—

လာဘာ တေ ဂဟပတိ၊ သုလဒ္ဓံ တေ ဂဟပတိ၊ ယဿ တေ နကုလမာတာ ဂဟပတာနိ အနုကမ္ပိကာ အတ္တကာမာ ဩဝါဒိကာ အနုသာသိကာ။ ယာဝတာ ခေါ ဂဟပတိ မမ သာဝိကာ ဂိဟိ ဩဒါတဝသနာ သီလေသု ပရိပူရကာရိ-
နိယော၊ နကုလမာတာ ဂဟပတာနိ တာသံ အညတရာ။ ယာဝတာ ခေါ ဂဟပတိ မမ သာဝိကာ ဂိဟိ ဩဒါတဝသနာ လာဘိနိယော အဇ္ဈတ္တံ စေတော-
သမထဿ၊ နကုလမာတာ ဂဟပတာနိ တာသံ အညတရာ။ ယာဝတာ ခေါ ဂဟပတိ မမ သာဝိကာ ဂိဟိ ဩဒါတဝသနာ ဣမသ္မိံ ဓမ္မဝိနယေ ဩဂါဓပ္ပတ္တာ
ပတိဂါဓပ္ပတ္တာ အဿာသပ္ပတ္တာ တိဏ္ဍဝိစိကိစ္ဆာ ဝိဂတကထံကထာ ဝေသာ-
ရဇ္ဇပ္ပတ္တာ အပရပ္ပစ္စယာ သတ္တုသာသနေ ဝိဟရန္တိ၊ နကုလမာတာ ဂဟပတာနိ
တာသံ အညတရာ။ လာဘာ တေ ဂဟပတိ၊ သုလဒ္ဓံ တေ ဂဟပတိ၊
ယဿ တေ နကုလမာတာ ဂဟပတာနိ အနုကမ္ပိကာ အတ္တကာမာ ဩဝါဒိကာ
အနုသာသိကာတိ။ ။ဆဋ္ဌံ။

၇-သောပ္ပသုတ္တ

၁၇။ ဧကံ သမယံ ဘဂဝါ သာဝတ္ထိယံ ဝိဟရတိ ဇေတဝနေ အနာထ-
ပိဏ္ဍိကဿ အာရာမေ။ အထ ခေါ ဘဂဝါ သာယန္တသမယံ ပဋိသလ္လာနာ
ဝုဋ္ဌိတော ယေနုပဋ္ဌာနသာလာ တေနုပသင်္ကမိ၊ ဥပသင်္ကမိတွာ ပညတ္တေ
အာသနေ နိဿိဒိ။ အာယသ္မာပိ ခေါ သာရိပုတ္တော သာယန္တသမယံ ပဋိသလ္လာနာ
ဝုဋ္ဌိတော ယေနုပဋ္ဌာနသာလာ တေနုပသင်္ကမိ၊ ဥပသင်္ကမိတွာ ဘဂဝန္တံ
အဘိဝါဒေတွာ ဧကမန္တံ နိဿိဒိ။ အာယသ္မာပိ ခေါ မဟာမောဂ္ဂလ္လာနော။
အာယသ္မာပိ ခေါ မဟာကဿပေါ။ အာယသ္မာပိ ခေါ မဟာကစ္စာနော။
အာယသ္မာပိ ခေါ မဟာကောဋ္ဌိကော^၁။ အာယသ္မာပိ ခေါ မဟာစုန္ဒော။
အာယသ္မာပိ ခေါ မဟာကပ္ပိနော။ အာယသ္မာပိ ခေါ အနုရုဒ္ဓေါ။ အာယသ္မာပိ
ခေါ ရေဝတော။ အာယသ္မာပိ ခေါ အာနန္ဒော သာယန္တသမယံ ပဋိသလ္လာနာ
ဝုဋ္ဌိတော ယေနုပဋ္ဌာနသာလာ တေနုပသင်္ကမိ၊ ဥပသင်္ကမိတွာ ဘဂဝန္တံ
အဘိဝါဒေတွာ ဧကမန္တံ နိဿိဒိ။ အထ ခေါ ဘဂဝါ ဗဟုဒေဝ ရတ္ထိံ^၂
နိသဇ္ဇာယ ဝိတိနာမေတွာ ဥဋ္ဌာယာသနာ ဝိဟာရံ ပါဝိသိ။ တေပိ ခေါ

အာယသ္မန္တော အစိရပက္ကန္တဿ ဘဂဝတော ဥဠာယာသနာ ယထာဝိဟာရံ အဂမံသု။ ယေ ပန တတ္ထ ဘိက္ခု။ နဝါ အစိရပဗ္ဗဇိတာ အဓုနာဂတာ ဣမံ ဓမ္မဝိနယံ၊ တေ ယာဝ သူရိယုဂ္ဂမနာ ကာကစ္ဆမာနာ သုပိံသု။ အဒ္ဓဿ ခေါ ဘဂဝါ ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနုသကေန တေ ဘိက္ခု။ ယာဝ သူရိယုဂ္ဂမနာ ကာကစ္ဆမာနေ သုပန္တေ၊ ဒိဿွာ ယေနပဠာနသာလာ တေနုပသင်္ကမိ၊ ဥပသင်္ကမိတွာ ပညတ္တေ အာသနေ နိဿိဒိ၊ နိသဇ္ဇ ခေါ ဘဂဝါ ဘိက္ခု အာမန္တေသိ—

ကဟံ န ခေါ ဘိက္ခဝေ သာရိပုတ္တော၊ ကဟံ မဟာမောဂ္ဂလ္လာနော၊ ကဟံ မဟာကဿပေါ၊ ကဟံ မဟာကစ္ဆာနော၊ ကဟံ မဟာကောဠိကော၊ ကဟံ မဟာစုန္ဒော၊ ကဟံ မဟာကပ္ပိနော၊ ကဟံ အနုရုဒ္ဓေါ၊ ကဟံ ရေဝတော၊ ကဟံ အာနန္ဒော၊ ကဟံ န ခေါ တေ ဘိက္ခဝေ ထေရာ သာဝကာ ဂတာတိ။ တေပိ ခေါ ဘန္တေ အာယသ္မန္တော အစိရပက္ကန္တဿ ဘဂဝတော ဥဠာယာသနာ ယထာဝိဟာရံ အဂမံသုတိ။ တေန နော^၁ တုမှေ ဘိက္ခဝေ “ထေရာ ဘိက္ခု နာဂတာ”တိ^၂ ယာဝ သူရိယုဂ္ဂမနာ ကာကစ္ဆမာနာ သုပထ။ တံ ကိ^၃ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “ရာဇာ ခတ္တိယော မုဒ္ဒါဝသိတ္တော^၄ ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဝိဟရန္တော ယာဝဇီဝံ ရဇ္ဇံ ကာရေန္တော ဇနပဒဿ ဝါ ပိယော မနာပေါ”တိ။ နော ဟေတံ ဘန္တေ။ သာရ ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “ရာဇာ ခတ္တိယော မုဒ္ဒါဝသိတ္တော ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဝိဟရန္တော ယာဝဇီဝံ ရဇ္ဇံ ကာရေန္တော ဇနပဒဿ ဝါ ပိယော မနာပေါ”တိ။

တံ ကိ^၃ မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “ရဋ္ဌိကော။ပ။ ပေတ္တဏိကော။ သေနာပတိကော။ ဂါမဂါမဏိကော^၅။ ပူဂဂါမဏိကော ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဝိဟရန္တော ယာဝဇီဝံ ပူဂဂါမဏိကတ္ထံ ကာရေန္တော ပူဂဿ ဝါ ပိယော မနာပေါ”တိ။ နော ဟေတံ ဘန္တေ။ သာရ ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “ပူဂဂါမဏိကော ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဝိဟရန္တော ယာဝဇီဝံ ပူဂဂါမဏိကတ္ထံ ဝါ ကာရေန္တော ပူဂဿ ဝါ ပိယော မနာပေါ”တိ။

၁-ကေန နော(က)၊ ကေန (ကစ္ဆမိ)

၂-ဘိက္ခု နဝါ(သီ၊ သျာ၊ ကံ၊ ဣ)၊ ဘိက္ခု ဂတာတိ(?)

၃-မုဒ္ဒါဝိသိတ္တော(က)

၄-ဂါမဂါမိကော(သီ၊ ဣ)

တံ ကိ” မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “သမဏော ဝါ ဗြာဟ္မဏော ဝါ ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဣန္ဒြိယေသု အဂုတ္တဒ္ဓါရော ဘောဇနေ အမတ္တညူ ဇာဂရိယံ အနုယုတ္တော အဝိပဿကော ကုသလာနံ ဓမ္မာနံ ပုဗ္ဗရတ္တာပရရတ္တံ ဗောဓိပက္ခိယာနံ ဓမ္မာနံ ဘာဝနာနုယောဂံ အနုယုတ္တော အာသဝါနံ ခယာ အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ သယံ အဘိညာ သမ္ဘိကတွာ ဥပသမ္ပဇ္ဇ ဝိဟရန္တော” ဟိ။ နော ဟေတံ ဘန္တေ။ သာရ ဘိက္ခဝေ၊ မယာပိ ခေါ ဧတံ ဘိက္ခဝေ နေဝ ဒိဋ္ဌံ န သုတံ “သမဏော ဝါ ဗြာဟ္မဏော ဝါ ယာဝဒတ္ထံ သေယျသုခံ ပဿသုခံ မိဒ္ဓသုခံ အနုယုတ္တော ဣန္ဒြိယေသု အဂုတ္တဒ္ဓါရော ဘောဇနေ အမတ္တညူ ဇာဂရိယံ အနုယုတ္တော အဝိပဿကော ကုသလာနံ ဓမ္မာနံ ပုဗ္ဗရတ္တာပရရတ္တံ ဗောဓိပက္ခိယာနံ ဓမ္မာနံ ဘာဝနာနုယောဂံ အနုယုတ္တော အာသဝါနံ ခယာ အနာသဝံ စေတောဝိမုတ္တိံ ပညာဝိမုတ္တိံ ဒိဋ္ဌေဝ ဓမ္မေ သယံ အဘိညာ သမ္ဘိကတွာ ဥပသမ္ပဇ္ဇ ဝိဟရန္တော” ဟိ။

တသ္မာတိဟ ဘိက္ခဝေ ဧဝံ သိက္ခိတဗ္ဗံ “ဣန္ဒြိယေသု ဂုတ္တဒ္ဓါရ ဘာဝိဿာမ၊ ဘောဇနေ မတ္တညူနော ဇာဂရိယံ အနုယုတ္တာ ဝိပဿကာ ကုသလာနံ ဓမ္မာနံ ပုဗ္ဗရတ္တာပရရတ္တံ ဗောဓိပက္ခိယာနံ ဓမ္မာနံ ဘာဝနာနုယောဂမနုယုတ္တာ ဝိဟရိဿာမာ” ဟိ။ ဧဝံ ဟိ ဝေါ ဘိက္ခဝေ သိက္ခိတဗ္ဗန္တိ။ ။သတ္တမံ။

၈-မစ္ဆမဇ္ဈသုတ္တ

၁၀။ ဧကံ သမယံ ဘဂဝါ ကောသလေသု စာရိကံ စရတိ မဟတာ ကိက္ခုသံသေန သဒ္ဓိံ။ အဒ္ဓသာ ခေါ ဘဂဝါ အဒ္ဓါနမဂ္ဂပ္ပဒ္ဓိပန္နော အညတရသ္မိံ ပဒေသေ မစ္ဆိကံ မစ္ဆမဇ္ဈံ မစ္ဆေ ဝဓိတွာ ဝဓိတွာ ဝိတ္တိဏမာနံ၊ ဒိဿွာ မဂ္ဂါ ဩက္ကမ္မ အညတရသ္မိံ ရုက္ခမူလေ ပညတ္တေ အာသနေ နိဿိဒိ၊ နိသဇ္ဇ ခေါ ဘဂဝါ ဘိက္ခု။ အာမန္တေသိ “ပဿထ နော တုမှ ဘိက္ခဝေ အမံ မစ္ဆိကံ မစ္ဆမဇ္ဈံ မစ္ဆေ ဝဓိတွာ ဝဓိတွာ ဝိတ္တိဏမာန” န္တိ။ ဧဝံ ဘန္တေ။

တံ ကိ” မညထ ဘိက္ခဝေ၊ အပိ န တုမှေဟိ ဒိဋ္ဌံ ဝါ သုတံ ဝါ “မစ္ဆိကော မစ္ဆမဇ္ဈံ မစ္ဆေ ဝဓိတွာ ဝဓိတွာ ဝိတ္တိဏမာနော တေန ကမ္ပေန တေန အာဝိဇန ဟတ္ထိယာယီ ဝါ အဿယာယီ ဝါ ရထယာယီ ဝါ ယာနယာယီ ဝါ ဟိန္တယာယီ ဝါ မဟန္တံ ဝါ ဘောဂက္ခန္ဓံ အဇ္ဈာဝသန္တော” ဟိ။ နော ဟေတံ

၁-ဗောဓိပက္ခိယာနံ (သိ)၊ ဗောဓိပက္ခိကာနံ (ဣ)

ဘန္တေ။ သာဓု ဘိက္ခုဝေ၊ မယာပိ ခေါ ဧတံ ဘိက္ခုဝေ နေဝ ဒိဋ္ဌံ န သုတံ
 “မစ္ဆိကော မစ္ဆဗန္ဓော မစ္ဆေ ဝဓိတွာ ဝဓိတွာ ဝိတ္တိဏမာနော တေန ကမ္မေန
 တေန အာဇီဝေန ဟတ္ထိယာယိ ဝါ အဿယာယိ ဝါ ရုထယာယိ ဝါ ယာနယာယိ
 ဝါ ဘောဂဘောဂိ ဝါ မဟန္တံ ဝါ ဘောဂက္ခန္ဓံ အဇ္ဈာဝသန္တော”တိ။ တံ ကိဿ
 ဟေတု? တေ ဟိ သော ဘိက္ခုဝေ မစ္ဆေ ဝဇ္ဈေ ဝဓာယုပနိတေ^၁ ပါပကေန
 မနဿာနုပေက္ခတိ၊ တသ္မာ သော နေဝ ဟတ္ထိယာယိ ဟောတိ န အဿယာယိ
 န ရုထယာယိ န ယာနယာယိ န ဘောဂဘောဂိ န မဟန္တံ ဘောဂက္ခန္ဓံ
 အဇ္ဈာဝသတိ။

တံ ကိ^၂ မညတ ဘိက္ခုဝေ၊ အပိ နု တုမှေဟိ ဒိဋ္ဌံ ဝါ သုတံ ဝါ “ဂေါဃာတကော
 ဂါဝေါ ဝဓိတွာ ဝဓိတွာ ဝိတ္တိဏမာနော တေန ကမ္မေန တေန အာဇီဝေန
 ဟတ္ထိယာယိ ဝါ အဿယာယိ ဝါ ရုထယာယိ ဝါ ယာနယာယိ ဝါ ဘောဂ-
 ဘောဂိ ဝါ မဟန္တံ ဝါ ဘောဂက္ခန္ဓံ အဇ္ဈာဝသန္တော”တိ။ နော ဟေတံ ဘန္တေ။
 သာဓု ဘိက္ခုဝေ၊ မယာပိ ခေါ ဧတံ ဘိက္ခုဝေ နေဝ ဒိဋ္ဌံ န သုတံ “ဂေါဃာတကော
 ဂါဝေါ ဝဓိတွာ ဝဓိတွာ ဝိတ္တိဏမာနော တေန ကမ္မေန တေန အာဇီဝေန
 ဟတ္ထိယာယိ ဝါ အဿယာယိ ဝါ ရုထယာယိ ဝါ ယာနယာယိ ဝါ ဘောဂ-
 ဘောဂိ ဝါ မဟန္တံ ဝါ ဘောဂက္ခန္ဓံ အဇ္ဈာဝသန္တော”တိ။ ဘံ ကိဿ ဟေတု? တေ
 ဟိ သော ဘိက္ခုဝေ ဂါဝေါ ဝဇ္ဈေ ဝဓာယုပနိတေ ပါပကေန မနဿာနုပေက္ခတိ။
 တသ္မာ သော နေဝ ဟတ္ထိယာယိ ဟောတိ န အဿယာယိ န ရုထယာယိ
 န ယာနယာယိ န ဘောဂဘောဂိ န မဟန္တံ ဘောဂက္ခန္ဓံ အဇ္ဈာဝသတိ။

တံ ကိ^၃ မညတ ဘိက္ခုဝေ၊ အပိ နု တုမှေဟိ ဒိဋ္ဌံ ဝါ သုတံ ဝါ “ဩရုတ္တိကော။ပ။
 သူကရိကော။ပ။ သာကုဏိကော။ပ။ မာဂဂိကော မဂေ^၄ ဝဓိတွာ ဝဓိတွာ
 ဝိတ္တိဏမာနော တေန ကမ္မေန တေန အာဇီဝေန ဟတ္ထိယာယိ ဝါ အဿ-
 ယာယိ ဝါ ရုထယာယိ ဝါ ယာနယာယိ ဝါ ဘောဂဘောဂိ ဝါ မဟန္တံ
 ဝါ ဘောဂက္ခန္ဓံ အဇ္ဈာဝသန္တော”တိ။ နော ဟေတံ ဘန္တေ။ သာဓု ဘိက္ခုဝေ၊
 မယာပိ ခေါ ဧတံ ဘိက္ခုဝေ နေဝ ဒိဋ္ဌံ န သုတံ “မာဂဂိကော မဂေ ဝဓိတွာ
 ဝဓိတွာ ဝိတ္တိဏမာနော တေန ကမ္မေန တေန အာဇီဝေန ဟတ္ထိယာယိ ဝါ
 အဿယာယိ ဝါ ရုထယာယိ ဝါ ယာနယာယိ ဝါ ဘောဂဘောဂိ ဝါ
 မဟန္တံ ဝါ ဘောဂက္ခန္ဓံ အဇ္ဈာဝသန္တော”တိ။ တံ ကိဿ ဟေတု? တေ ဟိ သော
 ဘိက္ခုဝေ မဂေ ဝဇ္ဈေ ဝဓာယုပနိတေ ပါပကေန မနဿာနုပေက္ခတိ။ တသ္မာ
 သော နေဝ ဟတ္ထိယာယိ ဟောတိ န အဿယာယိ န ရုထယာယိ န

^၁-ဓာယာနိတေ (သျှာ၊ ကံ)၊ ^၂-သောကရိကော (သျှာ) ^၃-မိဂေ (သျှာ၊ ကံ)

ယာနယာယီ န ဘောဂဘောဂီ န မဟန္တံ ဘောဂက္ခန္ဓံ အဇ္ဈာဝသတိ။ တေ ဟိ (နာမ) ၁ သော ဘိက္ခဝေ တိရစ္ဆာနဂတေ ပါဏေ ဝဇ္ဈေ ဝဓာယုပနီတေ ပါပကေန မနသာနုပေက္ခမာနော ၂ နေဝ ဟတ္ထိယာယီ ဘဝိဿတိ ၃ န အဿယာယီ န ရထယာယီ န ယာနယာယီ န ဘောဂဘောဂီ န မဟန္တံ ဘောဂက္ခန္ဓံ အဇ္ဈာဝသိဿတိ ၄၊ ကော ပန ဝါဒေါ ယံ မနဿဘူတံ ဝဇ္ဈိ ဝဓာယုပနီတံ ပါပကေန မနသာနုပေက္ခတိ။ တံ ဟိ တဿ ၅ ဘိက္ခဝေ ဟောတိ ဒိဃရတ္တံ အဟိတာယ ဒုက္ခာယ။ ကာယဿ ဘေဒေါ ပရံ မရဏာ အပါယံ ဒုဂ္ဂတိ ၆ ဝိနိပါတံ နိရယံ ဥပပဇ္ဇတိတိ။ ။အဋ္ဌမံ။

၉-ပဌမမရဏဿတိသုတ္တ

၁၉။ ဧကံ သမယံ ဘဂဝါ နာတိကေ ၆ ဝိဟရတိ ဂိဉ္ဇကာဝသထေ။ တတြ ခေါ ဘဂဝါ ဘိက္ခု အာမန္တေသိ “ဘိက္ခဝေါ”တိ။ “ဘဒန္တေ”တိ တေ ဘိက္ခု ဘဂဝတော ပစ္စဿောသုံ။ ဘဂဝါ ဧတဒဝေါစ “မရဏဿတိ ဘိက္ခဝေ ဘာဝိတာ ဗဟုလိကတာ မဟပ္ပလာ ဟောတိ မဟာနိသံသာ အမဘောဂဓာ အမတပရိယောသာနာ၊ ဘာဝေထ နော တုမှေ ဘိက္ခဝေ မရဏဿတိ”န္တိ။

ဧဝံ ဝုတ္တေ အညတရော ဘိက္ခု ဘဂဝန္တံ ဧတဒဝေါစ “အဟံ ခေါ ဘန္တေ ဘာဝေမိ မရဏဿတိ”န္တိ။ ယထာ ကထံ ပန တံ ဘိက္ခု ဘာဝေသိ မရဏဿတိန္တိ။ ဣဓ မယံ ဘန္တေ ဧဝံ ဟောတိ “အဟော ဝတာဟံ ရတ္ထိဒ္ဓိဝံ ဇီဝေယျံ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏဿတိန္တိ။

အညတရောပိ ခေါ ဘိက္ခု ဘဂဝန္တံ ဧတဒဝေါစ “အဟမ္ပိ ခေါ ဘန္တေ ဘာဝေမိ မရဏဿတိ”န္တိ။ ယထာ ကထံ ပန တံ ဘိက္ခု ဘာဝေသိ မရဏဿတိန္တိ။ ဣဓ မယံ ဘန္တေ ဧဝံ ဟောတိ “အဟော ဝတာဟံ ဒိဝသံ ဇီဝေယျံ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏဿတိန္တိ။

အညတရောပိ ခေါ ဘိက္ခု ဘဂဝန္တံ ဧတဒဝေါစ “အဟမ္ပိ ခေါ ဘန္တေ ဘာဝေမိ မရဏဿတိ”န္တိ။ ယထာ ကထံ ပန တံ ဘိက္ခု ဘာဝေသိ

၁-() ဗဟုသု နတ္ထိ။

၃-ဟောတိ (သျှာ၊ က)

၅-တံ ဟိဿ (ဣ၊ က)

၂-မနသာနုပေက္ခတိ၊ တသ္မာ သော (သျှာ၊ က)

၄-အဇ္ဈာဝသတိ (သျှာ၊ က)

၆-နာဒိကေ (သိ၊ သျှာ၊ ကံ၊ ဣ) အံ ၃-၁၃၅-ဝိဇ္ဇေပိ။

မရဏသုတ္တံ။ ဣမ မယံ ဘန္တေ ဧဝံ ဟောတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ ကေဝိဏ္ဏပါတံ ဘုဉ္ဇာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏသုတ္တံ။

အညတရောပိ ခေါ ဘိက္ခု ဘဂဝန္တံ ဧတဒဝေါစ “အဟမ္ပိ ခေါ ဘန္တေ ဘာဝေမိ မရဏသုတ္တံ”န္တိ။ ယထာ ကထံ ပန တံ ဘိက္ခု ဘာဝေသိ မရဏသုတ္တံ။ ဣမ မယံ ဘန္တေ ဧဝံ ဟောတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ စတ္တာရော ပဉ္စ အာလောပေ သင်္ခါဒိတွာ^၁ အဇ္ဈောဟရာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏသုတ္တံ။

အညတရောပိ ခေါ ဘိက္ခု ဘဂဝန္တံ ဧတဒဝေါစ “အဟမ္ပိ ခေါ ဘန္တေ ဘာဝေမိ မရဏသုတ္တံ”န္တိ။ ယထာ ကထံ ပန တံ ဘိက္ခု ဘာဝေသိ မရဏသုတ္တံ။ ဣမ မယံ ဘန္တေ ဧဝံ ဟောတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ ဧကံ အာလောပံ သင်္ခါဒိတွာ^၂ အဇ္ဈောဟရာမိ၊ ဘဂဝတော သာသနံ မနသိ ကရေယျံ။ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏသုတ္တံ။

အညတရောပိ ခေါ ဘိက္ခု ဘဂဝန္တံ ဧတဒဝေါစ “အဟမ္ပိ ခေါ ဘန္တေ ဘာဝေမိ မရဏသုတ္တံ”န္တိ။ ယထာ ကထံ ပန တံ ဘိက္ခု ဘာဝေသိ မရဏသုတ္တံ။ ဣမ မယံ ဘန္တေ ဧဝံ ဟောတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ အဿသိတွာ ဝါ ပဿသာမိ၊ ပဿသိတွာ ဝါ အဿသာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဧဝံ ခေါ အဟံ ဘန္တေ ဘာဝေမိ မရဏသုတ္တံ။

ဧဝံ ဝုတ္တေ ဘဂဝါ တေ ဘိက္ခု ဧတဒဝေါစ “ယော စာယံ^၃ ဘိက္ခဝေ ဘိက္ခု ဧဝံ မရဏသုတ္တံ” ဘာဝေတိ ‘အဟော ဝတာဟံ ရတ္တိန္ဒြိဝံ ဇီဝေယျံ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။

ယော စာယံ^၄ ဘိက္ခဝေ ဘိက္ခု ဧဝံ မရဏသုတ္တံ” ဘာဝေတိ “အဟော ဝတာဟံ ဒိဝသံ ဇီဝေယျံ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။

ယော စာယံ ဘိက္ခဝေ ဘိက္ခု ဧဝံ မရဏဿတိံ ဘာဝေတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ ဧကပိဏ္ဍပပါတံ ဘုဉ္ဇာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။

ယော စာယံ ဘိက္ခဝေ ဘိက္ခု ဧဝံ မရဏဿတိံ ဘာဝေတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ စတ္တာရော ပဉ္စ အာလောပေ သင်္ခါဒိတွာ အဇ္ဈောဟရာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဣမေ ဝုစ္စန္တိ ဘိက္ခဝေ ဘိက္ခု၊ ပမတ္တာ ဝိဟရန္တိ၊ ဒန္တံ မရဏဿတိံ ဘာဝေန္တိ အာသဝါနံ ခယာယ။

ယော စ ခွါယံ ဘိက္ခဝေ ဘိက္ခု ဧဝံ မရဏဿတိံ ဘာဝေတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ ဧကံ အာလောပံ သင်္ခါဒိတွာ အဇ္ဈောဟရာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။

ယော စာယံ ဘိက္ခဝေ ဘိက္ခု ဧဝံ မရဏဿတိံ ဘာဝေတိ “အဟော ဝတာဟံ တဒန္တရံ ဇီဝေယျံ၊ ယဒန္တရံ အဿသိတွာ ဝါ ပဿသာမိ၊ ပဿသိတွာ ဝါ အဿသာမိ၊ ဘဂဝတော သာသနံ မနသိ ကရေယျံ၊ ဗဟု ဝတ မေ ကတံ အဿာ”တိ။ ဣမေ ဝုစ္စန္တိ ဘိက္ခဝေ ဘိက္ခု၊ အပ္ပမတ္တာ ဝိဟရန္တိ၊ တိက္ခံ မရဏဿတိံ ဘာဝေန္တိ အာသဝါနံ ခယာယ။

တသ္မာတိဟ ဘိက္ခဝေ ဧဝံ သိက္ခိတဗ္ဗံ “အပ္ပမတ္တာ ဝိဟရိဿာမ၊ တိက္ခံ မရဏဿတိံ ဘာဝေဿာမ အာသဝါနံ ခယာယာ”တိ။ ဧဝံ ဟိ ဝေါ ဘိက္ခဝေ သိက္ခိတဗ္ဗန္တိ။ ။နဝမံ။

၁၁-ဘူတိ ကမရဏဿတိသုတ္တံ

၂၀။ ဧကံ သဗယံ ဘဂဝါ နာတိဧက ဝိဟရတိ ဂိဉ္ဇကဝသထေ။ တတြိ ခေါ ဘဂဝါ ဘိက္ခု၊ အာမန္တေသိ---မရဏဿတိံ ဘိက္ခဝေ ဘာဝိတာ ဗဟုလိကတာ မဟပ္ပလာ ဟောတိ မဟာနိဿံသာ အမတောဂဓာ အမတပရိယောသာနာ။ ကထံ ဘာဝိတာ စ ဘိက္ခဝေ မရဏဿတိံ ကထံ ဗဟုလိကတာ မဟပ္ပလာ ဟောတိ မဟာနိဿံသာ အမတောဂဓာ အမတပရိယောသာနာ။

ဣမ ဘိက္ခဝေ ဘိက္ခု ဒိပသေ နိက္ခန္တေ ရတ္တိယာ ပတိဟိတာယ ၂ ဣတိ ပဋိသဋ္ဌိက္ခတိ “ဗဟုကာ ခေါ မေ ပစ္စယာ မရဏဿ၊ အဟိ ဝါ မံ ခံသေယျ၊ ဝိစ္စိကော ဝါ မံ ခံသေယျ၊ သတပဒိ ဝါ မံ ခံသေယျ။ တေန မေ အာသ

ကာလကိရိယာ၊ သော မမဿ အန္တရာယော။ ဥပက္ခလိတွာ ဝါ ပပတေယျံ၊ ဘတ္တံ ဝါ မေ ဘုတ္တံ ဗျာပဇ္ဇေယျ၊ ပိတ္တံ ဝါ မေ ကုပ္ပေယျ၊ သေမ္ပံ ဝါ မေ ကုပ္ပေယျ၊ သတ္တကာ ဝါ မေ ဝါတာ ကုပ္ပေယျ၊ တေန မေ အဿ ကာလကိရိယာ၊ သော မမဿ အန္တရာယော”တိ။ တေန ဘိက္ခဝေ ဘိက္ခုနာ ဣတိ ပဋိသဉ္ဇိက္ခိတဗ္ဗံ “အတ္ထိ န ခေါ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ရတ္ထိ” ကာလံ ကရေန္တဿ အန္တရာယာယာ”တိ။

သစေ ဘိက္ခဝေ ဘိက္ခု ပစ္စဝေက္ခမာနော ဧဝံ ဇာနာတိ “အတ္ထိ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ရတ္ထိ” ကာလံ ကရေန္တဿ အန္တရာယာယာ”တိ။ တေန ဘိက္ခဝေ ဘိက္ခုနာ တေသံယေဝ ပါပကာနံ အကုသလာနံ ဓမ္မာနံ ပဟာနာယ အဓိမတ္တော ဆန္ဒော စ ဝါယာမော စ ဥဿာဟော စ ဥဿောဠိ စ အပ္ပဋ္ဌိဝါနိ စ သတိ စ သမ္ပဇညဉ္စ ကရဏီယံ။ သေယျတာပိ ဘိက္ခဝေ အာဒိတ္တစေလော ဝါ အာဒိတ္တသိသော ဝါ တဿေဝ စေလဿ ဝါ သိသဿ ဝါ နိဗ္ဗာပနာယ အဓိမတ္တံ ဆန္ဒဉ္စ ဝါယာမဉ္စ ဥဿာဟဉ္စ ဥဿောဠိဉ္စ အပ္ပဋ္ဌိဝါနိဉ္စ သတိဉ္စ သမ္ပဇညဉ္စ ကရေယျ။ ဧဝမေဝံ ခေါ ဘိက္ခဝေ တေန ဘိက္ခုနာ တေသံယေဝ ပါပကာနံ အကုသလာနံ ဓမ္မာနံ ပဟာနာယ အဓိမတ္တော ဆန္ဒော စ ဝါယာမော စ ဥဿာဟော စ ဥဿောဠိ စ အပ္ပဋ္ဌိဝါနိ စ သတိ စ သမ္ပဇညဉ္စ ကရဏီယံ။

သစေ ပန ဘိက္ခဝေ ဘိက္ခု ပစ္စဝေက္ခမာနော ဧဝံ ဇာနာတိ “နတ္ထိ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ရတ္ထိ” ကာလံ ကရေန္တဿ အန္တရာယာယာ”တိ။ တေန ဘိက္ခဝေ ဘိက္ခုနာ တေနော ပီတိပါမောဇ္ဇေန ဝိဟာတဗ္ဗံ အဟောရတ္တာနုသိက္ခိနာ ကုသလေသု ဓမ္မေသု။

ဣဓ ပန ဘိက္ခဝေ ဘိက္ခု ရတ္ထိယာ နိက္ခန္တာယ ဒိဝသေ ပတိဟိတေဇ္ဇတိ ပဋိသဉ္ဇိက္ခိတိ “ဗဟုကာ ခေါ မေ ပစ္စယာ မရဏဿ၊ အဟိ ဝါ မံ ခုံသေယျ၊ ပိစ္ဆိကော ဝါ မံ ခုံသေယျ၊ သတပဒိ ဝါ မံ ခုံသေယျ၊ တေန မေ အဿ ကာလကိရိယာ၊ သော မမဿ အန္တရာယော။ ဥပက္ခလိတွာ ဝါ ပပတေယျံ၊ ဘတ္တံ ဝါ မေ ဘုတ္တံ ဗျာပဇ္ဇေယျ၊ ပိတ္တံ ဝါ မေ ကုပ္ပေယျ၊ သေမ္ပံ ဝါ မေ ကုပ္ပေယျ၊ သတ္တကာ ဝါ မေ ဝါတာ ကုပ္ပေယျ၊ တေန မေ အဿ ကာလကိရိယာ၊ သော မမဿ အန္တရာယော”တိ။ တေန ဘိက္ခဝေ ဘိက္ခုနာ ဣတိ ပဋိသဉ္ဇိက္ခိတဗ္ဗံ “အတ္ထိ န ခေါ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ဒိဝါ ကာလံ ကရေန္တဿ အန္တရာယာယာ”တိ။

သစေ ဘိက္ခဝေ ဘိက္ခု ပစ္စဝေက္ခမာနော ဧဝံ ဇာနာတိ “အတ္ထိ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ဒိဝါ ကာလံ ကရေန္တဿ အန္တရာယာယာ”တိ။ တေန ဘိက္ခဝေ ဘိက္ခုနာ တေသံယေဝ ပါပကာနံ အကုသလာနံ ဓမ္မာနံ ပဟာနာယ အဓိမတ္တော ဆန္ဒော စ ဝါယာမော စ ဥဿာဟော စ ဥဿောဠိ စ အပ္ပဋ္ဌိဝါနိ စ သတိ စ သမ္ပဇညဉ္စ ကရဏီယံ။ သေယျထာပိ ဘိက္ခဝေ အာဒိတ္တစေလော ဝါ အာဒိတ္တသီသော ဝါ တဿေဝ စေလဿ ဝါ သီသဿ ဝါ နိဗ္ဗာပနာယ အဓိမတ္တံ ဆန္ဒဉ္စ ဝါယာမဉ္စ ဥဿာဟဉ္စ ဥဿောဠိဉ္စ အပ္ပဋ္ဌိဝါနိဉ္စ သတိဉ္စ သမ္ပဇညဉ္စ ကရေယျ။ ဧဝမေဝံ ခေါ ဘိက္ခဝေ တေန ဘိက္ခုနာ တေသံယေဝ ပါပကာနံ အကုသလာနံ ဓမ္မာနံ ပဟာနာယ အဓိမတ္တော ဆန္ဒော စ ဝါယာမော စ ဥဿာဟော စ ဥဿောဠိ စ အပ္ပဋ္ဌိဝါနိ စ သတိ စ သမ္ပဇညဉ္စ ကရဏီယံ။

သစေ ပန ဘိက္ခဝေ ဘိက္ခု ပစ္စဝေက္ခမာနော ဧဝံ ဇာနာတိ “နတ္ထိ မေ ပါပကာ အကုသလာ ဓမ္မာ အပ္ပဟိနာ၊ ယေ မေ အဿု ဒိဝါ ကာလံ ကရေန္တဿ အန္တရာယာယာ”တိ။ တေန ဘိက္ခဝေ ဘိက္ခုနာ တေနေဝ ပီတိပါမောဇ္ဇေန ဝိဟာတဗ္ဗံ အဟောရတ္တာနုသိက္ခိနာ ကုသလေသု ဓမ္မေသု။ ဧဝံ ဘာဝိတာ ခေါ ဘိက္ခဝေ မရဏဿတိ ဧဝံ ဗဟုလိကတာ မဟပ္ပလာ ဟောတိ မဟာနိသံသာ အမတောဂဓာ အမတပရိယောသာနာတိ။ ။ဒသမံ။

သာရဏီယဝဂ္ဂေါ ဒုတိယော။

တသုဒ္ဓါနံ

ဒွေ သာရဏီ နိဿာရဏီယံ၊ ဘဒ္ဒကံ အနုတပ္ပိယံ။
နကုလံ သောပ္ပမစ္ဆာ စ၊ ဒွေ ဟောန္တိ မရဏဿတိတိ။

၃-အနုတ္တရိယဝဂ္ဂ

၁-သာမကသုတ္တ

၂၁။ ဧကံ သမယံ ဘဂဝါ သက္ကေသု ဝိဟရတိ သာမဂါမကေ ပေါက္ခ-
ရဏီယာယံ။ အထ ခေါ အညတရာ ဒေဝတာ အဘိက္ကန္တာယ ရတ္တိယာ
အဘိက္ကန္တဝဏ္ဏာ ကေဝလကပ္ပံ ပေါက္ခရဏီယံ ဩဘာသေတွာ ယေန ဘဂဝါ

တေနုပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ အဋ္ဌာသိ၊ ဧကမန္တံ ဌိတာ ခေါ သာ ဒေဝတာ ဘဂဝန္တံ တေဒဝေါစ။

တယောမေ ဘန္တေ ဓမ္မာ ဘိက္ခုနော ပရိဟာနာယ သံဝတ္တန္တိ။ ကတမေ တယော? ကမ္မာရာမတာ ဘဿာရာမတာ နိဒ္ဒါရာမတာ။ ဣမေ ခေါ ဘန္တေ တယော ဓမ္မာ ဘိက္ခုနော ပရိဟာနာယ သံဝတ္တန္တိတိ။ ဣဒမဝေါစ သာ ဒေဝတာ။ သမနုညော သတ္တာ အဟောသိ။ အထ ခေါ သာ ဒေဝတာ “သမနုညော မေ သတ္တာ”တိ ဘဂဝန္တံ အဘိဝါဒေတွာ ပဒက္ခိဏံ ကတွာ တတ္ထေဝန္တရဓာယိ။

အထ ခေါ ဘဂဝါ တဿာ ရတ္တိယာ အစ္စယေန ဘိက္ခု အာမန္တေသိ— ဣမံ ဘိက္ခဝေ ရတ္တိံ အညတရာ ဒေဝတာ အဘိက္ကန္တာယ ရတ္တိယာ အဘိက္ကန္တဝဏ္ဏာ ကေဝလကပ္ပံ ပေါက္ခရဏိယံ ဩဘာသေတွာ ယေနာဟံ တေနုပသင်္ကမိ၊ ဥပသင်္ကမိတွာ မံ အဘိဝါဒေတွာ ဧကမန္တံ အဋ္ဌာသိ၊ ဧကမန္တံ ဌိတာ ခေါ ဘိက္ခဝေ သာ ဒေဝတာ မံ တေဒဝေါစ “တယောမေ ဘန္တေ ဓမ္မာ ဘိက္ခုနော ပရိဟာနာယ သံဝတ္တန္တိ။ ကတမေ တယော? ကမ္မာရာမတာ ဘဿာရာမတာ နိဒ္ဒါရာမတာ။ ဣမေ ခေါ ဘန္တေ တယော ဓမ္မာ ဘိက္ခုနော ပရိဟာနာယ သံဝတ္တန္တိ”တိ။ ဣဒမဝေါစ ဘိက္ခဝေ သာ ဒေဝတာ၊ ဣဒံ ဝတွာ မံ အဘိဝါဒေတွာ ပဒက္ခိဏံ ကတွာ တတ္ထေဝန္တရဓာယိ။ တေသံ ဝေါ ဘိက္ခဝေ အလာဘာ၊ တေသံ ဒုလ္လဗ္ဗံ၊ ယေ ဝေါ ဒေဝတာပိ ဇာနန္တိ ကုသလေဟိ ဓမ္မေဟိ ပရိဟာယမာနေ။

အပရေပိ ဘိက္ခဝေ တယော ပရိဟာနိယေ ဓမ္မေ ဒေသေဿာမိ၊ တံ သုဏာထ သာဓုကံ မနသိ ကရေထ၊ ဘာသိဿာမိတိ။ “ဧဝံ ဘန္တေ”တိ ခေါ တေ ဘိက္ခု ဘဂဝတော ပစ္စယောသုံ။ ဘဂဝါ တေဒဝေါစ—ကတမေ စ ဘိက္ခဝေ တယော ပရိဟာနိယာ ဓမ္မာ? သင်္ကဏိကာရာမတာ ဒေါဝစဿတာ ပါပမိတ္တတာ။ ဣမေ ခေါ ဘိက္ခဝေ တယော ပရိဟာနိယာ ဓမ္မာ။

ယေ ဟိ ကေဓိ ဘိက္ခဝေ အတိတမဒ္ဓါနံ ပရိဟာယိံသု ကုသလေဟိ ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္မေဟိ ပရိဟာယိံသု ကုသလေဟိ ဓမ္မေဟိ။ ယေပိ ဟိ ကေဓိ ဘိက္ခဝေ အနာဂတမဒ္ဓါနံ ပရိဟာယိဿန္တိ ကုသလေဟိ ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္မေဟိ ပရိဟာယိဿန္တိ

ကုသလေဟိ ဓမ္မေဟိ။ ယေပိ ဟိ ကေဓိ ဘိက္ခဝေ တေရဟိ ပရိဟာယန္တိ
 ကုသလေဟိ ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္မေဟိ ပရိဟာယန္တိ
 ကုသလေဟိ ဓမ္မေဟိတိ။ ။ပဌမံ။

၂-အပရိဟာနိယသုတ္တ

၂၂။ ဆယိမေ ဘိက္ခဝေ အပရိဟာနိယေ ဓမ္မေ ဒေသေဿာမိ၊ တံ
 သုဏာထ။ ပ။ ကတမေ စ ဘိက္ခဝေ ဆ အပရိဟာနိယာ ဓမ္မာ၊ န ကမ္မာရာမတာ
 န ဘဿာရာမလာ န နိဒ္ဒါရာမတာ န သင်္ဂဏိကာရာမတာ သောဝစဿတာ
 ကလျာဏမိတ္တတာ။ ဣမေ ခေါ ဘိက္ခဝေ ဆ အပရိဟာနိယာ ဓမ္မာ။

ယေ ဟိ ကေဓိ ဘိက္ခဝေ အတိတမဒ္ဓါနံ န ပရိဟာယိံသု ကုသလေဟိ
 ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္မေဟိ န ပရိဟာယိံသု ကုသလေဟိ
 ဓမ္မေဟိ။ ယေပိ ဟိ ကေဓိ ဘိက္ခဝေ အနာဂတမဒ္ဓါနံ န ပရိဟာယိဿန္တိ
 ကုသလေဟိ ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္�ေဟိ န ပရိဟာယိဿန္တိ
 ကုသလေဟိ ဓမ္မေဟိ။ ယေပိ ဟိ ကေဓိ ဘိက္ခဝေ တေရဟိ န ပရိဟာယန္တိ
 ကုသလေဟိ ဓမ္မေဟိ၊ သဗ္ဗေတေ ဣမေဟေဝ ဆဟိ ဓမ္မေဟိ န ပရိဟာယန္တိ
 ကုသလေဟိ ဓမ္မေဟိတိ။ ။ဒုတိယံ။

၃-ဘယသုတ္တ

၂၃။ ‘ဘယ’န္တိ ဘိက္ခဝေ ကာမာနမေတံ အဓိဝစနံ။ ‘ဒုက္ခ’န္တိ ဘိက္ခဝေ
 ကာမာနမေတံ အဓိဝစနံ။ ‘ရောဂေါ’တိ ဘိက္ခဝေ ကာမာနမေတံ အဓိဝစနံ။
 ‘ဂဏ္ဍော’တိ ဘိက္ခဝေ ကာမာနမေတံ အဓိဝစနံ။ ‘သင်္ဂေါ’တိ ဘိက္ခဝေ ကာမာန-
 မေတံ အဓိဝစနံ။ ‘ပင်္ကော’တိ ဘိက္ခဝေ ကာမာနမေတံ အဓိဝစနံ။

ကသ္မာ စ ဘိက္ခဝေ ‘ဘယ’န္တိ ကာမာနမေတံ အဓိဝစနံ၊ ကာမရာဂရတ္တာယံ
 ဘိက္ခဝေ ဆန္ဒရာဂဝိနိဗဒ္ဓေါ ဒိဋ္ဌဓမ္မိကာပိ ဘယာ န ပရိမုစ္စတိ၊ သမ္ပရာယိကာပိ
 ဘယာ န ပရိမုစ္စတိ။ တသ္မာ ‘ဘယ’န္တိ ကာမာနမေတံ အဓိဝစနံ။ ကသ္မာ စ
 ဘိက္ခဝေ ‘ဒုက္ခ’န္တိ။ ပ။ ‘ရောဂေါ’တိ။ ‘ဂဏ္ဍော’တိ။ ‘သင်္ဂေါ’တိ။ ‘ပင်္ကော’တိ
 ကာမာနမေတံ အဓိဝစနံ၊ ကာမရာဂရတ္တာယံ ဘိက္ခဝေ ဆန္ဒရာဂဝိနိဗဒ္ဓေါ
 ဒိဋ္ဌဓမ္မိကာပိ ပင်္ကာ န ပရိမုစ္စတိ၊ သမ္ပရာယိကာပိ ပင်္ကာ န ပရိမုစ္စတိ။
 တသ္မာ ‘ပင်္ကော’တိ ကာမာနမေတံ အဓိဝစနန္တိ။

ဘယံ ဒုက္ခံ ရောဂေါ ဂဏ္ဍော၊ သင်္ဂေါ ပင်္ကော စ ဥဘယံ။
 ဧတေ ကာမာ ပဝုစ္စန္တိ၊ ယတ္ထ သတ္တော ပုထုဇ္ဇနော။

ဥပါဒါနေ ဘယံ ဒိသ္မာ၊ ဇာတိမရဏသမ္ဘဝေ။
အနုပါဒါ ဝိမုစ္ဆန္တိ၊ ဇာတိမရဏသင်္ခယေ။

တေ ခေမပ္ပတ္တာ သုခိနော၊ ဒိဋ္ဌဓမ္မောဘိနိဗ္ဗုတာ။
သဗ္ဗဝေရဘယာတိတာ၊ သဗ္ဗဒုက္ခံ ဥပစ္စရန္တိ။ ။တတိယံ။

၄-ဟိမဝန္တသုတ္တ

၂၄။ ဆဟိ ဘိက္ခဝေ ဓမ္မေဟိ သမန္ဓာဂတော ဘိက္ခု ဟိမဝန္တံ ပဗ္ဗတရာဇံ ပဒါလေယျ၊ ကော ပန ဝါဒေါ ဆဝါယ အဝိဇ္ဇာယ။ ကတမေဟိ ဆဟိ? ဣဓ ဘိက္ခဝေ ဘိက္ခု သမာဓိဿ သမာပတ္တိကုသလော ဟောတိ၊ သမာဓိဿ ဌိတိကုသလော ဟောတိ၊ သမာဓိဿ ဝုဋ္ဌာနကုသလော ဟောတိ၊ သမာဓိဿ ကလ္လိတကုသလော၊ ဟောတိ၊ သမာဓိဿ ဂေါစရကုသလော ဟောတိ၊ သမာဓိဿ အဘိနိဟာရကုသလော ဟောတိ။ ဣမေဟိ ခေါ ဘိက္ခဝေ ဆဟိ ဓမ္မေဟိ သမန္ဓာဂတော ဘိက္ခု ဟိမဝန္တံ ပဗ္ဗတရာဇံ ပဒါလေယျ၊ ကော ပန ဝါဒေါ ဆဝါယ အဝိဇ္ဇာယာတိ။ ။စတုတ္ထံ။

၅-အနုဿတိဋ္ဌာနသုတ္တ

၂၅။ ဆယိမာနိ ဘိက္ခဝေ အနုဿတိဋ္ဌာနာနိ။ ကတမာနိ ဆ? ဣဓ ဘိက္ခဝေ အရိယသာဝကော တထာဂတံ အနုဿရတိ “ဣတိပိ သော ဘဂဝါ။ ပ။ သတ္တာ ဒေဝမနုဿာနံ ဗုဒ္ဓေါ ဘဂဝါ”တိ။ ယသ္မိံ ဘိက္ခဝေ သမယေ အရိယ-သာဝကော တထာဂတံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ ဘိက္ခဝေ ပဉ္စန္ဓေတံ ကာမဂုဏာနံ အဓိဝစနံ။ ဣဒမ္ပိ ခေါ ဘိက္ခဝေ အာရမ္မဏံ ကရိတွာ ဝေမိဓေကဇ္ဇေ သတ္တာ ဝိသုဇ္ဈန္တိ။

ပုန စပရံ ဘိက္ခဝေ အရိယသာဝကော ဓမ္မံ အနုဿရတိ “သွာက္ခာတော ဘဂဝတာ ဓမ္မော။ ပ။ ပစ္စတ္တံ ဝေဒိတဗ္ဗော ဝိညူဟိ”တိ။ ယသ္မိံ ဘိက္ခဝေ သမယေ အရိယသာဝကော ဓမ္မံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ

၁-သဗ္ဗ ဝေရဘယာတိတာ (သျှာ)

၂-ကလ္လိတကုသလော (သျှာ၊ ကံ၊ က) သံ ၂-၂၂၅-ဝိဇ္ဇေဝိ ပဿိတမ္ပံ။

ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ
ဝုဠိတံ ဂေဓမ္မာ။ ‘ဂေဓော’တိ ခေါ ဘိက္ခဝေ ပဉ္စန္ဓေတံ ကာမဂုဏာနံ အဓိဝစနံ။
ဣဒမ္ပိ ခေါ ဘိက္ခဝေ အာရမ္မဏံ ကရိတွာ ဝေမိဓေကဓ္မေ သတ္တာ ဝိသုဇ္ဈန္တိ။

ပုန စပရံ ဘိက္ခဝေ အရိယသာဝကော သံဃံ အနုဿရတိ “သုပ္ပုဋ္ဌိပန္နော
ဘဂဝတော သာဝကသံဃော။ပ။ အနုတ္တရံ ပုညက္ခေတ္တံ လောကဿာ”တိ။
ယသ္မိံ ဘိက္ခဝေ သမယေ အရိယသာဝကော သံဃံ အနုဿရတိ၊ နေဝဿ
တသ္မိံ သမယေ ရာဂပရိယုဠိတံ စိတ္တံ ဟောတိ၊ န ဒေါသပရိယုဠိတံ စိတ္တံ
ဟောတိ၊ န မောဟပရိယုဠိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ
စိတ္တံ ဟောတိ နိက္ခန္တံ မုတ္တံ ဝုဠိတံ ဂေဓမ္မာ။ ‘ဂေဓော’တိ ခေါ ဘိက္ခဝေ
ပဉ္စန္ဓေတံ ကာမဂုဏာနံ အဓိဝစနံ။ ဣဒမ္ပိ ခေါ ဘိက္ခဝေ အာရမ္မဏံ ကရိတွာ
ဝေမိဓေကဓ္မေ သတ္တာ ဝိသုဇ္ဈန္တိ။

ပုန စပရံ ဘိက္ခဝေ အရိယသာဝကော အတ္တနော သီလာနိ အနုဿရတိ
အခဏ္ဍာနိ။ပ။ သမာဓိသံဝတ္တနိကာနိ။ ယသ္မိံ ဘိက္ခဝေ သမယေ အရိယ-
သာဝကော သီလံ အနုဿရတိ၊ နေဝဿ တသ္မိံ သမယေ ရာဂပရိယုဠိတံ
စိတ္တံ ဟောတိ၊ န ဒေါသပရိယုဠိတံ စိတ္တံ ဟောတိ၊ န မောဟပရိယုဠိတံ
စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ
ဝုဠိတံ ဂေဓမ္မာ။ ‘ဂေဓော’တိ ခေါ ဘိက္ခဝေ ပဉ္စန္ဓေတံ ကာမဂုဏာနံ အဓိဝစနံ။
ဣဒမ္ပိ ခေါ ဘိက္ခဝေ အာရမ္မဏံ ကရိတွာ ဝေမိဓေကဓ္မေ သတ္တာ ဝိသုဇ္ဈန္တိ။

ပုန စပရံ ဘိက္ခဝေ အရိယသာဝကော အတ္တနော စာဂံ အနုဿရတိ
“လာဘာ ဝတ မေ၊ သုလဒ္ဓိံ ဝတ မေ။ပ။ ယာစယောဂေါ ဒါနသံဝိဘာဂ-
ရတော”တိ။ပ။ ဝေမိဓေကဓ္မေ သတ္တာ ဝိသုဇ္ဈန္တိ။

ပုန စပရံ ဘိက္ခဝေ အရိယသာဝကော ဒေဝတာ အနုဿရတိ “သန္တိ
ဒေဝါ စာတုမဟာရာဇိကာ၊ သန္တိ ဒေဝါ တာဝတိံသာ၊ သန္တိ ဒေဝါ ယာမာ၊
သန္တိ ဒေဝါ တုသိတာ၊ သန္တိ ဒေဝါ နိမ္မာနရတိနော၊ သန္တိ ဒေဝါ ပရနိမ္မိတဝသ-
ဝတ္တိနော၊ သန္တိ ဒေဝါ မြဟ္မကာယိကာ၊ သန္တိ ဒေဝါ တတုတ္တရိ၊ ယထာရူပါယ
သဒ္ဓါယ သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ
တထာရူပါသဒ္ဓါသံဝိဇ္ဇတိ။ ယထာရူပေန သီလေန။ သုတေန။ စာဂေန။ ပညာယ
သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုမ္ပိ တထာရူပါ
ပညာ သံဝိဇ္ဇတိ”တိ။

ယသ္မိံ ဘိက္ခဝေ သမယေ အရိယသာဝကော အတ္တနော စ တာသဉ္စ ဒေဝတာနံ သဒ္ဓဉ္စ သီလဉ္စ သုတဉ္စ စာဂဉ္စ ပညဉ္စ အနုဿရတိ၊ နေဝဿ တသ္မိံ သမယေ ရာဂပရိယုဠိတံ စိတ္တံ ဟောတိ၊ န ဒေါသပရိယုဠိတံ စိတ္တံ ဟောတိ၊ န မောဟပရိယုဠိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဠိတံ ဂေဓမှာ။ ‘ဂေဓော’တိ ခေါ ဘိက္ခဝေ ပဉ္စန္ဓေတံ ကာမဂုဏာနံ အဓိဝစနံ။ ဣဒမ္ပိ ခေါ ဘိက္ခဝေ အာရမ္မဏံ ကရိတွာ ဧဝမိဓေကဓ္စေ သတ္တာ ဝိသုဇ္ဈန္တိ။ ဣမာနိ ခေါ ဘိက္ခဝေ ဆ အနုဿတိဋ္ဌာနာနီတိ။ ။ပဉ္စမံ။

၆-မဟာကစ္စာနသုတ္တ

၂၆။ တတြ ခေါ အာယသ္မာ မဟာကစ္စာနော ဘိက္ခု။ အာမန္တေသိ “အာဝုသော ဘိက္ခဝေ”တိ။ “အာဝုသော”တိ ခေါ တေ ဘိက္ခု။ အာယသ္မတော မဟာကစ္စာနဿ ပစ္စသောသုံ။ အာယသ္မာ မဟာကစ္စာနော တေဒဝေါစ— အတ္ထရိယံ အာဝုသော၊ အပ္ပုတံ အာဝုသော၊ ယာဝဉ္စိဒံ တေန ဘဂဝတာ ဇာနတာ ပဿတာ အရဟတာ သမ္မာသမ္ဗုဒ္ဓေန သမ္မာဓေ ဩကာသာဓိဂမော အနုဗုဒ္ဓေါ သတ္တာနံ ဝိသုဒ္ဓိယာ သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ အဓိဂမာယ နိဗ္ဗာနဿ သန္တိ- ကိရိယာယ ယဒိဒံ ဆ အနုဿတိဋ္ဌာနာနီ။

ကတမာနိ ဆ? ဣဓာဝုသော အရိယသာဝကော တထာဂတံ အနုဿရတိ “ဣတိပိ သော ဘဂဝါ။ပ။ သတ္တာ ဒေဝမနုဿာနံ ဗုဒ္ဓေါ ဘဂဝါ”တိ။ ယသ္မိံ အာဝုသော သမယေ အရိယသာဝကော တထာဂတံ အနုဿရတိ၊ နေဝဿ တသ္မိံ သမယေ ရာဂပရိယုဠိတံ စိတ္တံ ဟောတိ၊ န ဒေါသပရိယုဠိတံ စိတ္တံ ဟောတိ၊ န မောဟပရိယုဠိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဠိတံ ဂေဓမှာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဓ္စေ သတ္တာ ဝိသုဒ္ဓိဓမ္မာ ဘဝန္တိ။

ပုန စပရံ အာဝုသော အရိယသာဝကော ဓမ္မံ အနုဿရတိ “သွာက္ခာတော ဘဂဝတာ ဓမ္မော။ပ။ ပစ္စတ္တံ ဝေဒိတဗ္ဗော ဝိညူဟိ”တိ။ ယသ္မိံ အာဝုသော သမယေ အရိယသာဝကော ဓမ္မံ အနုဿရတိ၊ နေဝဿ တသ္မိံ သမယေ ရာဂပရိယုဠိတံ စိတ္တံ ဟောတိ၊ န ဒေါသပရိယုဠိတံ စိတ္တံ ဟောတိ၊ န

မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဓ္မေ သတ္တာ ဝိသုဒ္ဓိဓမ္မာ ဘဝန္တိ။

ပုန စပရံ အာဝုသော အရိယသာဝကော သံဃံ အနုဿရတိ “သုပ္ပုဋ္ဌိပန္နော ဘဂဝတော သာဓကသံဃော။ပ။ အနုတ္တရံ ပုညက္ခေတ္တံ လောကဿာ”တိ။ ယသ္မိံ အာဝုသော သမယေ အရိယသာဝကော သံဃံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဓ္မေ သတ္တာ ဝိသုဒ္ဓိဓမ္မာ ဘဝန္တိ။

ပုန စပရံ အာဝုသော အရိယသာဝကော အတ္တနော သီလာနိ အနုဿရတိ အဇ္ဈာနိ။ပ။ သမာဓိသံဝတ္တနိကာနိ။ ယသ္မိံ အာဝုသော သမယေ အရိယသာဝကော အတ္တနော သီလံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဓ္မေ သတ္တာ ဝိသုဒ္ဓိဓမ္မာ ဘဝန္တိ။

ပုန စပရံ အာဝုသော အရိယသာဝကော အတ္တနော စာဂံ အနုဿရတိ “လာဘာ ဝတ မေ၊ သုလဒ္ဓိံ ဝတ မေ။ပ။ ယာစယောဂေါ ဒါနသံဝိဘာဂရတော”တိ။ ယသ္မိံ အာဝုသော သမယေ အရိယသာဝကော အတ္တနော စာဂံ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊

န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဇ္ဇေ သတ္တာ ဝိသုဒ္ဓိဓမ္မာ ဘဝန္တိ။

ပုန စပရံ အာဝုသော အရိယသာဝကော ဒေဝတာ အနုဿရတိ “သန္တိ ဒေဝါ စာတုမဟာရာဇိကာ၊ သန္တိ ဒေဝါ။ပ။ တတုတ္တရိ၊ ယထာရူပါယ သဒ္ဓါယ သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုဗ္ဗိ တထာရူပါ သဒ္ဓါ သံဝိဇ္ဇတိ။ ယထာရူပေန သီလေန။ သုတေန။ စာဂေန။ ပညာယ သမန္နာဂတာ တာ ဒေဝတာ ဣတော စုတာ တတ္ထ ဥပပန္နာ၊ မယုဗ္ဗိ တထာရူပါပညာသံဝိဇ္ဇတိ”တိ။ ယသ္မိံ အာဝုသော သမယေ အရိယသာဝကော အတ္တနော စ တာသဉ္စ ဒေဝတာနံ သဒ္ဓဉ္စ သီလဉ္စ သုတဉ္စ စာဂဉ္စ ပညဉ္စ အနုဿရတိ၊ နေဝဿ တသ္မိံ သမယေ ရာဂပရိယုဋ္ဌိတံ စိတ္တံ ဟောတိ၊ န ဒေါသပရိယုဋ္ဌိတံ စိတ္တံ ဟောတိ၊ န မောဟပရိယုဋ္ဌိတံ စိတ္တံ ဟောတိ။ ဥဇုဂတမေဝဿ တသ္မိံ သမယေ စိတ္တံ ဟောတိ နိက္ခန္တံ မုတ္တံ ဝုဋ္ဌိတံ ဂေဓမ္မာ။ ‘ဂေဓော’တိ ခေါ အာဝုသော ပဉ္စန္ဓေတံ ကာမဂုဏာနံ အဓိဝစနံ။ သ ခေါ သော အာဝုသော အရိယသာဝကော သဗ္ဗသော အာကာသသမေန စေတသာ ဝိဟရတိ ဝိပုလေန မဟဂ္ဂတေန အပ္ပမာဏေန အဝေရေန အဗျာပဇ္ဇေန။ ဣဒမ္ပိ ခေါ အာဝုသော အာရမ္မဏံ ကရိတွာ ဧဝမိဓေကဇ္ဇေ သတ္တာ ဝိသုဒ္ဓိဓမ္မာ ဘဝန္တိ။

အစ္ဆရိယံ အာဝုသော၊ အတ္တုတံ အာဝုသော၊ ယာဝဉ္စိဒံ တေန ဘဂဝတာ ဇာနတာ ပဿတာ အရဟတာ သမ္မာသမ္ဗုဒ္ဓေန သမ္မာဓေ ဩကာသာဓိဂမော အနုဗုဒ္ဓေါ သတ္တာနံ ဝိသုဒ္ဓိယာ သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ အဓိဂမာယ နိဗ္ဗာနဿ သစ္စိကိရိယာယ ယဒိဒံ ဆ အနုဿတိဋ္ဌာနာနီတိ။ ။ဆဋ္ဌံ။

၇-ပဌမသမယသုတ္တ

၂၇။ အထ ခေါ အညတရော ဘိက္ခု ယေန ဘဂဝါ တေနုပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိဿိဒိ၊ ဧကမန္တံ နိဿိန္နော

ခေါ်သော ဘိက္ခု ဘဂဝန္တံ တေဒဝေါစ “ကတိ န ခေါ ဘန္တေ သမယာ မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။ ဆယိမေ ဘိက္ခု သမယာ မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ကတမေ ဆ? ဣဓ ဘိက္ခု ယသ္မိံ သမယေ ဘိက္ခု ကာမရာဂပရိယုဋ္ဌိတေန စေတဿ ဝိဟရတိ ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ ခေါ အာရုသော ကာမရာဂပရိယုဋ္ဌိတေန စေတဿ ဝိဟရာမိ ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ကာမရာဂဿ ပဟာနာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု ကာမရာဂဿ ပဟာနာယ ဓမ္မံ ဒေသေတိ။ အယံ ဘိက္ခု ပဌမော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ဗျာပါဒပရိယုဋ္ဌိတေန စေတဿ ဝိဟရတိ ဗျာပါဒပရေတေန၊ ဥပ္ပန္နဿ စ ဗျာပါဒဿ နိဿရဏံ ယထာဘူတံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ ခေါ အာရုသော ဗျာပါဒပရိယုဋ္ဌိတေန စေတဿ ဝိဟရာမိ ဗျာပါဒပရေတေန၊ ဥပ္ပန္နဿ စ ဗျာပါဒဿ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ဗျာပါဒဿ ပဟာနာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု ဗျာပါဒဿ ပဟာနာယ ဓမ္မံ ဒေသေတိ။ အယံ ဘိက္ခု ဒုတိယော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ထိနမိဒ္ဓပရိယုဋ္ဌိတေန စေတဿ ဝိဟရတိ ထိနမိဒ္ဓပရေတေန၊ ဥပ္ပန္နဿ စ ထိနမိဒ္ဓဿ နိဿရဏံ ယထာဘူတံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ ခေါ အာရုသော ထိနမိဒ္ဓပရိယုဋ္ဌိတေန စေတဿ ဝိဟရာမိ ထိနမိဒ္ဓပရေတေန၊ ဥပ္ပန္နဿ စ ထိနမိဒ္ဓဿ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ထိနမိဒ္ဓဿ ပဟာနာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု ထိနမိဒ္ဓဿ ပဟာနာယ

ဓမ္မံ ဒေသေတိ။ အယံ ဘိက္ခု တတိယော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ဥဒ္ဓစ္စကုက္ကုစ္စပရိယုဠိတေန စေတသာ ဝိဟရတိ ဥဒ္ဓစ္စကုက္ကုစ္စပရေတေန၊ ဥပ္ပန္နဿ စ ဥဒ္ဓစ္စကုက္ကုစ္စဿ နိဿရဏံ ယထာဘူတံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ ခေါ အာရုသော ဥဒ္ဓစ္စကုက္ကုစ္စ-
ပရိယုဠိတေန စေတသာ ဝိဟရာမိ ဥဒ္ဓစ္စကုက္ကုစ္စပရေတေန၊ ဥပ္ပန္နဿ စ ဥဒ္ဓစ္စ-
ကုက္ကုစ္စဿ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ဥဒ္ဓစ္စကုက္ကုစ္စဿ ပဟာနာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု ဥဒ္ဓစ္စကုက္ကုစ္စဿ ပဟာနာယ ဓမ္မံ ဒေသေတိ။ အယံ ဘိက္ခု စတုတ္ထော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ဝိစိကိစ္ဆာပရိယုဠိတေန စေတသာ ဝိဟရတိ ဝိစိကိစ္ဆာပရေတေန၊ ဥပ္ပန္နာယ စ ဝိစိကိစ္ဆာယ နိဿရဏံ ယထာဘူတံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ အာရုသော ဝိစိကိစ္ဆာပရိယုဠိတေန စေတသာ ဝိဟရာမိ ဝိစိကိစ္ဆာပရေတေန၊ ဥပ္ပန္နာယ စ ဝိစိကိစ္ဆာယ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ဝိစိကိစ္ဆာယ ပဟာနာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု ဝိစိကိစ္ဆာယ ပဟာနာယ ဓမ္မံ ဒေသေတိ။ အယံ ဘိက္ခု ပဉ္စမော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ယံ နိမိတ္တံ အာဂမ္မ ယံ နိမိတ္တံ မနသိကရောတော အနန္တရာ အာသဝါနံ ခယော ဟောတိ၊ တံ နိမိတ္တံ နပ္ပဇာနာတိ၊ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော “အဟံ ခေါ အာရုသော ယံ နိမိတ္တံ အာဂမ္မ ယံ နိမိတ္တံ မနသိကရောတော အနန္တရာ အာသဝါနံ ခယော ဟောတိ၊ တံ နိမိတ္တံ နပ္ပဇာ-
နာမိ၊ သာဓု ဝတ မေ အာယသ္မာ အာသဝါနံ ခယာယ ဓမ္မံ ဒေသေတူ”တိ။ တဿ မနောဘာဝနီယော ဘိက္ခု အာသဝါနံ ခယာယ ဓမ္မံ ဒေသေတိ။ အယံ ဘိက္ခု ဆဋ္ဌော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။ ဣမေ ခေါ ဘိက္ခု ဆ သမယာ မနောဘာဝနီယဿ ဘိက္ခုနော ဒဿနာယ ဥပသင်္ကမိတုန္တိ။ ။သတ္တမံ။

ဂ-ဒုတိယသမယသုတ္တ

၂၀။ ဧကံ သမယံ သမ္ပဟုလာ ထေရာ ဘိက္ခု။ ဗာရာဏသီယံ ဝိဟရန္တိ ဣသိပတနေ မိဂဒါယေ။ အထ ခေါ တေသံ ထေရာနံ ဘိက္ခုနံ ပစ္ဆာဘတ္တံ ပိဏ္ဍပါတပဋိက္ကန္တာနံ မဏ္ဍလမာဠေ သန္ဓိသိန္ဓာနံ သန္ဓိပတိတာနံ အယမန္တရာ-ကထာ ဥဒပါဒိ “ကော န ခေါ အာဝုသော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။

ဧဝံ ဝုတ္တေ အညတရော ဘိက္ခု ထေရေ ဘိက္ခု။ ဧတဒဝေါစ “ယသ္မိံ အာဝုသော သမယေ မနောဘာဝနီယော ဘိက္ခု ပစ္ဆာဘတ္တံ ပိဏ္ဍ-ပါတပဋိက္ကန္တာ ပါဒေ ပက္ခာလေတွာ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ၊ သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။

ဧဝံ ဝုတ္တေ အညတရော ဘိက္ခု တံ ဘိက္ခု၊ ဧတဒဝေါစ “န ခေါ အာဝုသော သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။ ယသ္မိံ အာဝုသော သမယေ မနောဘာဝနီယော ဘိက္ခု ပစ္ဆာဘတ္တံ ပိဏ္ဍ-ပါတပဋိက္ကန္တာ ပါဒေ ပက္ခာလေတွာ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ၊ စာရိတ္တကိလမထောပိဿ တသ္မိံ သမယေ အပ္ပုပ္ပဿဒ္ဓေါ ဟောတိ၊ ဘတ္တကိလမထောပိဿ တသ္မိံ သမယေ အပ္ပုပ္ပဿဒ္ဓေါ ဟောတိ၊ တသ္မာ သော အသမယော မနောဘာဝနီ-ယဿ ဘိက္ခုနော ဒဿနာယ ဥပသင်္ကမိတုံ။ ယသ္မိံ အာဝုသော သမယေ မနောဘာဝနီယော ဘိက္ခု သာယနသမယံ ပဋိသလ္လာနာ ဝုဋ္ဌိတော ဝိဟာရ-ပစ္ဆာယာယံ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ၊ သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။

ဧဝံ ဝုတ္တေ အညတရော ဘိက္ခု တံ ဘိက္ခု၊ ဧတဒဝေါစ “န ခေါ အာဝုသော သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။ ယသ္မိံ အာဝုသော သမယေ မနောဘာဝနီယော ဘိက္ခု သာယနသမယံ ပဋိသလ္လာနာ ဝုဋ္ဌိတော ဝိဟာရပစ္ဆာယာယံ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ။ ယဒေဝဿ ဒိဝါ သမာဓိနိမိတ္တံ မနသိကတံ ဟောတိ၊ တဒေဝဿ တသ္မိံ သမယေ သမုဒါစရတိ။ တသ္မာ သော အသမယော မနောဘာဝနီယဿ ဘိက္ခုနော

ဒဿနာယ ဥပသင်္ကမိတုံ။ ယသ္မိံ အာရုဿော သမယေ မနောဘာဝနီယော ဘိက္ခု ရတ္တိယာ ပစ္စုသသမယံ ပစ္စုဋ္ဌာယ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ၊ သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။

ဧဝံ ဝုတ္တေ အညတရော ဘိက္ခု တံ ဘိက္ခုံ တေဒဝေါစ “န ခေါ အာရုဿော သော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။ ယသ္မိံ အာရုဿော သမယေ မနောဘာဝနီယော ဘိက္ခု ရတ္တိယာ ပစ္စုသသမယံ ပစ္စုဋ္ဌာယ နိသိန္ဓော ဟောတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ၊ ဩဇဋ္ဌာယိဿ တသ္မိံ သမယေ ကာယော ဟောတိ၊ ဖာသုဿ ဟောတိ ဗုဒ္ဓါနံ သာသနံ မနသိ ကာတုံ။ တသ္မာ သော အသမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတု”န္တိ။

ဧဝံ ဝုတ္တေ အာယသ္မာ မဟာကစ္စာနော ထေရေ ဘိက္ခု တေဒဝေါစ— သမ္ဗုခါ မေတံ အာရုဿော ဘဂဝတော သုတံ သမ္ဗုခါ ပဋိဂ္ဂဟိတံ “ဆယိမေ ဘိက္ခု သမယာ မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ကတမေ ဆ? ဣမ ဘိက္ခု ယသ္မိံ သမယေ ဘိက္ခု ကာမရာဂပရိယုဋ္ဌိတေန စေတသာ ဝိဟရတိ ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ နပ္ပဇာနာတိ။ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော ‘အဟံ ခေါ အာရုဿော ကာမရာဂပရိယုဋ္ဌိတေန စေတသာ ဝိဟရာမိ ကာမရာဂပရေတေန၊ ဥပ္ပန္နဿ စ ကာမရာဂဿ နိဿရဏံ ယထာဘူတံ နပ္ပဇာနာမိ၊ သာဓု ဝတ မေ အာယသ္မာ ကာမရာဂဿ ပဟာနာယ ဓမ္မံ ဒေသေတူ’တိ။ တဿ မနောဘာဝနီယော ဘိက္ခု ကာမရာဂဿ ပဟာနာယ ဓမ္မံ ဒေသေတိ။ အယံ ဘိက္ခု ပဌမော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

ပုန စပရံ ဘိက္ခု ယသ္မိံ သမယေ ဘိက္ခု ဗျာပါဒပရိယုဋ္ဌိတေန စေတသာ ဝိဟရတိ။ ပ။ ထိနမိဒ္ဓပရိယုဋ္ဌိတေန စေတသာ ဝိဟရတိ။ ဥဒ္ဓစ္စကုက္ကုစ္စပရိယုဋ္ဌိတေန စေတသာ ဝိဟရတိ။ ဝိစိကိစ္ဆာပရိယုဋ္ဌိတေန စေတသာ ဝိဟရတိ။ ယံ နိမိတ္တံ အာဂမ္မ ယံ နိမိတ္တံ မနသိကရောတော အနန္တရာ အာသဝါနံ ခယော ဟောတိ၊ တံ နိမိတ္တံ န ဇာနာတိ န ပဿတိ။ တသ္မိံ သမယေ မနောဘာဝနီယော ဘိက္ခု ဥပသင်္ကမိတွာ ဧဝမဿ ဝစနီယော ‘အဟံ ခေါ အာရုဿော ယံ နိမိတ္တံ

အာဂမ္မ ယံ နိမိတ္တံ မနသိကရောတော အနန္တရာ အာသဝါနံ ခယော ဟောတိ။ တံ နိမိတ္တံ န ဇာနာမိ န ပဿာမိ။ သာဓု ဝတ မေ အာယသ္မာ အာသဝါနံ ခယာယ ဓမ္မံ ဒေသေတူ'တိ။ တဿ မနောဘာဝနီယော ဘိက္ခု အာသဝါနံ ခယာယ ဓမ္မံ ဒေသေတိ။ အယံ ဘိက္ခု ဆဋ္ဌော သမယော မနောဘာဝနီယဿ ဘိက္ခုနော ဒဿနာယ ဥပသင်္ကမိတုံ။

သမ္မုခါ မေတံ အာရုသော ဘဂဝတော သုတံ သမ္မုခါ ပဋိဂ္ဂဟိတံ။ ဣမေ ခေါ ဘိက္ခု ဆ သမယာ မနောဘာဝနီယဿ ဘိက္ခုနော ဒဿနာယ ဥပသင်္ကမိတု'န္တိ။ ။အဋ္ဌမံ။

၉-ဥဒါယိသုတ္တ

၂၉။ အထ ခေါ ဘဂဝါ အာယသ္မန္တံ ဥဒါယိ' အာမန္တေသိ “ကတိ န ခေါ ဥဒါယိ အနုဿတိဋ္ဌာနာနိ”တိ။ ဧဝံ ဝုတ္တေ အာယသ္မာ ဥဒါယိ တုဏှိ အဟောသိ။ ဒုတိယမ္ပိ ခေါ ဘဂဝါ အာယသ္မန္တံ ဥဒါယိ' အာမန္တေသိ “ကတိ န ခေါ ဥဒါယိ အနုဿတိဋ္ဌာနာနိ”တိ။ ဒုတိယမ္ပိ ခေါ အာယသ္မာ ဥဒါယိ တုဏှိ အဟောသိ။ တတိယမ္ပိ ခေါ ဘဂဝါ အာယသ္မန္တံ ဥဒါယိ' အာမန္တေသိ “ကတိ န ခေါ ဥဒါယိ အနုဿတိဋ္ဌာနာနိ”တိ။ တတိယမ္ပိ ခေါ အာယသ္မာ ဥဒါယိ တုဏှိ အဟောသိ။

အထ ခေါ အာယသ္မာ အာနန္ဒော အာယသ္မန္တံ ဥဒါယိ' ဧတဒဝေါစ “သတ္တာ တံ အာရုသော ဥဒါယိ အာမန္တေသိ”တိ။ သုဏ္ဏောမဟံ အာရုသော အာနန္ဒ ဘဂဝတော။ ဣဓ ဘန္တေ ဘိက္ခု အနေကဝိဟိတံ ပုဗ္ဗေနိဝါသံ အနုဿရတိ။ သေယျထိဒံ၊ ဧကမ္ပိ ဇာတိ' ဒွေပိ ဇာတိယော။ ပ။ ဣတိ သာကာရံ သဥဒ္ဓေသံ အနေကဝိဟိတံ ပုဗ္ဗေနိဝါသံ အနုဿရတိ။ ဣဒံ ဘန္တေ အနုဿတိဋ္ဌာနန္တိ။

အထ ခေါ ဘဂဝါ အာယသ္မန္တံ အာနန္တံ အာမန္တေသိ “အညာသိ' ခေါ အဟံ အာနန္တံ 'နေဝါယံ ဥဒါယိ မောဃပုရိသော အဓိစိတ္တံ အနုယုတ္တော ဝိဟရတိ'တိ”။ ကတိ န ခေါ အာနန္တံ အနုဿတိဋ္ဌာနာနိတိ။

ပဉ္စ ဘန္တေ အနုဿတိဋ္ဌာနာနိ။ ကတမာနိ ပဉ္စ? ဣဓ ဘန္တေ ဘိက္ခု ဝိဝိဇ္ဇေဝ ကာမေဟိ။ ပ။ တတိယံ ဈာနံ ဥပသမ္ပဇ္ဇေ ဝိဟရတိ။ ဣဒံ ဘန္တေ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ ဒိဋ္ဌဓမ္မသုခဝိဟာရာယ သံဝတ္တတိ။

ပုန စပရံ ဘန္တေ ဘိက္ခု အာလောကသညံ မနသိ ကရောတိ။ ဒိဝါ သညံ အဓိဋ္ဌာတိ။ ယထာ ဒိဝါ တထာ ရတ္တိ' ယထာ ရတ္တိ' တထာ ဒိဝါ။ ဣတိ ဝိဝေနေ

စေတသာ အပရိယောနဋ္ဌေန သပ္ပဘာသံ စိတ္တံ ဘာဝေတိ။ ဣဒံ ဘန္တေ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ ဉာဏဒဿနပ္ပုဋိလာဘာယ သံဝတ္တတိ။

ပုန စပရံ ဘန္တေ ဘိက္ခု ဣမမေဝ ကာယံ ဥဒ္ဓံ ပါဒတလာ အဓော ကေသမတ္တကာ တစပရိယန္တံ ပူရံ နာနပ္ပကာရဿ အသုစိနော ပစ္စဝေက္ခတိ “အတ္ထိ ဣမသ္မိ” ကာယေ ကေသာ လောမာ နခါ ဒန္တာ တစော, မံသံ နှာရ ၁ အဋ္ဌိ အဋ္ဌိမိဉ္ဇံ ဝက္ကံ, ဟဒယံ ယကနံ ကိလောမကံ ပိဟကံ ပပ္ပါသံ, အန္တံ အန္တဂုဏံ ဥဒရိယံ ကရိသံ, ပိတ္တံ သေမှံ ပုဗ္ဗော လောဟိတံ သေဒေါ မေဒေါ, အဿု ဝသာ ခေဋ္ဌော သိဃံဏိကာ လသိကာ မုတ္တ”န္တိ။ ဣဒံ ဘန္တေ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ ကာမရာဂပ္ပဟာနာယ သံဝတ္တတိ။

ပုန စပရံ ဘန္တေ ဘိက္ခု သေယျထာပိ ပဿေယျ သရိရံ သီဝထိကာယ ဆဋ္ဌိတံ ၂ ကောဟမတံ ဝါ ဒ္ဓိဟမတံ ဝါ တိဟမတံ ဝါ ဥဒ္ဓါမာတကံ ဝိနီလကံ ဝိပုဗ္ဗကဇာတံ။ သော ဣမမေဝ ကာယံ ဧဝံ ၃ ဥပသံဟရတိ “အယမ္ဗိ ခေါ ကာယော ဧဝံဓမ္မော ဧဝံဘာဝိ ဧဝံအနတိတော”တိ ၄။

သေယျထာပိ ဝါ ပန ၅ ပဿေယျ သရိရံ သီဝထိကာယ ဆဋ္ဌိတံ ကာကေဟိ ဝါ ခဇ္ဇမာနံ ကုလလေဟိ ဝါ ခဇ္ဇမာနံ ဂိဇ္ဈေဟိ ဝါ ခဇ္ဇမာနံ သုနခေဟိ ဝါ ခဇ္ဇမာနံ သိင်္ဂါလေဟိ ၆ ဝါ ခဇ္ဇမာနံ ဝိဝိဓေဟိ ဝါ ပါဏကဇာတေဟိ ခဇ္ဇမာနံ။ သော ဣမမေဝ ကာယံ ဧဝံ ဥပသံဟရတိ “အယမ္ဗိ ခေါ ကာယော ဧဝံဓမ္မော ဧဝံဘာဝိ ဧဝံအနတိတော”တိ။

သေယျထာပိ ဝါ ပန ပဿေယျ သရိရံ သီဝထိကာယ ဆဋ္ဌိတံ အဋ္ဌိကသင်္ခလိကံ သမံသလောဟိတံ နှာရသမ္ပန္နံ။ ၈။ အဋ္ဌိကသင်္ခလိကံ နိဗ္ဗိသလောဟိတမက္ခိတံ နှာရသမ္ပန္နံ။ အဋ္ဌိကသင်္ခလိကံ အပဂတမံသလောဟိတံ နှာရသမ္ပန္နံ။ အဋ္ဌိကာနိ အပဂတသမ္ပန္နာနိ ဒိသာဝိဒိသာဝိက္ခိတ္တာနိ ၉၊ အညေန ဟတ္ထဋ္ဌိကံ အညေန ပါဒဋ္ဌိကံ အညေန ဇဉ်ဋ္ဌိကံ အညေန ဥရုဋ္ဌိကံ အညေန ကဋ္ဌိဋ္ဌိကံ ၁၀ အညေန

၁-နဟာရ (သီ၊ ဣ) ဒီ ၂-၂၃၃၊ မ ၁-၇၂-ဝိဋ္ဌာဒီသုဝိ။

၃-ဝေန္တိ ဣဒံ သတိပဋ္ဌာနသုတ္တာဒီသု နတ္ထိ။

၅-သေယျထာ ဝါ ပန (သျှာ)

၇-ဒိသာဝိဒိသာသု ဝိက္ခိတ္တာနိ (သီ)

၂-ဆဋ္ဌိတံ (သီ၊ သျှာ၊ ဣ)

၄-ဧတံ အနတိတောတိ (သီ)

၆-သိင်္ဂါလေဟိ (သီ)

၈-ကဋ္ဌိဋ္ဌိကံ (သီ)

“ဇာသုကဋ္ဌိကံ အညေန ပိဋ္ဌိကဏ္ဍကဋ္ဌိကံ အညေန ခန္ဓဋ္ဌိကံ အညေန ဂီဝဋ္ဌိကံ အညေန ဟနကဋ္ဌိကံ အညေန ဒန္တကဋ္ဌိကံ အညေန သီသကဋ္ဌာဟံ”။ အဋ္ဌိကာနိ သေတာနိ သင်္ခဝဏ္ဏပုဋိဘာဂါနိ၊ အဋ္ဌိကာနိ ပုဉ္ဇကိတာနိ၊ တေရောဝဿိကာနိ။ အဋ္ဌိကာနိ ပူတီနိ စုဏ္ဏကဇာတာနိ။ သော ဣမမေဝ ကာယံ ဧဝံ ဥပသံဟရတိ။ “အယမ္ဗိ ခေါ ကာယော ဧဝံဓမ္မော ဧဝံဘာဝိ ဧဝံအနုတိတော”တိ။ ဣဒံ ဘန္တေ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ အသ္မိမာနသမုဋ္ဌါတာယ သံဝတ္တတိ။

ပုန စပရံ ဘန္တေ ဘိက္ခု သုခဿ စ ပဟာနာ။ပ။ စတုတ္ထံ ဈာနံ ဥပသမ္ပဇ္ဇ ဝိဟရတိ။ ဣဒံ ဘန္တေ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ အနေကဓာတုပဋိဝေဓာယ သံဝတ္တတိ။ ဣမာနိ ခေါ ဘန္တေ ပဉ္စ အနုဿတိဋ္ဌာနာနီတိ။

သာဓု သာဓု အာနန္ဒ၊ တေန ဟိ တုံ အာနန္ဒ ဣဒမ္ဗိ ဆဋ္ဌံ အနုဿတိဋ္ဌာနံ ဓာရေဟိ။ ဣဓာနန္ဒ ဘိက္ခု သတောဝ အဘိက္ကမတိ၊ သတောဝ ပဋိက္ကမတိ၊ သတောဝ တိဋ္ဌတိ၊ သတောဝ နိဿိဒတိ၊ သတောဝ သေယျံ ကပ္ပေတိ၊ သတောဝ ကမ္မံ အဓိဋ္ဌာတိ။ ဣဒံ အာနန္ဒ အနုဿတိဋ္ဌာနံ ဧဝံ ဘာဝိတံ ဧဝံ ဗဟုလိကတံ သတိသမ္ပဇညာယ သံဝတ္တတိတိ။ ။နဝမံ။

၁၀-အနုတ္တရိယသုတ္တ

၃၀။ ဆယိမာနိ ဘိက္ခဝေ အနုတ္တရိယာနိ။ ကတမာနိ ဆ? ဒဿနာနုတ္တရိယံ သဝနာနုတ္တရိယံ လာဘာနုတ္တရိယံ သိက္ခာနုတ္တရိယံ ပါရိစရိယာနုတ္တရိယံ အနုဿတာနုတ္တရိယန္တိ။

ကတမဉ္စ ဘိက္ခဝေ ဒဿနာနုတ္တရိယံ? ဣဓ ဘိက္ခဝေ ဧကစ္စော ဟတ္ထိရတနမ္ဗိ ဒဿနာယ ဂစ္ဆတိ၊ အဿရတနမ္ဗိ ဒဿနာယ ဂစ္ဆတိ၊ မဏိရတနမ္ဗိ ဒဿနာယ ဂစ္ဆတိ၊ ဥစ္စာဝစံ ဝါ ပန ဒဿနာယ ဂစ္ဆတိ၊ သမဏံ ဝါ မြာဟဏံ ဝါ မိစ္ဆာဒိဋ္ဌိကံ မိစ္ဆာပဋိပန္နံ ဒဿနာယ ဂစ္ဆတိ။ အတ္ထေတံ ဘိက္ခဝေ ဒဿနံ၊ နေတံ နတ္ထိတိ ဝဒါမိ။ တဉ္စ ခေါ ဧတံ ဘိက္ခဝေ ဒဿနံ ဟိနံ ဂမ္ဘံ ပေါထုဇ္ဇနိကံ အနရိယံ အနတ္ထသံဟိတံ န နိဗ္ဗိဒါယ န ဝိရာဂါယ န နိရောဓာယ န ဥပသမာယ န အဘိညာယ န သမ္မောဓာယ န နိဗ္ဗာနာယ သံဝတ္တတိ။ ယော စ ခေါ ဘိက္ခဝေ တထာဂတံ ဝါ တထာဂတသာဝကံ ဝါ ဒဿနာယ

၁-၁-ပိဋ္ဌိကဏ္ဍကံ အညေန သီသကဋ္ဌာဟံ (သီ၊ ဣ)၊ ပိဋ္ဌိကဏ္ဍကဋ္ဌိကံ အညေန သီသကဋ္ဌာဟံ(သျှ၊ ကံ)
 ၂-သင်္ခဝဏ္ဏပုဋိဘာဂါနိ (သီ၊ သျှ၊ ဣ) ၃-ပုဉ္ဇကိတာနိ (ဣ)

ဂစ္ဆတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဧတဒါနုတ္တရိယံ ဘိက္ခဝေ ဒဿနာနံ သတ္တာနံ ဝိသုဒ္ဓိယာ သောကပရိဒေဝါနံ^၁ သမတိက္ကမာယ ဒုက္ခဒေါမနဿာနံ အတ္တဂ်မာယ^၂ ဣယဿ အဓိဂမာယ နိဗ္ဗာနဿ သစ္စိ-
ကိရိယာယ၊ ယဒိဒံ တထာဂတံ ဝါ တထာဂတသာဝကံ ဝါ ဒဿနာယ ဂစ္ဆတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဣဒံ ဝုစ္ဆတိ ဘိက္ခဝေ ဒဿနာနုတ္တရိယံ။ ဣတိ ဒဿနာနုတ္တရိယံ။

သဝနာနုတ္တရိယဉ္စ ကထံ ဟောတိ? ဣဓ ဘိက္ခဝေ ဧကစ္စော ဘေရိသဒ္ဓမ္မိ^၃ သဝနာယ ဂစ္ဆတိ၊ ဝိဏာသဒ္ဓမ္မိ သဝနာယ ဂစ္ဆတိ၊ ဂီတသဒ္ဓမ္မိ သဝနာယ ဂစ္ဆတိ၊ ဥစ္စာဝစံ ဝါ ပန သဝနာယ ဂစ္ဆတိ၊ သမဏဿ ဝါ မြာဟူဏဿ ဝါ မိစ္ဆာဒိဋ္ဌိကဿ မိစ္ဆာပဋိပန္နဿ ဓမ္မဿဝနာယ ဂစ္ဆတိ။ အတ္ထေတံ ဘိက္ခဝေ သဝနံ၊ နေတံ နတ္ထိတိ ဝဒါမိ။ တဉ္စ ခေါ ဧတံ ဘိက္ခဝေ သဝနံ ဟီနံ ဂမ္ဘံ ပေါထုဇ္ဇနိကံ အနရိယံ အနတ္ထသံဟိတံ န နိဗ္ဗိဒါယ န ဝိရာဂါယ န နိရောဓာယ န ဥပသမာယ န အဘိညာယ န သမ္မောဓာယ န နိဗ္ဗာနာယ သံဝတ္တတိ။ ယော စ ခေါ ဘိက္ခဝေ တထာဂတဿ ဝါ တထာဂတသာဝကဿ ဝါ ဓမ္မဿဝနာယ ဂစ္ဆတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဧတဒါနုတ္တရိယံ ဘိက္ခဝေ သဝနာနံ သတ္တာနံ ဝိသုဒ္ဓိယာ သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တဂ်မာယ ဣယဿ အဓိဂမာယ နိဗ္ဗာနဿ သစ္စိကိရိယာယ၊ ယဒိဒံ တထာဂတဿ ဝါ တထာဂတ-
သာဝကဿ ဝါ ဓမ္မဿဝနာယ ဂစ္ဆတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဣဒံ ဝုစ္ဆတိ ဘိက္ခဝေ သဝနာနုတ္တရိယံ။ ဣတိ ဒဿနာနုတ္တရိယံ သဝနာနုတ္တရိယံ။

လာဘာနုတ္တရိယဉ္စ ကထံ ဟောတိ? ဣဓ ဘိက္ခဝေ ဧကစ္စော ပုတ္တလာဘမ္ပိ လဘတိ၊ ဒါရလာဘမ္ပိ လဘတိ၊ ဓနလာဘမ္ပိ လဘတိ၊ ဥစ္စာဝစံ ဝါ ပန လာဘံ လဘတိ၊ သမဏေ ဝါ မြာဟူဏေ ဝါ မိစ္ဆာဒိဋ္ဌိကေ မိစ္ဆာပဋိပန္နေ သဒ္ဓံ ပဋိလဘတိ။ အတ္ထေသော ဘိက္ခဝေ လာဘော၊ နေသော နတ္ထိတိ ဝဒါမိ။ သော စ ခေါ ဧသော ဘိက္ခဝေ လာဘော ဟီနော ဂမ္မော ပေါထုဇ္ဇနိကော အနရိယော အနတ္ထသံဟိတော န နိဗ္ဗိဒါယ န ဝိရာဂါယ န နိရောဓာယ န ဥပသမာယ န အဘိညာယ န သမ္မောဓာယ န နိဗ္ဗာနာယ သံဝတ္တတိ။ ယော စ ခေါ ဘိက္ခဝေ တထာဂတေ ဝါ တထာဂတသာဝကေ

၁-သောကပရိဒေဝါနံ (သီ)

၂-အတ္တဂမာယ (သီ)

၃-ဘေရိသဒ္ဓဿပိ (က) ဧဝံ ဝိဏာသဒ္ဓမ္မိဣစ္စာဒိသုပိ။

ဝါ သဒ္ဓံ ပဋိလဘတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။
 တေဒါနုတ္တရိယံ ဘိက္ခဝေ လာဘာနံ သတ္တာနံ ဝိသုဒ္ဓိယာ သောကပရိဒေဝါနံ
 သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ အဓိဂမာယ
 နိဗ္ဗာနဿ သစ္စိကိရိယာယ၊ ယဒိဒံ တထာဂတေ ဝါ တထာဂတသာဝကေ
 ဝါ သဒ္ဓံ ပဋိလဘတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။
 ဣဒံ ဝုစ္စတိ ဘိက္ခဝေ လာဘာနုတ္တရိယံ၊ ဣတိ ဒဿနာနုတ္တရိယံ သဝနာနုတ္တရိယံ
 လာဘာနုတ္တရိယံ။

သိက္ခာနုတ္တရိယဉ္စ ကထံ ဟောတိ? ဣမ ဘိက္ခဝေ ဧကစ္စော ဟတ္ထိသ္မိမ္မိ
 သိက္ခတိ၊ အဿသ္မိမ္မိ သိက္ခတိ၊ ရထသ္မိမ္မိ သိက္ခတိ၊ ဓနသ္မိမ္မိ သိက္ခတိ၊ ထရသ္မိမ္မိ
 သိက္ခတိ၊ ဥစ္စာဝစံ ဝါ ပန သိက္ခတိ၊ သမဏဿ ဝါ ဗြာဟ္မဏဿ ဝါ မိစ္ဆာဒိဋ္ဌိ-
 ကဿ မိစ္ဆာပဋိပန္နဿ သိက္ခတိ။ အတ္ထေသာ ဘိက္ခဝေ သိက္ခာ၊ နေသာ နတ္ထိတိ
 ဝဒါမိ။ သာ စ ခေါ ဒေသာ ဘိက္ခဝေ သိက္ခာ ဟိနာ ဂမ္မာ ပေါထုဇ္ဇနိကာ အနရိယာ
 အနတ္ထသံဟိတာ န နိဗ္ဗိဒါယ န ဝိရာဂါယ န နိရောဓာယ န ဥပသမာယ
 န အဘိညာယ န သမ္မောဓာယ န နိဗ္ဗာနာယ သံဝတ္တတိ။ ယော စ ခေါ
 ဘိက္ခဝေ တထာဂတပ္ပဝေဒိတေ ဓမ္မဝိနယေ အဓိသီလမ္မိ သိက္ခတိ၊ အဓိစိတ္တမ္မိ
 သိက္ခတိ၊ အဓိပညမ္မိ သိက္ခတိ၊ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော
 အဘိပ္ပသန္ဓော။ တေဒါနုတ္တရိယံ ဘိက္ခဝေ သိက္ခာနံ သတ္တာနံ ဝိသုဒ္ဓိယာ
 သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ
 အဓိဂမာယ နိဗ္ဗာနဿ သစ္စိကိရိယာယ၊ ယဒိဒံ တထာဂတပ္ပဝေဒိတေ ဓမ္မ-
 ဝိနယေ အဓိသီလမ္မိ သိက္ခတိ၊ အဓိစိတ္တမ္မိ သိက္ခတိ၊ အဓိပညမ္မိ သိက္ခတိ၊
 နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဣဒံ ဝုစ္စတိ ဘိက္ခဝေ
 သိက္ခာနုတ္တရိယံ။ ဣတိ ဒဿနာနုတ္တရိယံ သဝနာနုတ္တရိယံ လာဘာနုတ္တရိယံ
 သိက္ခာနုတ္တရိယံ။

ပါရိစရိယာနုတ္တရိယဉ္စ ကထံ ဟောတိ? ဣမ ဘိက္ခဝေ ဧကစ္စော ခတ္ထိယမ္မိ
 ပရိစရတိ၊ ဗြာဟ္မဏမ္မိ ပရိစရတိ၊ ဂဟပတိမ္မိ ပရိစရတိ၊ ဥစ္စာဝစံ ဝါ ပန
 ပရိစရတိ၊ သမဏံ ဝါ ဗြာဟ္မဏံ ဝါ မိစ္ဆာဒိဋ္ဌိကံ မိစ္ဆာပဋိပန္နံ ပရိစရတိ။
 အတ္ထေသာ ဘိက္ခဝေ ပါရိစရိယာ၊ နေသာ နတ္ထိတိ ဝဒါမိ။ သာ စ ခေါ ဒေသာ
 ဘိက္ခဝေ ပါရိစရိယာ ဟိနာ ဂမ္မာ ပေါထုဇ္ဇနိကာ အနရိယာ အနတ္ထသံဟိတာ
 န နိဗ္ဗိဒါယ။ ပ။ န နိဗ္ဗာနာယ သံဝတ္တတိ။ ယော စ ခေါ ဘိက္ခဝေ တထာဂတံ
 ဝါ တထာဂတသာဝကံ ဝါ ပရိစရတိ နိဝိဋ္ဌသဒ္ဓေါ နိဝိဋ္ဌပေမော ဧကန္တဂတော

အဘိပ္ပသန္ဓော။ တေဒါနုတ္တရိယံ ဘိက္ခဝေ ပါရိစရိယာနံ သတ္တာနံ ဝိသုဒ္ဓိယာ သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ အဓိဂမာယ နိဗ္ဗာနဿ သစ္စိကိရိယာယ ယဒိံ တထာဂတံ ဝါ တထာဂတသဘာဝကံ ဝါ ပရိစရတိ နိဝိဋ္ဌသဋ္ဌေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဣဒံ ဝုစ္စတိ ဘိက္ခဝေ ပါရိစရိယာနုတ္တရိယံ။ ဣတိ ဒဿနာနုတ္တရိယံ သဝနာနုတ္တရိယံ လာဘာနုတ္တရိယံ သိက္ခာနုတ္တရိယံ ပါရိစရိယာနုတ္တရိယံ။

အနုဿတာနုတ္တရိယဉ္စ ကထံ ဟောတိ? ဣမ ဘိက္ခဝေ ဧကစ္စော ပုတ္တလာဘဗ္ဗိ အနုဿရတိ၊ ဒါရလာဘဗ္ဗိ အနုဿရတိ၊ ဓနလာဘဗ္ဗိ အနုဿရတိ၊ ဥစ္စာဝစံ ဝါ ပန လာဘံ အနုဿရတိ၊ သမဏံ ဝါ မြာဟဏံ ဝါ မိစ္ဆာဒိဋ္ဌိကံ မိစ္ဆာပဋိပန္နံ အနုဿရတိ။ အတ္ထေသာ ဘိက္ခဝေ အနုဿတိ၊ နေသာ နတ္ထိတိ ဝဒါမိ။ သာ စ ခေါ ဇေသာ ဘိက္ခဝေ အနုဿတိ ဟိနာ ဂမ္မာ ပေါထုဇ္ဇနိကာ အနရိယာ အနတ္တသံဟိတာ န နိဗ္ဗိဒါယ န ဝိရာဂါယ န နိရောဓာယ န ဥပသမာယ န အဘိညာယ န သမ္မောဓာယ န နိဗ္ဗာနာယ သံဝတ္တတိ။ ယော စ ခေါ ဘိက္ခဝေ တထာဂတံ ဝါ တထာဂတသဘာဝကံ ဝါ အနုဿရတိ နိဝိဋ္ဌသဋ္ဌေါ နိဝိဋ္ဌပေမော ဧကန္တဂတော အဘိပ္ပသန္ဓော။ တေဒါနုတ္တရိယံ ဘိက္ခဝေ အနုဿတိနံ သတ္တာနံ ဝိသုဒ္ဓိယာ သောကပရိဒေဝါနံ သမတိက္ကမာယ ဒုက္ခဒေါမနဿာနံ အတ္တင်္ဂမာယ ဉာယဿ အဓိဂမာယ နိဗ္ဗာနဿ သစ္စိကိရိယာယ၊ ယဒိံ တထာဂတံ ဝါ တထာဂတသဘာဝကံ ဝါ အနုဿရတိ နိဝိဋ္ဌသဋ္ဌေါ နိဝိဋ္ဌပေမော ဧကန္တဂတော အဘိပ္ပသန္ဓော။ ဣဒံ ဝုစ္စတိ ဘိက္ခဝေ အနုဿတာနုတ္တရိယံ။ ဣမာနိ ခေါ ဘိက္ခဝေ ဆ အနုတ္တရိယာနီတိ။

ယေ ဒဿနာနုတ္တရံ လဒ္ဓါ^၁၊ သဝနဉ္စ အနုတ္တရံ။
လာဘာနုတ္တရိယံ လဒ္ဓါ၊ သိက္ခာနုတ္တရိယေ ရတာ^၂။

ဥပဋ္ဌိတာ ပါရိစရိယာ၊ ဘာဝယန္တိ အနုဿတိ^၃။
ဝိဝေကပ္ပဋိသံယုတ္တံ၊ ခေမံ အမတဂါမိနိ^၄။

အပ္ပမာဒေ ပမုဒိတာ၊ နိပကာ သီလသံဝုတာ။
တေ ဝေ ကာလေန ပစ္စေန္တိ^၅၊ ယတ္ထ ဒုက္ခံ နိရုဇ္ဈတိတိ။ ။ဒသမံ။

အနုတ္တရိယဝဂ္ဂေ^၆ တတိယော။

၁-ယေ ဒဿနာနုတ္တရံ လဒ္ဓါ (သီ၊ ဣ)၊ ဒဿနာနုတ္တရိယံ လဒ္ဓါ (သျှာ၊ ကံ) ၂-အနုတ္တရိယံ တထာ (က)

၃-ပစ္စန္တိ (သျှာ၊ က)

၄-သာမကဝဂ္ဂေါ (က)

တသုဒ္ဓါနံ

သာမကော အပရိဟာနိယော၊ ဘယံ ဟိမဝါနုဿတိ။
ကစ္စာနော ဒွေ စ သမယာ၊ ဥဒါယီ အနုတ္တရိယေနာတိ။

၄-ဒေဝတာဝဂ္ဂ

၁-သေခသုတ္တ

၃၁။ ဆယိမေ ဘိက္ခဝေ ဓမ္မာ သေခဿ ဘိက္ခုနော ပရိဟာနာယ သံဝတ္တန္တိ။ ကတမေ ဆ? ကမ္မာရာမတာ ဘဿာရာမတာ နိဒ္ဒါရာမတာ သင်္ဂဏိကာရာမတာ ဣန္ဒြိယေသု အဂုတ္တဒ္ဓါရတာ ဘောဇနေ အမတ္တညတော။ ဣမေ ခေါ ဘိက္ခဝေ ဆ ဓမ္မာ သေခဿ ဘိက္ခုနော ပရိဟာနာယ သံဝတ္တန္တိ။

ဆယိမေ ဘိက္ခဝေ ဓမ္မာ သေခဿ ဘိက္ခုနော အပရိဟာနာယ သံဝတ္တန္တိ။ ကတမေ ဆ? န ကမ္မာရာမတာ န ဘဿာရာမတာ န နိဒ္ဒါရာမတာ န သင်္ဂဏိကာရာမတာ ဣန္ဒြိယေသု ဂုတ္တဒ္ဓါရတာ ဘောဇနေ မတ္တညတော။ ဣမေ ခေါ ဘိက္ခဝေ ဆ ဓမ္မာ သေခဿ ဘိက္ခုနော အပရိဟာနာယ သံဝတ္တန္တိတိ။ ။ ပဌမံ။

၂-ပဌမအပရိဟာနသုတ္တ

၃၂။ အထ ခေါ အညတရာ ဒေဝတာ အဘိက္ကန္တာယ ရတ္တိယာ အဘိက္ကန္တဝဏ္ဏာ ကေဝလကပ္ပံ ဇေတဝနံ ဩဘာသေတွာ ယေန ဘဂဝါ တေနုပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ အဋ္ဌာသိ၊ ဧကမန္တံ ဌိတာ ခေါ သာ ဒေဝတာ ဘဂဝန္တံ ဧတဒဝေါစ—

ဆယိမေ ဘန္တေ ဓမ္မာ ဘိက္ခုနော အပရိဟာနာယ သံဝတ္တန္တိ။ ကတမေ ဆ? သတ္တုဂါရဝတာ ဓမ္မဂါရဝတာ သံဃဂါရဝတာ သိက္ခာဂါရဝတာ အပ္ပမာဒဂါရဝတာ ပဋိသန္ဓာရဂါရဝတာ။ ဣမေ ခေါ ဘန္တေ ဆ ဓမ္မာ ဘိက္ခုနော အပရိဟာနာယ သံဝတ္တန္တိတိ။ ဣဒမဝေါစ သာ ဒေဝတာ၊ သမနုညော သတ္တာ အဟောသိ။ အထ ခေါ သာ ဒေဝတာ “သမနုညော မေ သတ္တာ”တိ ဘဂဝန္တံ အဘိဝါဒေတွာ ပဒက္ခိဏံ ကဟွာ တတ္ထေဝန္တရဓာယိ။

အထ ခေါ် ဘဂဝါ တဿာ ရတ္တိယာ အစွယေန ဘိက္ခု။ အာမန္တေသိ “ဣမံ ဘက္ခဝေ ရတ္တိံ အညတရာ ဒေဝတာ အဘိက္ကန္တာယ ရတ္တိယာ အဘိက္ကန္တဝဏ္ဏာ ကေဝလကပ္ပံ ဇေတဝနံ ဩဘာသေတွာ ယေနာဟံ တေနပသင်္ကမိ၊ ဥပသင်္ကမိတွာ မံ အဘိဝါဒေတွာ ဧကမန္တံ အဋ္ဌာသိ၊ ဧကမန္တံ ဌိတာ ခေါ် ဘိက္ခဝေ သာ ဒေဝတာ မံ ဧတဒဝေါစ ‘ဆယိမေ ဘန္တေ ဓမ္မာ ဘိက္ခုနော အပရိဟာနာယ သံဝတ္တန္တိ။ ကတမေ ဆ? သတ္ထုဂါရဝတာ ဓမ္မဂါရဝတာ သံဃဂါရဝတာ သိက္ခာဂါရဝတာ အပ္ပမာဒဂါရဝတာ ပဋိသန္တာရဂါရဝတာ။ ဣမေ ခေါ် ဘန္တေ ဆ ဓမ္မာ ဘိက္ခုနော အပရိဟာနာယ သံဝတ္တန္တိ’တိ။ ဣဒမဝေါစ ဘိက္ခဝေ သာ ဒေဝတာ၊ ဣဒံ ဝတွာ မံ အဘိဝါဒေတွာ ပဒက္ခိဏံ ကတွာ တတ္ထေဝန္တရဇာယိ”တိ။

သတ္ထုဂရ ဓမ္မဂရ၊ သံဃေ စ တိဗ္ဗဂါရဝေါ။
အပ္ပမာဒဂရ ဘိက္ခု၊ ပဋိသန္တာရဂါရဝေါ။
အဘဗ္ဗော ပရိဟာနာယ၊ နိဗ္ဗာနဿေဝ သန္တိကေတိ။ ။ဒုတိယံ။

၃-ဒုတိယအပရိဟာနသုတ္တ

၃၃။ ဣမံ ဘိက္ခဝေ ရတ္တိံ အညတရာ ဒေဝတာ အဘိက္ကန္တာယ ရတ္တိယာ အဘိက္ကန္တဝဏ္ဏာ ကေဝလကပ္ပံ ဇေတဝနံ ဩဘာသေတွာ ယေနာဟံ တေနပသင်္ကမိ၊ ဥပသင်္ကမိတွာ မံ အဘိဝါဒေတွာ ဧကမန္တံ အဋ္ဌာသိ၊ ဧကမန္တံ ဌိတာ ခေါ် ဘိက္ခဝေ သာ ဒေဝတာ မံ ဧတဒဝေါစ “ဆယိမေ ဘန္တေ ဓမ္မာ ဘိက္ခုနော အပရိဟာနာယ သံဝတ္တန္တိ။ ကတမေ ဆ? သတ္ထုဂါရဝတာ ဓမ္မဂါရဝတာ သံဃဂါရဝတာ သိက္ခာဂါရဝတာ ဟိရိဂါရဝတာ ဩတ္တပ္ပဂါရဝတာ။ ဣမေ ခေါ် ဘန္တေ ဆ ဓမ္မာ ဘိက္ခုနော အပရိဟာနာယ သံဝတ္တန္တိ”တိ။ ဣဒမဝေါစ ဘိက္ခဝေ သာ ဒေဝတာ၊ ဣဒံ ဝတွာ မံ အဘိဝါဒေတွာ ပဒက္ခိဏံ ကတွာ တတ္ထေဝန္တရဇာယိတိ။

သတ္ထုဂရ ဓမ္မဂရ၊ သံဃေ စ တိဗ္ဗဂါရဝေါ။
ဟိရိဩတ္တပ္ပသမ္ပန္နော၊ သပ္ပတိဿော သဂါရဝေါ။
အဘဗ္ဗော ပရိဟာနာယ၊ နိဗ္ဗာနဿေဝ သန္တိကေတိ။ ။တတိယံ။

၄-မဟာမောဂ္ဂလ္လာနသုတ္တ

၃၄။ ဧကံ သမယံ ဘဂဝါ သာဝတ္ထိယံ ဝိဟရတိ ဇေတဝနေ အနာထ-
ပိဏ္ဍိကဿ အာရာမေ။ အထ ခေါ် အာယသ္မတော မဟာမောဂ္ဂလ္လာနသ

ရဟောဂတဿ ပဋိသန္ဓိနဿ ဧဝံ စေတသော ပရိဝိတက္ကော ဥဒပါဒိ “ကတမေသာနံ ဒေဝါနံ ဧဝံ ဉာဏံ ဟောတိ ‘သောတာပန္နာ နာမ’ အဝိနိပါတဓမ္မာ နိယတာ သမ္မောဓိပရာယဏာ’တိ”။ တေန ခေါ ပန သမယေန တိဿော နာမ ဘိက္ခု၊ အရုနာကာလက်တော အညတရံ မြဟ္မလောကံ ဥပပန္နော ဟောတိ။ တတြိပိ နံ ဧဝံ ဇာနန္တိ “တိဿော မြဟ္မာ မဟိဒ္ဓိကော မဟာနုဘာဝေါ”တိ။

အထ ခေါ အာယသ္မာ မဟာမောဂ္ဂလ္လာနော သေယျထာပိ နာမ ဗလဝါ ပုရိသော သမိဉ္ဇိတံ^၂ ဝါ ဗာဟံ ပဿာရေယျ၊ ပဿာရိတံ ဝါ ဗာဟံ သမိဉ္ဇေယျ၊ ဧဝမေဝံ ဇေတဝနေ အန္တရဟိတော တသ္မိံ မြဟ္မလောကေ ပါတုရဟောသိ။ အဒ္ဓဿ ခေါ တိဿော မြဟ္မာ အာယသ္မန္တံ မဟာမောဂ္ဂလ္လာနံ ဒူရတောဝ အာဂစ္ဆန္တံ၊ ဒိဿာန အာယသ္မန္တံ မဟာမောဂ္ဂလ္လာနံ ဧတဒဝေါစ “ဧဟိ ခေါ မာရိသ မောဂ္ဂလ္လာန၊ သွာဂတံ^၃ မာရိသ မောဂ္ဂလ္လာန၊ စိရဿံ ခေါ မာရိသ မောဂ္ဂလ္လာန ဣမံ ပရိယာယမကာသိ ယဒိဒံ ဣဓာဂမနာယ၊ နိသီဒ မာရိသ မောဂ္ဂလ္လာန၊ ဣဒမာသနံ ပညတ္တ”န္တိ။ နိသီဒိ ခေါ အာယသ္မာ မဟာမောဂ္ဂလ္လာနော ပညတ္တေ အာသနေ။ တိဿောပိ ခေါ မြဟ္မာ အာယသ္မန္တံ မဟာမောဂ္ဂလ္လာနံ အဘိဝါဒေတွာ ဧကမန္တံ နိသီဒိ၊ ဧကမန္တံ နိသီန္တံ ခေါ တိဿံ မြဟ္မာနံ အာယသ္မာ မဟာမောဂ္ဂလ္လာနော ဧတဒဝေါစ—

ကတမေသာနံ ခေါ တိဿ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္မောဓိပရာယဏာ”တိ။ စာတုမဟာရာဇိကာနံ ခေါ မာရိသ မောဂ္ဂလ္လာန ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္မောဓိပရာယဏာ”တိ။

သဗ္ဗေသညေဝ န ခေါ တိဿ စာတုမဟာရာဇိကာနံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္မောဓိပရာယဏာ”တိ။ န ခေါ မာရိသ မောဂ္ဂလ္လာန သဗ္ဗေသံ စာတုမဟာရာဇိကာနံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္မောဓိပရာယဏာ”တိ။ ယေ ခေါ တေ မာရိသ မောဂ္ဂလ္လာန စာတုမဟာရာဇိကာ ဒေဝါ ဗုဒ္ဓေ အဝေစ္စပ္ပဿာဒေန အသမန္တာဂတာ၊ ဓမ္မေ အဝေစ္စပ္ပဿာဒေန အသမန္တာဂတာ၊ သံဃေ အဝေစ္စပ္ပဿာဒေန အသမန္တာဂတာ၊ အရိယကန္တေဟိ

၁-သောတာပန္နာမှာ (သီ)၊ သောတာပန္နာမှ (သျှ၊ ကံ၊ ဣ)

၂-သမိဉ္ဇိတံ (သီ၊ သျှ၊ ကံ၊ ဣ)

၃-သွာဂတံ (သီ)

သီလေဟိ အသမန္တာဂတာ၊ န တေသံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ ယေ စ ခေါတေ မာရိသ မောဂ္ဂလ္လာန စာတုမဟာရာဇိကာ ဒေဝါ ဗုဒ္ဓေ အဝေစ္စပ္ပဿာဒေန သမန္တာဂတာ၊ ဓမ္မေ အဝေစ္စပ္ပဿာဒေန သမန္တာဂတာ၊ သံဃေ အဝေစ္စပ္ပဿာဒေန သမန္တာဂတာ၊ အရိယကန္တေဟိ သီလေဟိ သမန္တာဂတာ၊ တေသံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။

စာတုမဟာရာဇိကာနညေဝ န ခေါ တိဿ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ ဥဒါဟုတာဝတိံသာနမ္ပိ ဒေဝါနံ။ ပ။ ယာမာနမ္ပိ ဒေဝါနံ။ တုသိတာနမ္ပိ ဒေဝါနံ။ နိမ္မာနရတီနမ္ပိ ဒေဝါနံ။ ပရနိမ္မိတဝသဝတ္တီနမ္ပိ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ ပရနိမ္မိတဝသဝတ္တီနမ္ပိ ခေါ မာရိသ မောဂ္ဂလ္လာန ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။

သဗ္ဗေသညေဝ န ခေါ တိဿ ပရနိမ္မိတဝသဝတ္တီနံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ န ခေါ မာရိသ မောဂ္ဂလ္လာန သဗ္ဗေသံ ပရနိမ္မိတဝသဝတ္တီနံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ ယေ ခေါ တေ မာရိသ မောဂ္ဂလ္လာန ပရနိမ္မိတဝသဝတ္တီ ဒေဝါ ဗုဒ္ဓေ အဝေစ္စပ္ပဿာဒေန အသမန္တာဂတာ၊ ဓမ္မေ အဝေစ္စပ္ပဿာဒေန အသမန္တာဂတာ၊ သံဃေ အဝေစ္စပ္ပဿာဒေန အသမန္တာဂတာ၊ အရိယကန္တေဟိ သီလေဟိ အသမန္တာဂတာ၊ န တေသံ ဒေဝါနံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။ ယေ စ ခေါ တေ မာရိသ မောဂ္ဂလ္လာန ပရနိမ္မိတဝသဝတ္တီ ဒေဝါ ဗုဒ္ဓေ အဝေစ္စပ္ပဿာဒေန သမန္တာဂတာ၊ ဓမ္မေ အဝေစ္စပ္ပဿာဒေန သမန္တာဂတာ၊ သံဃေ အဝေစ္စပ္ပဿာဒေန သမန္တာဂတာ၊ အရိယကန္တေဟိ သီလေဟိ သမန္တာဂတာ၊ တေသံ ဧဝံ ဉာဏံ ဟောတိ “သောတာပန္နာ နာမ အဝိနိပါတဓမ္မာ နိယတာ သမ္ဗောဓိပရာယဏာ”တိ။

အထ ခေါ အာယသ္မာ မဟာမောဂ္ဂလ္လာနော တိဿဿ ဗြဟ္မုနော ဘာသိတံ အဘိနန္ဒိတွာ အနုမောဒိတွာ သေယျထာပိ နာမ ဗလဝါ ပုရိသော သမိဋ္ဌိဟံ ဝါ ဗာဟံ ပဿာရေယျ၊ ပဿာရိတံ ဝါ ဗာဟံ သမိဇ္ဇေယျ၊ ဧဝမေဝံ ဗြဟ္မလောကေ အန္တရဟိတော ဇေတဝနေ ပါတုရဟောသီတိ။ ။စတုတ္ထံ။

၅-ဝိဇ္ဇာဘာဂိယသုတ္တ

၃၅။ ဆယိမေ ဘိက္ခဝေ ဓမ္မာ ဝိဇ္ဇာဘာဂိယာ။ ကတမေ ဆ? အနိစ္စသညာ၊ အနိစ္စေ ဒုက္ခသညာ၊ ဒုက္ခေ အနတ္တသညာ၊ ပဟာနသညာ၊ ဝိရာဂသညာ၊ နိရောဓသညာ။ ဣမေ ခေါ ဘိက္ခဝေ ဆ ဓမ္မာ ဝိဇ္ဇာဘာဂိယာတိ။ ။ပဉ္စမံ။

၆-ဝိဝါဒမူလသုတ္တ

၃၆။ * ဆယိမာနိ ဘိက္ခဝေ ဝိဝါဒမူလာနိ။ ကတမာနိ ဆ? ဣဓ ဘိက္ခဝေ ဘိက္ခု ကောဓနော ဟောတိ ဥပနာဟိ။ ယော သော ဘိက္ခဝေ ဘိက္ခု ကောဓနော ဟောတိ ဥပနာဟိ၊ သော သတ္တရိပိ အဂါရဝေါ ဝိဟရတိ အပ္ပတိဿော၊ ဓမ္မေပိ အဂါရဝေါ ဝိဟရတိ အပ္ပတိဿော၊ သံဃေပိ အဂါရဝေါ ဝိဟရတိ အပ္ပတိဿော၊ သိက္ခာယပိ န ပရိပူရကာရီ ဟောတိ။ ယော သော ဘိက္ခဝေ ဘိက္ခု သတ္တရိ အဂါရဝေါ ဝိဟရတိ အပ္ပတိဿော၊ ဓမ္မေ အဂါရဝေါ ဝိဟရတိ အပ္ပတိဿော၊ သံဃေ အဂါရဝေါ ဝိဟရတိ အပ္ပတိဿော၊ သိက္ခာယ န ပရိပူရကာရီ၊ သော သံဃေ ဝိဝါဒံ ဇနေတိ။ ယော ဟောတိ ဝိဝါဒေါ ဗဟုဇနာဟိတာယ ဗဟုဇနာသုခါယ ဗဟုနော ဇနဿ အနတ္တာယ အဟိတာယ ဒုက္ခာယ ဒေဝမနုဿာနံ။ ဧဝရူပဉ္စေ တုမှေ ဘိက္ခဝေ ဝိဝါဒမူလံ အဇ္ဈတ္တံ ဝါ ဗဟိဒ္ဓါ ဝါ သမနုပဿေယျာထ၊ တတြိ တုမှေ ဘိက္ခဝေ တဿေဝ ပါပကဿ ဝိဝါဒမူလဿ ပဟာနာယ ဝါယမေယျာထ။ ဧဝရူပဉ္စေ တုမှေ ဘိက္ခဝေ ဝိဝါဒမူလံ အဇ္ဈတ္တံ ဝါ ဗဟိဒ္ဓါ ဝါ န သမနုပဿေယျာထ၊ တတြိ တုမှေ ဘိက္ခဝေ တဿေဝ ပါပကဿ ဝိဝါဒမူလဿ အာယတိ အနဝဿဝါယ ပဋိပဇ္ဇေယျာထ။ ဧဝမေကဿ ပါပကဿ ဝိဝါဒမူလဿ ပဟာနံ ဟောတိ၊ ဧဝမေကဿ ပါပကဿ ဝိဝါဒမူလဿ အာယတိ အနဝဿဝေါ ဟောတိ။

ပုန စပရံ ဘိက္ခဝေ ဘိက္ခု မက္ခိ ဟောတိ ပဋ္ဌာသိ။ ပ။ ဣဿုကီ ဟောတိ မစ္ဆရီ။ သဌော ဟောတိ မာယာဝိ။ ပါပိန္နော ဟောတိ မိစ္ဆာဒိဋ္ဌိ။ သန္တိဋ္ဌိပရာမာသိ ဟောတိ အာဓာနဂ္ဂါဟိ ဒုပ္ပဋိနိဿဂ္ဂိ။ ယော သော ဘိက္ခဝေ ဘိက္ခု သန္တိဋ္ဌိ-ပရာမာသိ ဟောတိ အာဓာနဂ္ဂါဟိ ဒုပ္ပဋိနိဿဂ္ဂိ၊ သော သတ္တရိပိ အဂါရဝေါ ဝိဟရတိ အပ္ပတိဿော၊ ဓမ္မေပိ အဂါရဝေါ ဝိဟရတိ အပ္ပတိဿော၊ သံဃေပိ အဂါရဝေါ ဝိဟရတိ အပ္ပတိဿော၊ သိက္ခာယပိ န ပရိပူရကာရီ ဟောတိ။ ယော သော ဘိက္ခဝေ ဘိက္ခု သတ္တရိ အဂါရဝေါ ဝိဟရတိ အပ္ပတိဿော။ ဓမ္မေ။ သံဃေ အဂါရဝေါ ဝိဟရတိ အပ္ပတိဿော၊ သိက္ခာယ န ပရိပူရကာရီ၊ သော သံဃေ ဝိဝါဒံ ဇနေတိ။ ယော ဟောတိ ဝိဝါဒေါ

* ဒီ ၃-၂၀၄၊ မ ၃-၃၃၊ ဝိ ၄-၂၁၂-ဝိဇ္ဇေသုဝိ၊

ဗဟုဇနာဟိတာယ ဗဟုဇနာသုခါယ ဗဟုဇနာ ဇနဿ အနတ္ထာယ
အဟိတာယ ဒုက္ခာယ ဒေဝမနုဿာနံ။ ဧဝရူပဉ္စေ တုမေ ဘိက္ခဝေ ဝိဝါဒမူလံ
အဇ္ဈတ္တံ ဝါ ဗဟိဒ္ဓါ ဝါ သမနုပဿေယျာထ၊ တတြ တုမေ ဘိက္ခဝေ တဿေဝ
ပါပကဿ ဝိဝါဒမူလဿ ပဟာနာယ ဝါယမေယျာထ။ ဧဝရူပဉ္စေ တုမေ
ဘိက္ခဝေ ဝိဝါဒမူလံ အဇ္ဈတ္တံ ဝါ ဗဟိဒ္ဓါ ဝါ န သမနုပဿေယျာထ၊
တတြ တုမေ ဘိက္ခဝေ တဿေဝ ပါပကဿ ဝိဝါဒမူလဿ အာယဟိံ
အနဝဿဝါယ ပဋိပဇ္ဇေယျာထ။ ဧဝမေတဿ ပါပကဿ ဝိဝါဒမူလဿ
ပဟာနံ ဟောတိ၊ ဧဝမေတဿ ပါပကဿ ဝိဝါဒမူလဿ အာယတိံ
အနဝဿဝေါ ဟောတိ။ ဣမာနိ ခေါ ဘိက္ခဝေ ဆ ဝိဝါဒမူလာနိတိ။ ။ဆဋ္ဌံ။

၇-ဆဋ္ဌင်္ဂဒါနသုတ္တ

၃၇။ ဧကံ သမယံ ဘဂဝါ သာဝတ္ထိယံ ဝိဟရတိ ဇေတဝနေ အနာထ-
ပိဏ္ဍိကဿ အာရာမေ။ တေန ခေါ ပန သမယေန ဝေဠုကဏ္ဍကီ^၁ နန္ဒမာတာ
ဥပါသိကာ သာရိပုတ္တမောဂ္ဂလ္လာနပ္ပမုခေ ဘိက္ခုသံဃေ ဆဋ္ဌင်္ဂသမန္တာဂတံ
ဒက္ခိဏံ ပတိဋ္ဌာပေတိ။ အဒ္ဓဿာ ခေါ ဘဂဝါ ဒိဗ္ဗေန စက္ခုနာ ဝိသုဒ္ဓေန
အတိက္ကန္တမာနုသကေန ဝေဠုကဏ္ဍကီ^၁ နန္ဒမာတာရံ ဥပါသိကံ သာရိပုတ္တ-
မောဂ္ဂလ္လာနပ္ပမုခေ ဘိက္ခုသံဃေ ဆဋ္ဌင်္ဂသမန္တာဂတံ ဒက္ခိဏံ ပတိဋ္ဌာပေန္တိ၊
ဒိဿွာ ဘိက္ခု။ အာမန္တေသိ “ဧသာ ဘိက္ခဝေ ဝေဠုကဏ္ဍကီ နန္ဒမာတာ
ဥပါသိကာ သာရိပုတ္တမောဂ္ဂလ္လာနပ္ပမုခေ ဘိက္ခုသံဃေ ဆဋ္ဌင်္ဂသမန္တာဂတံ ဒက္ခိဏံ
ပတိဋ္ဌာပေတိ။

ကထဉ္စ ဘိက္ခဝေ ဆဋ္ဌင်္ဂသမန္တာဂတာ ဒက္ခိဏာ ဟောတိ? ဣဓ ဘိက္ခဝေ
ဒါယကဿ တိဏင်္ဂါနိ ဟောန္တိ၊ ပဋိဂ္ဂါဟကာနံ တိဏင်္ဂါနိ။ ကတမာနိ
ဒါယကဿ တိဏင်္ဂါနိ? ဣဓ ဘိက္ခဝေ ဒါယကော ပုဗ္ဗေဝ ဒါနာ သုမနော
ဟောတိ၊ ဒဒံ စိတ္တံ ပဿာဒေတိ၊ ဒတွာ အတ္တမနော ဟောတိ။ ဣမာနိ
ဒါယကဿ တိဏင်္ဂါနိ။

ကတမာနိ ပဋိဂ္ဂါဟကာနံ တိဏင်္ဂါနိ? ဣဓ ဘိက္ခဝေ ပဋိဂ္ဂါဟကာ ဝိတရာဂါ
ဝါ ဟောန္တိ ရာဂဝိနယာယ ဝါ ပဋိပန္နာ၊ ဝိတဒေါသာ ဝါ ဟောန္တိ ဒေါသ-
ဝိနယာယ ဝါ ပဋိပန္နာ၊ ဝိတမောဟာ ဝါ ဟောန္တိ မောဟဝိနယာယ ဝါ ပဋိပန္နာ။
ဣမာနိ ပဋိဂ္ဂါဟကာနံ တိဏင်္ဂါနိ။ ဣတိ ဒါယကဿ တိဏင်္ဂါနိ၊ ပဋိဂ္ဂါဟကာနံ
တိဏင်္ဂါနိ။ ဧဝံ ခေါ ဘိက္ခဝေ ဆဋ္ဌင်္ဂသမန္တာဂတာ ဒက္ခိဏာ ဟောတိ။

ဧဝံ ဆဋ္ဌင်္ဂသမန္တာဂတာယ ဘိက္ခဝေ ဒက္ခိဏာယ န သုကရံ ပုညဿ ပမာဏံ ဂဟေတုံ “ဧတ္တကော ပုညဘိသန္ဓော ကုသလာဘိသန္ဓော သုခဿာဟာရော သောဝဂ္ဂိကော သုခဝိပါကော သဂ္ဂသံဝတ္တနိကော ဣဋ္ဌာယ ကန္တာယ မနာပါယ ဟိတာယ သုခါယ သံဝတ္တတိ”တိ။ အထ ခေါ အသင်္ချေယျော^၁ အပ္ပမေယျော မဟာပုညက္ခန္ဓောတွေဝ သင်္ခံ^၂ ဂစ္ဆတိ။

သေယျထာဝိ ဘိက္ခဝေ မဟာသမုဒ္ဒေ န သုကရံ ဥဒကဿ ပမာဏံ ဂဟေတုံ “ဧတ္တကာနိ ဥဒကာဠကာနိ”တိ ဝါ “ဧတ္တကာနိ ဥဒကာဠကသတာနိ”တိ ဝါ “ဧတ္တကာနိ ဥဒကာဠကသဟဿာနိ”တိ ဝါ “ဧတ္တကာနိ ဥဒကာဠကသတသဟဿာနိ”တိ ဝါ။ အထ ခေါ အသင်္ချေယျော အပ္ပမေယျော မဟာဥဒကက္ခန္ဓောတွေဝ သင်္ခံ^၃ ဂစ္ဆတိ။ ဧဝမေဝံ ခေါ ဘိက္ခဝေ ဧဝံ ဆဋ္ဌင်္ဂသမန္တာဂတာယ ဒက္ခိဏာယ န သုကရံ ပုညဿ ပမာဏံ ဂဟေတုံ “ဧတ္တကော ပုညဘိသန္ဓော ကုသလာဘိသန္ဓော သုခဿာဟာရော သောဝဂ္ဂိကော သုခဝိပါကော သဂ္ဂသံဝတ္တနိကော ဣဋ္ဌာယ ကန္တာယ မနာပါယ ဟိတာယ သုခါယ သံဝတ္တတိ”တိ။ အထ ခေါ အသင်္ချေယျော အပ္ပမေယျော မဟာပုညက္ခန္ဓောတွေဝ သင်္ခံ^၄ ဂစ္ဆတိတိ။

* ပုဗ္ဗေဝ ဒါနာ သုမနော၊ ဒဒံ စိတ္တံ ပဿာဒယေ။
ဒတွာ အတ္တမနော ဟောတိ၊ သော ယညဿ^၂ သမ္ပဒါ။
ဝိတရာဂါ? ဝိတဒေါသာ၊ ဝိတမောဟာ အနာသဝါ။
ခေတ္တံ ယညဿ သမ္ပန္နံ၊ သညတာ မြဟ္မစာရယော^၄။
သယံ အာစမယိတွာန၊ ဒတွာ သကေဟိ ပါဏိဘိ။
အတ္တနော ပရတော စေသော၊ ယညော ဟောတိ မဟပ္ပလော။

† ဧဝံ ယဇိတွာ မေဓာဝိ၊ သဒ္ဓေါ မုတ္တေန စေတသာ။
အဗျာဗဇ္ဈံ သုခံ လောကံ၊ ပဏ္ဍိတော ဥပပဇ္ဇတိတိ။ ။သတ္တမံ။

ဂ-အတ္တကာရီသုတ္တ

၃၈။ အထ ခေါ အညတရော မြာဟ္မဏော ယေန ဘဂဝါ တေနပသင်္ကမိ၊ ဥပသင်္ကမိတွာ ဘဂဝတာ သဒ္ဓိံ^၁ သမ္မောဒိ၊ သမ္မောဒနိယံ ကထံ သာရဏီယံ ဝိတိသာရေတွာ ဧကမန္တံ နိဿိဒိ၊ ဧကမန္တံ နိဿိန္ဓော ခေါ သော မြာဟ္မဏော

၁-အသင်္ချေယျော (သိ၊ သျာ၊ ကံ၊ ဣ)

၂-ပုညဿ (က)

၄-မြဟ္မစာရိနော (သျာ၊ ကံ)

* ၃ ၂-၁၅၉-ပေတဝတ္ထုမှိပိ။

၃-ဝိတရာဂေါ (သျာ၊ ကံ၊ က) ဧဝံ အနန္တရပဒတ္တယေပိ။

† အံ ၁-၃၅၃-ပိဋ္ဌေပိ။

ဘဂဝန္တံ တေဒဝေါစ “အဟံ ဟိ ဘော ဂေါတမ ဧဝံဝါဒီ ဧဝံဒိဋ္ဌိ ‘နတ္ထိ အတ္တကာရော၊ နတ္ထိ ပရကာရော’တိ”။ မာဟံ ဗြာဟ္မဏ ဧဝံဝါဒီ ဧဝံဒိဋ္ဌိ အဒ္ဓသံ ဝါ အဿောသိ ဝါ၊ ကထံ ဟိ နာမ သယံ အဘိက္ကမန္တော သယံ ပဋိက္ကမန္တော ဧဝံ ဝက္ခတိ “နတ္ထိ အတ္တကာရော၊ နတ္ထိ ပရကာရော”တိ။

တံ ကိံ မညသိ ဗြာဟ္မဏ၊ အတ္ထိ အာရဗ္ဘဓာတူတိ။ ဧဝံ ဘော။ အာရဗ္ဘဓာတုယာ သတိ အာရဗ္ဘဝန္တော သတ္တာ ပညာယန္တိတိ။ ဧဝံ ဘော။ ယံ ခေါ ဗြာဟ္မဏ အာရဗ္ဘဓာတုယာ သတိ အာရဗ္ဘဝန္တော သတ္တာ ပညာယန္တိ။ အယံ သတ္တာနံ အတ္တကာရော အယံ ပရကာရော။

တံ ကိံ မညသိ ဗြာဟ္မဏ၊ အတ္ထိ နိက္ကမဓာတူ။ ပ။ အတ္ထိ ပရက္ကမဓာတူ။ အတ္ထိ တာမဓာတူ။ အတ္ထိ ဌိတိဓာတူ။ အတ္ထိ ဥပက္ကမဓာတူတိ။ ဧဝံ ဘော။ ဥပက္ကမဓာတုယာ သတိ ဥပက္ကမဝန္တော သတ္တာ ပညာယန္တိတိ။ ဧဝံ ဘော။ ယံ ခေါ ဗြာဟ္မဏ ဥပက္ကမဓာတုယာ သတိ ဥပက္ကမဝန္တော သတ္တာ ပညာယန္တိ။ အယံ သတ္တာနံ အတ္တကာရော အယံ ပရကာရော။

မာဟံ ဗြာဟ္မဏ ဧဝံဝါဒီ ဧဝံဒိဋ္ဌိ အဒ္ဓသံ ဝါ အဿောသိ ဝါ၊ ကထံ ဟိ နာမ သယံ အဘိက္ကမန္တော သယံ ပဋိက္ကမန္တော ဧဝံ ဝက္ခတိ “နတ္ထိ အတ္တကာရော နတ္ထိ ပရကာရော”တိ။

အဘိက္ကန္တံ ဘော ဂေါတမ။ ပ။ အဇ္ဇတဂ္ဂေ ပါဏုပေတံ သရဏံ ဂတန္တိ။ ။ အဋ္ဌမံ။

၉-နိဒါနသုတ္တ

၃၉။ တိဏိမာနိ ဘိက္ခဝေ နိဒါနာနိ ကမ္မာနံ သမုဒယာယ။ ကတမာနိ တိဏိ? လောဘော နိဒါနံ ကမ္မာနံ သမုဒယာယ၊ ဒေါသော နိဒါနံ ကမ္မာနံ သမုဒယာယ၊ မောဟော နိဒါနံ ကမ္မာနံ သမုဒယာယ။ န ဘိက္ခဝေ လောဘာ အလောဘော သမုဒေတိ၊ အထ ခေါ ဘိက္ခဝေ လောဘာ လောဘောဝ သမုဒေတိ။ န ဘိက္ခဝေ ဒေါသာ အဒေါသော သမုဒေတိ၊ အထ ခေါ ဘိက္ခဝေ ဒေါသာ ဒေါသောဝ သမုဒေတိ။ န ဘိက္ခဝေ မောဟာ အမောဟော သမုဒေတိ၊ အထ ခေါ ဘိက္ခဝေ မောဟာ မောဟောဝ သမုဒေတိ။ န ဘိက္ခဝေ လောဘဇေန ကမ္မေန ဒေါသဇေန ကမ္မေန မောဟဇေန ကမ္မေန ဒေါပါ ပညာယန္တိ၊ မနုဿာ ပညာယန္တိ၊ ယာ ဝါ ပနညာပိ ကာစိ သုဂတိယော၊ အထ ခေါ ဘိက္ခဝေ လောဘဇေန ကမ္မေန ဒေါသဇေန ကမ္မေန မောဟဇေန

ကမ္မေန နိရယော ပညာယတိ၊ တိရစ္ဆာနယောနိ ပညာယတိ၊ ပေတ္တိဝိသယော ပညာယတိ၊ ယာ ဝါ ပနညာပိ ကာစိ ဒုဂ္ဂတိယော။ ဣမာနိ ခေါ ဘိက္ခဝေ တိဏိ နိဒါနာနိ ကမ္မာနံ သမုဒယာယ။

တိဏိမာနိ ဘိက္ခဝေ နိဒါနာနိ ကမ္မာနံ သမုဒယာယ။ ကတမာနိ တိဏိ? အလောဘော နိဒါနံ ကမ္မာနံ သမုဒယာယ၊ အဒေါသော နိဒါနံ ကမ္မာနံ သမုဒယာယ၊ အမောဟော နိဒါနံ ကမ္မာနံ သမုဒယာယ။ န ဘိက္ခဝေ အလောဘာ လောဘော သမုဒေတိ၊ အထ ခေါ ဘိက္ခဝေ အလောဘာ အလောဘောဝ သမုဒေတိ။ န ဘိက္ခဝေ အဒေါသာ ဒေါသော သမုဒေတိ၊ အထ ခေါ ဘိက္ခဝေ အဒေါသာ အဒေါသောဝ သမုဒေတိ။ န ဘိက္ခဝေ အမောဟာ မောဟော သမုဒေတိ။ အထ ခေါ ဘိက္ခဝေ အမောဟာ အမောဟောဝ သမုဒေတိ။ န ဘိက္ခဝေ အလောဘဇေန ကမ္မေန အဒေါသဇေန ကမ္မေန အမောဟဇေန ကမ္မေန နိရယော ပညာယတိ၊ တိရစ္ဆာနယောနိ ပညာယတိ၊ ပေတ္တိဝိသယော ပညာယတိ၊ ယာ ဝါ ပနညာပိ ကာစိ ဒုဂ္ဂတိယော။ အထ ခေါ ဘိက္ခဝေ အလောဘဇေန ကမ္မေန အဒေါသဇေန ကမ္မေန အမောဟဇေန ကမ္မေန ဒေဝါ ပညာယန္တိ၊ မနုဿာ ပညာယန္တိ၊ ယာ ဝါ ပနညာပိ ကာစိ သုဂတိယော။ ဣမာနိ ခေါ ဘိက္ခဝေ တိဏိ နိဒါနာနိ ကမ္မာနံ သမုဒယာယာတိ။ ။နဝမံ။

၁၀-ကိမိလသုတ္တ

၄၀။ ဧဝံ မေ သုတံ—ဧကံ သမယံ ဘဂဝါ ကိမိလယံ ဝိဟရတိ နိဗ္ဗလဝနေ။ အထ ခေါ အာယသ္မာ ကိမိလော ယေန ဘဂဝါ တေနပသင်္ကမိ၊ ဥပသင်္ကမိတွာ ဘဂဝန္တံ အဘိဝါဒေတွာ ဧကမန္တံ နိဿိဒိ၊ ဧကမန္တံ နိဿိန္နော ခေါ အာယသ္မာ ကိမိလော ဘဂဝန္တံ တေဒဝေါစ “ကော န ခေါ ဘန္တေ ဟေတု ကော ပစ္စယော၊ ယေန တထာဂတေပရိနိဗ္ဗုတေ သဒ္ဓမ္မော နစိရဋ္ဌိတိကော ဟောတိ”တိ။ ဣဓ ကိမိလ တထာဂတေ ပရိနိဗ္ဗုတေ ဘိက္ခု။ ဘိက္ခုနိယော ဥပါသကာ ဥပါသိကာယော သတ္တရိ အဂါရဝါ ဝိဟရန္တိ အပ္ပတိဿာ၊ ဓမ္မေ အဂါရဝါ ဝိဟရန္တိ အပ္ပတိဿာ၊ သံဃေ အဂါရဝါ ဝိဟရန္တိ အပ္ပတိဿာ၊ သိက္ခာယ အဂါရဝါ ဝိဟရန္တိ အပ္ပတိဿာ၊ အပ္ပမာဒေ အဂါရဝါ ဝိဟရန္တိ အပ္ပတိဿာ၊ ပဋိသန္ဓာရေ^၁ အဂါရဝါ ဝိဟရန္တိ အပ္ပတိဿာ။ အယံ ခေါ ကိမိလ ဟေတု အယံ ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မောန စိရဋ္ဌိတိကော ဟောတိ။

ကော ပန ဘန္တေ ဟေတု ကော ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော စိရဋ္ဌိတိကော ဟောတီတိ။ ဣဓ ကိမိလ တထာဂတေ ပရိနိဗ္ဗုတေ ဘိက္ခု၊ ဘိက္ခုနိယော ဥပါသကာ ဥပါသိကာယော သတ္တရိ သဂါရဝါ ဝိဟရန္တိ သပ္ပတိဿာ၊ ဓမ္မေ သဂါရဝါ ဝိဟရန္တိ သပ္ပတိဿာ၊ သံဃေ သဂါရဝါ ဝိဟရန္တိ သပ္ပတိဿာ၊ သိက္ခာယ သဂါရဝါ ဝိဟရန္တိ သပ္ပတိဿာ၊ အပ္ပမာဒေ သဂါရဝါ ဝိဟရန္တိ သပ္ပတိဿာ၊ ပဋိသန္ဓာရေ သဂါရဝါ ဝိဟရန္တိ သပ္ပတိဿာ။ အယံ ခေါ ကိမိလ ဟေတု အယံ ပစ္စယော၊ ယေန တထာဂတေ ပရိနိဗ္ဗုတေ သဒ္ဓမ္မော စိရဋ္ဌိတိကော ဟောတီတိ။ ။ဒသမံ။

၁၁-ဒါရုက္ခသုတ္တ

၄၁။ ဧဝံ မေ သုတံ—ဧကံ သမယံ အာယသ္မာ သာရိပုတ္တော ရာဇဂဟေ ဝိဟရတိ ဂိဇ္ဈကုဋေ ပဗ္ဗတေ။ အထ ခေါ အာယသ္မာ သာရိပုတ္တော ပုဗ္ဗဏှသမယံ နိဝါသေတွာ ပတ္တစိဝရမာဒါယ သမ္ပဟုလေဟိ ဘိက္ခုဟိ သဒ္ဓိံ ဂိဇ္ဈကုဋာ ပဗ္ဗတာ ဩရောဟန္တော အဒ္ဓသ အညတရသ္မိံ ပဒေသေ မဟန္တံ ဒါရုက္ခန္တံ၊ ဒိသ္မာ ဘိက္ခု၊ အာမန္တေသိ “ပဿထ နော အာဝုသော တုမှေ အမုံ မဟန္တံ ဒါရုက္ခန္တံ”န္တိ။ ဧဝမာဝုသောတိ။

အာကင်္ခမာနော အာဝုသော ဘိက္ခု၊ ဣဒ္ဓိမာ စေတောဝသိပ္ပတ္တော အမုံ ဒါရုက္ခန္တံ ပထဝီတွေဝ အဓိမုစ္စေယျ။ တံ ကိဿ ဟေတု? အတ္ထိ အာဝုသော အမုမ္ပိ ဒါရုက္ခန္တေ ပထဝီဓာတု၊ ယံ နိဿာယ ဘိက္ခု၊ ဣဒ္ဓိမာ စေတောဝသိပ္ပတ္တော အမုံ ဒါရုက္ခန္တံ ပထဝီတွေဝ အဓိမုစ္စေယျ။ အာကင်္ခမာနော အာဝုသော ဘိက္ခု၊ ဣဒ္ဓိမာ စေတောဝသိပ္ပတ္တော အမုံ ဒါရုက္ခန္တံ အာပေါတွေဝ အဓိမုစ္စေယျ။ ပ။ တေဇောတွေဝ အဓိမုစ္စေယျ။ ဝါယောတွေဝ အဓိမုစ္စေယျ။ သုဘန္တေဝ အဓိမုစ္စေယျ။ အသုဘန္တေဝ အဓိမုစ္စေယျ။ တံ ကိဿ ဟေတု? အတ္ထိ အာဝုသော အမုမ္ပိ ဒါရုက္ခန္တေ အသုဘဓာတု၊ ယံ နိဿာယ ဘိက္ခု၊ ဣဒ္ဓိမာ စေတောဝသိပ္ပတ္တော အမုံ ဒါရုက္ခန္တံ အသုဘန္တေဝ အဓိမုစ္စေယျာတိ။ ။ ဧကောဒသမံ။

၁၂-နာဂိတသုတ္တ

၄၂။ ဧဝံ မေ သုတံ—ဧကံ သမယံ ဘဂဝါ ကောသလေသု စာရိကံ စရမာနော မဟတာ ဘိက္ခုသံဃေန သဒ္ဓိံ ယေန ဣစ္ဆာနင်္ဂလံ နာမ ကောသလာနံ မြာဟ္မဏဂါမော၊ တဒဝသရိ။ တတြ သုဒံ ဘဂဝါ ဣစ္ဆာနင်္ဂလေ

ဝိဟရတိ ဣစ္ဆာနင်္ဂလဝနသဏ္ဍေ။ အသောသုံ ခေါ ဣစ္ဆာနင်္ဂလကာ မြာဟ္မဏ-
 ဂဟပတိကာ “သမဏော ခလု ဘော ဂေါတမော သကျပုတ္တော သကျကုလာ
 ပဗ္ဗဇိတော ဣစ္ဆာနင်္ဂလံ အနုပုတ္တော ဣစ္ဆာနင်္ဂလေ ဝိဟရတိ ဣစ္ဆာနင်္ဂလ-
 ဝနသဏ္ဍေ။ တံ ခေါ ပန ဘဝန္တံ ဂေါတမံ ဧဝံ ကလျာဏော ကိတ္တိသဒ္ဓေါ
 အတ္တဂ္ဂတော ‘ဣတိပိ သော ဘဂဝါ အရဟံ သမ္မာသမ္ဗုဒ္ဓေါ ဝိဇ္ဇာစရဏ-
 သမ္ပန္နော။ပ။ ဗုဒ္ဓေါ ဘဂဝါ’တိ။ သော ဣမံ လောကံ သဒေဝကံ။ပ။ အရဟတံ
 ဒဿနံ ဟောတိ”တိ။ အထ ခေါ ဣစ္ဆာနင်္ဂလကာ မြာဟ္မဏဂဟပတိကာ
 တဿာ ရတ္တိယာ အစ္စယေန ပဟူတံ ခါဒနီယံ ဘောဇနီယံ အာဒါယ ယေန
 ဣစ္ဆာနင်္ဂလဝနသဏ္ဍော တေနုပသင်္ကမိံသု၊ ဥပသင်္ကမိတွာ ဗဟိဒ္ဓါရ-
 ကောဋ္ဌကေ အဋ္ဌံသု ဥစ္စာသဒ္ဓါ မဟာသဒ္ဓါ။

တေန ခေါ ပန သမယေန အာယသ္မာ နာဂိတော ဘဂဝတော ဥပဋ္ဌာကော
 ဟောတိ။ အထ ခေါ ဘဂဝါ အာယသ္မန္တံ နာဂိတံ အာမန္တေသိ “ကေ ပန
 တေ နာဂိတ ဥစ္စာသဒ္ဓါ မဟာသဒ္ဓါ ကေဝဋ္ဌာ မညေ မစ္ဆဝိလောပေ”တိ။ ဧတေ
 ဘန္တေ ဣစ္ဆာနင်္ဂလကာ မြာဟ္မဏဂဟပတိကာ ပဟူတံ ခါဒနီယံ ဘောဇနီယံ
 အာဒါယ ဗဟိဒ္ဓါရကောဋ္ဌကေ ဌိတာ ဘဂဝန္တံယေဝ ဥဒ္ဓိဿ ဘိက္ခုသံဃဉ္ဇာတိ။
 မာဟံ နာဂိတ ယသေန သမာဂမံ၊ မာ စ မယာ ယသော။ ယော ခေါ နာဂိတ
 နယိမဿ နေက္ခမ္မသုခဿ ပဝိဝေကသုခဿ ဥပသမသုခဿ သမ္မောဓသုခဿ
 နိကာမလာဘိ အဿ အကိစ္ဆလာဘိ အကသိရလာဘိ၊ ယဿာဟံ နေက္ခမ္မ-
 သုခဿ ပဝိဝေကသုခဿ ဥပသမသုခဿ သမ္မောဓသုခဿ နိကာမလာဘိ
 အကိစ္ဆလာဘိ အကသိရလာဘိ၊ သော တံ မိဋ္ဌသုခံ မိဒ္ဓသုခံ လာဘသက္ကာရ-
 သိလောကသုခံ သာဒိယေယျာတိ။

အဓိဝါသေတု ဒါနိ ဘန္တေ ဘဂဝါ၊ အဓိဝါသေတု သုဂတော၊ အဓိဝါသန-
 ကာလော ဒါနိ ဘန္တေ ဘဂဝတော၊ ယေန ယေနေဝ ဒါနိ ဘန္တေ ဘဂဝါ
 ဂမိဿတိ၊ တန္နိန္ဒာဝ ဘဝိဿန္တိ မြာဟ္မဏဂဟပတိကာ နေဂမာ စေဝ ဇာနပဒါ
 စ။ သေယျထာပိ ဘန္တေ ထုလ္လဗုသိတကေ ဒေဝေ ဝဿန္တေ ယထာနိန္ဒံ ဥဒကာနိ
 ပဝတ္တန္တိ။ ဧဝမေဝံခေါ ဘန္တေ ယေန ယေနေဝ ဒါနိ ဘဂဝါ ဂမိဿတိ၊ တန္နိန္ဒာဝ
 ဘဝိဿန္တိ မြာဟ္မဏဂဟပတိကာ နေဂမာ စေဝ ဇာနပဒါ စ။ တံ ကိဿ
 ဟေတု? တထာ ဟိ ဘန္တေ ဘဂဝတော သီလပညာဏန္တိ။

မာဟံ နာဂိတ ယသေန သမာဂမံ၊ မာ စ မယာ ယသော။ ယော ခေါ
 နာဂိတ နယိမဿ နေက္ခမ္မသုခဿ ပဝိဝေကသုခဿ ဥပသမသုခဿ

သမ္မောဓသုခဿ နိကာမလာဘီ အဿ အကိစ္ဆလာဘီ အကသိရလာဘီ၊
ယဿာဟံ နေက္ခမ္မသုခဿ ပဝိဝေကသုခဿ ဥပသမသုခဿ သမ္မောဓ-
သုခဿ နိကာမလာဘီ အကိစ္ဆလာဘီ အကသိရလာဘီ၊ သော တံ မိဋ္ဌသုခံ
မိဒ္ဓသုခံ လာဘသက္ကာရသိလောကသုခံ သာဒိယေယျ။

ဣဓာဟံ နာဂိတ ဘိက္ခု ပဿာမိ ဂါမန္တဝိဟာရိ^၁ သမာဟိတံ နိသိန္နံ၊
တဿ မယံ နာဂိတ ဧဝံ ဟောတိ “ဣဒါနိမံ အာယသ္မန္တံ^၂ အာရာမိကော ဝါ
ဥပဋ္ဌဟိဿတိ သမဏုဋ္ဌေသော ဝါ တံ တမှာ^၃ သမာဓိမှာ စာဝေဿတိ”တိ၊
တေနာဟံ နာဂိတ တဿ ဘိက္ခုနော န အတ္တမနော ဟောမိ ဂါမန္တ-
ဝိဟာရေန။ ဣဓ ပနာဟံ နာဂိတ ဘိက္ခု ပဿာမိ အာရညိကံ အရညေ
ပစလာယမာနံ နိသိန္နံ၊ တဿ မယံ နာဂိတ ဧဝံ ဟောတိ “ဣဒါနိ အယ-
မာယသ္မာ ဣမံ နိဒ္ဒါကိလမထံ ပဋိဝိနောဒေတွာ အရညသညံယေဝ မနသိ
ကရိဿတိ ဧကတ္တ”န္တိ။ တေနာဟံ နာဂိတ တဿ ဘိက္ခုနော အတ္တမနော
ဟောမိ အရညဝိဟာရေန။

ဣဓ ပနာဟံ နာဂိတ ဘိက္ခု ပဿာမိ အာရညိကံ အရညေ အသမာဟိတံ
နိသိန္နံ၊ တဿ မယံ နာဂိတ ဧဝံ ဟောတိ “ဣဒါနိ အယမာယသ္မာ အသမာဟိတံ
ဝါ စိတ္တံ သမာဒဟိဿတိ၊ သမာဟိတံ ဝါ စိတ္တံ အနုရက္ခိဿတိ”တိ။ တေနာဟံ
နာဂိတ တဿ ဘိက္ခုနော အတ္တမနော ဟောမိ အရညဝိဟာရေန။

ဣဓ ပနာဟံ နာဂိတ ဘိက္ခု ပဿာမိ အာရညိကံ အရညေ သမာဟိတံ
နိသိန္နံ၊ တဿ မယံ နာဂိတ ဧဝံ ဟောတိ “ဣဒါနိ အယမာယသ္မာ အဝိမုတ္တံ
ဝါ စိတ္တံ ဝိမောဓေဿတိ၊ ဝိမုတ္တံ ဝါ စိတ္တံ အနုရက္ခိဿတိ”တိ။ တေနာဟံ
နာဂိတ တဿ ဘိက္ခုနော အတ္တမနော ဟောမိ အရညဝိဟာရေန။

ဣဓ ပနာဟံ နာဂိတ ဘိက္ခု ပဿာမိ ဂါမန္တဝိဟာရိ^၁ လာဘိ^၂ စိဝရ-
ပိဏ္ဏပါတသေနာသနဂိလာနပ္ပစ္စယဘေသဇ္ဇပရိက္ခာရာနံ။ သော တံ လာဘ-
သက္ကာရသိလောကံ နိကာမယမာနော ရိဉ္စတိ ပဋိသလ္လာနံ၊ ရိဉ္စတိ အရည-
ဝနပတ္တာနိ ပန္နာနိ သေနာသနာနိ၊ ဂါမနိဂမရာဇဇာနိ^၃ ဩသရိတွာ ဝါသံ
ကပ္ပေတိ။ တေနာဟံ နာဂိတ တဿ ဘိက္ခုနော န အတ္တမနော ဟောမိ
ဂါမန္တဝိဟာရေန။

၁-၁-အာရာမိကော ဝါ သန္ဓေဿတိ သမဏုဋ္ဌေသော ဝါ၊ တံ တမှာ (က-သီ၊ ဣ) အာရာမိကော ဝါ
သန္ဓေဿတိ သမဏုဋ္ဌေသော ဝါ၊ သော တံ တမှာ (က-သီ) အံ ၃-၁၅၆-ပိဋေ ပဿိတဗ္ဗံ။

ဣမ ပနာဟံ နာဂိတ ဘိက္ခုံ ပဿာမိ အာရညိကံ လာဘိံ စိဝရိဏ္ဏပါတ-
 သေနာသန ဂိလာနပ္ပစ္စယဘောသဇ္ဇ ပရိက္ခာရာနံ၊ သော တံ လာဘသက္ကာရ-
 သိလောကံ ပဋိပဏာမေတွာ န ရိဇ္ဇတိ ပဋိသလ္လာနံ၊ န ရိဇ္ဇတိ အရညဝန-
 ပတ္တာနိ ပန္နာနိ သေနာသနာနိ။ တေနာဟံ နာဂိတ တဿ ဘိက္ခုနော
 အတ္တမနော ဟောမိ အရညဝိဟာရေန။ ယသ္မာဟံ နာဂိတ သမယေ အဒ္ဓါန-
 မဂ္ဂပ္ပဋိပန္နော န ကဗ္ဗိံ ပဿာမိ ပုရတော ဝါ ပစ္ဆတော ဝါ၊ ဖာသု မေ
 နာဂိတ တသ္မိံ သမယေ ဟောတိ အန္တမသော ဥစ္စာရပဿာဝကမ္မာယာတိ။ ။
 ဒွါဒသမံ။

ဒေဝတာဝဂ္ဂေါ ၂ စတုတ္ထော။

တသုဒ္ဓါနံ

သေခါ ဒွေ အပရိဟာနိ၊ မောဂ္ဂလ္လာနဝိဇ္ဇာဘာဂိယာ။
 ဝိဝါဒဒါနတ္ထကာရီ နိဒါနံ၊ ကိမိလဒါရုက္ခန္ဓေန နာဂိတောဘိ။

၅-ဓမ္မိကဝဂ္ဂ

၁-နာဂသုတ္တ

၄၃။ ဧကံ သမယံ ဘဂဝါ သာဝတ္ထိယံ ဝိဟရတိ ဇေတဝနေ အနာထ-
 ပိဏ္ဍိကဿ အာရာမေ။ အထ ခေါ ဘဂဝါ ပုဗ္ဗဏှသမယံ နိဝါသေတွာ ပတ္တ-
 စိဝရမာဒါယ သာဝတ္ထိယံ ပိဏ္ဏာယ ပါရိသိ၊ သာဝတ္ထိယံ ပိဏ္ဏာယ စရိတွာ
 ပစ္ဆာဘတ္တံ ပိဏ္ဏပါတပဋိက္ကန္တော အာယသ္မန္တံ အာနန္တံ အာမန္တေသိ
 “အာယာမာနန္တ ယေန ပုဗ္ဗာရာမော မိဂါရမာတုပါသာဒေါ တေနုပသင်္က-
 မိဿာမ ဒိဝါဝိဟာရာယာ”တိ။ “ဧဝံ ဘန္တေ”တိ ခေါ အာယသ္မာ အာနန္တော
 ဘဂဝတော ပစ္စယေသေသိ။

အထ ခေါ ဘဂဝါ အာယသ္မတာ အာနန္တေန သဗ္ဗိံ ယေန ပုဗ္ဗာရာမော
 မိဂါရမာတုပါသာဒေါ တေနုပသင်္ကမိ။ အထ ခေါ ဘဂဝါ သာယန္တသမယံ
 ပဋိသလ္လာနာ ဝုဋ္ဌိတော အာယသ္မန္တံ အာနန္တံ အာမန္တေသိ “အာယာမာနန္တ
 ယေန ပုဗ္ဗကောဌကော တေနုပသင်္ကမိဿာမ ဂတ္တာနိ ပရိသိဋ္ဌိတု”န္တိ။ “ဧဝံ

ဘန္တေ”တိ ခေါ အာယသ္မာ အာနန္တော ဘဂဝတော ပစ္စယောသိ။ အထ ခေါ ဘဂဝါ အာယသ္မတာ အာနန္တေန သဒ္ဓိံ ယေန ပုဗ္ဗကောဋ္ဌကော တေနုပသင်္ကမိ ဂတ္တာနိ ပရိသိဉ္စိတုံ၊ ပုဗ္ဗကောဋ္ဌကေ ဂတ္တာနိ ပရိသိဉ္စိဘွာ ပစ္စုတ္တရိဘွာ ကေဝီဝရော အဋ္ဌာသိ ဂတ္တာနိ ပုဗ္ဗာပယမာနော။

တေန ခေါ ပန သမယေန ရညော ပသေနဒိဿ ကောသလဿ သေတော နာမ နာဂေါ မဟာတူရိယ^၁တာဠိတဝါဒိတေန ပုဗ္ဗကောဋ္ဌကာ ပစ္စုတ္တရတိ၊ အပိဿု တံ ဇနော ဒိသွာ ဧဝမာဟ “အဘိရူပေါ ဝတ ဘော ရညော နာဂေါ၊ ဒဿနီယော ဝတ ဘော ရညော နာဂေါ၊ ပါသာဒိကော ဝတ ဘော ရညော နာဂေါ၊ ကာယုပပန္နော ဝတ ဘော ရညော နာဂေါ”တိ။ ဧဝံ ဝုတ္တေ အာယသ္မာ ဥဒါယိ ဘဂဝန္တံ တေဒဝေါစ “ဟတ္ထိမေဝ န ခေါ ဘန္တေ မဟန္တံ မြဟန္တံ^၂ ကာယုပပန္နံ ဇနော ဒိသွာ ဧဝမာဟ ‘နာဂေါ ဝတ ဘော နာဂေါ’တိ။ ဥဒါဟု အညမ္ပိ ကဉ္စိ^၃ မဟန္တံ မြဟန္တံ ကာယုပပန္နံ ဇနော ဒိသွာ ဧဝမာဟ ‘နာဂေါ ဝတ ဘော နာဂေါ’တိ”။ ဟတ္ထိမ္ပိ ခေါ ဥဒါယိ မဟန္တံ မြဟန္တံ ကာယုပပန္နံ ဇနော ဒိသွာ ဧဝမာဟ “နာဂေါ ဝတ ဘော နာဂေါ”တိ။ အဿမ္ပိ ခေါ ဥဒါယိ မဟန္တံ မြဟန္တံ။ပ။ ဂေါဏမ္ပိ ခေါ ဥဒါယိ မဟန္တံ မြဟန္တံ။ပ။ ဥရဂမ္ပိ^၄ ခေါ ဥဒါယိ မဟန္တံ မြဟန္တံ။ပ။ ရုက္ခမ္ပိ ခေါ ဥဒါယိ မဟန္တံ မြဟန္တံ။ပ။ မနုဿမ္ပိ ခေါ ဥဒါယိ မဟန္တံ မြဟန္တံ ကာယုပပန္နံ ဇနော ဒိသွာ ဧဝမာဟ “နာဂေါ ဝတ ဘော နာဂေါ”တိ။ အပိ စ ဥဒါယိ ယော သဒေဝကေ လောကေ သမာရကေ သဗြဟ္မကေ သဿမဏဗြာဟ္မဏိယာ ပဇာယ သဒေဝမနုဿာယ အာဂုံ န ကရောတိ ကာယေန ဝါစာယ မနသာ၊ တမဟံ “နာဂေါ”တိ မြူဇိတိ။

အတ္ထရိယံ ဘန္တေ၊ အဗ္ဘုတံ ဘန္တေ၊ ယာဝ သုဘာသိတံ စိဒ္ဓံ ဘန္တေ ဘဂဝတာ။ အပိ စ ဥဒါယိ ယော သဒေဝကေ လောကေ သမာရကေ သဗြဟ္မကေ သဿမဏဗြာဟ္မဏိယာ ပဇာယ သဒေဝမနုဿာယ အာဂုံ န ကရောတိ ကာယေန ဝါစာယ မနသာ၊ တမဟံ “နာဂေါ”တိ မြူဇိတိ။ ဣဒဉ္စ ပနာဟံ ဘန္တေ ဘဂဝတာ သုဘာသိတံ ဣမာဟိ ဂါထာဟိ အနုမောဒါမိ—

“မနုဿဘူတံ သမ္ပုဉ္စ၊ အတ္တဒန္တံ သမာဟိတံ။
ဣရိယမာနံ မြဟ္မပဏေ၊ စိတ္တဿူပသမေ ရတံ။

၁-မဟာတူရိယ (သီ၊ သျှာ၊ ကံ၊ ဣ)

၂-ကိဉ္စိ (က)

၂-မဟန္တံ မြဟန္တံ (သီ)၊ မဟတ္ထံ မြဟတ္ထံ (က)

၄-နာဂမ္ပိ (က)

ယံ မနုဿာ နမဿန္တိ၊ သဗ္ဗဓမ္မာန ပါရဂုံ။
 ဒေဝါပိ တံ^၁ နမဿန္တိ၊ ဣတိ မေ အရဟတော သုတံ။
 သဗ္ဗသံယောဇနာတိတံ၊ ဝနာ နိဗ္ဗာန^၂ မာဂတံ။
 ကာမေဟိ နေက္ခမ္မရတံ^၃၊ မုတ္တံ သေလာဝ ကမ္မနံ။
 သဗ္ဗေ အစ္စရုစိ နာဂေါ၊ ဟိမဝါညေ သိလုစ္စယေ။
 သဗ္ဗေသံ နာဂနာမာနံ၊ သစ္စနာမော အနုတ္တရော။
 နာဂံ ဝေါ^၄ ကိတ္တယိဿာမိ၊ န ဟိ အာဂုံ ကရောတိ သော။
 သောရစ္စံ အဝိဟိံသာ စ၊ ပါဒါ နာဂဿ တေ ဒုဝေ။
 တပေါ စ မြဟ္မစရိယံ၊ စရဏာ နာဂဿ တျာပရေ။
 သဒ္ဓါဟတ္ထော မဟာနာဂေါ၊ ဥပေက္ခာသေတဒန္တဝါ။
 သတိ ဂီဝါ သိရော ပညာ၊ ဝိမံသာ ဓမ္မစိန္တနာ။
 ဓမ္မကုစ္ဆိသမာတပေါ၊ ဝိဝေကော တဿ ဝါလမိ။
 သော ဈာယီ အဿာသရတော၊ အဇ္ဈတ္တံ သုသမာဟိတော^၅။
 ဂစ္ဆံ သမာဟိတော နာဂေါ၊ ဌိတော နာဂေါ သမာဟိတော။
 သေယျံ သမာဟိတော နာဂေါ၊ နိသိန္ဒောပိ သမာဟိတော။
 သဗ္ဗတ္ထ သံဝုတော နာဂေါ၊ သော နာဂဿ သမ္ပဒါ။
 ဘုဇ္ဇတိ အနဝဇ္ဇာနိ၊ သာဝဇ္ဇာနိ န ဘုဇ္ဇတိ။
 သာသမစ္ဆာဒနံ လဒ္ဓါ၊ သန္နိမိ^၆ ပရိဝဇ္ဇယံ။
 သံယောဇနံ အဏှိယူလံ၊ သဗ္ဗံ ဆေတွာန ဗန္ဓနံ။
 ယေန ယေနော ဂစ္ဆတိ၊ အနပေက္ခောဝ ဂစ္ဆတိ။
 ယထာပိ ဥဒကေ ဇာတံ၊ ပုဏ္ဏရိကံ ပဝေတိ။
 နုပလိပ္ပတိ^၆ တောယေန၊ သုစိဂန္ဓံ မနောရမံ။
 တထေဝ လောကေ သုဇာတော၊ ဗုဒ္ဓေါ လောကေ ဝိဟရတိ။
 နုပလိပ္ပတိ လောကေန၊ တောယေန ပဒုမံ ယထာ။

၁-နံ (သီ၊ ဣ)

၂-နေက္ခမ္မ ရတံ (က-သီ)

၃-အဇ္ဈတ္တပဿမာဟိတော (သျှာ၊ က)

၄-နိဗ္ဗာန (သီ၊ သျှာ၊ ကံ၊ ဣ)

၅-တေ (က)

၆-န ဥပလိပ္ပတိ (သီ၊ သျှာ၊ ကံ၊ ဣ)၊ နုပလိပ္ပတိ (က)

